


PLINII
OPERA
TOMI: III










5124/A
(1)

vol 3










C. PLINII SECVNDI

NATVRA L I S
HISTORIAE,

Tomus Tertius.



Lugd. Batavorum
Ex Officina Elseviriana,

clo lo c xxxv.

Apptimii.





C. PLINII SECVNDI
 NATVRALIS
 HISTORIÆ
 LIBER XXV.

Proœmium.

CAP. I. *Natura herbarum sponte
 nascentium.*

IPSA quæ nunc dicetur herbarum
 claritas, medicinæ tantum gignente
 eas tellure, in admirationem curæ
 priscorum diligentiaq; animum agit.
 Nihil ergo intentatum inexpertum-
 que illis fuit: nihil deinde occultatum, quod non
 prodesse posteris vellent. At nos elaborata iis ab-
 scondere atque suppressere cupimus & fraudare
 vitam etiam alienis bonis? Ita certè recondunt,
 qui pauca aliqua novere, invidentes aliis: & ne-
 minem docere, in auctoritatem scientiæ est. Tan-
 tum ab excogitandis novis, ac juvanda vita mo-
 res absunt: summumque opus ingeniorum diu
 jam hoc fuit, ut intra unumquemque rectè facta
 veterum perirent. At hercule singula quosdam in-
 venta Deorum numero addidere, omnium utique
 vitam clariorem fecere cognominibus herbarum,
 tam benigne gratiam memoria referente. Non
 æque hæc cura eorum mira esset in his, quæ satû
 blan-

blandiuntur, aut cibo invitant: sed culmina quoque montium invia & solitudines abditas, omnisque terræ fibras scrutati invenere, quid quæque radix polleret, ad quos usus herbarum folia pertinerent, etiam quadrupedum pabulo intacta ad salutis usus vertentes.

CAP. II. *Qui Latine usus herbarum scripserint, & quando ad Romanos notitia earum pervenerit, & qui primi Græcorum de his composuerint, & de herbarum inventione, & antiqua medicina, & quare minus exerceantur earum remedia, & de cynorrhodo, & de dracunculo medicina.*

Minus hoc, quam par erat, nostri celebravere, omnium utilitatum & virtutum rapacissimi: primusque & diu solus idem ille M. Cato, omnium bonarum artium magister, paucis duntaxat attigit, boum etiam medicina non omiſſa. Post eum unus illustrium tentavit C. Valgius eruditione spectatus, imperfecto volumine ad Divum Augustum, inchoata etiam præfatione religiosa, ut omnibus malis humanis illius potissimum principis semper medicetur majestas. Antea condiderat solus apud nos, quod equidem inveni, Pompeius Lenæus, Magni libertus: quo primum tempore hanc scientiam ad nostros pervenisse animadvertio. Nanque Mithridates, maximus sua ætate regum, quem debellavit Pompeius, omnium ante se genitorum diligentissimus vitæ fuisse argumentis, præterquam fama, intelligitur: uni ei excogitatum, quotidie venenum bibere præsumptis remediis, ut consuetudine ipsa innoxium fieret: primo inventa genera antidoti, ex quibus unum etiam nomen ejus retinet: illius inventum autem,

mant; sanguinem anatum Ponticarum miscere antidotis, quoniam veneno viverent. Ad illum Asclepiadis medendi arte clari, volumina composita extant, cum sollicitatus ex urbe Roma, præcepta pro se mitteret. Illum solum mortalium vigintiduabus linguis locutum certum est, nec de subiectis gentibus ullum hominem per interpretem appellatum ab eo annis LVI. quibus regnavit. Is ergo in reliqua ingenii magnitudine medicinæ peculiariter curiosus, & ab hominibus subiectis, qui fuere pars magna terrarum, singula exquirens, scrinium commentationum harum & exemplaria, effectusque in arcanis suis reliquit. Pompeius autem omni regia præda potitus, transferre ea sermone nostro libertum suum Lenæum, Grammaticæ artis doctissimum, iussit: vitæque ita profuit non minus, quam reipub. victoria illa. Præter hos Græci autores medicinæ prodidere, quos suis locis diximus: ex his Evax rex Arabum, qui de simplicium effectibus ad Neronem scripsit: Cratevas, Dionysius, Metrodorus, ratione blandissima, sed qua nihil pene aliud, quam rei difficultas, intelligatur. Pinxere nanque effigies herbarum, atque ita subscripsere effectus. Verum & pictura fallax est & coloribus tam numerosis, præsertim in æmulatione naturæ, multum degenerat transcribentium fors varia. Præterea parum est singulas earum ætates pingi, cum quadripartitis varietatibus anni faciem mutant. Quare cæteri sermone eas tradidere: aliqui ne effigie quidem indicata, & nudis plerunque nominibus defuncti, quoniam satis videbatur, potestates vimq; demonstrare querere volentibus. Nec est difficile cognitu: Nobis certe, exceptis admodum paucis, contigit reliquas contemplari scientia Antonii Castoris, cui summa

autoritas erat in ea arte nostro ævo , visendo hortulo ejus , in quo plurimas alebat , centesimum ætatis annum excedens , nullum corporis malum expertus , ac ne ætate quidem memoria aut vigore concussis : nec aliud mirata magis antiquitas reperietur. Inventa jampridem ratio est prænuntians horas , non modo dies ac noctes , Solis Lunæque defectuum : durat tamen tradita persuasio in magna parte vulgi , veneficiis & herbis id cogi , eamque ^I num foeminarum scientiam prævalere. Certe quid non replevere fabulis Colchis Medea , aliæque , in primis Itala Circe , Diis etiam adscripta : unde arbitror natum , ut Æschylus è vetustissimis in Poëtica , refertam Italiam herbarum potentia proderet , multique Circeios , ubi habitavit illa : magno argumento etiamnum durante in Marfis , à filio ejus orta gente , quos esse dormitores serpentium constat. Homerus quidem primus doctriinarum & antiquitatis parens , multas alias in admiratione Circes , gloriam herbarum Ægypto tribuit , cum etiam , quæ rigatur Ægyptus illa , non esset , postea fluminis limbo inuenta. Herbas certè Ægyptias à regis uxore traditas suæ Helenæ plurimas narrat , ac nobile illud Nepenthes , oblivionem tristitiæ veniamque afferens , & ab Helena utique omnibus mortalibus propinandum. Primus autem omnium , quos memoria novit , Orpheus de herbis curiosius aliqua prodidit. Post eum Musæus & Hesiodus polion herbam in quantum mirati sunt , diximus. Orpheus & Hesiodus suffitiones commendavere. Homerus & alias nominatim herbas celebrat , quas suis locis dicemus. Ab eo Pythagoras clarus sapientia , primus volumen de earum effectu composuit , Apollini , Æsculapioque , & in totum Diis immortalibus inventionem

tione & origine assignata : composuit & Democritus ; ambo peragratis Persidis, Arabiæ, Æthiopiæ, Ægyptique Magis. Adeoque ad hæc attonita antiquitas fuit , ut affirmaret etiam incredibilia dictu. Xanthus historiarum autor , in prima earum tradit , occisum draconis catulum revocatum ad vitam à parente herba , quam balin nominat : eademque Thylonem , quem draco occiderat , restitutum saluti. Et Iuba in Arabia herba revocatum ad vitam hominem tradit. Dixit Democritus , credidit Theophrastus , esse herbam , cujus contactu illatæ ab alite , quam retulimus , exiliret cuneus à pastoribus arbori adactus : quæ etiam si fide carent , admirationem tamen implent : coguntque confiteri , multum esse quod vero supersit. Inde plerosque ita video existimare , nihil non herbarum vi effici posse , sed plurimarum vires esse incognitas : quorum in numero fuit Herophilus clarus medicina , à quo ferunt dictum , quasdam fortassis etiam calcatas prodesse : observatum certe est , inflammari vulnera ac morbos superventum eorum , qui pedibus iter confecerint. Hæc erat antiqua medicina , quæ tota migrabat in Græciæ linguas. Sed quare non plures noscantur , causa est quod eas agrestes literarumque ignari experiuntur : ut qui soli inter illas vivant . præterea securitas quærendi , obvia Medicorum turba. Multis etiam inventis nomina desunt , sicut illi , quam retulimus in frugum cura , scimusque defossam in angulis segetis præstare , ne qua ales intret. Turpissima causa raritatis , quod etiam qui sciunt , demonstrare nolunt , tanquam ipsis perituum sit quod tradiderint aliis. Accedit ratio inventionis anceps : quippe etiam in repertis , alias invenit casus , alias (ut verè dixerim) Deus. Insanabilis ad

hosce annos fuit rabidi canis morsus, pavorem aquæ, potusque omnis afferens odium: nuper cujusdam militantis in Prætorio mater vidit in quiete, ut radicem sylvestris rosæ, quam cynorrhodon vocant, blanditam sibi aspectu pridie in fructu, mitteret filio bibendam: in Lacetania res gerebatur, Hispaniæ proxima parte: casuque accidit, ut milite à morfu canis incipiente aquas expavescere, superveniret epistola orantis ut pareret religioni: servatusque est ex insperato, & postea quisquis auxilium simile tentavit. Alias apud autores cynorrhodi una medicina erat, spongiolæ, quæ in mediis spinis ejus nascitur, cinere cum melle alopecias capitis expleri. In eadem provincia cognovi in agro hospitis nuper ibi repertum dracunculum appellatum caulem, pollicari crassitudine versicoloribus viperarum maculis, quem ferebant contra omnium morsus esse remedium. Alius est, quam quos in priori volumine ejusdem nominis diximus, sed huic alia figura, aliudque miraculum exerentis se terra ad primas serpentium vernationes bipedali fere altitudine, rursusque cum iisdem in terram condentis: nec omnino occultato eò apparet serpens, vel hoc per se satis officioso naturæ munere, si tantum præmoneret, tempusque formidinis demonstraret.

CAP. III. *De quodam pestifero fonte Germania, & de Britannica, & maximis morborum doloribus.*

Nec bestiarum solum ad nocendum scelera sunt, sed interim aquarum quoque ac locorum. In Germania trans Rhenum castris à Germanico Cæsare promotis, maritimo tractu fons erat aquæ, dulcis solus, qua pota intra biennium dentes deciderint, compagesq; in genibus solverentur: Stomacacen

macacen Medici vocabant, & sceleryben ea mala: reperta auxilio est herba, quæ vocatur Britannica, non nervis modo & oris malis salutaris, sed contra anginas quoque & serpentes: folia habet oblonga nigra, radicem nigram: succus ejus exprimitur & ex radice. Florem vibones vocant: qui collectus prius, quam tonitrua audiantur, & devoratus, securos in totum reddit. Frisii, qua castra erant, nostris demonstrare illam: mirorque nominis causam, nisi forte confines Oceano Britannia, velut propinqua, dicavere: non enim inde appellatam eam, quoniam ibi plurima nascetur, certum est, etiamnum Britannia libera. Fuit quidem & hic quondam ambitus, nominibus suis eas adoptandi, ut docebimus fecisse reges, ut res tanta debeatur, herbam invenire, vitam juvare, nunc fortassis aliquibus curam nostram frivolam quoque existimaturis: adeo deliciis sordent etiam quæ ad salutem pertinent. Autores tamen, quarum inveniuntur, in primis celebrari par est, effectum earum digesto in genera morborum. Qua quidem in reputatione misereri sortis humanæ subit, præter fortuita casusque, & nomina quæ omnis hora excogitat ad millia morborum, singulis mortalium timenda. Qui gravissimi ex his sint, discernere stultitia prope videri potest, cum suis cuique ad præsens quisque atrocissimus videatur. Et de hoc tamen judicavere? avi experimento, asperri-mos cruciatus esse calculorum, à stillicidio vesicæ: proximum stomachi, tertium eorum quæ in capite doleant, non ob alios fere morte³ concita. A Græcis & noxias herbas demonstratas miror equidem, nec venenorum tantum: quoniam ea vitæ conditio est, ut mori plerunque etiam optimi portus sit: tradatque M. Varro, Servium Clo-

dium equitem Romanum magnitudine doloris in podagra coactum, veneno crura perxunxisse, & postea caruisse sensu omni, æque quam dolore in ea parte corporis. Sed quæ fuit venia monstrandi, qua mentes solverentur, partus eliderentur, multaque similia? Ego nec abortiva dico, ac ne amatoriam quidem, memor Lucillum Imperatorem clarissimum amatorio periisse: nec alia Magica portenta, nisi ubi cavenda sunt aut coarguenda, in primis fide eorum damnata. Satis operæ fuit abundeque præstitum vitæ, salutare dixisse, ac posteris inventas.

CAP. IV. *De moly, & dodecatheo, & pœonia, vel pentorobo, vel glycyfide, & panace, vel asclepio, & heraclio, & panace Chironio, & panace centaureo, vel pharnaceo, & heraclio siderio, & hyoscyamo, vel apollinari, sive altercangeno.*

Laudatissima herbarum est Homero, quam vocari à Diis putat moly, & inventionem ejus Mercurio assignat, contraque summa veneficia demonstrat. Nasci eam hodie circa Pheneum, & in Cylene Arcadiæ tradunt, specie illa Homerica, radice rotunda nigraque magnitudine cæpæ, folio scillæ: effodi autem difficulter. Græci autores florem ejus luteum pinxere, cum Homerus candidum scripserit. Inveni è peritis herbarum Medicis, qui & in Italia nasci eam diceret, afferrique Campania mihi aliquot diebus effossam inter difficultates faxeas, radicis x x x pedes longæ, ac ne sic quidem solidæ, sed abruptæ. Ab ea maxima autoritas herbæ est, quam dodecatheon vocant, omnium Deorum majestatem commendantes. In aqua potam omnibus morbis mederi tradunt: folia ejus seprem, lactucis simillima, exeunt à lutea radice. Verrutissi-

rustissima inventu pæonia est, nomenque autoris retinet, quam quidam pentorobon appellant, alii glycyfidem. Hæc quoque difficultas est, quod eadem aliter alibi nuncupantur. Nascentur opacis montibus, caule inter folia digitorum quatuor, ferente in cacumine veluti Græcas nuces quatuor aut quinque: inest iis semen copiosum, rubrum nigrumque. Hæc medetur & Faunorum in quiete ludibriis: præcipiunt eruere noctu, quoniam si picus Martius videat, tuendo in oculos impetum faciat. Panaces ipso nomine omnium morborum remedia promittit, numerosum & Diis invento-ribus ascriptum. Vnum quippe Asclepion cognominatur, quoniam is filiam Panaceam appellavit: succus ⁴ est coactus ferulæ, qualem diximus; radice multi corticis & falsi: hac evulsa scrobem replevi vario genere frugum religio est, ac terræ piamentum. Vbi & quo fieret modo, & quale maxime probaretur, inter peregrina docuimus. Id quod è Macedonia affertur, bucolicon vocant, armentariis sponte erumpentem succum excipientibus: hoc celerrime evanescit. Et in aliis autem generibus improbatur maxime nigrum ac molle, id enim argumentum est cera adulterari. Alterum genus heraclion vocant, & ab Hercule inventum tradunt: alii origanum heracleoticon sylvestre, quoniam est origano simile, radice inutili: de quo origano diximus. Tertium panaces Chironion cognominatur ab inventore: folium ejus lapathum simile, majus tamen & hirsutius: flos aureus, radix parva: nascitur pinguibus locis: hujus flos efficacissimus, eoque amplius, quam supra dicta, prodest. Quartum genus panacis ab eodem Chirone repertum centaurion cognominatur: sed & Pharnaceon, in controversiam inventionis à Pharnace rege

rege deductum : feritur hoc , longioribus , quam
cætera, foliis, & ferratis : radix odorata in umbra
ficcatur , vinoque gratiam adjicit. Hujus genera
duo fecere, alterum levioris folii, alterum tenuio-
ris. Heracleon siderion & ipsum ab Hercule in-
ventum est, caule tenui, digitorum quatuor alti-
tudine, flore Puniceo, foliis coriandri : juxta la-
cus & amnes invenitur, omniaque vulnera ferro
illata efficacissime sanat. Est Chironis inventum
ampelos quæ vocatur Chironia, de qua diximus
inter vites, sicuti de herba, cujus inventio assigna-
tur Minervæ. Herculi eam quoque ascribunt, quæ
Apollinaris, apud Arabas altercum siye altercan-
genon, apud Græcos vero hyoscyamus appellatur.
Plura ejus genera : unum nigro semine, floribus
pene purpureis, spinosum : talis nascitur in Gala-
tia: vulgare autem candidius est & fruticosius, al-
tius papavere. Tertiū semen irionis semini simile:
& omnia insaniam gignentia, capitisque vertigi-
nes. Quartum genus molle, lanuginosum, pin-
guius cæteris, candidi seminis, in maritimis na-
scens, hoc recepere Medici : item rufi seminis;
nonnunquam ante candidum rufescit, si non
ematuruit, improbaturque : & alioqui nullum, nisi
cum inaruit, legitur. Natura vini, ideoque men-
tem caputque infestans. Vfus seminis & per se, &
succo expresso: exprimitur separatim, & caulibus
foliisque utuntur & radice, temeraria in totum
(ut a bitror) medicina: quippe etiam foliis con-
stat mentem corrumpi, si plura quam quatuor bi-
bantur : etiam antiqui in vino febrem depelli arbi-
trabantur. Et oleum fit ex semine, ut diximus,
quod ipsum auribus infusum tentat mentem. Mi-
reque ut contra venenum remedia prodidere his
qui id bibissent, & ipsum pro remediis, adeo nul-
lo om-

lo omnia experiendi fine, ut cogerentur etiam venena prodesse.

CAP. V. De linozoste, parthenio, Hermupoa, sive potius Mercuriali, & Achilleo & panace heracleo, sideriti, millefolio, & de scopa regia, & hemionio, teucrio, splenio, & melampodio sive elleboro, quotve eorum genera, & de nigro elleboro & albo medicina, & quando desur, & quomodo sumendum, & quibus non dandum, quod mures necet.

Linozostis sive parthenion Mercurii inventum est, ideo apud Græcos Hermupoa multi vocant eam, apud nos omnes Mercurialem. Duo ejus genera, masculus & fœmina; quæ efficacior, caule cubitali, interdum ramoso in cacumine, ocimo angustioribus foliis, geniculis densis, alarum cavis multis, semine in geniculis dependente fœminæ copioso, mari juxta genicula stante, rariori ac brevi contortoque fœminæ soluto & candido. Folia maribus nigriora, fœminis candidiora, radix supervacua, prætenuis: nascuntur in campestribus cultis. Mirum est, quod de utroque eorum genere proditur: ut mares gignantur, hunc facere, ut fœminæ, illam: hoc contingere, si à conceptu succus protinus bibatur in passō, edanturve folia decocta ex oleo & sale, vel cruda ex aceto. Quidam decoquunt eam in novo fistili cum heliotropio, & duabus aut tribus spicis, donec decoquatur: decoctum dari jubent, & herbam ipsam in cibo, altero die purgationis, mulieribus per triduum, quarto die à balneo coire eas. Hippocrates miris laudibus in mulierum usu prædicavit has: ad hunc modum Medicorum nemo novit: Ille eas vulvæ cum melle, vel rosaceo, vel irino, vel lirino admovit: item ad ciendos menses secundasque: hoc
idem

idem præstare potu fortique dixit. Instillavit auribus olidis succum, inunxitque cum vino vetere. Alvo folia imposuit, epiphoris, stranguriæ, & vesicæ. Decoctum ejus dedit cum myrrha & thure. Alvo quidem solvendæ, vel in febris, decoquitur quantum manus capiat, in duobus sextariis aquæ ad dimidias bibitur sale & melle admisto, nec non cum ungula suis, aut gallinaceo decoctum salubrius. Purgationis causa putavere aliqui utranque dandam, sive cum malva decoctum. Thoracem purgant, bilem detrahunt, sed stomachum lædunt: reliquos usus dicemus suis locis. Invenit & Achilles discipulus Chironis, qua vulneribus mederetur, quæ ob id Achilleos vocatur: hac sanasse Telephum dicitur. Alii primum æruginem invenisse, utilissimam emplastris, ideoque pingitur ex cuspe decutiens eam gladio in vulnus Telephi: alii utroque usum medicamentum volunt. Aliqui & hanc panacem heracleon, alii sideritin, & apud nos millefolium vocant, cubitali scapo, ramosam, minutioribus quam fœniculi foliis vestitam ab imo. Alii fatentur quidem illam vulneribus utilem, sed veram achilleon esse scapo cæruleo pedali, sine ramis, ex omni parte singulis foliis rotundis eleganter vestitam. Alii quadrato caule, capitibus marrubii, folio quercus: hanc etiam præciosos nervos glutinare faciunt. Alii sideritin in maceris nascentem, cum teratur, fœdi odoris: Etiamnum aliam similem huic, sed candidioribus foliis & pinguioribus, tenerioribus cauliculis, in vineis nascentem. Aliam vero binum cubitorum, ramulis exilibus, triangulis, folio filicis, pediculo longo, betæ semine; omnes vulneribus præcipuas. Nostri eam, quæ est latissimo folio, scopas regias vocant: medetur anginis suum. Invenit & Teucer eadem

eadem ætate Teucrion, quam quidam ⁶ hemionion vocant, spatgentem juncos tenues, folia parva, asperis locis nascentem, austero sapore, nunquam florentem: neque semen gignit: Medetur lienibus. Constatque sic inventam: cum exta super eam projecta essent, adhæsisse lieni, eumque exinanisse: ob id à quibusdam ⁷ splenion vocatur: narrant sues, qui radicem ejus ederint, sine splene inveniri. Quidam ramis hyssopi furculosam, folio fabæ, eodem nomine appellant, & colligi florentem adhuc jubent: adeo florere non dubitant: maximeque ex Ciliciis & Pisidiæ montibus laudant. Melampodis fama, divinationis artibus nota est: ab hoc appellatur unum ellebori genus Melampodion. Aliqui pastorem eodem nomine invenisse tradunt, capras purgari pasto illo animadvertentem, datoque lacte earum sanasse Prætidas furentes. Quamobrem de omnibus ejus generibus dici simul convenit. Prima duo sunt, candidum & nigrum: hoc radicibus tantum intelligi tradunt plerique: alii folia nigri platani similia, sed minora nigrioraque, & pluribus divisuris scissa: albi, betæ incipientis: hæc quoque nigriora, & canaliculorum dorso rubescentia. Vtraque caule palmi ferulaceo, bulborum tunicis ⁸ convoluto, radice fibrata cæparum modo. Nigro equi, boves, sues necantur, itaque cavent id, cum candido vescantur: tempestivum esse tradunt messibus. Plurimum autem nascitur in Oeta monte: & optimum uno ejus loco circa Pyram: nigrum ubique provenit, sed melius in Helicone, qui mons & aliis laudatur herbis. Candidum probatur Oetæum: secundum Ponticum: tertio loco Eleaticum, quod in vitibus nasci ferunt: quarto Parnassium, quod adulteratur Ætolico, ex vicino. Nigrum ex his Melampodion

podion vocant, quo & domos suffiunt, purgant-
que spargentes, & pecora, cum precatione solen-
ni: hoc & religiosius colligitur: primum enim gla-
dio circumscribitur: dein qui succisurus est, Or-
tum spectat, & precatur, ut id liceat sibi conce-
dentibus Diis facere, observatque aquilæ volatus:
fere enim secantibus interest, & si prope advola-
vit, moriturum illo anno qui succidat, augurium
est. Nec album facile colligitur, caput aggravans,
maxime nisi præsumatur allium, & subinde vi-
num sorbeatur, celeriterque fodiatur. Nigrum alii
⁹ entomon vocant, alii polyrrhizon: purgat per
inferna: candidum autem vomitione, causasque
morborum extrahit, quondam terribile, postea
tam promiscuum, ut plerique studiorum gratia ad
pervidenda acrius, quæ commentabantur, sæpius
sumptitaverint. Carneadem responsurum Zenonis
libris: Drusum quoque apud nos, Tribunorum
popularium clarissimum, cui ante omnes plebs
stans plausit, optimates vero bellum Marficum
imputavere, constat hoc medicamento liberatum
comitiali morbo in Anticyra insula: ibi enim tu-
tissime sumitur, quoniam (ut diximus) sesamoi-
des admiscunt: Italia veratrum vocat. Farina eo-
rum per se, & mista radícula, qua lanas diximus
lavari, sternutamentum facit, amboque ¹⁰ som-
num. Leguntur autem tenuissimæ radices breves-
que, ac velut decurtatæ & imæ: nam summa, quæ
est crassissima, capis similis, canibus tantum da-
tur purgationis causa. Antiqui radicem cortice
quam carnosissimo seligebant, quo tenuior exi-
meretur medulla: hanc humidis spongiis opertam,
turgescensque acu in longitudinem findebant:
deinde fila in umbra siccabant, iis utentes: nunc
ramulos ipsos ab radice quam gravissimi corticis

ita dant. Optimum, quod acre gustu fervensque in frangendo pulverem emittit. Durare vim ejus x x x. annis ferunt. Nigrum medetur paralyticis, infanientibus, hydropicis, dum citra febrim, podagris veteribus, articulariis morbis: trahit alvum, & bilem, pituitasque. Ex aqua datur ad leniter molliendam alvum, plurimum drachma, modice quatuor obolis. Miscuere aliqui & scamnoneam, sed tutius salem. In dulcibus datum copiosius periculum infert, oculorum caliginem foris discutit: ob id quidam & inunxere trito. Strumas, suppurrata, duritias concoquit & purgat: item fistulas, tertia die exemptum. Verrucas tollit cum squamis æris & sandaracha. Hydropicorum ventri imponitur cum farina hordeacea & vino. Pecorum & jumentorum pituitas sanat, furculo per aurem trajecto, & postero die eadem hora exempto. Scabiem quadrupedum cum thure aut cera, ac pice, vel cum pissellæo. Album optimum, quod celerrime movet sternutamenta, sed multum terribilius nigro, præcipue si quis apparatus poturorum apud antiquos legat: contra horrores, strangulatus, intempestivas somni vires, singultus infinitos aut sternutamenta, stomachi dissolutiones, tardiores vomitus aut longiores, exiguos aut nimios: quippe alia dare soliti, quæ concitarent vomitiones ipsumque elleborum extraherent medicamentis, aut clysteribus, sæpe etiam sanguine venis emissio. Iam vero & cum prospere cedat, terribili visu, variis coloribus vomitionum, & post vomitiones observatione alvi, balinearum dispensatione, totius corporis cura, antecedente omnia hæc magno terrore famæ: nanque tradunt absumi carnem, si coquatur una. Sed antiquorum vitium erat, quod propter hos metus parcius dabant: cum cele-

celerius erumpat, quo largius sumitur. Themison binas non amplius drachmas datavit: sequentes & quaternas dedere, claro Herophili præconio, qui elleborum fortissimi ducis similitudini æquabat: concitatis enim intus omnibus, ipsum in primis exire. Præterea mirum inventum est, quod incisum forficulis, ut diximus, cribrant: cortex remanet, hunc inaniunt: medulla cadit, hæc in nimia purgatione data vomitiones sistit. Cavendum est, felici quoque cura, ne nubilo die detur: quippe impatientes cruciatus existunt: nam ætate potius, quam hyeme dandum, non est in dubio. Corpus septem diebus ante præparandum cibis acribus, abstinencia vini, quarto & tertio die vomitionibus, pridie cœnæ abstinencia. Album & in dulci datur, aptissime vero in lacte aut pulte. Nuper invenere, dissectis raphanis inferere elleborum, rursusque comprimere raphanos, ut transeat vis, atque eo lenimento dare: reddi post quatuor fere horas incipit: totum opus septenis peragitur horis. Medetur ita morbis comitialibus, ut diximus, vertigini, melancholicis, insanientibus, lymphaticis, elephantiaæ albæ, lepris, tetano, tremulis, podagricis, hydropicis, incipientibusque tympaniticis, ^{II} stomachicis, spasticis, clinicis, ischiadicis, quartanis quæ aliter non desinant, tussi veteri, inflammationibus, torminibus redeuntibus. Vetant dari senibus & pueris: item mollis ac scæminei corporis animive, exilibus aut teneris, & scæminis minus, quam viris: item timidis, aut si exulcerata sint præcordia, vel tumeant, minimeve sanguinem excreantibus, causariis vel latere, vel faucibus. Medetur extra corpus eruptionibus pituitæ cum axungia salsa illitum; item suppurationi veteri. Mures polentæ admistum

mistum necat. Galli sagittas in venatu elleboro tingunt, circuncisoque vulnere teneriorem sentiri carnem affirmant. Muscæ quoque necantur albo trito, & cum lacte sparso: eodem & phthiriasis emendatur.

CAP. VI. *De Mithridatio & scordoti sive scordio, & polemonia, & philetaria, vel chiliodynamia, & eupatoria, & centaurea sive chironia, & de leptocentaureo libadio, felle terra, & triorchē medicina.*

Ipsi Mithridati Cratevas adscripsit unam Mithridation vocatam. Huic folia duo à radice acantho similia: caulis inter utraque sustinens roseum florem. Alteram Lenæus, scordotin sive scordion, ipsius manu adscriptam, magnitudine cubitali, quadrangulo caule, ramosam quercus similitudine, foliis lanuginosis. Repertur in Ponto campis pinguibus humidisque gustus amari. Est & alterius generis, latioribus foliis, mentastro similis, plurimosque utraque ad usus per se & inter alia in antidotis. Polemoniam, alii philetariam, à certamine regum inventionis appellant: Cappadoces autem chiliodynamam, radice crassa, exilibus ramis, quibus in summis corymbi dependent, nigro femine: cetero rutæ similis, nascitur in montosis. Eupatoria quoque regiam auctoritatem habet, caulis lignosi, nigricantis, hirsuti, cubitalis, & aliquando amplioris, foliis per intervalla quinque folii, aut cannabis, per ambitum incisis quinque partito, nigris & ipsis plumosisque: radice supervacua: semen dysentericis in vino potum auxiliatur unice. Centaurea curatus dicitur Chiron, cum Herculis excepti hospitio pertractanti arma, sagitta excidisset in pedem: quare aliqui Chironion vocant. Folia sunt lata & oblonga, serrato ambi-

tu,

tu, densa ab radice, caules ternum cubitorum, geniculati : in his capita ceu papaverum : Radix vasta rubescens, tenera fragilisque, ad bina cubita, madida succo, amata cum quadam dulcedine. Nasceitur in collibus pingui solo : laudatissima in Arcadia, Elide, Messenia, Pholoe, & Lycæo, & in Alpibus verò, plurimisque aliis locis. Quidam & ex ea Lycium faciunt. Vis in vulneribus tanta, ut coherescere etiam carnes tradant, si coquantur simul. In usu radix tantum duabus drachmis bibenda, quibus dicitur : si febris sit, in aqua trita, cæteris in vino : medetur & ovium morbis decoctæ succus. Est alterum centaunion cognomine lepton, minutis foliis, quod aliqui ¹² libadion vocant, quoniam secundum fontes nascitur, origano simile, angustioribus & longioribus foliis, anguloso caule paululum alto, fruticante, flore lychnidis, radice tenui & supervacua, succo efficax. Ipsa herba autumnò legitur; succus, è fronde. Quidam caules concisos madefaciunt diebus xviii. atque ita exprimunt. Hoc centaunion nostri felterræ vocant, propter amaritudinem summam : Galli exacon, quoniam omnia mala medicamenta potum è corpore exigit per alvum. Tertia est centauris, cognomine triorchis : qui eam secatur, rarum est ut non vulneret sese : hæc succum sanguineum mittit. Theophrastus defendi eam, impugnarique colligentes tradidit à triorche accipitrum genere, à quo & nomen accepit. Imperiti confundunt hæc omnia, & primo generi allignant.

CAP. VII. De clymeno, & gentiana, & lysimachia, & parthenide, & artemisia, & ambrosia, & nymphaa, & heraclio, & euphorbia medicina.

Clymenos à rege herba appellata est, edera foliis,

liis, ramosa, caule inani, articulis præcincta, odore gravi, & semine ederæ, sylvestribus & montosis nascens. Quibus morbis pota medeatur, dicemus: sed hic indicandum est, dum medeatur, sterilitatem potu etiam viris fieri. Græci plantagini similem esse dixerunt, caule quadrato, folliculis cum semine inter se implexis, velut in polyporum cirris. Et succus autem in usu, vi summa in refrigerando. Gentianam invenit Gentius rex Illyriorum, ubique nascentem, in Illyrico tamen præstantissimam, folio fraxini: sed magnitudine lactucæ, caule tenero pollicis crassitudine cavo & inani, ex intervallis foliato, trium aliquando cubitorum, radice lenta, subnigra, sine odore, aquosis montibus subalpinis plurima. Usus in radice & succo: radicis natura est excafactoria, sed prægnantibus non bibenda. Invenit & Lyfimachus herbam Lyfimachiam, quæ ab eo nomen retinet, celebrata Erasistrato. Folia habet salicis viridia, florem ¹³ purpureum, fruticosa, ramulis erectis, odore acri: gignitur in aquosis. Vis ejus tanta est, ut jumentis discordantibus jugo imposita, asperitatem cohibeat. Mulieres quoque hanc gloriam affectavere, in quibus Artemisia uxor Mausoli, adoptata herba quæ antea parthenis vocabatur: sunt qui ab Artemide Ilithya cognominatam putent, quoniam privatim medeatur foeminarum malis. Est autem absinthii modo fruticosa, majoribus foliis pinguibusque. Ipsius duo genera: altera latioribus foliis, altera tenera tenuioribus, & non nisi in maritimis nascens. Sunt qui in mediterraneis eodem nomine appellent, simplici caule, minimis foliis, floris copiosi, erumpentis, cum uva maturescit, odore non injucundo, quam quidam botryn, alii ambrosiam vocant: talis in Capadocia

padocia nascitur. Nymphæa nata traditur Nympha zelotypia erga Herculem mortua: quare heraclion vocant aliqui, alii rhopalon, à radice clava simili: ideoque eos, qui biberint eam, duodecim diebus coitu genituraque privari. Laudatissima in Orchomeno & Marathone: Bœoti madon vocant, qui & semen edunt. Nascitur in aquosis, foliis magnis, in summa aqua, & aliis ex radice prodeuntibus, flore lilio simili, & cum defloruit, capiti papaveris in caule: secatur autumnis. Radix nigra in Sole siccatur, adversaturque alvinis. Est & alia nymphæa in Theffalia, amne Peneo, radice alba, capite luteo, rosæ magnitudine. Invenit & patrum nostrorum ætate rex Iuba, quam appellavit Euphorbium medici sui nomine & fratris Musæ, à quo Divum Augustum conservatum indicavimus. Iidem fratres instituere à balineis frigida multa corpora adstringi: antea non erat mos, nisi calida tantum lavari, sicut apud Homerum etiam invenimus. Sed Iubæ volumen quoque extat de ea herba, & clarum præconium. Invenit eam in monte Atlante ¹⁴ spectatur foliis acanthinis. Vis tanta est, ut è longinquo succus excipiat: incisæ conto, subdito excipulo, ventriculo hœdino: humor lactis videtur effluere, siccatus cum coit, thuris effigiem habet: qui colligunt, clarius vident. Contra serpentes medetur, quacunque parte percussa, vertice inciso, & medicamento addito. Ibi Geruli, qui legunt, hœdino lacte adulterant: sed discernitur igni: id enim, quod syncerum non est, fastidiendum odorem habet. Multum infra hunc succū est, qui in Gallia fit ex herba chamelæa, granum cocci ferente. Fractus Hammoniaco similis est, etiam levi gustu os accensum diu detinens, & magis ex intervallo, donec fauces quoque siccet.

CAP. VIII. De plantagine, & buglosso, & cynoglosso, & buphthalmo, & Scythica, & hippice, & ischamone, & vettonica, & Cantabrica, & consilagine, & hiberide, & chelidonia, & canaria, & elaphobosco, & dictamno, & aristolochia, & quod ejus delectatione advolant pisces, & statim capiuntur, & medicina contra serpentium ictus ex herbis, quas superius nominavit.

Celebravit & Themison Medicus vulgarem herbam Plantaginem, tanquam inventor, volumine de ea edito. Duo ejus genera: minor angustioribus foliis & nigrioribus linguæ pecorum simillimis, caule anguloso, in terram inclinato, in pratis nascens: altera major, foliis, laterum modo inclusa: quæ quia septena sunt, quidam eam heptapleuron vocavere: hujus & caulis cubitalis est, & napi similis. Nascitur in humidis multo efficacior. Vis mira in siccando densandoque corpore, cauterii vicem obrinens: nulla res æque sistit fluxiones, quas Græci rheumatismos vocant. Iungitur huic Buglossos, boum linguæ similis: cui præcipuum, quod in vinum dejecta, animi voluptates auget: & vocatur euphrosynum. Iungitur & Cynoglossos, caninas imitans linguas, topiariis operibus gratissima. Ajuntque quæ tres thyrsos seminis emittat, ejus radicem potam ex aqua ad tertianas prodesse: quæ quatuor, ad quartanas. Est alia similis ei, quæ fert lappas minutas: ejus radix pota ex aqua, ranis & serpentibus adversatur. Est & Buphthalmos similis boum oculis, folio fœniculi, circa oppida nascens, fruticosa caulibus, qui & manduntur decocti: quidam ¹⁵ cachlam vocant: hæc cum cera scirrhomata discutit. Invenire herbas & universæ gentes: Scythia primum eam,

cam, quæ Scythice vocatur, circa Maotin nascens,
¶ prædulcis: Aliam utilissimam ad ea quæ spa-
smata vocant. Magna & ea commendatio, quod
in ore eam habentes, famem sitimque non sen-
tiunt. Idem præstat apud eosdem Hippice dicta,
quod in equis quoque eundem effectum habeat:
traduntque his duabus herbis Scythas etiam in
duodenos dies durare in fame sitique. Ischæmo-
nem Thracia invenit, qua ferunt sanguinem sisti,
non aperta modo vena, sed etiam præcisa: serpit
è terra milio similis, foliis asperis & lanuginosis,
farcitur in nares: quæ in Italia nascitur, & san-
guinem eadem adalligata sistit. Vettones in Hispa-
nia eam, quæ Vettonica dicitur in Gallia, in Italia
autem ferratula, à Græcis cestron aut psychotro-
phon, ante cunctas laudatissima: exit anguloso
caule, cubitorum dūm, à radice spargens folia
fere lapathi, ferrata, semine purpureo. Folia sic-
cantur in farinam plurimos ad usus: fit vinum ex
ea & acetum stomacho & claritati oculorum: tan-
tumque gloriæ habet, ut domus in qua sata sit,
tuta existimetur à piaculis omnibus. In eadem
Hispania inventa est Cantabrica, per divi Augusti
tempora à Cantabris reperta: nascitur ubique,
caule junceo pedali, in quo sunt flosculi oblongi,
velut calathi: in his semen perquam minutum.
Nec alias defuere Hispaniæ herbis exquirendis, ut
in quibus, etiamnum hodie in numerofo & lætio-
re convivu, potionem è centum herbis mulso ad-
ditis, credidere saluberrimam suavissimamque:
nec quisquam genera earum jam novit aut mul-
titudinem: numerus tamen constat in nomine.
Nostra ætas meminit herbam in Marfis repertam:
nascitur & in Æquicolis circa vicum Nervesiæ,
vocatur Consiligo: prodest, ut demonstravimus
suo

fuο loco , deploratis in phthisi. Invenit nuper & Servilius Damocrates è primis medentium, quam appellavit Hiberida, quanquam ficto nomine, inventioni ejus assignato carmine. Nascur maxime circa vetera monumenta parietinasque, & inculta itinerum : floret semper, folio nasturtii, caule cubitali, semine tam parvo, ut vix aspici possit : radici odor nasturtii : usus æstate efficacior, & recenti tantum : runditur difficulter. Coxendicibus & articulis omnibus cum axungia modica utilissima, viris plurimum quaternis horis, fœminis minus dimidio adalligata, ut deinde in balineis descendatur in calidam, & postea oleo ac vino corpus perungatur : diebusque vicens interpositis idem fiat, siqua admonitio doloris superfit. Hoc modo rheumatismos omnes sanat occultos. Imponitur non in ipsa inflammatione, sed imminuta. Animalia quoque invenere herbas, in primisq; Chelidonium : hac enim hirundines oculis pullo- rum in nido restituunt visum, ut quidam volunt, etiam erutis oculis. Genera ejus duo : major fruticoso caule, folio pastinacæ erraticæ ampliore, ipsa altitudine duûm cubitorum : colos albicans, flos luteus. Minori folia ederæ rotundiora, minus candida : succus croci mordax, semen papaveris. Florent adventu hirundinum, discessu marcescunt : florentibus succus exprimitur, & in æreo vase cum melle Attico leniter cinere ferventi decoquitur, singulari remedio contra caligines oculorum. Utuntur & per se succo in collyriis, quæ chelidonia appellantur ab ea. Invenerunt & canes Canariam ; qua fastidium deducunt, eamque in nostro conspectu mandunt, sed ita ut nunquam intelligatur quæ sit: etenim depasta cernitur. Notata est & hæc animalis hujus malignitas in alia herba

major : percussus enim à serpente mederi quadam sibi dicitur : sed illam homine inspectante non decerpit. Simplicius cervæ monstrare elaphoboscon, de qua diximus. Item seseli, enixæ à partu : Dictamnnum ostendere (ut indicavimus) vulneratæ pastum statim decidentibus telis. Non est alibi, quam in Creta, ramis prætenue, pulegio simile, fervens & acre gustu : foliis tantum utuntur. Flos nullus ei, aut semen, aut caulis : radix tenuis ac supervacua : & in Creta autem non spatiosè nascitur : mireque capris experitur. Pro eo est & pseudo dictamnnum, multis in terris nascens, folio simili, ramulis minoribus, à quibusdam chondris vocatum : minoris effectus statim intelligitur : Dictamnnum enim minima portione accendit os. Qui legere eam, in ferula vel harundine condunt, præligantque, ne potentia evanescat. Sunt qui dicant, utranque nasci multifariam, sed deteriores in agris pinguibus, veram quidem dictamnnum non nisi in asperis. Est & tertium genus dictamnnum vocatum, sed neque facie neque effectù simile, folio sisymbrii, ramis majoribus : præcedente persuasione illa, quicquid in Creta nascitur, infinito præstare cæteris ejusdem generis alibi genitis : proxime quod in Parnasso. Alioquin herbiferum esse & Pelium montem in Thessalia, & Telethrium in Eubœa, & totam Arcadiam ac Laconicam tradunt. Arcades quidem non medicaminibus uti, sed lacte circa ver, quoniam tunc maxime succis herbæ turgeant, medicenturque ubera pascuis : bibunt autem vaccinum, quoniam boves omnivoræ fere sunt in herbis. Potentia earum per quadrupedes etiamnum duobus claris exemplis manifesta fit : circa Abderam, & limitem qui Diomedis vocatur, equi pasti inflammantur rabie : circa Potnias verò

verò asini. Inter nobilissimas aristolochiæ nomen dedisse gravidæ videntur, quoniam esse ἀρίστη λεχίσαις: Nostri malum terræ vocant. & quatuor genera ejus servant. Vnum tuberibus radicum rotundis, foliis inter malvam & ederam, nigrioribus mollioribusque: alterum masculæ, radice longa quatuor digitorum longitudine, baculi crassitudine: tertium longissimæ tenuitatis, vitis novellæ, cui sit præcipua vis, quæ clematis vocatur, ab aliis Cretica. Omnes colore buxæ, caulibus parvis, flore purpureo: ferunt bacculas parvas, ut capparis: valent radice tantum. Est & quæ Pistolochia vocatur, quarti generis, tenuior, quam proxime dicta, densis radicis capillamentis, junci plenioris crassitudine: hanc quidam polyrrhizon cognominant. Odor omnium medicatus, sed oblongæ radici tenuiorique gravior: carnosus enim est corticis, unguentis quoque nardinis conveniens. Nascuntur pinguibus locis & campestribus. Effodere eas messibus tempestivum: ita desquamato terreno servantur. Maxime tamen laudatur Pontica: & in quocunque genere ponderosissima quæque, medicinis aptior: rotunda contra serpentes: oblonga tamen in summa gloria est; si modo à conceptu admota vulvis in carne bubula, mares figurat, ut traditur. Piscatores Campaniæ radicem eam quæ rotunda est, venenum terræ vocant, coramque nobis contusam immista calce, in mare sparsere: advolant pisces cupiditate mira, statimque exanimati fluitant. Quæ polyrrhizos cognominatur, convulsis, contusis, ex alto præcipitatis, radice pota ex aqua, utilissima esse traditur: Semine pleuriticis & nervos confirmare, excalfacere: eadem satyrion est. Verum & effectus earum ususque dicendi sunt: ordiendumque à malorum

omnium pessimo, id est serpentium ictu: medentur ergo Britannica herba, panacisque generum omnium radix è vino, Chironii flos & semen potum, illitumve ex vino & oleo: privatimque, quæ cunila bubula appellatur, polemonia vel philetæria radices drachmis quatuor ex mero: teucra, fideritis, scordotis ex vino, privatim ad angues, potæ & illitæ, sive succo, sive folio, sive decocto: centaurei majoris radix drachma in vini albi cyathis tribus: gentiana præcipue adversus angues, duabus drachmis cum pipere & ruta, vini cyathis sex, sive viridis, sive sicca. Et lysimachia odorem fugiunt. Datur ex vino percussis chelidonia. Morfibus imponitur Vettonica præcipue, cui vis tanta perhibetur, ut inclusæ circulo ejus serpentes, ipsæ sese interimant flagellando. Datur ad ictus semen ejus denarii pondere cum tribus cyathis vini: vel farina drachmis tribus sextario aquæ imponitur. Cantabrica, dictamnium, aristolochia: radices drachma in vini hemina sapius bibenda: prodest & illita ex aceto: similiter pistolochia; quin & omnino suspensa supra focum fugat è domibus serpentes.

CAP. IX. De argemonia, & agarico, & echio, & hyoscyamo, & hierabotane, & blattaria, & lemonia, & quinquefolio, & dauco, & persolata, & arcio, & cyclamino, & peucedano, omnia ad serpentium ictus.

Argemonia quoque; radice ejus denarii pondere in vini cyathis tribus pota. Plura de ea convenit dici, cæterisque, quæ primum nominabuntur: in eo autem genere medendi primum nominari quamque, in quo maxime valebit. Folia habet, qualia anemone divisa apii modo, caput in cauli-

cauliculo papaveris sylvestris, item radicem : succum croci colore acrem & acutum : nascitur & in arvis apud nos. Nostri tria genera ejus faciunt, & id denum probant, cujus radix thus redoleat. Agaricon ut fungus nascitur in arboribus circa Bosphorum, colore candido. Datur obolis quatuor contritum cum binis cyathis aceti mulsi : id quod in Gallia nascitur, infirmius habetur : præterea mas spissior, amariorque : hic & capitis dolores facit : scæmina solutior, initio gustu dulcis, mox in amaritudinem transit. Echios utriusque generis, pulegio similis foliis ¹⁷ coronata; drachmis duabus ex vini cyathis quatuor datur. Item altera, quæ lanugine distinguitur spinosa, cui & capitula viperæ similia sunt : hæc ex vino & aceto. Quidam ¹⁸ arcion personatam vocant, cujus folio nullum est latius, grandes lappas ferentem : hujus radicem decoctam ex aceto dant potui. Hyoscyamum contusum cum foliis ex vino datur peculiariter contra aspidas. Nulla tamen Romanæ nobilitatis plus habet, quam Hieraborane; aliqui peristereon, nostri verbenacam vocant : hæc est, quam legatos ferre ad hostes indicavimus : hac Iovis mensa verritur, domus purgantur, lustranturque. Genera ejus duo sunt : foliosa, quam scæminam putant : mas rarioribus foliis : ramuli utriusque plures, tenues, cubitales, angulosi; folia minora; quam quercus, angustioraque, divisuris majoribus, flos glaucus, radix longa, tenuis. Nascitur ubiq; in planis aquosis. Quidam non distinguunt, sed unum omnino genus faciunt, quoniam eodem effectus habeat. Vtraque sortiuntur Galli, & præcinunt responsa : sed Magi utique circa hanc insaniunt : hac perunctos impetrare quæ velint, febres abigere, amicitias conciliare, nullique non

morbo mederi: colligi circa Canis ortum debere, ita ut ne Luna aut Sol conspiciat, favis ante & melle terræ ad piamentum datis: circumscriptam ferro effodi sinistra manu & in sublime tolli: sic-
cari in umbra, separatim folia, caulem, radicem. Ajuntque, si aqua spargatur triclinium, qua ma-
duerit, lætiores convictus fieri: adversus serpen-
tes conteritur ex vino. Est similis Verbasco herba,
quæ sæpe fallit pro ea capta, foliis minus candidis,
cauliculis pluribus, flore luteo: hæc abjecta blat-
tas in se contrahit: ideoque Romæ blattariam vo-
cant. Leimonium succum lacteum mittit, con-
crascentem gummi modo humidis locis: datur
denarii pondus in vino. Quinquefolium nulli
ignotum est, cum etiam fraga gignendo commen-
detur: Græci vocant pentapetes, sive chamæzelon,
sive pentaphyllon. Cum effoditur, rubram habet
radicem: hæc inarescens nigrescit, & angulosa fit:
nomen à numero foliorum habet: & ipsa herba
incipit & desinit cum vite. Adhibetur & purgan-
dis domibus: adversus serpentes bibitur & ejus
radix, quæ sparganion vocatur, ex vino albo.
Dauci genera quatuor fecit Petronius Diodorus,
quæ persequi nihil attinet, cum sint differentiæ
duæ: Probatissimi in Creta, mox in Achaia, & in
ficcis ubicunque nati, fœniculi similitudine, can-
didioribus foliis & minoribus hirsutisque: caule
pedali recto, radice suavissimi gustus & odoris.
Hoc in saxosis nascitur meridianis: reliqua gene-
ra ubiq; nascuntur terrenis collibus limitibusque,
nec nisi pingui solo, foliis coriandri, caule cubitali,
capitibus rotundis, sæpe pluribus quam ternis, ra-
dice lignosa, & cum inaruit, supervacua. Semen
hujus cumino simile, prioris milio, album, acre,
odoratum omnibus & fervens: secundum priore
vehe-

vehementius est, ideoque parce sumi debet: si jam maxime tertium genus facere libeat, est simile staphylino, quod pastinacam erraticam appellant, femine oblongo, radice dulci. Omnia hæc & hyeme & æstate sunt intacta quadrupedi, nisi post abortus. Ex aliis usus seminis: ex Creta, radice dulcis, & magis ad serpentes est. Bibitur è vino drachma una: datur & quadrupedibus percussis. Therionarca, alia quam Magica, & in nostro orbe nascitur, fruticosa, foliis subviridibus, flore roseo: serpentes necat: cuicunque admota feræ & hæc torporem affert. Persolata, quam nemo ignorat, Græci verò arcion vocant, folia habet majora etiam cucurbitis & hirsutiora, nigrioraq; & crassiora, radicem albam & grandem: hæc ex vino bibitur denariorum duûm pondere. Item cyclamini radix contra serpentes omnes: folia habet minora, quam edera, nigrioraque & tenuiora, sine angulis: in quibus albicant maculæ: caule exiguo, inani; floribus purpureis; radice lata, ut rapum videri possit, cortice nigro: nascitur in umbrosis: nostris tuber terræ vocatur: in omnibus ferenda domibus, si verum est, ubi fata sit, nihil nocere mala medicamenta: amuletum vocant: narrantque & ebrietatem repræsentari, addita in vinum. Radix siccata, scillæ modo concisa, reponitur: decoquitur eadem ad crassitudinem mellis: suum tamen venenum ei est: traduntque si prægnans radicem transgrediatur, abortum fieri. Est & altera cyclaminos cognomine cissanthemos, geniculatis caulibus, supervacuis, à priore distans, circa arbores se volvens, acinis ederæ, sed mollioribus, flore candido, specioso; radice supervacua. Acini tantum in usu, gustu acri, sed lenti: siccantur in umbra, tusque dividuntur in pastillos. Mihi

& tertia cyclaminos demonstrata est, cognomine chamæcissos, uno omnino folio, radice ramosa, qua pisces necantur. Sed inter primas celebratur peucedanum laudatissimum in Arcadia, mox Samothrace: caulis est ei tenuis, longus, sceniculo similis, juxta terram foliosus, radice nigra, crassa, gravi odore, succosa: gignitur in montibus opacis: foditur exitu autumnii: placent tenerrimæ & altissimæ radices: hæ conciduntur in quaternos digitos ossis cultellis, funduntque succum in umbra, capite prius & naribus rosaceo perunctis, ne vertigo sentiat. Et alius succus invenitur caulibus adhærens, incisisque manat. Probatum crassitudine mellea, colore rufo, odore suaviter gravi, fervens gustu: & hic in usu, & radix & decoctum ejus, pluribus medicamentis: succo tamen efficacissimo, qui resolvitur amaris amygdalis aut ruta, bibiturque contra serpentes, & ex oleo perunctos tuetur.

CAP. X. De ebulo, & verbasco, & thelyphono, & contra scorpionum ictus, & rubetarum & canum morsus, & generaliter contra omne venenum.

Ebulo quoque, quem nemo ignorat, fumo fuggantur serpentes. Privatim adversatur scorpionibus polemonix radix, vel alligata tantum: item phalangio, ac cæteris minoribus venenatis. Scorpionibus aristolochia: agaricum obolis quatuor in vini misti cyathis totidem. Verbenaca & phalangio cum vino aut posca: item quinquefolium, daucum. Verbascum Græci phlomon vocant. Genera habet prima duo: album, in quo mas intelligitur: alterum nigrum, in quo femina: tertium genus non nisi in sylvis invenitur. Sunt folia bractice latiora, pilosa, caulis erectus, cubitali amplior:

plior: semen nigrum inutile: radix una crassitudine digiti: nascuntur & in campestribus. Sylvestri folia eleliphaci, alta, ramis lignosis. Sunt & phlo-
mides duæ hirsutæ, rotundis foliis, humiles: ter-
tia Lychnitis vocatur, ab aliis thryallis, foliis ter-
nis, aut cum plurimum quaternis, crassis, pingui-
busque, ad lucernarum lumina aptis. Ajunt in fo-
liis ejus, quam feminam diximus, ficus omnino
non putrescere. Distingui genera hæc pene super-
vacuum est, cum sint omnia ejusdem effectus.
Contra scorpiones bibitur radix cū ruta ex aqua,
magna amaritudine, sed effectū pari. Thelypho-
non herba ab aliis scorpion vocatur, propter simi-
litudinem radicis, cujus tactu moriuntur scorpio-
nes: itaque contra eorum ictus bibitur. Scorpio-
nem mortuum si quis elleboro candido linat, re-
viviscere ajunt. Thelyphonon omnem quadrupe-
dem necat, imposita verendis radice: folio qui-
dem intra eundem diem, quod est simile cyclami-
no: ipsa geniculata nascitur in opacis. Scorpionibus
adversatur & Vettonicæ succus, ac plantaginis.
Sunt & ranis venena, rubetis maxime: vidimus-
que psyllos in certamine patinis candefactas ad-
mittentes, ocyore etiam quam aspidum perniciē:
auxiliatur eis phrynion in vino pota: aliqui neura-
da appellant, alii poterion, floribus parvis, radici-
bus multis, nervosis, bene olentibus. Item Ali-
sina, quam alii damasonion, alii lyron appellant:
folia erant plantaginis, nisi angustiora essent, &
magis laciniosa, convexaque in terram, alias etiam
venosa similiter, caule simplici & tenui, cubitali,
capite thyrsi, radicibus densis, tenuibus, ut vera-
tri nigri, acribus, odoratis, pinguibus: nascitur in
aquosis. Alterum genus ejusdem in sylvis, nigrius,
majoribus foliis. Vfus in radice utriusque adver-

fus ranas & lepores marinos, drachmæ pondere
 in vini potu. Lepori marino adversatur & cycla-
 minos. Veneni vim canis quoque rabidi morsus
 habent, contra quos erit cynorrhodum, de quo
 diximus. Plantago ad omnes bestiarum morsus
 pota atque illita prodest: Vettonica ex mero vete-
 ri. Peristereos vocatur, caule alto, foliato, cacu-
 mine in alios caules se spargens, columbis admo-
 dum familiaris, unde & nomen: hanc habentes
 negant latrari à canibus. Proxima ab his malis,
 venena sunt, quæ sibimetipsi homines excogi-
 tant: contra hæc omnia, magicasque artes, erit
 primum illud Homericum moly, dein Mithrida-
 tion, & scordotis, & centaurium. Potu omnia
 mala medicamenta exigit per alvum Vettonicæ
 semen in mulso aut passo, vel farinæ drachma in
 vini veteris cyathis IV: vomere cogendi, atque
 iterum bibere: iis qui quotidie gustent eam, nulla
 nocitura mala medicamenta tradunt. Poto vene-
 no aristolochia subvenit eadem mensura, qua con-
 tra serpentes, Quinquefolii succus: Agaricum,
 postquam vomuerint, denarii pondere ex aquæ
 mulsæ cyathis tribus. Antirrhinon vocatur sive
 anarrhinon, sive lychnis agria, similis lino, radi-
 ce nulla, flore hyacinthi, semine vituli narium: Et
 hoc perunctos venustiores fieri, nec ullo malo me-
 dicamento lædi posse, aut veneno, si quis in bra-
 chiali habeat, arbitrantur Magi: similiter ea, quam
 Eupleam vocant; traduntque ea perunctos com-
 mendatoris esse famæ. Artemisiâ quoque se-
 cum habentibus negant nocere mala medicamen-
 ta bestiamve ullam, ne Solem quidem. Bibitur &
 hæc ex vino adversus opium: alligata privatim po-
 tens traditur, potave adversus ranas. Pericarpum
 bulbi genus est: duæ ejus species: cortice rubro al-
 terum,

terum, alterum nigro papaveri simile: sed vis major, quam priori: utrique autem excalfaciendi. Ideo contra cicutam dantur, contra quam & thus & panaces, Chironium præcipue: hoc & contra fungos.

CAP. XI. *Remedia ad capitis vitia.*

Verum & generatim membratimque singulis corporum morbis remedia subtexemus, orsi à capite. Alopecias emendat nymphææ & cicutæ radix, si una tritæ illinantur. ¹⁹ Polytricha distat à callitricha, quod juncos albos habet, & folia plura majoraque: frutice quoque major est: defluentem capillum confirmat & densat: item Lingulaca circa fontes nascens, cujus radix admista combusta teritur cum adipe suis nigræ: id quoque excipitur, ut ejus sit suis quæ nunquam peperit: Sol deinde plurimum confert illitæ: similis usus est cyclamini radice. Porriginem veratri radix tollit in oleo decocta, vel in aqua. Capitis dolori medetur panacis omnium generum radix in oleo contrita: aristolochia, & iberis adalligata hora, vel diutius, si pati possit, comitante balinei usu: medetur & daucum. Purgat autem cyclaminos cum melle in nares addita: & hulcera capitis sanat illita: medetur & Peristereos. ²⁰ Cacalia sive leontice vocatur, semen margaritis minutis simile, dependens inter folia grandia, in montibus fere: hujus grana xv. in oleo macerantur, atque ita adverso capillo caput ungitur. Fit & ex callitriche sfernumentum: folia sunt lenticulæ similia: caules juncis tenuissimis, radice minima: nascitur in opacis & humidis, gustatu fervens. Hyssopum in oleo contritum phthiriasi resistit, & prurigini in capite: est autem optimum Cilicium è Tauro monte, dein Pamphylium ac Smyrnæum: stomacho contrarium: purgat cum

cum fico sumptum per inferna, cum melle vomitionibus: putant & serpentium ictibus adversari, tritum cum melle & sale & cumino. Lonchitis non (ut plerique existimaverunt) eadem est quæ xiphion, aut ²¹phasganion, quanquam cuspidi similis semine: habet enim folia porri, rubentia ad radicem, & plura, quam in caule; capitula, personis Comicis similia, parvam exerentibus linguam; radicibus prælongis: nascitur in sitientibus. E diverso xiphion, & phasganion in humidis, cum primum exit, gladii præbet speciem, caule duum cubitorum, radice ad nucis avellanæ figuram fimbriata, quam effodi ante messes oportet, siccari in umbra: superior pars ejus cum thure trita, æquo pondere admisto vino, ossa fracta è capite extrahit, aut si quid in corpore suppurat, vel si calcata sunt ossa, serpentis eadem contra venena efficax. Caput in dolore veratro, vel oleo, vel rosaceo decocto tritoque ungi convenit: peucedano ex oleo vel rosaceo & aceto: repidum hoc prodest & doloribus, qui plerunque ex dimidia parte capitis sentiuntur, & vertigini: perungunt & radice ejus sudoris causa eliciendi, quoniam caustica vis ei est. Psyllion alii cynoides, alii chrystallion, alii ficelion, alii cynomyiam appellant, radice tenui, supervacua, sarmentosum, fabæ granis in cacumini- bus, foliis canino capiti non dissimilibus, semine autem pulci, unde & nomen: hoc in baccis, ipsa herba in vineis invenitur. Vis ei ad refrigerandum & discutiendum ingens: semen in usu: fronti imponitur in dolore, & temporibus, ex aceto & rosaceo aut posca: ad cætera illinitur, acetabuli mensura sextario aquæ, densat ac contrahit; tunc tere- re & crassitudinem illinire oportet cuicunque do- lori & collectioni inflammationique. Et vulneri- bus

bus capitis medetur Aristolochia, fracta extrahens ossa, & in alia quidem parte corporis, sed maxime capite: similiter pistolochia. Thysseliū est non dissimile apio; hujus radix commanducata purgat capitis pituitas.

CAP. XII. De centaureo, & chelidonia, & panace, & hyoscyamo, & euphorbio, ad oculorum vitia.

Oculorum aciem centaureo majore putant adjuvari, si addita aqua foveantur. Succo vero minoris cum melle culices, nubeculas, obscuritatem discuti, cicatrices extenuari. Albugines quidem etiam jumentorum sideriti. Iam chelidonia supra dictis omnibus mire medetur. Panacis radix cum polenta epiphoris imponitur. Hyoscyami semen bibunt obolo, tantundem meconii adjicientes vinumque, ad epiphoras inhibendas: adjungunt & gentianæ succum, quem collyriis acrioribus pro meconio miscent. Facit claritatem & euphorbium inunctis. Instillatur plantaginis succus lippitudini. Caligines aristolochia discutit. Iberis adalligata capiti cum quinquefolio, epiphoras, & si qua in oculis vitia sunt, emendat. Verbascum epiphoris imponitur. Peristereos ex rosaceo vel aceto. Ad hypochoysin & caliginem, cyclaminon in pastillos diluunt. Peucedani succum, ut diximus, ad claritatem & caligines, cum meconio & rosaceo. Psyllion illitum fronti epiphoras suspendit.

CAP. XIII. De anagallide sive corchoro, & mandragora sive circeo, & cicuta, & crethmo agrio, & molybdana, & capno, & acoro, & iride, & cotyledone, & aëthyo, & andrachne, & erigero, & de ephemero, & de labro Veneris, & de ranunculo, ad oculorum, aurium, narium, dentium, orisq. vitia medicina.

Anagallida aliqui, ²² corchoron vocant. Duo genera

genera ejus: mas flore phœniceo, fœmina cœruleo, non altiores palmo, frutice tenero, foliis pullis, rotundis, in terra jacentibus: nascuntur in hortis & aquosis: prior floret cœrulea. Vtriusque succus oculorum caliginem discutit cum melle, & ex ictu cruorem & argema rubens, magis cum Attico melle, inunctis: Pupillas dilatat: & ideo hoc inunguntur ante, quibus paracentesis fit. Iumentorum quoque oculis medentur: succus caput purgat per nares infusus, ita ut deinde vino colluantur. Bibitur & contra angues succi drachma in vino. Mirum, quod pecora fœminam vitant: at si decepta similitudine (flore enim tantum distant) degustavere, statim eam, quæ Asylla appellatur, in remedio quærunt: ea à nostris ferus oculus vocatur. Præcipiunt aliqui effossuris, ante Solis ortum, priusquam quicquam aliud loquantur, ter salutare eam, tum sublatam exprimere: ita præcipuas esse vires. De Euphorbio satis dictum est, cujus succus lippitudini, si tumor erit, ita absinthium cum melle tritum, itemque Vettonicæ farina conveniet. Agilopas sanat herba eodem nomine, quæ in hordeo nascitur, tritici folio; semine contrito cum farina permista, impositaque, vel succo: exprimitur hic è caule foliisque prægnantibus, dempta spica, & cum trimestris farina digeritur in pastillos: aliqui & mandragoræ utebantur: postea abdicatus in hac curatione est: Epiphoris (quod certum est) medetur, & oculorum dolori, radix tusa cum rosaceo & vino: nam succus multis oculorum medicamentis miscetur. Mandragoram, alii Circeium vocant: duo ejus genera: candidus, qui & mas: niger, quæ fœmina existimatur, angustioribus foliis, quam lactucæ, hirsutis²³ & caulibus, radicibus binis ternisve rufulis, intus albis carno-

sis tenerisque, pene cubitalibus. Ferunt mala avelanarum nucum magnitudine, & iis semen ceu pyrorum. Album hoc alii arsen, alii morion, alii hypophlomon vocant: hujus folia alba, quam alterius, latiora, ut lapathi fativæ. Cavent effossuri contrarium ventum, & tribus circulis ante gladio circumscribunt: postea fodiunt ad occasum spectantes. Succus fit & è malis & caule, deciso cacumine & radice punctis aperta, aut decocta: utilis hæc vel surculo. Concisa quoque in orbiculos servatur in vino. Succus non ubique invenitur, sed ubi potest, circa vindemias quæritur: odor gravis ejus, sed radice & mali gravior. Ex albo mala matura in umbra ficcantur: succus ex iis Sole densatur: item radice tusæ, vel in vino nigro ad tertias decocta. Folia servantur in muria efficacius, alias recentium succus pestis est: sic quoque noxiæ vires: gravedinem afferunt etiam olfactu: quanquam mala in aliquibus terris mandantur, nimio tamen odore obmutescunt ignari: potu quidem largiore etiam moriuntur: is somnifica pro viribus bibentium: media potio cyathi unius. Bibitur & contra serpentes, & ante sectiones punctionesque ne sentiantur: ob hæc satis est aliquibus somnum odore quæsisse. Bibitur & pro elleboro duobus obolis in mulso: ²⁴ efficacius elleborum, ad vomitiones, & ad bilem nigram extrahendam. Cicuta quoque venenum est, publica Atheniensium pœna invisa, ad multa tamen usus non omittendi: semen habet noxium: caulis autem & viridis estur à plerisque & in patinis: levis hic & geniculatus ut calami, nigricans, altior sæpe binis cubitis, in cacuminibus ramosus: folia coriandri teneriora, gravi odoratu: semen aniso crassius: radix concava, nullius usus. Semini & foliis refrigeratoria vis, quæ si enecat,

enecat, incipiunt algere ab extremitatibus corporis: remedio est, priusquam perveniat ad vitalia, vini natura excafactoria: Sed in vino pota, irremediabilis existimatur. Succus exprimitur foliis floribusque: tunc enim maxime tempestivus est. Semine trito expressus, & Sole densatus in pastillos, necat sanguinem spissando: hæc altera vis; & ideo sic necatorum maculæ in corporibus apparent. Ad resolvenda medicamenta utuntur illo pro aqua. Fit ex eo ad refrigerandum stomachum malagma. Præcipuus tamen est ad cohibendas epiphoras æstivas, oculorumque dolores sedandos circumlitus: miscetur collyriis, & alios omnes rheumatismos cohibet. Folia quoque tumorem omnem doloremque & epiphoras sedant. Anaxilaus autor est, mammas à virginitate illitas, semper staturas: quod certum est, lac puerperarum mammis imposita extinguit, Veneremque, testibus circa pubertatem illita. Remedia liberationi, quibus bibenda censetur, non equidem præceperimus. Maxima vis natæ Susis Parthorum, mox Laconicæ, Creticæ, Asiaticæ: in Græcia vero Megaricæ, deinde Atticæ. Crethmos agrios gramias tollit oculorum impositus, tumorem quoque polenta addita: nascitur vulgo molybdæna, id est plumbago, etiam in arvo, folio lapathi, crassâ radice, hispida: hac commanducata si oculus subinde elingatur, plumbum (quod est genus vitii) ex oculo tollitur. Capnos prima, quam pedes gallinæcos vocant, nascens in parietinis & sepibus, ramis tenuissimis, sparsisque, flore purpureo, viridis, succo caliginem discutit: itaque in medicamenta oculorum additur. Similis & nomine & effectu, sed alia est capnos fruticosa, prætenera, foliis coriandri, cineracei coloris, flore purpureo: nascitur in

tur in hortis & segetibus hordeaceis. Claritatem facit inunctis oculis, delacrymationemque, ceu fumus: unde nomen: eadem evulsas palpebras renasci prohibet. Acoros iridis folia habet, angustiora tantum & longiore pediculo, radices nigras minusque venosas, cætero & has similes iridis, gustu acres, odore non ingratas, rustu faciles. Optimæ Ponticæ, dein Galaticæ, mox Creticæ: sed plurimæ in Colchide juxta Phasin amnem, & ubicunque in aquosis. Recentibus virus majus, quam vetustis: creticæ candidiores Ponticis: sicantur utribus in umbra digitalibus frustis. Nec non inveniuntur, qui oxymyrfinæ radicem acaron vocant: ideoque quidam hanc acaron agrium vocare malunt. Vis ei ad calfaciendum extenuandumque efficax, contra suffusiones & caligines oculorum, succo ejusdem poto, contraque serpentes. Coryledon parvula herba, cauliculo tenero, pusillo, pingui folio & concavo, ut ²⁵ coxendices, nascitur in maritimis petrosisque, viridis, radice olivæ modo rotunda: oculis medetur succo. Est aliud genus ejusdem, sordidis foliis, latioribus densioribusque circa radicem, velut oculum cingentibus, asperrimi gustus, longiore caule, sed pergracili. Vñus ejus ad eadem, quæ ²⁶ iris. Aëizoi duo genera: majus in fistilibus vasculis feritur, quod aliqui buphthalmum vocant, alii zoophthalmum, alii stergethron, quod amatoris conveniat, alii hypogeson, quoniam in subgrundiis fere nascitur: sunt qui ambrosiam potius vocant, & qui amerimnon: Itali Sedum magnum aut oculum, aut digitellum. Alterum minusculum, quod erithales vocant, alii trithales, quia ter floreat, alii chrysothales, aliqui isoetes: sed aëizoum utrunque, quoniam viret semper, aliqui sempervivum.

Majus

Majus cubiti altitudinem excedit, crassitudine plusquam pollicari: folia cacumine linguæ similia, carnosæ, pinguiæ, largo succo, latitudine pollicari, alia in terram convexa, alia stantia, ita ut ambitu effigiem imitentur oculi: quod minus est, in muris parietinisque nascitur & tegulis, fruticosum à radice, & sursum usque ad cacumen foliis angustis, mucronatis, succosis; palmo alto caule: radix inutilis. Huic similis est, quam Græci Andrachnen agriam vocant, Itali illecebram, pusillis latioribus foliis, breviori cacumine: nascitur in petris & colligitur cibi causa. Omnium harum vis eadem, perfrigerare & astringere: medentur epiphoris folia imposita, vel succus inunctis: purgant enim hucera oculorum, explentque & ad cicatricem perducunt, palpebras deglutinant. Eadem capitis doloribus medentur, succo vel folio temporibus illitis: adversantur phalangiorum ictibus: aconito vero majus Aëizoum præcipue: à scorpionibus quoque habentem id feriri negant. Medentur & aurium dolori: item succus inunctus hyoscyami modice: item Achilleæ, & minoris centaurei, & plantaginis, peucedani cum rosaceo & meconio: acori succus cum rosa: omnis autem strigili calefactus infunditur. Cotyledon etiam purulentis, & cum medulla cervina calefacta. Ebuli radice tritæ succus linteolo colatus, mox in Sole densatus, & cum opus est, rosaceo dilutus & calefactus, parotidas sanat. Verbenaca quoque: item plantago: item sideritis cum axungia vetere. Narium ozænas emendat Aristolochia cum cypero. Dentibus remedio sunt panacis radix commanducata, præcipue Chironiæ, item succus, collutis: radix hyoscyami ex aceto manducata, item polemoniæ: commanducantur & plantaginis radices,

aut

aut colluuntur in aceto decoctæ succo: & folia sunt utilia, vel si sanguine gingivæ putrescant, vel sanguinis sit rejectio: semen ejusdem apostemata, & collectiones gingivarum sanat: Et aristolochia. Gingivas dentesve confirmat Verbenacum radice manducata, & decoctæ ex vino aut aceto succus collutus: Item quinquefolii radices, decoctæ ad tertias vino aut aceto: prius vero quam decoquantur, aqua marina aut salsa lavantur: decoctum diu tenendum in ore. Quidam cinere quinque folii fricare malunt. Et verbasci radix decoquitur in vino ad colluendos dentes. Et hyssopo colluuntur, & peucedani succo, cum meconio: vel radicum anagallidis magis fœminæ succo, ab altera nare, quam doleat, infuso. Erigeron à nostris vocatur senecio: hanc si ferro circumscriptam effodiat aliquis, tangatque ea dentem, & alternis ter despuat, ac reponat in eundem locum, ita ut vivat herba, ajunt dentem eum postea non doliturum. Herba est trixaginis specie & mollitia, cauliculis subrubicundis: nascitur & in tegulis, & in muris: nomen hoc Græci dederunt, quia vere canescit: caput ejus numerosa dividitur lanugine (qualis est spinæ) inter divisuras exeunte: quare eam Callimachus acanthida appellat, alii ²⁷ pappum: nec deinde Græcis de ea constat: alii erucae foliis esse dixerunt, alii roboris, sed minoribus multo: radice alii supervacua, alii nervis utili, alii poru strangulante. E diverso quidam regio morbo cum vino dederunt, & contra omnia vesicæ vitia; item cordis & jocineris: renibus extrahere harenam dixere: Ischiatricis drachmam cum oxymelite ab ambulatione propinavere: torminibus quoque in passo utilissimam, præcordiis etiam cibo ex aceto eam prædi-

prædicantes, serentesque in hortis. Nec defuere, qui & alterum genus facerent: nec quale esset, demonstrarunt, contra serpentes in aqua bibendam, edendamque comitialibus dantes: nos eam Romanis experimentis per usus digeremus. Lanugo ejus cum croco & exiguo aquæ frigida trita illinitur epiphoris: tosta cum mica salis strumis. Ephemerum folia habet lilii, sed minora, caulem parem, florem cæruleum, semen supervacuum, radicem unam digitali crassitudine, dentibus præcipuam, concisam in aceto, decoctamque ut tepido colluantur: & ipsa etiam radix mobiles fistit: cavis & exesis imprimitur Chelidonæ; radix ex aceto trita continetur ore: erosus veratrum nigrum imponitur: mobiles utralibet decocta in aceto firmanur. Labrum Venereum vocant in flumine nascentem: est ei vermiculus, qui circa dentes necatur, aut cavis dentium cera includitur: cavendum, ne avulsa herba terram tangat. Ranunculum vocamus, quem Græci batrachion: genera ejus quatuor: unum pinguioribus, quam coriandri, foliis, & ad latitudinem malvæ accedentibus, colore livido, caule albo, gracili, & radice alba: nascitur in limitibus humidis & opacis: alterum foliosius, pluribus foliorum incisuris, altis caulibus: tertium minimum est gravi odore, flore aureo: quartum simile huic flore luteo. Omnibus vis caustica, si cruda folia imponantur, pustulasque, ut ignis, faciunt: ideò ad lepras & psoras eis utuntur, & ad tollenda stigmata: causticisque omnibus miscent: alopeciis imponunt, celeriter removens. Radix in dolore commanducata diutius, rumpit dentes: eadem sicca concisa, sternutamentum est. Nostri herbarii strumeam vocant, quoniam medetur strumis & panis, parte in fumo suspen-

suspensa: creduntque ea rursus sata rebellare, quæ curaverint, vitia: quo scelere & plantagine utuntur. Oris hulcera intus succus plantaginis emendat, & folia radicesque commanducata, vel si rheumatismo laboret os. Hulcera fœtoremque quinquefolium: hulcera psyllium. Composita quoque ad fœtorem, vel maxime pudendum vitium, trademus: ergo folia myrti & lentisci pari pondere, gallæ Syriacæ dimidium pondus, simul terere & vino vetusto sparsa mandere matutino, optimum est. Vel ederæ baccas cum casia & myrrha pari pondere ex vino. Naribus utilissimum est dracontii semen contritum ex melle, etiamsi carcinomata in his sint. Suggillata hyssopo emendantur. Stigmata in facie, mandragora illita delet.

LIBER XXVI.

Proœmium.

CAP. I. *Reliqua per membrorum genera medicinae, & de novis morbis, & lichenes quid sint, & quando primum in Italia cœperint, & de carbunculo, & de elephantiasi, & colo.*



ENSIT & facies hominum novos, omnique ævo priore incognitos, non Italiæ modo, verumetiam universæ prope Europæ, morbos: tunc quoque nec tota Italia, nec per Illyricum Galliasve aut Hispanias magnopere vagatos, aut alibi, quam Romæ circaque, sine dolore quidem illos, ac sine perniciæ vitæ: sed tanta fœditate, ut quæcunque mors præferenda esset. Gravissimum ex his lichenas appellavere Græco nomine, Latine, quoniam à mento fere oriebatur, joculari primum lascivia (ut est procax

procax natura multorum in alienis miseriis) mox
 & usurpato vocabulo mentagram, occupantem in
 multis totos utique vultus, oculis tantum immu-
 nibus, descendentem verò & in colla pectusque ac
 manus, fædo cutis furfure. Non fuerat hæc lues
 apud majores patresque nostros: & primum Ti-
 berii Claudii Cæsaris principatu medio irrepsit in
 Italiam, quodam Perusino equite Romano Quæ-
 storio scriba, cum Asia apparuisset, inde conta-
 gionem ejus importante. Nec sensere id malum
 fœminæ, aut servitia, plebesque humilis, aut me-
 dia, sed procures veloci transitu osculi maxime,
 fœdiore multorum, qui perpeti medicinam tole-
 raverant, cicatrice, quam morbo. Causticis nan-
 que curabantur, ni usque in ossa corpus exustum
 esset, rebellante tædio. Adveneruntque ex Ægy-
 pto genitrice talium vitiorum medici, hanc solam
 operam afferentes, magna sua præda: siquidem
 certum est, Manilium Cornutum ex prætoriis le-
 gatum Aquitanicæ provinciæ, h-s cc elocasse in
 eo morbo curandum sese. Acciditque sæpius, ut
 nova contra genera morborum gregatim sentiren-
 tur. Quo mirabilius quid potest reperiri? aliqua
 gigni repente vitia terrarum in parte certa, mem-
 brisque hominum certis, vel ætatibus, aut etiam
 fortunis, tanquam malo eligente, hæc in pueris
 grassari, illa in adultis: hæc procures sentire, illa
 pauperes. L. Paulo, Q. Marcio Censoribus, pri-
 mum in Italiam carbunculum venisse, Annalibus
 conscriptum est, peculiare Narbonensis provinciæ
 malum: quo duo Consulares obiere, condentibus
 hæc nobis eodem anno, Iulius Rufus, & Q. Leca-
 nius Bassus, ille medicorum inscitia sectus, hic
 verò pollice lavæ manus evulso acu ab semetipso,
 tam parvo vulnere, ut vix cerni posset. Nascitur
 in oc-

in occultissimis corporum partibus, & plerumque sub lingua, duritia rubens varicis modo, sed nigricans capite, alias livida, corpus intendens, neque intumescens, sine dolore, sine pruritu, sine alio quam somni indicio, quo gravatos in triduo aufert, aliquando & horrorem afferens, circaque pustulas parvas, rarius febrem; stomachum faucesque cum invasit, ocysime exanimans. Diximus elephantiasin ante Pompeii Magni ætatem non accidisse in Italia, & ipsam à facie sæpius incipientem, in nare prima veluti lenticula: mox invalescente per totum corpus, maculosa, variis coloribus & inæquali cute, alibi crassa, alibi tenui, dura alibi ceu scabie aspera: ad postremum verò nigrescente: & ad ossa carnes apprimente, intumescens digitis in pedibus manibusque. Ægypti peculiare hoc malum: & cum in reges incidisset, populis funebre: quippe in balneis folia temperabantur humano sanguine ad medicinam eam. Et hic quidem morbus celeriter in Italia restinctus est: sicut & ille, quem gemursam appellavere prisci, inter digitos pedum nascentem, etiam nomine obliterato. Idipsum mirabile, alios desinere in nobis, alios durare, sicuti colum: Tiberii Cæsaris principatu irrepsit id malum: nec quisquam prior Imperatore ipso sensit, magna civitatis ambage, cum edicto ejus excusantis valetudinem, legeret nomen incognitum. Quid hoc esse dicamus, aut quas Deorum iras? Parum enim erant homini certa morborum genera, cum supra ccc essent, nisi etiam nova timerentur? Neque ipsi autem homines pauciora sibi opera sua negotia important. Hæc apud priscos erant, quæ memoramus, remedia, medicinam ipsa quodammodo rerum natura faciente, & diu fuere.

Hippocratis certe, qui primus medendi præcepta clarissime condidit, referta herbarum mentione invenimus volumina: nec minus Dioclis Carystii, qui secundus ætate famaue extitit: item Praxagoræ & Chryssippi, ac deinde Erasistrati: Herophilo quidem, quanquam subtilioris sectæ conditori, ante omnes celebratam rationem eam, paulatim usu, efficacissimo rerum omnium magistro, peculiariter utique medicinæ, ad verba garulitatemque descendente. Sedere nanque in his scholis auditioni operatos gratius erat, quam ire per solitudines, & quærere herbas alias aliis diebus anni.

CAP. III. *De nova medicina, & Asclepiade medico, & qua ratione veterem medicinam mutaverit.*

Durabat tamen antiquitas firma, magnasque confessæ rei vindicabat reliquias, donec Asclepiades ætate Magni Pompeii orandi magister, nec satis in arte ea quæstuosus, ut ad alia sagacis ingenii, huc se repente convertit: atque (ut necesse erat homini qui nec id egisset, nec remedia nosset, oculis usuque percipienda) torrenti ac meditata quotidie oratione blandiens omnia abdicavit: totamque medicinam ad causam revocando, conjecturam fecit, quinque res maxime communium auxiliorum professus, abstinentiam cibi, alias vini, frictionem corporis, ambulationem, gestationes: quæ cum unusquisque semetipsum sibi præstare posse intelligeret, faventibus cunctis ut essent vera quæ facillima erant, universum prope humanum genus circumegit in se, non alio modo, quam si cælo emissus advenisset. Trahebat præterea mentes artificio mirabili, vinum promittendo ægris,

dan-

dandoque tempestive, tum frigidam aquam. Et quoniam causas morborum scrutari prior Herophilus instituerat, vini ratione illustraverat Cleophrantus apud priscos, ipse cognominari se frigida danda præferens, ut autor est M. Varro; alia quoque blandimenta excogitabat, jam suspendendo lectulos, quorum jactatu aut morbos extenuaret, aut somnos alliceret; jam balineas avidissima hominum cupidine instituendo, & alia multa dictu grata atque jucunda: magna autoritate: nec minore fama, cum occurrisset ignoto funeri, relato homine ab rogo atque servato, ne quis levibus momentis tantam conversionem factam existimet. Id solum possumus indignari, unum hominem è levissima gente, sine opibus ullis orsum, vestigialis sui causa, repente leges salutis humano generi dedisse, quas tamen postea abrogavere multi. Asclepiadem adjuvere multa, quorum cura nimis anxia & rudis, ut obruendi ægros veste, sudoresque omni modo ciendi, nunc corpora ad ignes torrendi, solesve assiduo quærendi, in urbe umbrosa: imò verò tota Italia imperatrice, tum primum pensili balinearum usu ad infinitum blandientem. Præterea in quibusdam morbis medendi cruciatus detraxit, ut in anginis, quas curabant in fauces organo demisso. Damnavit merito & vomitiones, tunc supra modum frequentes. Arguit & medicamentorum potus stomacho inimicos, quod est magna ex parte¹ vetitum. Itaque nos in primis quæ sunt stomacho utilia signamus.

CAP. IV. *Irrisio Magicæ artis, & de lichene, ejusque remedio, & faucium.*

Super omnia adjuvere eum Magicæ vanitates, in tantum evectæ, ut abrogare herbis fidem cunctis possent. Æthiopide herba amnes ac stagna sic

cari conjectu, tactu clausa omnia aperiri: Achæmenide conjecta in aciem hostium, trepidare agmina, ac terga vertere: Latacen dari solitam à Persarum rege legatis, ut quocunque venissent, omnium rerum copia abundarent, ac multa similia. Vbinam istæ fuere, cum Cimbri Teutonique terribili Marte ulularent, aut cum Lucullus tot reges Magorum paucis legionibus sterneret? Curve Romani duces primam semper in bellis² commerciorum habuere curam? Cur hercule Cæsaris miles ad Pharsaliam famem sensit, si abundantia omnis contingere unius herbæ felicitate poterat? Non satius fuit Æmilianum Scipionem Carthaginis portas herba patefacere, quam machinis claustra per tot annos quater? Siccentur hodie Æthiopide Pontinæ paludes, tantumque agri suburbanæ reddatur Italiæ. Nam quæ apud eundem Democritum invenitur compositio medicamenti, quo pulchri bonique & fortunati gignantur liberi, cur nunquam Persarum regi tales dedit? Mirum esset profecto, hucusque provectam credulitatem antiquorum, saluberrimis ortam initiis, si in ulla re modum humana ingenia novissent, atque non hanc ipsam medicinam ab Asclepiade repertam, suo loco probaturi essemus evectam ultra Magos etiam. Sed hæc est omni in re animorum conditio, ut à necessariis orsa primo, cuncta pervenerint ad nimium. Igitur demonstratarum priore libro herbarum reliquos effectus reddemus: adjiciemus, ut quasque ratio dictaverit. Sed in lichenis remediis, atque tam fædo malo, plura undique acervabimus, quanquam non paucis jam demonstratis. Medetur ergo plantago trita, quinquefolium, radix albuci ex aceto, ficulnei caules aceto decocti, hibisci radix cum glutino & aceto acri

acri decocta ad quartas. Defricantur etiam pumice, ut rumicis radix trita ex aceto illinatur, & flos visci cum calce subactus. Laudatur & tithymali cum resina decoctum. Lichen verò herba omnibus his præfertur, inde nomine invento : nascitur in saxosis, folio uno ad radicem lato, caule uno, parvo, longis foliis dependentibus : hæc delet & stigmata : teritur cum melle. Est aliud genus lichenis, petris totum inhærens, ut muscus, qui & ipse illinitur. Hic & sanguinem sistit vulneribus instillatus, & collectiones illitus : morbum quoque regium cum melle sanat ore illito & lingua. Qui ita curantur, aqua falsa lavari jubentur, ungi oleo amygdalino, hortensis abstinere. Ad lichenas & thapsiæ radice utuntur trita cum melle. Anginæ argemonia medetur sumpta ex vino : hyssopum cum vino decoctum & gargarizatum : peucedanum cum coagulo vituli marini æquis partibus. Proserpinaca cum muria ex mænis & oleo trita, vel sub lingua habita. Item succus de quinquefolio, potus cyathis tribus : hic & omnibus faucium vitiis medetur gargarizatus : verbascum tonsillis in aqua potum.

CAP. V. *Ad strumas, & ad digitos, & ad pedus, & ad tussim medicina.*

Strumis plantago : chelidonia cum melle & axungia : quinquefolium : radix perfolatæ item cum axungia, operitur folio suo imposita : item artemisia : radix mandragoræ ex aqua. Sideritis lata folia, clavo sinistra manu circumfossa, adalligantur, custodienda sanatis, ne rursus fata diro herbariorum scelere (ut in quibusdam) rebellet : quod in his, quos artemisia sanaverit, prædici reperio : item in his, quos plantago. Damasonion, quæ & alcea vocatur, sub solstitio collecta, im-

nitur ex aqua caelesti; folium tritum, vel radix cum axungia tusa, ita ut imposta folio suo operiatur: sic & ad omnes cervicis dolores, tumoresque quacunque in parte. Bellis in pratis nascitur, flore albo, aliquatenus rubente: hanc cum artemisia illitam, efficaciorē esse produnt. Condidum herba solstitialis, flore rubro, suspensa in collo, comprimere dicitur strumas: item verbenaca cum plantagine. Digitorum vitii omnibus, & privatim pterygiis, quinquifolium medetur. In pectoris vitii vel gravissimum est tussis: huic medetur panacis radix in vino dulci. Succus hyoscyami etiam sanguinem excreantibus: nidor quoque accensi tussientibus. Item scordotis misto nasturtio, & resina, & cum melle tusa arida. Facit & per se faciles excreationes. Item centaureum majus, vel sanguinem rejicientibus: cui vitio & plantaginis succus medetur. Et Veronica obolis tribus in aqua, contra purulentas, contraque cruentas excreationes. Persolatae radix drachmae pondere, cum pineis nucleis undecim. Peucedani succus, pectoris doloribus, & acorum subvenit, & ideo antidotis miscetur: tussi daucum: item Scythica herba: ea demum omnibus pectoris vitiiis, tussi & purulenta excreantibus, obolis tribus in passlo.

CAP. VI. De verbasco, & cacalia, tussilagine, vel bechio, & salvia, ad tussim.

Totidem verbascum, cujus flos aureus: tanta huic vis est, ut jumentis etiam non tussientibus modo, sed alia quoque trahentibus, auxilietur potu: quod & de gentiana reperio. Radix cacaliae commanducata, & in vino madefacta, non tussi tantum, sed & faucibus prodest. Hyslopi quoque quinque rami cum duobus rutae & ficis tribus decocti thoracem purgant. Tussim sedat bechion, quae

quæ & tussilago dicitur: duo ejus genera: Sylvestris ubi nascitur, subesse aquas credunt: & hoc habent signum aquileges: folia sunt majuscula, quam ederæ, quinque aut septem, subalbida à terra, superne pallida, sine caule, sine flore, sine semine, radice tenui. Quidam eandem esse ³ bechion, & alio nomine chamæleucen putant: hujus aridæ cum radice fumus per harundinem haustus & devoratus, veterem sanare dicitur tussim sed in singulos haustus passum gustandum est. Altera à quibusdam salvia appellatur, similis verbasco: conteritur ea, & colata calefit, atque ita ad tussim laterisque dolores bibitur: contra scorpiones eadem & dracones marinos efficax: contra serpentes quoq; ex oleo perungi ea prodest. Hyssopi fasciculus cum quadrante mellis decoquitur ad tussim.

CAP. VII. *Ad lateris dolores, & pectoris, ad orthopneas, ad jecinoris dolorem, cordis dolori, pulmonum, urina, tussi, pectori, h ulceribus, renibus, hepaticis, ad vomitiones, & ad singultus, pleuriticis, lateri.*

Ad lateris & pectoris dolores verbascum cum ruta ex aqua; Vertonicæ farina bibitur ex aqua calida. Stomachum corroborat scordotis succus, centaureum, gentiana, ex aqua potæ. Plantago aut per se sumpta in cibo, aut cum lente, alicæve sorbitione. Vertonica alias gravis stomacho, vitia tamen sanat pota, vel foliis commanducata: Item aristolochia pota: agaricum manducatum siccum, ut ex intervallo merum sorbeat: nymphæa heraclia illita: peucedani succus. Psyllion ardoribus imponitur, vel coryledon trita cum polenta, vel aeizoum: Molon scapo est striato, foliis mollibus parvis, radice iv digitorum, in qua extrema allii

caput est: vocatur à quibusdam syron. Ex vino stomacho, & dyspnœæ medetur: centaurium majus ecligmate: plantago succo vel cibo: Vertonicæ tufæ pondo libra mellis Attici semuncia, ex aqua calida quotidie bibentibus. Aristolochia vel agaricon, obolis ternis ex aqua calida, aut lacte asini pota. Cissanthemos ad orthopnœas bibitur: item hyssopum & asthmaticis. Peucedani succus in jocinoris doloribus, & pectoris laterisque, si febres non sint. Sanguinem quoque expuentibus subvenit agaricum, Victoriati pondere tritum & in mulsi v cyathis datum: idem & amomon facit. Iocinori privatim Teucria bibitur recens, drachmis 1 v in poscæ hemina. Vertonicæ drachma una, in aqua calida, cyathis 111 ad cordis vitia, in frigida, cyathis 11. Quinquefolii succus jocinoris & pulmonis vitiis, sanguinemque rejicientibus, & cuicunque sanguinis vitio intus occurrat. Iocinori anagallides mire profunt. Capnon herbam qui edere, bilem per urinam reddunt. Acoron jocinori medetur, thoraci quoq; & præcordiis. Caucon, quæ & ephedra, ab aliis anabasis vocata, nascitur ventoso fere tractu, scandens arborem, & ex ramis propendens, folio nullo, cirris numerosa, qui sunt junci geniculati, radice pallida. Datur ex vino nigro austero trita ad tussim, suspiria, tormina, & sorbitione facta, in quam vinum addi convenit: item gentiana madafacta pridie contrita denarii pondere in vini cyathis tribus. Geum radículas tenues habet, nigras, bene olentes: medetur non modo pectoris doloribus aut lateris, sed & cruditates discutit jucundo sapore. Verbenaca vero omnibus visceribus medetur, lateribus, pulmonibus, jocinoribus, thoraci: peculiariter autem pulmonibus, & quos
ab his

ab his phthisis tentat. Radix herbæ confiliginis, quam nuper inventam diximus, suum quidem & pecoris omnis remedium præsens est, pulmonum vitio, vel trajecta tantum in auricula: bibi debet ex aqua, haberique in ore assidue sub lingua. Superficies ejus herbæ an sit in aliquo usu, adhuc incertum est. Renibus prodest plantaginis cibus; Vettonicæ potus, agaricum potum, ut in tussi. Tripolium in maritimis nascitur saxi, ubi alludit unda, neque in mari, neque in sicco, folio isatis crassiore, palmo alto, in mucrone diviso, radice alba, odorata, crassa, calidi gustus: datur hepaticis in farre decocta: hæc herba eadem videtur quibusdam, quæ polium, de qua suo loco diximus. Symphonia, vel gromphena, alternis viridibus roseisque per caulem foliis, in posca sanguinem rejicientibus medetur. Iocinori autem herba melandryum, nascens in segete ac pratis, flore albo odorata: ejus cauliculus conteritur ex vino veteri: Item herba chalcetum è vineis contrita imponitur. Faciles præstat vomitiones radix Vettonicæ, ellebori modo 1v drachmis in passio aut mulso. Hyssopum tritum cum melle utilius, præsumpto nasturtio aut irione: 4 molemonium denarii pondere. Est & silybo lacteus succus, qui densatus in gummi, sumitur cum melle supra dicto pondere: præcipueque bilem trahit. Rursus sistunt vomitionem cuminum sylvestre, Vettonicæ farina: sumuntur ex aqua. Abstergent fastidia, cruditatesque digerunt, daucum, Vettonicæ farina ex aqua mulsa, plantago decocta caulium modo. Singulus hemionium sedat: item aristolochia: Suspiria clymenos. Pleuriticis & peripneumoniciis centaureum majus: item hyssopum bibitur. Pleuriticis peucedani succus. Halus autem, quam

Galli sic vocant, Veneti cotoneam, medetur lateri: item renibus convulsisque & ruptis: similis est cunilæ bubulæ, cacuminibus thymo, dulcis, & sitim sedans, raræ radicis, alibi albæ, alibi nigræ. Eosdem effectus in lateris doloribus habet chamærops, myrteis circa caulem geminis foliis, capitibus Græculæ rosæ, ex vino pota. Ischiadicis dolores & spinæ levat agaricum potum, ut in russi: item stæchadis, aut Vettonicæ farina ex aqua mulsâ.

CAP. VIII. *De omnibus vitiis ventris & remediis, & eorum quæ circa vel intra sunt, & de alvo sistenda vel solvenda.*

Plurimum tamen homini negotii alvus exhibet, cujus causa major pars mortalium vivit. Alias enim cibos non transmittit, alias non continet, alias non capit, alias non conficit. Eoque mores venere, ut homo maxime cibo pereat. Pessimum corporum vas instat ut creditor, & sæpius die appellat: hujus gratia præcipue avaritia expetitur: huic luxuria conditur: huic navigatur ad Phasin: huic profundi vada exquiruntur: & nemo utilitatem ejus æstimat, consummationis fœditate. Ergo numerosissima est circa hanc medicinæ opera. Sistit eam scordotis recentis drachma cum vino trita, vel decocta potu. Polemonia quoque & dysentericis ex vino datur: verbasci radix pota ex aqua duorum digitorum magnitudine: nymphææ heraclæ semen cum vino potum: radix superior è xiphio, drachmæ pondere ex aceto: Semen plantaginis in vino tritum, vel ipsa ex aceto cocta, aut alica ex succo ejus sumpta: Item cum lenticula cocta, vel aridæ farina inspersa porioni cum papavere tosto & trito, vel succus infusus, aut succus Vettonicæ, in vino ferro calefacto. Eadem coeliaci

coeliacis in vino austero datur: his & iberis im-
ponitur, ut dictum est. Tenefmo radix nymphææ
heraclia: è vino bibitur: psyllium in aqua: acori
radicis decoctum. Aeizoi succus alvum sistit &
dysenterias, & tineas rotundas pellit. Symphyti
radix dysenteriam sistit: item dauci. Aeizoum fo-
liis contritis ex vino torminibus resistit: Alceæ
sicca: farina pota cum vino. Astragalus folia ha-
bet longa incisuris multis, obliqua circa radices,
caules III aut IV foliorum plenos, florem hya-
cynthi, radices villosas, implicatas, rubras, præ-
duras: nascitur in petrosis, apricis, & iisdem ni-
valibus, sicut Pheneo Arcadiæ: Vis ei ad spissan-
da corpora: alvum sistit radix in vino pota: quo
fit ut moveat urinam percussio liquore, sicut
pleraque quæ alvum sistunt: sanat & dysentericos
in vino rubro tusa: difficile autem tunditur: ea-
dem gingivarum suppurationi utilissima est foru:
colligitur exitu autumnii, cum folia amisit: sicca-
tur in umbra. Et ladano sistitur alvus utroque:
quod in segetibus nascitur, confuso & cribrato,
bibitur ex aqua mulsa: item nobili, è vino. Lada
appellatur herba, ex qua ladanum fit in Cipro,
barbis caprarum adhærescens: nobilior in Arabia:
fit jam & in Syria atque Africa, quod toxicon
vocant. Nervos enim in arcum circumdatos lanis
trahunt, adhærescente rosco lanugini: plura
de eo diximus inter unguenta. Hoc gravissimum
odore est, durissimumque tactu: plurimum enim
terræ colligit, cum probetur maxime purum,
odoratum, molle, viride, resinofum. Natura ei
molliendi, siccandi, concoquendi, somnum alli-
ciendi: capillum fluentem cohibet, nigritiamque
custodit: auribus cum hydromelite aut rosaceo
infunditur: fursures cutis & manantia hulcera sa-

le addito sanat: tussim veterem cum styrace sum-
 ptum: efficacissimum ad ructus. Alvim sistit &
 chondris, siue pseudo dictamnium: hypocisthis,
 orobathion quibusdam dicta, malogranato im-
 maturo similis: nascitur, ut diximus, sub cistho,
 unde nomen: hæc arefacta in umbra sistit alvim
 ex vino austero nigroque utraque. Duo enim ge-
 nera ejus, candida & ruffa. Vfus in succo: spif-
 fat, siccatur: & ruffa magis stomachi reumatismos
 emendat: pota tribus obolis, sanguinis execratio-
 nes: cum amylo dysenterias pota & infusa. Item
 verbenaca ex aqua data, aut carentibus febre ex
 vino ammimeo: cochlearibus quinque additis in
 cyathos tres vini. Laver quoque nascens in rivis
 condita & cocta torminibus medetur. Potamo-
 geton vero ex vino dysentericis etiam & cœlia-
 cis; similis betæ foliis, minoribus tantum hirsu-
 tioribusque, paulatim supereminens extra aquam;
 peculiariter refrigerat, spiffat. Vfus in foliis: cru-
 ribus vitiosis utilia, & contra huculcerum nomas,
 cum melle vel aceto. Castor hanc aliter noverat,
 tenui folio velut equinis fetis, thyrsos longo & læ-
 vi, in aquosis nascentem: radice sanabat strumas
 & duritias. Potamogeton adversatur & crocodi-
 lis, itaque secum habent eam, qui venantur illos.
 Alvim sistit & Achillea: eosdem effectus præstat
 & statice viti caulibus, veluti rosæ capita susti-
 nens: Ceratium uno folio, radice nodosa & magna,
 in cibo cœliacis & dysentericis medetur. Leonto-
 podion, alii leuceoron, alii dorypetron, alii tho-
 rybetron vocant, cujus radix alvim sistit, purgat-
 que bilem, in aquam mulsam addito pondere de-
 nariorum duum: Nascitur in campestri & gracili
 solo: semen ejus potum, lymphatica somnia face-
 re dicitur. Lagopus⁴ sistit alvim è vino pota, aut
 in fe-

in febris ex aqua : eadem inguini adalligatur in tumore : nascitur in segetibus. Multi super omnia laudant ad deploratos dysentericos quinquosolium, decoctis in lacte radicibus potis : & Aristolochiam victoriati pondere in cyathis vini tribus. Quæ ex supra dictis calida sumuntur, hæc candente ferro temperari aptius erit. E diverso purgat alvum succus centaurei minoris, drachma in hemina aquæ cum exiguo salis & aceti, bilemque detrahit. Majore tormina discutiuntur. Vetonica alvum solvit drachmis quatuor, in hydromelitis cyathis novem. Item euphorbium vel agaricum drachmis duabus cum sale modico potum ex aqua, aut in mulso obolis tribus. Solvit & cyclaminos ex aqua pota, aut balanis subditis : item chamæcissi balanus. Hyssopi manipulus decoctus ad tertias cum sale, pituitas trahit illitus, vel contritus cum oxymelite & sale : pellitque ventris animalia. Pituitam & bilem detrahit peucedani radix. Alvum purgat anagallis ex aqua mulsa : item epithymon, qui est flos è thymo, satureiæ simili : differentia, quod hic ⁷ herbaceus est, alterius thymi albus : quidam hippopheon vocant : stomacho minus utilis, vomitiones minus movet : sed tormina & inflationes discutit : sumitur & ecligmate ad pectoris vitia cum melle, & aliquando iride. Alvum solvit, à quatuor drachmis ad sex, ⁸ cum mellis exiguo salis atque aceti. Quidam aliter epithymum tradunt sine radice nasci, tenue, similitudine pallioli, rubens : siccari in umbra, bibi ex aqua acetabuli parte dimidia, detrahente pituitam bilemque. Alvum leniter solvit & nymphæa in vino austero. Solvit & pycnocomon, erucae foliis crassioribus & rarioribus, radice rotunda, lutei coloris, terram olente, caule quadrangulo, modico,

dico, tenui, flore ocimi: invenitur in saxosis locis: radix ejus in aqua mulsâ denariorum duum pondere, & alvum, & bilem, & pituitam exinanit: semen somnia tumultuosa facit, una drachma in vino potum. Et capnos strumam discutit. Detrahit bilem polypodion, quam nostri filiculam vocant: similis enim est filici. Radix in usu, pilosa, coloris intus herbacei, crassitudine digiti minimi, acetabulis cavernosa, ceu polyporum cirri, subdulcis, in petris nascens, aut sub arboribus vetustis. Exprimitur succus aqua madefacta: & ipsa concisa inspergitur oleri vel betæ, vel malvæ, vel salsamento: vel cum pulicula coquitur ad alvum vel in febris leniter solvendam: detrahit bilem & pituitam, stomachum offendit: aridæ farina indita naribus polypum consumit: ? floret, & semen non fert. Scammonium quoque dissolutionem stomachi facit, bilem detrahit, alvum solvit, præterquam si adjiciantur aloes drachmæ duæ obolis ejus duobus. Est autem succus herbæ ab radice ramosæ, pinguibus foliis, triangulis, albis, radice crassâ, madida, nauseosa: nascitur pingui & albo solo. Radix circa Canis ortum excavatur, ut in ipsam confluat succus: qui Sole siccatus, digeritur in pastillos. Siccatur & ipsa, vel cortex. Laudatur natione Colophonium, Mysium, Priennense: specie autem nitidum, & quam simillimum taurino glutini, fungosum tenuissimis fistulis, cito liquefcens, virus redolens, gummosum, linguæ tactu lætescens, quam levissimum, cum diluitur, albescens. Hoc evenit & adulterino, quod fit erui farina & tithymali marini succo, in Iudæa fere: quod etiam strangulat sumptum: deprehenditur gustu: Tithymalus enim linguam excalfacit: bulbi more, nec ante, nec postea utile.

Dedere

Dedere & per se ex aqua mulsâ & sale quaternis obolis : sed utilissime cum aloe , ita ut incipiente purgatione mulsum bibatur. Fit & decoctum radicis in aceto ad crassitudinem mellis , quo lepræ illinuntur : & caput ungitur in dolore cum oleo. Tithymalum nostri herbam lactariam vocant, aliâ lactucam caprinam : narrantque lacte ejus inscripto corpore , cum inaruerit , si cinis inspergatur , apparere literas , & ita quidam adulteras alloqui maluere , quam codicillis. Genera ejus multa : Primus cognominatur characias , qui & masculus existimatur , ramis digitali crassitudine , rubris , rugosis , quinque aut sex , cubitali longitudine , à radice foliis ¹⁰ pendulis , in cacuminibus comajunci : nascitur in asperis maritimis. Legitur semen autumnô cum coma : ficcatur sole tunditur & reponitur : succus vero incipiente pomorum lanugine , defractis ramulis excipitur farina erui , aut ficis , ut cum iis areseat : quinas autem guttas singulis excipi satis est : traduntque etiam toties purgati hydropicos fico sumpta , quot guttas lactis exceperit. Succus cum colligitur , ne attingat oculos cavendum est. Fit & è foliis tufis priore minus efficax. Fit & decoctum è ramis. Est & semen in usu cum melle decoctum ad catapotia solvendæ alvi gratia. Semen & dentium cavis cera includitur : colluuntur & radicis decocto è vino aut oleo. Illinunt & lichenas succo : bibuntque eum , ut purgent vomitione , & alvo soluta , alias stomacho inutilem. Trahit pituitam sale adjecto in potu , bilem aphronitro : si per alvum purgari libeat , in posca : si vomitione , in passô aut aqua mulsâ. Media potio tribus obolis datur : ficos à cibo sumpsisse melius est. Fauces urit leniter ; est enim tam ferventis naturæ , ut per se extra corpori

pori impositum, pustulas ignium modo faciat, & pro caustico in usu sit. Alterum genus tithymali myrsiniten vocant, alii caryiten, foliis myrti acutis & pungentibus, sed mollioribus, & ipsum in asperis nascens. Colliguntur comæ ejus hordeo turgescente, siccataque in umbra diebus novem in Sole inarescunt. Fructus non pariter maturescit, sed pars anno sequente, & nux vocatur: inde cognomen Græci dedere. Demetitur cum messium maturitate, lavaturque, dein siccatur, & datur cum papaveris nigri duabus partibus, ita ut sit totum acetabuli modus: minus hic vomitionibus, quam superior, cæteri item. Aliqui sic & folium ejus dedere, nucem vero ipsam in mulso, aut passo, vel cum sesama: trahit bilem & pituitam per alvum: oris hulcera sanat: ad nomas oris folium cum melle estur. Tertium genus tithymali paraliū vocatur sive tithymalis, folio rotundo, caule palmum alto, ramis rubentibus, semine albo, quod colligitur incipiente uva, & siccatum teritur, sumiturq; acetabuli mensura ad purgationes. Quartum genus helioscopion appellant, foliis portulacæ, ramulis stantibus à radice quatuor aut quinque, rubentibus, semipedali altitudine, succi plenis: hoc circa oppida nascitur, semine albo, columbis gratissimo, quod colligitur incipiente uva. Nomen accipit, quoniam capita cum Sole circummagit. Trahit bilem per inferna in oxymelite dimidio acetabulo: cæteri usus, qui characiæ. Quintum cyparissian vocant propter foliorum similitudinem, caule gemino aut triplici nascentem in campestribus: cui eadem vis, quæ helioscopio, aut characiæ. Sextum platyphyllon vocant: alii corymbiten, alii amygdaliten à similitudine: nec ullius latiora sunt folia. Pisces necat, alvum solvit, radice

radice vel foliis vel succo in mulso aut aqua mulsa drachmis quatuor: detrahit privatim aquas. Septimum dendroides cognominant, alii cobion, alii leptophyllon, in petris nascens, comosissimum ex omnibus, maxime cauliculis rubentibus, & semine copiosissimum, ejusdem effectus, cujus characias. Apios ischas, sive raphanofagia, juncos duos, sive tres spargit in terra rubentes, foliis rutæ: radix capæ, sed amplior: quare quidam raphanum sylvestrem vocant. Intus habet ^{II} mammam candidam, extra cortices nigros: nascitur in montosis asperis, aliquando & in herbosis. Effoditur vere, tusaque in fictili mergitur: dejectoque quod supernatat, reliquus succus purgat utraque parte, sesquiobolo in aqua mulsa: sic & hydropticis datur acetabuli mensura. Inspergitur & aridæ radicis farina potioni: ajuntque superiorem partem ejus vomitione biles extrahere, inferiorem per alvum. Tormina discutit quodcunque panaces & veronica, præterquam à cruditate: peucedani succus & inflationes, ructus gignens: item acori radix daucumve, si lactucæ modo sumatur. Ladanum Cyprium potum interaneorū vitiis occurrat: item gentianæ farina, ex aqua tepida fabæ magnitudine. Plantago mane sumpta duabus lingulis, & tertia papaveris in vini non veteris cyathis iv. Datur & in somnum euntibus, addito nitro vel polenta, si multo post cibum detur. Colo infunditur hemina succi, vel in febris. Agaricum potum obolis tribus in vini veteris cyatho uno, leni medetur: & panacis omnium generum radix in mulso: sed Teucra præcipue, pota arida & decocta, quantum manus capiat, in aceti heminis tribus. Ad vulnus illinitur eadem cum aceto: aut si tolerari non possit, ex ficu vel aqua. Polemonia bi-

bitur

bitur ex vino. Vettonica drachma in oxymelitis cyathis tribus. Aristolothia, ut contra serpentes. Argemonia VII diebus in cibo sumpta, lienē consumere dicitur: agaricum in aceto mulso obolis duobus. Nymphææ heracliae radix è vino pota, & ipsa cōsumit. Cistanthemus, drachma bis die sumpta, in vini albi cyathis II per dies XL lienem dicitur paulatim emittere per urinam. Prodest & hyssopum cum fico decoctum: Lonchitidis radix decocta, priusquam semen emittat: Peucedani quoque radix decocta, & lieni & renibus. Lien acori potu consumitur: Præcordiis & ilibus utilissimæ radices. Clymeni semen potum diebus xxx pondere denarii in vino albo: Vettonicæ farina ex melle & aceto scillite pota: Radix lonchitidis in aqua: & Teucrium illinitur: item scordium cum cera, agaricum cum farina fœnigræci, vesicæ malis, contraque calculos; gravissimis cruciatibus, ut diximus, auxilio est; Polemonia ex vino pota: item agaricum. Plantago radice vel foliis potis ex passo: & Vettonica, ut in jocinore diximus: item ramici, pota atque illita: eadem ad strangurias efficacissima. Ad calculos quidam vettonicam & verbenacam & millefolium æquis portionibus ex aqua, pro singulari remedio bibere suadent. Strangurias discuti & dictamno certum est: item quinquefolio decocto ad tertias in vino: hoc & enterocelicis dari atque illini, utilissimum est. Xiphii quoque radix superior urinam ciet infantibus. Enterocelicis datur ex aqua, & illinitur vesicæ vitii. Peucedani succus infantium ramici: & umbilicis eminentibus psyllion illinitur. Vriam ciet anagallides, acorique radice decoctum, vel ipsa trita potaque: & omnia vesicæ vitia sanat, & calculos herba & radix cotyledonis. Itemque genitalium inflam-

inflammationem omnem , pari pondere caulis & seminis & myrrhæ. Ebulum teneris cum foliis tritum , ex vino potum , calculos pellit : impositum testes sanat. Erigeron quoque cum farina thuris & vino dulci , testium inflammationes sanat. Symphyti radix illita enterocelas cohibet : genitalium nomas hypocisthis alba. Artemisia quoque datur contra calculos ex vino dulci , & ad stranguriam. Dolores vesicæ sedat ex vino nymphææ heracliaæ radix. Eadem vis crithmo, ab Hippocrate admodum laudato : est autem inter eas quæ eduntur sylvestrium herbarum : hanc certe apud Callimachum apponit rustica illa Hecale : speciesque est batis hortensis. Caulis vnus palmum akus , semen fervens , odoratum , ceu libanotidis , rotundum , siccatum rumpitur : habet intrus nucleum candidum , quem aliqui cachryn vocant : folia pingua , albicant veluti olivæ , crassiora , & salsa gustu : radices digiti crassitudine tres aut quatuor : nascitur in maritimis petrosis. Estur crudum costumve cum olere , odoratum saporisque jucundi : servatur etiam in muria : præcipui usus ad stranguriam , folio , vel caule , vel radice ex vino. Colorem quoque corporis gratiorem facit , verum æquo largior inflationes : alvum solvit decocto urinamque , & à renibus humorem trahit. Sic & althææ siccæ farina in vino pota , stranguriam tollit , efficacius addito dauco : Lieni quoque utilis : adversus serpentes bibitur : jumentis quoque in pituita , aut stranguria hordeo inspersa succurrit. Anthyllion est lenti simillima , quæ in vino pota vesicas vitiis liberat , sanguinem sistit : (altera est anthyllis , chamæpityos similis , flore purpureo , odore gravi , radice intubi) Vel magis cepæa , similis portulacæ , nigriore radice , sed inutili , nascens in littoribus
hare-

harenosis, gustu amara : in vino cum asparagi radice vesicæ plurimum prodest. Eadem præstat hypericon, quam alii chamæpytin, alii ¹¹ corion appellant, oleraceo frutice, tenui cubitali, rubente, folio rutæ, odore acri, semine in filiqua nigro, maturescente cum hordeo. Natura semini spissandi, alvum sistit : urinam ciet : ad calculos vesicæ cum vino bibitur. Est aliud hypericon, quod alii ¹² corin appellant, folio tamaricis, & sub ea nascitur, sed pinguioribus foliis & minus rubentibus, odoratum, palmo altius, leniter suave, aculeatum. Vis semini excalfactoria, & ideò inflationem facit enterocelis : sed stomacho non inutile ; præcipuum ad stranguriam, si exulcerata non sit vesica : medetur & pleuriticis ex vino potum. Vesicæ autem ¹³ callitrichon trita simul cum cumino, & data ex vino albo. Verbenaca quoque foliis, decocta ad tertias, vel radix ejus è mulso calido calculos ejicit. Item perpressa, quæ Aretii & in Illyrico nascitur, in aqua decocta è tribus heminis ad unam, & pota. Trifolium ex vino sumptum, & chrysanthemum primum. Anthemum quoque calculos ejicit, parvis à radice foliis quinis, caulibus longis duobus, flore roseo : radices tritæ per se, ceu laver crudum. Silaus nascitur glareosis & perennibus rivis, cubitalis, apii similitudine : coquitur, ut olus acidum, magna utilitate vesicæ : quæ si scabiem sentiat, panacis radice sanatur, aliter inutile vesicis. Calculos pellit malum erraticum, radicis libra in vini congio decocta ad dimidias : inde heminae sumuntur per triduum : reliquum ex vino cum sio, & urtica marina, & daucum, & plantaginis semen ex vino. Et herba Fulviana trita ex vino (& hæc nomen inventoris habet, nota tractantibus) utinas ciet. Scordion

testium

testium tumores sedat. Hyoscyamum genitalibus medetur : peucedani succus ex melle , & semen, stranguriæ : agaricum obolis tribus in vini veteris cyatho uno : trifolii radix drachmis duabus in vino : dauci una drachma , vel seminis. Ischiadici & semine & foliis erythrodani tritis sanantur, panace potio : & infricata polemonia , aristolochiæ decocto folii. Agarico quidem & nervus, qui platys appellatur, & humerorum dolor sanatur, obolis tribus in vini veteris cyatho uno potis. Quinquefolium ischiadicis & bibitur & imponitur : item scammonia decocta cum hordei farina. Semen hyperici utriusque bibitur ex vino. Sedis vitia & attritus celerrime sanat plantago : condylomata quinquefolium : sedem ¹⁵ conversam cyclamini radix ex aceto. Anagallis cærulea procidentiam sedis retro agit : è diverso rubens proritat. Coryledon condylomata & hæmorrhoidas mire curat. Testium tumores acori radix decocta in vino tritaque & illita. Intertrigines negat fieri Cato, absinthium Ponticum secum habentibus.

CAP. IX. De pulegio, & argemone.

Alii adjiciunt & pulegium : quod jejunos qui legerit, si post se alliget, inguinis dolores prohibet aut sedat cœptos. Inguinaria (quam quidam argemonem vocant) passim in veptibus nascens, ut proffit inguinibus, in manu tantum habenda est. Panos sanat panaces cum melle : plantago cum sale : quinquefolium : persolatae radix, ut in strumis : item damasonium : verbascum cum sua radice tustum, vino aspersum, folioque involutum, & ita in cinere calfactum, ut imponatur calidum. Experti affirmavere, plurimum refert si virgo imponat nuda, jejuna jejuno, & manu supina tangens dicat : Negat Apollo pestem posse crescere, quam

quam nuda virgo restinguat : atque ita retrorsa manu ter dicat, totiesque despuant ambo. Medetur & radix mandragoræ ex aqua : radice scammonia decoctum cum melle : fideritis cum adipe veteri : vel Chrysippea cum ficis pinguibus , & hæc ab inventore habet nomen.

CAP. X. *De nymphaa, & abstinentia & appetentia Veneris, & de satyrion erythraico, & crategi, & fideriti.*

Venerem in totum adimit, ut diximus, nymphaa heraclia; eadem semel pota, in x dies: insomnia quoque Veneris à jejuno pota, & in cibo sumpta. Illita quoque radix genitalibus, inhibet non solum Venerem, sed & affluentiam genituræ: ob id corpus alere vocemque dicitur. Appetentiam Veneris facit radix è xiphio superior, data potu in vino. Item quam ¹⁶ crethmon agrion appellant: & horminos agrios, cum polenta contrita. Sed inter pauca mirabilis est orchis herba, sive serapias, foliis porri, caule palmeo, flore purpureo, gemina radice, testiculis simili, ita ut major, sive (ut aliqui dicunt) durior, ex aqua pota excitet libidinem: minor sive mollior, è lacte caprino inhibeat. Quidam folio scillæ esse dicunt læviori ac minori, caule spinoso: ejusque radices sanant oris hulcera, thoracis pituitas; alvum sistunt è vino potæ. Concitatricem vim habet satyrion: duo ejus genera: una longioribus foliis, quam oleæ, caule quatuor digitorum, flore purpureo, radice gemina ad formam hominis testium, alternis annis intumescente ac residente. Altera satyrion orchis cognominatur, & sæmina esse creditur: distinguitur internodiis & ramosiore frutice; radice fascinis utili: nascitur fere juxta mare. Hæc tumores & vitia partium earum erumpentia cum polenta

polenta illita sedat, vel per se trita. Superioris radix in lacte ovis colonicæ data, nervos intendit: eadem ex aqua remittit. Græci satyrion, foliis lilii rubri, minoribus, & tribus non amplius è terra exeuntibus tradunt, caule lævi, cubitali, nudo, radice gemina: cujus inferior pars & major mares gignat, superior ac minor fœminas. Et aliud genus satyrii (erythraicon appellant) semine viticis majore, lævi: duræ radicis cortice rubro intus album includi, sapore subdulce: fere in montosis inveniri: Venerem, etiam si omnino manu teneatur radix, stimulari, ¹⁷ adeò si bibatur in vino austero: Arietibus quoque & hircis seignioribus in potu dari: & à Sarmatis equis ob assiduum laborem pigrioribus in coitu, quod vitium profedamum vocant. Vim ejus restinguit aqua mulsa aut lactuca sumpta. In totum quidem Græci, cum concitationem hanc volunt significare, satyrion appellant, sic & ¹⁸ crategin cognominantes, & thelygonon, quarum semen testium simile est. Tithymali quoque ramorum medullam habentes, ad Venerem proniores fieri dicuntur. Prodigiosa sunt, quæ circa hoc tradidit Theophrastus, autor alioqui gravis, septuageno coitu durasse libidinem: contactu herbæ cujusdam, cujus nomen speciemque non posuit, Sideritis adalligata varices minuit, & sine dolore præstat. Podagræ morbus rarior solebat esse, non modo patrum avorumque memoria, verum etiam nostra, peregrinus & ipse: nam si Italiæ fuisset antiquitus, Latinum nomen invenisset. Insanabilis non est credendus: quippe quoniam & sponte desit, & in pluribus cura. Medentur panacis radices cum uva passa: succus hyoscyami cum farina vel semen, scordion ex aceto: iberis, uti dictum est: Verbenaca cum axungia trita,

trita, cyclamini radix; cuius decoctum & perionibus prodest. Podagras refrigerat radix è xiphio, semen è psyllio, cicuta cum lithargyro aut axungia, aeizoum in primo impetu podagræ rubentis; hoc est, calidæ. Vtrilibet vero convenit erigeron cum axungia, plantaginis folia trita addito sale modico, argemonia tusa ex melle. Medetur & verbenaca illita, aut si pedes macerentur in ejus decocto. Et lappago, similis anagallidi, nisi esset ramosior ac pluribus foliis aspera, rugosa, asperioris succi, gravis odoris: quæ talis est, mollugo vocatur: similis, sed asperioribus foliis, asperugo. Superioris succus expressus pondere x i denariorum in vini cyathis duobus quotidie sumitur. Præcipue vero liberat eo malo phycos thalassion, id est, fucus marinus, lactucæ similis, qui conchyliis substernitur: non podagræ modo, sed omnibus articulorum morbis impositus, prius quam exarefiat. Tria autem genera ejus: latum, & alterum longius, quadantenus rubens: tertium crispis foliis, quo in Creta vestes tinguntur, omnia ejusdem usus. Nicander ea & adversus serpentes in vino dedit. Salutare est & semen ejus herbæ, quam psyllion appellavimus, madefactum aqua, admistis in heminam seminis, resinæ Colophonæ cochlearibus duobus, thuris uno. Laudantur & mandragoræ folia cum polenta tusa.

CAP. XI. *Medicina generales de pedibus, talis, articulis, nervis, & remedia contra morbos qui totum corpus occupant, & de mirthryda, & vigiliis, & paralyfi, & de febris frigidis, & febre jumentorum, & phreneticis, & chamaæsta, & aeizoo, & de igne sacro.*

Talis vero tumentibus limus aquaticus cum oleo subactus mire prodest. Articulis succus è Centau-

Centaureo minore: idem nervis utilissimus: item Centauris. Vettonica nervis discurrentibus per scapulas, humeris, spinæ, lumbis pota, ut in jocinore. Articulis Quinquefolium impositum: Mandragoræ folia cum polenta, vel radix recens tusa cum cucumere sylvestri, vel decocta in aqua.
¹⁹ Cubitorum ac pedum rimis polypodii radix: articulis succus hyoscyami cum axungia: Amomi succus cum decocto: item centumculus decocta, vel muscus recens ex aqua obligatus, donec inarescat: item lappæ boariæ radix è vino pota. Cyclaminos decocta in aqua perniunculos curat, omniaque alia frigoris vitia. Perniunculos curat & cotyledon cum axungia: folia ex batrachio: epithymi succus. Clavos pedum extrahit ladanum cum castoreo; verbenaca ex vino. Nunc peractis malis, quæ membratim sentiuntur, dicemus de his, quæ totis corporibus grassantur. Remedia autem hæc communia invenio: ante omnes potam dodecatheon, de qua diximus: deinde panacis omnium generum radices, peculiariter longinquis morbis, & semen interaneorum vitiis. Ad omnes vero corporis dolores succum è scordio: item Vettonicæ, quæ pota colorem plumbeum corporis privatim emendat, gratioremque reducit. Geranion aliqui ²⁰ myrrhin, alii merthyryda appellant: similis est cicutæ, foliis minutoribus, & caule breviori, rotundo, saporis & odoris jucundi; nostri sic eam tradunt. Græci foliis candidioribus paulo quam malvæ, caulibus tenuibus, pilosis, ramosam ex intervallis, binum palmorum, & in his foliis, inter quæ in cacuminibus capitula sint gruum. Alterum genus foliis anemones, divisuris longioribus, radice mali modo rotunda, dulci, reficientibus se ab imbecillitate uti-

te utilissima: & fere talis vera est: bibitur contra phthisin drachma in vini cyathis tribus bis die: item contra inflationes: & cruda idem præstat. Succus radice auribus medetur: Opisthotonicis semen, drachmis quatuor cum pipere & myrrha potum. Phthisin sanat & plantaginis succus, si bibatur, & ipsa decocta: in cibo cum sale & oleo, & à somno matutino refrigerat: eadem datur his, quos atrophos vocant, interpositis diebus. Vettonica phthisicis ecligmate cum melle, fabæ magnitudine: Agaricum potum duobus obolis in passo, vel daucon cum centaureo majore in vino. Phagedænis (quod nomen sine modo exedentium est) & aliis huculcerum, tithymali medentur cum sesamis sumpti. Inter mala universi corporis vigiliæ sunt plerisque: harum remedio monstratur panaces, clymenos, aristolochia, & odore, & peruncto capite: æizoum, sive sedum, si involutum panno nigro, ignorantis pulvino subjiciatur: & ænothera sive onuris hilaritatem afferens in vino; amygdalaceo folio, flore rosaceo, fruticosa, longa radice, & cum siccata est, vinum olente: hæc in potu data feras quoque mitigat. Cruditates, quæ nauseam faciunt, digerit Vettonica: eadem pota à cœna concoctionem facit, in oxymelitis cyathis tribus drachmæ pondere, & crapulam discutit: item agaticum post cibos in aqua calida potum. Paralylin Vettonica sanare dicitur: item Iberis, ut dictum est: eadem & torpentibus membris prodest: item Argemonia, omnia quæ periclitentur secari, discutiendo. Comitiales sanant panacis, quam heraciam diximus, radices potæ cum coagulo vituli marini, ita ut sint panacis tres partes: Plantago pota: Vettonicæ in oxymelite drachma, vel agaticum obolis tribus: folia quinquefolii

quefolii ex aqua. Sanat & archezostis, sed cum ammineo pota: sanat & baccharis radix arida in pulverem contrita, cyathis tribus cum coriandro in aqua calida: & Centunculus, trita in aceto, aut melle, aut in aqua calida: Verbenaca ex vino pota: Hylsopi baccæ ternæ contritæ, & in aqua potæ diebus sedecim: peucedanum cum coagulo vituli marini æquis portionibus potum: quinquefolii contrita folia ex vino pota diebus xxxi. Vettonicæ farina pondere x, i i i cum aceti scylliti cyatho, mellis Attici uncia: scammonium obolis duobus cum castorei drachmis quatuor. Febres frigidas leviores facit agaricum potum in calida aqua: tertianas sideritis cum oleo: item ladanum, quod in segetibus nascitur, contusum: plantago ex aqua mulsâ, duabus horis ante accessionem pota binis drachmis: vel succus radices madefactæ vel tussæ: vel ipsa radix trita in aqua ferro calefacta. Quidam ternas radices in tribus cyathis aquæ dedere: idem in quartanis quaternas fecerunt. Buglossò inarescente, si quis medullam è caule eximat, dicatque ad quem liberandum febre id faciat, & alliget ei septem folia ante accessionem, ajunt à febre liberari: item Vettonicæ drachma, in aquæ mulsæ cyathis tribus, vel agarico, maxime in his febribus, quæ cum horrore veniunt. Quinquefolii folia quidam terna tertianis dedere, quaterna quartanis, plura cæteris: alii omnibus, obolis tribus cum pipere, ex aqua mulsâ. Verbenaca quidem & jumentorum febribus in vino medetur: sed in tertianis à tertio geniculo incisa, quartanis à quarto. Bibitur & semen hyperici utriusque in quartanis, & horroribus: Vettonicæ farina, quæ omnes horrores coercet. Item panaces, adeo excafactoria natura, ut per nivem itu-

ris bibere id, ac perungi eo præcipiant. Et aristo-
 lochia perfrictionibus resistit. Phreneticos somnus
 sanat, qui contingit peucedano ex aceto capiti in-
 fuso, & anagallidum succo. E diverso lethargicos
 excitare labor est, hoc præstante (ut perhibent)
 ex aceto naribus tactis peucedani succo. Contra
 insanias ²¹ Vertonica bibitur. Carbunculos rum-
 pit panaces: sanat Vertonicæ farina ex aqua, aut
 brassica cum thure, frequenti potu calidæ: vel è
 carbone in conspectu extincto, favilla, digito sub-
 lata & illita, vel plantago tusa. Tithymalus chara-
 cias hydropicos sanat. Panaces, plantago in cibo,
 cum prius panem siccum ederint sine potu: Ver-
 tonica drachmis duabus in duobus cyathis vini
 aut mulsi: vel agaricum, vel semen lonchitidis,
 duabus lingulis ex aqua potum: psyllium ex vino:
 anagallidum succus: cotyledonis radix è mulso:
 ebuli recentis radix, excussa tantum, nec colluta,
 quantum duo digiti comprehendant, ex vini ve-
 teris calidi hemina: trifolii radix drachmis dua-
 bus ex vino: tithymalum, platyphyllon cogno-
 mine, semen hyperici, quod ²² coris appellatur:
 Acte, quam quidam esse ebulum putant, radice
 contrita in vini cyathis tribus, si febris absit, vel
 semine ex vino nigro. Item verbenaca, fasciculo
 manus plenæ decocta in aqua ad dimidias. Præci-
 pue tamen chamæactæ succus aptissimus credi-
 tur. Eruptiones pituitæ emendant plantago, cy-
 clamini radix cum melle: ebuli folia contrita, & è
 vetere vino imposita etiam boam sanant, id est,
 rubentes papulas: Pruriginem succus strychni il-
 litus. Igni sacro medetur Aëizoum: folia trita ci-
 cutæ: mandragoræ radix: siccatur in aëre, ut cu-
 cumis: primoque super mustum suspenditur, mox
 in fumo: dein tunditur in vino aut aceto: prodest
 & vino

& vino myrteo fovere: Mentæ sextans, vivi sulphuris uncia, ex aceto simul trita: fuligo ex aceto. Ignis sacri plura sunt genera, inter quæ medium hominem ambiens, qui zoster appellatur, & enecat, si cinxerit. Medetur plantago cum creta Cimolia, & peristereos per se: radix perfolatæ. Aliis quæ serpunt, cotyledonis radix cum mulso, aëzoum, succus linozostis ex aceto.

CAP. XII. *Ad luxata membra, & contra morbum regium, & contra furunculos, & fistulas, & inflationes, & ambustionem, & contra alios morbos, ad nervos, ad sanguinem.*

Radix polypodii illita luxatis medetur. Dolorumque & tumores tollunt semen psyllii, folia plantaginis tusa, sale modico addito: verbasci semen ex vino decoctum & contritum: cicuta cum axungia. Folia ephemer²³ tuberibus atque tumoribus illinuntur, quæ etiamdum discuti possunt. Morbum regium in oculis præcipue mirari est, tenuitatem illam densitatemque tunicularum felle subeunte. Hippocrates à septimo die in febre, mortiferum signum esse docuit. Nos scimus vixisse aliquos etiam ab hac desperatione. Fit vero & citra febres, impugnaturque centaureo majore (ut diximus) poto, Vettonica, agarici obolis tribus ex vini veteris cyatho: item verbenacæ folio, obolis tribus ex vini calidi hemina quatruiduo. Sed celerrime quinquefolii succus medetur tribus cyathis potus cum sale & melle. Cyclamini radix drachmis tribus bibitur in loco calido, & à perfrictionibus tuto: sudores enim felleos movet. Folia tussilaginis ex aqua: semen linozostis utriusque inspersum potioni, vel cum absinthio, aut cicere decoctum: hyssopi baccæ cum aqua potæ: lichen herba, si cum sumitur, cætero olerè absti-

neatur: polytrix in vino data, struthion in mulso. Passim & in quacunq; parte ac maximo incommodo nascuntur, qui furunculi vocantur, mortiferum aliquando malum confectis corporibus. Remedio sunt pycnocomi folia trita cum polenta, si nondum caput fecerint. Discutiunt & folia ephedri illita. Fistulæ quoque in omni parte serpunt, medicorum vitio male sectis corporibus. Auxilio est centaureum minus, collyriis cum melle decocto additis: plantaginis succus infusus: quinquefolium cum sale & melle: ladanum cum castoreo: cotyledon cum medulla cervina calefacta, & imposita: Verbasci radice medulla collyrii tenuitate in fistulam additur: vel aristolochiæ radix, vel succus tithymali. Collectiones inflammationesque sanant argemoniæ folia illita. Duritias & collectiones omnes verbenaca, vel quinquefolium, decoctum in aceto: verbasci folia vel radix: hyssopum è vino impositum: acori radix, decocto ejus herbæ foventibus: aeizoum. Item quæ contrusa sint, duritiasque & sinus corporis.²⁴ Illecebræ omnia infixæ corpori extrahunt, folia tussilaginis, daucum, semen leontopodii tritum in aqua cum polenta. Suppurationibus imponuntur pycnocomi folia trita cum polenta, vel semen: item orchis. Vitia, quæ sint in ossibus, satyrii radice imposita, efficacissime sanari dicuntur. Nomæ & collectiones omnes, fugo maris, priusquam inarescat: Et alceæ radix collectiones discutit. Ambusta sanantur plantagine, arcio, ita ut cicatrix fallat: folia ejus in aqua decocta, & contrita illinuntur: radices cyclamini cum aeizoo: herba ipsa hyperici, quod corion appellavimus. Nervis & articulis convenit plantago trita cum sale: argemonia tusa ex melle. Peucedani succo perunguntur

tur spastici, tetanici. Nervorum duritiæ ægilops
 succo, doloribus erigeron ex aceto illinitur. Epi-
 thymo spasticis, opisthotonicis perungi semine
 hyperici, quod coris vocatur, idemque bibere
 prodest. Phrynion dicitur etiam abscissos sanare
 nervos, si confestim imponatur trita vel mansa.
 Spasticis tremulis, opisthotonicis alceæ radix bi-
 bitur ex aqua multa: sic & rigores excalfacit. San-
 guinis profluvium sistit herbæ pæoniæ semen
 rubrum: eadem & in radice vis. ²⁵ Cyclaminos
 vero, si ore sanguis rejiciatur, sive è naribus, sive
 alvo fluat, sive fœminarum utero, item lysima-
 chia pota vel illita, vel naribus indita: item plan-
 taginis semen: quinquefolium potum & illitum:
 cicutæ semen in nares, si inde fluat, tritum ex
 aqua inditum aeizoum, astragali radix: sistit &
 ischæmon, & Achillea.

CAP. XIII. *De herba equiseti, nymphaea, peucedano, sideriti, aliisque pluribus ad sanguinem sistendum utilibus, & stephanomeli, & erisithale, & contra vermes.*

Equisetum, hippuris, à Græcis dicta, & pratis
 vituperata nobis, (est autem pilus terræ, equinæ
 setæ similis) lienem cursorum extinguit decocta
 fictili novo ad tertias, quantum vas capiat, & per
 triduum heminis pota: unctis esculentis ante diem
 unum interdicitur. Græcorum varia circa hanc
 opinio: alii pino foliis similem, nigricantem, eo-
 dem nomine appellant, vim ejus admirabilem tra-
 dentes, quod etiam sanguinis profluvia vel tacto
 ea tantum homine sistat. Alii hippurin, alii ephedron,
 alii anabasin vocant: traduntque juxta arbores
 nasci, & scandentem eas dependere comis
 juncis multis nigris, ut est equorum cauda, ge-
 niculatis ramulis folia habere pauca, tenuia, exi-

gua: semen rotundum, simile coriandro, radice
 lignosa: nasci in arbutis maxime. Vis ejus spissa-
 re corpora: succus sanguinem è naribus fluentem
 inclusus sistit: item alvum: medetur dysentericis
 in vino dulci potus cyathis tribus: Vrinam ciet:
 tussim, orthopnœam sanat: item rupta, & quæ
 serpunt: Intestinis & vesicæ folia bibuntur: Ente-
 roceleum cohibet. Faciunt & aliam hippurin, bre-
 vioribus & mollioribus comis candidioribusque,
 perquam utilem ischiadicis, & vulneribus ex ace-
 to impositam, propter sanguinem sistendum. Et
 nymphæa trita plagis imponitur. Peucedanum
 cum semine cupressi bibitur, si sanguis per os red-
 ditus est, fluxitque ab infernis. Sideritis tantam
 vim habet, ut quamvis recenti gladiatoris vulnere
 illigata, sanguinem claudat: quod facit & ferulæ
 cinis, vel carbo: fungus vero etiam efficacius, qui
 secundum radicem ejus nascitur. Per nares autem
 fluenti, & cicutæ semen tritum ex aqua inditum-
 que, efficax habetur: item stephanomelis ex aqua.
 Vettonicæ farina è lacte caprino pota, sistit ex
 ubere fluentem: plantagoque contusa: ejusdem
 succus vomentibus sanguinem datur. Ad errati-
 cum autem radix perfolatæ cum axungia vetere
 illita probatur. Ruptis convulsisque, ex alto deje-
 ctis centaureum majus, gentianæ radix trita vel
 decocta, vel succus Vettonicæ, & hoc amplius à
 vocis aut lateris contentionibus: panaces, scor-
 dion, aristolochia, pota: agaricum item contusis
 & everfis, potum duobus obolis in mulsi cyathis
 tribus, aut si febris sit, in aqua mulsa: verbascum,
 cujus flos similis auro est, acori radix, aëizoum
 omne, sed è majori succus efficacissime: item
 symphyti radice decoctum: daucum crudum. Eri-
 sithales est flore luteo, foliis acanthi: bibitur è
 vino:

vino : item chamærops : & in sorbitione irio , vel plantago omnibus modis. Item phthiriasi , qua Sylla Dictator consumptus est : nascuntur in sanguine ipso hominis animalia exesura corpus : resistitur uvæ taminia succo, aut veratri , cum oleo perunctis corporibus. Taminia quidem in aceto decocta, etiam vestes eo tædio liberat.

CAP. XIV. *Ad hulcera, plagas, & ad verrucas tollendas, & de polycnemo.*

Hulcera multorum sunt generum , ac multis modis curantur. Panacis omnium generum radix , ex vino calido illinitur manantibus : siccatur privatim, quam Chiromiam diximus. Cum melle trita tubera aperit : hulceribusque , quæ serpunt, deploratis auxilio est cum æris flore, vino temperato omnibus modis, vel flore, vel semine, vel radice. Eadem cum polenta vetustis vulneribus prodest : Heraclion quoque siderion, apollinaris, psyllium, tragacantha, scordotis cum melle purgat : farina ejus carnes excrecentes per se insparsa consumit. Polemonia hulcera, quæ cacoethe vocant, sanat : centaureum majus insparsum vel illitum : item minoris eodem decocta vel trita, vetera quoque hulcera purgat & persanat. Folliculi clymeni recentibus plagis imponuntur. Illinitur autem gentiana hulceribus , quæ serpunt, radice tusa, vel decocta in aqua ad mellis crassitudinem, vel succo : vulneribus, ex ea factum lycium. Lysimachia recentibus plagis medetur. Plantago omnium generum hulceribus , peculiariter foeminarum, senum & infantium : Igne mollita melior, & cum cæroto, crassa hulcerum labra purgat, nomas sistit : tritam suis foliis integere oportet. Suppurationes, collectiones, sinus hulcerum chelidonia quoque siccantur : vulnera adeò, ut etiam pro

spodio utantur : eadem jam desperatis cum axungia imponitur. Dictamnium pota sagittas pellit, & alia tela extrahit illita : bibitur ex aquæ cyatho, foliorum obolo: proxime pseudodictamnium. Vtraque etiam suppurationes discutit. Aristolochia quoque putria hulcera exest: sordida expurgat cum melle, vermesque extrahit: item clavos in hulceribus natos: & infixæ corpori omnia, præcipue sagittas, & ossa fracta, cum resina: cava vero hulcera explet per se: & cum iride recentia vulnera ex aceto. Vetera hulcera verbenaca, quinquefolium cum sale & melle. Radices persolata, vulneribus ferro illatis recentibus imponuntur: folia veteribus: cum axungia utrumque: & suo folio operitur. Damasonium, ut in struma: folia verbasci ex aceto aut vino. Peristereos ad omnia genera, vel callosorum putrescentiumque hulcerum facit. Manantia nymphææ heraclia radix sanat: item cyclamini radix vel per se, vel ex aceto, vel cum melle: eadem & contra steatomata efficax, sicut ad hulcera manantia hyslopum: item peucedanum, cui ad recentia vulnera vis tanta est, ut saniem ossibus extrahat. Præstant hoc & anagallides, cohibentque quas vocant nomas, & reumathismos: utiles & recentibus plagis, sed præcipue senum corpori. Cum cerato apostemata & hulcerata tetra, folia mandragoræ recentia: radix vulnera cum melle aut oleo: cicuta cum filigine mista mero: aizoum herpetas quoque & nomas, ac putrescentia: sicut erigeron verminosa: recentia autem vulnera astragali radix: & vetera quoque hulcera purgat hypocisthis utraque. Leontopodii semen tritum in aqua, & cum polenta illitum, spicula sagittarum extrahit: item pycnocomi semen. Tithymalus characias succo gangrænas, phagedænas,

nas, putria, vel decocto ramorum cum polenta & oleo: orchis radices, hoc amplius & cacoethe ex aceto cum melle sicca & recentes: per se œno-thera ²⁶ efferantia sese hulcera sanat. Scythica vulnera curant. Ad carcinomata, argemonia ex melle efficacissima est. Vulneribus præsanatis asphodeli radix decocta, ut diximus, trita cum polenta & illita: quibuscunque vero apollinaris. Astragali radix in pulverem trita, humidis hulceribus prodest: item callithrix decocta in aqua. Priyatim vero iis quæ calceamento facta sint verbenaca, necnon & lysimachia contrita, ac nymphæa arida infricata. Polythrix inveteratis iisdem utilior. Polycnemon cunilæ bubulæ similis est, semine pulegii, surculosa, multis geniculis, corymbo odorato, acri & dulci odore, quæ ferro factis vulneribus commanducata imponitur, & quinto die solvitur. Symphyton ad cicatricem celerrime perducit: item sideritis: hæc imponitur ex melle. Verbasci semine ac foliis ex vino decoctis ac tritis omnia corpori infixâ extrahuntur: item mandragoræ foliis cum polenta: cyclamini radicibus cum melle. Trislaginis folia in oleo contrita iis maxime adhibentur hulceribus, quæ serpunt: & alga in melle trita. Verronica ad carcinomata, & melanias veteres addito sale. Verrucas tollit argemonia ex aceto, vel batrachii radix, quæ & unguis scabros aufert. Linozostidis utriusque folia, vel succus illitus: Tithymali omnes, genera verrucarum omnia: item omnia pterygia, varosque tollunt. Cicatrices cum elegantia ad colorem reducit ladanum.

CAP. XV. De pluribus experimentis ad mulierum
 menses, & vulva morbos, & partus eiciendos,
 & continendos, & cutis in facie vitia, &
 capillum tingendum & tollendum,
 & quadrupedum scabiem.

Artemisiam & elelisphacum alligatas qui habeat
 viator, negatur lassitudinem sentire. Muliebribus
 morbis medetur maxime in universum pæoniæ
 herbæ semen nigrum ex aqua mulsæ: eadem & in
 radice vis menses ciet: panacis semen cum absin-
 thio menses & sudores: scordotis potu & illitu.
 Veronica drachma in vini cyathis tribus bibitur
 contra omnia vulvarum vitia, aut quæ à partu
 fiunt. Menses nimios sistit Achillea imposita, &
 decoctum ejus insidentibus. Mammis imponitur
 hyoscyami semen ex vino: locis radix è catapla-
 smate: & mammis etiam chelidonia. Secundas
 morantes, vel partus emortuos, radices panacis
 appositæ extrahunt: ipsum panaces in vino po-
 tum vulvas purgat, appositumque cum melle. Po-
 lemonia pota ex vino, secundas pellit: nidore pur-
 gat vulvas. Centaurei minoris succus potu, fotu-
 que menses ciet: item majoris radix, in vulvæ
 doloribus iisdem modis prodest: derafa vero &
 apposita, extrahit partus emortuos. Plantago ap-
 ponitur in lana in dolore vulvæ: in strangulatu bi-
 bitur. Sed præcipua dictamno vis est: menses ciet,
 partus emortuos vel transversos ejicit: bibitur ex
 aqua foliorum obolo, adeo ad hæc efficax, ut ne
 in cubiculum quidem prægnantium inferatur: nec
 potu tantum, sed & illitu & suffitu valet: proxime
 pseudodictamnium: sed menses ciet cum mero de-
 coctum pondere denarii. Plurimis tamen modis
 aristolochia prodest: nam & menses & secundas
 ciet, & emortuos partus extrahit, myrrha & pi-
 pere

pere additis, pota, vel subdita: Vulvas quoque procidentes inhibet fotu vel suffitu, vel subiectu, maxime tenuis. Strangulatum ab his, mensiumque difficultatem agaricum tribus obolis in vini veteris cyatho potum, emendat: peristereos apposita in adipe suillo recenti: antirrhinon cum rosaceo & melle. Item apposita nymphææ thessalæ radix, dolori medetur: in vino nigro pota profluvia inhibet. E diverso ciet cyclamini radix pota & apposita: & vesicæ insidentium decocto medetur. Secundas pota cissantherios pellit, vulvam sanat. Et xiphii radix superior menses ciet, drachma ex aceto pota. Peucedanum strangulatus vulvæ nido-
 re ustum recreat. Menses alvosque præcipuè psyllium, drachma in cyathis tribus aquæ mulsæ²⁷ ciet. Semen mandragoræ potum vulvam purgat: menses ciet succus appositus, & emortuos partus: nimia rursus profluvia sistit semen cum vino & sulphure. Alvi profluvia sistit & contrahit battachion potu vel cibo, ardens alias (ut diximus) cruda: sed cocta commendatur cum sale & oleo, & cumino. Daucum & menses & secundas potu facillime pellit. Ladanum suffitu corrigit vulvas: dolori earum exulceratisque imponitur: emortua Scammonium pellit, potum vel appositum. Menses ciet hypericum utrumque, appositum. Ante alia vero (ut Hippocrati videtur) crethmos è vino, semine vel radice: cortice trahit & secundas: succurrit & strangulationibus ex aqua pota: item radix è geranio, peculiariter secundis inflammationibusque vulvarum conveniens. Purgat hippuris pota & apposita vulvas. Polygonus pota menses ciet & althææ radix: folia plantaginis pellunt, item agaricum ex aqua mulsæ. Artemisia vulvæ medetur trita, ex oleo irino aut fico,

fico, aut cum myrrha apposita: ejusdem radix pota in tantum purgat, ut partus enectos extrahat: menses & secundas ciet ramorum decoctum infidentibus: item folia pota drachma. Ad eadem omnia prosunt vel imposita ventri imo, cum farina hordeacea. Acoron quoque utile est interioribus sceminarum morbis & coniza utraque, & crethmos: & anthyllides duæ vulvis utilissimæ, torminibusque, & secundarum moræ, in vino potæ. Callitrix fori locis medetur, albugines in capite tollit, capillos inficit oleo trita. Geranion in vino albo potum, hypocisthis in rubro, profluvium sistunt. Hyssopum suffocationes laxat. Radix verbenacæ pota ex aqua, ad omnia in partu aut ex partu mala, præstantissima est. Peucedano quidam miscunt in vino nigro semē cupressi contritum. Nam semen psyllii deservectum in aqua, cum intepuit, epiphoras omnes uteri lenit. Symphiton tritum in vino nigro ²⁸ evocat menses. Partus accelerat scordotis pota, drachma succi in aquæ mulsæ cyathis quatuor: dictamni folia præclare dantur ex aqua: constat, unius oboli pondere vel si mortui sint in utero infantes, protinus reddi sine vexatione puerperæ. Similiter prodest pseudodictamnium, sed tardius: cyclaminos adalligata: cissanthemos pota: vettonicæ farina ex aqua mulsa. Arsenogonon & thelygonon herbæ sunt habentes uvas floribus oleæ similes, pallidiores tamen, semen album papaveris modo. Thelygoni potu sceminam concipi narrant: Arsenogonon ab ea semine oleæ, nec alio distat: hujus potu mares generari perhibentur, si credimus. Alii utranque ocimo similem tradunt. Arsenogoni autem, semen geminum esse testibus simile. Mammarum vitijis acizoum, quod digitellum appellavimus,

vimus, unice medetur. Erigeron ex passio mammas ubiores facit: sonchum in farre coctum. Quæ vero mastos vocatur, indita, pilos mammarum è partu nascentium aufert, & tineas in facie: aliaque cutis vitia emendat. Gentiana, nymphæa Heraclia illita, cyclamini radix, maculas omnes. Cacaliæ grana mista ceræ liquidæ, extendunt cutem in facie, erugantque: vitia omnia acori radix emendat. Capillum lysimachia flavum facit: denigrat hypericon, quod & corion vocatur: item ophrys herba 3^o denticulato oleri similis, foliis duobus. Nigritiam dat & polemonia, in oleo decocta. Psilothrum nos quidem in muliebris medicamentis tractamus: verum jam & viris est in usu: efficacissimum autem habetur archezostis: item tithymali succo, vel in Sole, cum oleo illito crebro, vel evulsis pilis. Quadrupedum scabiem sanat hyssopum, ex oleo; suum anginas peculiariter sidentis. Verum & reliqua genera herbarum reddamus.

LIBER XXVII.

Proœmium.

CAP. I. Reliqua herbarum genera.



RES C I T profecto apud me certe, tractatu ipso admiratio antiquitatis: quantoque major copia herbarum dicenda restat, tanto magis adorare priscorum in inveniendò curam, in tradendo benignitatem subit. Nec dubie superata hoc modo posset videri etiam rerum naturæ ipsius munificentia, si humani operis esset inventio. Nunc vero Deorum fuisse eam apparet, aut certe divinam, etiam cum homo inve-

inveniret: eandemque omnium parentem & genuisse hæc, & ostendisse, nullo vitæ miraculo majore, si verum fateri volumus. Scythicam herbam à Mæotidis paludibus, & euphorbiam è monte Atlante, ultraque Herculis columnas, & ipso rerum naturæ defectu, parte alia Britannicam ex Oceani insulis extra terras positis: itemq; Æthiopidem ab exusto sideribus axe: alias præterea aliunde ultro citroque humanæ salutis in toto orbe portari, immensa Romanæ pacis majestate, non homines modo diversis inter se terris gentibusque, verum etiam montes, & excedentia in nubes juga, partusque eorum & herbas quoque invicem ostentante. Æternum quæso Deorum sit munus istud: adeò Romanos, velut alteram lucem, dedisse rebus humanis videntur.

CAP. II. *De aconito, & panthera, quæ
extinguitur aconito.*

Sed antiquorum curam diligentiamque quis possit satis venerari: cum constet omnium venenorum ocysimum esse aconitum: & tactis quoque genitalibus fœminini sexus animalium, eodem die inferre mortem? Hoc fuit venenum, quo interremptas dormientes à Calphurnio Bestia uxores M. Cæcilius accusator objecit: hinc illa atrox peroratio ejus, ¹ in digito mortuas. Fabulæ narravere, à spumis Cerberi canis, extrahente ab inferis Hercule, ideoque apud Heracleam Ponticam, ubi monstratur is ad inferos aditus gigni. Hoc quoque tamen in usus humanæ salutis vertere, scorpionum ictibus adversari experiendo datum in vino calido: ea est natura, ut hominem occidat, nisi invenerit quod in homine perimat: cum eo solo colluctatur, velut pari intus invento: sola hæc pugna est, cum venenum in visceribus reperit:

reperit: mirumque, exitialia per se ambo cum sint, duo venena in homine commoriuntur, ut homo superfit. Imo vero etiam ferarum remedia anti- qui prodiderunt, demonstrando quomodo vene- nata quoque ipsa sanarentur. Torpescunt scorpio- nes aconiti tactu, stupentque pallentes, & vinci se confitentur: auxiliatur eis elleborum album, ta- ctu resolvente: ceditque aconitum duobus malis, suo & omnium. Quod si quis illa forte ab homine excogitari potuisse credit, ingratis Deorum mune- ra intelligit. Tangunt carnes aconito, necantque gustatu earum pantheras, nisi hoc fieret, repletu- ras illos situs: ob id quidam pardalianches appel- lavere: at illas statim liberari morte, excremento- rum hominis gustu, demonstratum. Quod certe casu repertum quis dubitet? & quoties fiat, etiam nunc ut novum nasci, quoniam feris ratio & usus inter se tradi non possit.

CAP. III. *Quod omnium creaturarum conditor sit Deus.*

Hic ergo casus, hic est ille, qui plurima in vita invenit, Deus: hoc habet nomen, per quem in- telligitur eadem & parens rerum omnium & ma- gistra natura, utraque conjectura pari, sive ista quotidie feras invenire, sive semper scire iudice- mus. Pudendumque rursus, omnia animalia, quæ sint salutaria ipsis, nosse, præter hominem. Sed majores, oculorum quoque medicamentis aconit- um misceri, saluberrime promulgavere, aperta professione malum quidem nullum esse sine ali- quo bono. Fas ergo nobis erit, qui nulla diximus venena, monstrare quale sit aconitum, vel depre- hendendi gratia. Folia habet cyclamini aut cucu- meris, non plura quatuor, ab radice leniter hirsu- ta: radicem modicam cammaro similem marino:
quare

quare quidam cammaron appellavere, alii thelyphonon, ex qua diximus causa. Radix incurvatur paulum scorpionum modo, quare & scorpion aliqui appellavere: nec defuere, qui myoctonon appellare mallent, quoniam procul & è longinquo odore mures necat. Nascitur in nudis cautibus, quas aconas nominant; & ideò aconitum aliqui dixere, nullo juxta, ne pulvere quidem nutriente: hanc aliqui rationem nominis attulere. Alii, quoniam vis eadem in morte esset, quæ cotibus ad ferri aciem deterendam, statimque admota velocitas sentiretur.

CAP. IV. De *æthiopide*, & *agerato*, & *aloe*, & *aloea*, & *alypo*, & *alsina*, & *androsace*, & *androsamo*, & *ambrosia*, & *aneni*, & *anagyro*, & *anonymo*.

Æthiopis folia habet phlomo similia, magna & multa, & hirsuta ab radice: caulem quadrangulum, scabrum, similem arcio, multis concavum alis: semen eruo simile, candidum, geminum: radices numerosas, longas, plenas, molles, glutinosas gustu: siccæ nigrescunt, duranturque, ut cornua videri possint. Præter *Æthiopiam* nascuntur, & in *Ida* monte *Troadis*, & in *Messenia*: colliguntur autumno, siccantur in Sole aliquot diebus, ne situm sentiant: medentur vulvis, potæ in vino albo, ischiadicis, pleuriticis, faucibus scabris, decoctæ potu dantur: sed quæ ex *Æthiopia* venit eximia est, atque illico prodest. *Ageraton* ferulacea est, duorum palmorum altitudine, origano similis, flore bullis aureis: hujus ustæ nidor urinam ciet, vulvamque purgat, tanto magis insidentibus: causa nominis non hæc, sed quoniam diutissime non marcescit. *Aloë* scillæ similitudinem habet, major, & pinguioribus foliis ex obliquo

quo striata : caulis ejus tener est, rubens medius, non dissimilis antherico : radice una , ceu palo in terram demissa, gravi odore , gustu amara. Laudatissima ex India affertur, sed nascitur & in Asia: non tamen ea utuntur , nisi ad vulnera recentibus foliis : mirifice enim conglutinat , vel succo : ob id in turbinibus cadorum eam serunt, ut aeizoum majus. Quidam & caulem ante maturitatem feminis incidunt succi gratia, aliqui & folia : invenitur & per se lachryma adhærens: ergo pavimentandum, ubi sata sit, censent , ut lacryma non absorbeatur : fuere , qui traderent in Iudæa super Hierosolymam metallicam ejus naturam: sed nulla magis improba est , neque alia nigrior est , aut humidior. Erit ergo optima pinguis ac nitida, rufi coloris, friabilis, ac jocinoris modo coacta, facile liquefcens : improbanda nigra & dura , harenosa quoque quæ & gustu intelligitur: Gummi adulteratur & acacia. Natura ejus spissare , densare , & leviter calfacere : usus in multis , sed principalis alvum solvere , cum pene sola medicamentorum quæ id præstant confirmet etiam stomachû, adeò non infestet ulla vi contraria. Bibitur drachma : ad stomachi vero dissolutionem , in duobus cyathis aquæ tepidæ vel frigidæ, cochlearis mensura, bis terve in die ex intervallis, ut res exigit : Purgationis etiam causa plurimum tribus drachmis: effcaciôr , si pota ea sumatur cibus. Capillum fluentem continet cum vino austero, capite in Sole contra capillum peruncto. Dolorem capitis sedat temporibus & fronti imposita ex aceto & rosaceo, diluitorque infusa. Oculorum vitia omnia sanari ea convenit, privatim prurigines & scabiem genarum : item insignita ac livida , illita cum melle, maxime pontico. Tonsillas , gingivas , & omnia
oris.

oris hulnera : sanguinis excreationes , si modicæ sint, drachmæ pondere ex aqua : si minus, ex aceto pota. Vulnerum quoque sanguinem , & undecunque fluentem sistit per se , vel ex aceto : alias etiam est vulneribus utilissima, ad cicatricem perducens. Eadem inspergitur exhulceratis genitalibus virorum, condylomatis, rimisque sedis, alias ex vino, alias ex passlo, alias sicca per se, ut exigat mitiganda curatio , aut coërcenda. Hæmorrhoidum quoque abundantiam leniter sistit : Dysentericæ infunditur : & si difficiliter concoquantur cibi, bibitur à cœna modico intervallo : & in regio morbo tribus obolis ex aqua. Devorantur & pillulæ cum mellis decocto, aut resina terebinthia, ad purganda interiora. Digitorum pterygia tollit. Oculorum medicamentis lavatur, ut quod sit haerenosissimum, subsidat : aut torretur in testa, penaque subinde versatur, ut possit æqualiter torreri. Alcea folia habet similia verbenacæ, quæ & peristereon cognominatur, caules tres aut quatuor, foliorum plenos, florem rosæ, radices albas, cum plurimum sex, cubitales, obliquas : nascitur in pingui solo, nec sicco. Usus radice ex vino vel ex aqua dysentericis, alvo citæ, & ruptis convulsis. Alypon cauliculis est molli capite, non dissimilis betæ; acre gustatu ac lentum, mordensque vehementer & accendens : alvum solvit in aqua mulsa, addito sale modico : minima potio duarum drachmarum, media quatuor, maxima sex, ea purgatione quibus datur è gallinaceo jure. Alsine, quam quidam myosotin appellant, nascitur in lucis, unde & alsine dicta est : incipit à media hyeme, arescit æstate media : cum proreperit, muscutorum aures imitatur foliis. Sed aliam docebimus esse, quæ justius myosotis vocetur : hæc eadem

eadem erat quæ helxine, nisi minor minusque hirsuta esset: nascitur in hortis, & maxime in parietibus: cum teritur, odorem cucumeris reddit. Vfus ejus ad collectiones inflammationesque: & ad eadem omnia, quæ helxine, sed infirmius. Epiphoris peculiariter imponitur: item verendis hulneribusque, cum farina hordeacea: succus ejus auribus infunditur. Androsaces herba est alba, amara, sine foliis, folliculos in cirris habens, & in his semen: nascitur in maritimis ² Syriæ maxime: datur hydropicis drachmis duabus tusa aut decocta in aqua, vel aceto, vel vino: vehementer enim urinas ciet. Datur & podagricis illiniturque: idem effectus est & semini. Androsæmon, sive (ut alii appellavere) ascyron, non absimile est hyperico, de qua diximus, cauliculis majoribus, densioribusque, & magis rubentibus: folia alba rutæ figura: semen papaveris nigri: comæ tritæ sanguineo succo manant: odor ei resinofus: gignitur in vineis. Fere medio autumno effoditur, suspenditurque. Vfus ad purgandam alvum tusa cum semine, potæque matutino, vel à cœna duabus drachmis, in aqua mulsa, vel vino, vel aqua pura, totius potionis sextario. Trahit bilem: prodest ischiadicis maxime: sed postera die capparum radicem resinæ permistam devorare oportet drachmæ pondere, iterumque quatridui intervallo eadem facere: à purgatione autem ipsa robustiores vinum bibere, infirmiores aquam. Imponitur & podagris & ambustis, & vulneribus, cohibens sanguinem. Ambrosia vagi nominis est, & circa alias herbas fluctuati: fruticem unum habet densum, ramosum, tenuem, trium fere palmorum, tertia parte radice brevior, foliis rutæ circa inum caulem: in ramulis semen est uvis dependens.

pendentibus, odore vinoso: qua de causa botrys à quibusdam vocatur, ab aliis artemisia: coronantur illa Cappadoces. Vfus ejus ad ea quæ discuti opus sit. Anonin quidam ononida malunt vocare, ramosam, similem scæno-græco, nisi fruticosior hirsutiorque esset, odore jucundo, post ver spinosa. Estur etiam muria condita: recens vero margines ulcerum erodit: radix decoquitur in posca dolori dentium. Eadem cum melle pota, calculos pellit. Comitialibus datur in oxymelite decocta ad dimidias. Anagyros, quam aliqui aconon vocant, fruticosa est, gravis odore, flore, oleis: semen in corniculis non brevibus gignit, simile renibus, quod durefcit per messes: folia collectionibus imponuntur, difficulterque parientibus adalligantur, ita ut à partu statim auferantur. Quod si emortuus hæreat, & secundæ mensesque morentur, drachmæ pondere bibuntur in passo folia: sic & suspiriosis dantur: & in vino vetere ad phalangiorum morsus: radix discutiendis concoquendisque adhibetur: semen commandacatum vomitiones facit. Anonymos non inveniendò nomen invenit: affertur è Scythia, celebrata Hicéfio, non parvæ autoritatis Medico, item Aristogitoni, in vulneribus præclara, ex aqua tusa & imposita: pota vero, mammis præcordiisque percussis: item sanguinem excreantibus, Putaverunt & bibendam vulneratis. Fabulosa arbitror, quæ adjiciuntur: recente ea, si uratur ferrum aut æs, ferruminari.

CAP. V. De aparine, & arctio, & aspleno, & asclepiade, & astere vel bubonio, & ascyro vel ascyroide, & aphace, & de alcibio, & alektorolopho.

Aparinen aliqui omphacocarpon, alii philanthropon

thronon vocant, ramosam, hirsutam, quinis feminisve in orbem circa ramos foliis per intervalla: semen rotundum, durum, concavum, subdulce. Nascitur in frumentario agro, aut hortis pratisve, asperitate etiam vestium tenaci. Efficax contra serpentes, semine poto ex vino drachma: & contra phalangia. Sanguinis abundantiam ex vulneribus reprimunt folia imposita: succus auribus infunditur. Arction aliqui arcturum vocant: similis est verbasco foliis, nisi quod hirsutiora sunt, caule longo, molli, semine cumini: nascitur in petrosis, radice tenera, alba, dulcique. Decoquitur in vino ad dentium dolorem, ita ut contineatur ore decoctum: bibitur propter ischiada & stranguriam è vino: ambustis imponitur, & perniciosis: soventur eadem cum radice semine trito in vino. Asplenon sunt qui hemionion vocant, foliis trientalibus multis, radice limosa, cavernosa, sicut filicis, candida, hirsuta: nec caulem, nec florem, nec semen habet: nascitur in petris, parietibusque opacis, humidis, laudatissima in Creta. Hujus foliorum jure in aceto decocto, per dies xl poto lienem absumi ajunt: & illinuntur autem eadem, sedantque singulus: non danda sceminis, quoniam sterilitatem facit. Asclepias folia ederæ habet, ramos longos, radices numerosas, tenues, odoratas: floris virus grave, semen securidacæ: nascitur in montibus. Radices torminibus medentur, & contra serpentium ictus, non solum potu, sed etiam illitu. Aster ab aliquibus bubonion appellatur, quoniam inguinum præsentaneum remedium est: cauliculus foliis oblongis duobus aut tribus: in cacumine capitula stellæ modo radiata. Bibitur & adversus serpentes: sed ad inguinum medicinam, sinistra manu decerpi jubent, & juxta cin-

ta cinctus alligari : prodest & coxendicis dolori adalligata. Ascyron & ascyroides, similia sunt inter se, & hyperico : majores habet ramos, quod ascyroides vocatur, ferulaceos, omnino rubentes, capitulis parvis, luteis : semen in caliculis pusillum, nigrum, resinosum. Comæ tritæ velut cruentant : qua de causa quidam hanc androsæmon vocavere. Vfus seminis ad ischiadicos, poti duabus drachmis in hydromelitis sextario : alvum solvit, bilem detrahit : illinitur & ambustis. Aphace tenuiâ admodum folia habet, pusilla, altior lenticula est : siliquas majores fert, in quibus terna aut quaterna semina sunt nigriora, & madidiora & minora lenticula : nascitur in arvis. Natura ei ad spissandum efficacior, quam lenti : reliquo usu eisdem effectus habet : Stomachi alvique fluxiones sistit semen decoctum. Alcibion qualis esset herba, apud autores non reperi : sed radicem ejus & folia trita, ad serpentis morsum imponi & bibi jubent : folia, quantum manus capiat, trita cum vini meri cyathis tribus, aut radicem, drachmarum trium pondere cum vini eadem mensura. Alektorolophos, quæ apud nos ³ crista dicitur, folia habet similia gallinacei cristæ, plura, caulem tenuem, semen nigrum in siliquis. Vtilis tussientibus cocta cum faba fresa melle addito, & caligini oculorum ; solidum semen conjicitur in oculum, nec turbat, sed in se caliginem contrahit : mutat colorem, & ex nigro albicare incipit, & intumescit, ac per se exit.

CAP. VI. De alo.

Alum nos vocamus, Græci symphyton petræum, simile cunilæ bubulæ, foliis parvis, ramis tribus aut quatuor à radice, cacuminibus thymi, furculosum, odoratum, gustu dulce, salivam ciens, radice

radice longa rutila: nascitur in petris, ideo pet-
træum cognominatum: utilissimum lateribus, lie-
nibus, renibus, torminibus, pectori, pulmonibus
sanguinem rejicientibus, faucibus asperis: bibitur
radix trita, & in vino decocta, & aliquando su-
perlinitur. Quin & commanducata sium sedat,
præcipueque pulmonem refrigerat: luxatis quo-
que imponitur & convulsis: lieni, interaneis: al-
vum sistit cocta in cinere: detractisque folliculis
trita cum piperis novem granis, & ex aqua pota.
Vulneribus sanandis tanta præstantia est, ut car-
nes quoque, dum coquuntur, conglutinet addita:
unde & Græci nomen imposuere: ossibus quo-
que fractis medetur.

CAP. VII. De alga, & actæa, & de am-

pele agria, & absinthio.

Alga rubra & scorpionum ictibus. Actæa gra-
vi foliorum odore, caulibus asperis, geniculatis,
semine nigro, ut ederæ, baccis mollibus, nascitur
in opacis & asperis, aquosisque: datur acetabulo
pleno interioribus fœminarum morbis. Ampelos
agria vocatur herba, foliis duris cineracei coloris,
qualem in satis diximus, viticulis longis, callosis,
rubentibus, qualiter flos, quem Iovis flammam
appellavimus in violis, fert semen Puniçi mali si-
mile acinis. Radix ejus decocta in aquæ cyathis
ternis, additis vini Coi cyathis duobus, alvum
solvit leniter: ideoque hydropicis datur. 4 Vulvæ
vitia & cutis in facie mulierum emendat: Ischia-
dicos quoque uti hac herba prodest, tusa cum fo-
liis, & illita cum succo suo. Absinthii genera sunt
plura: Santonicum appellatur à Gallia civitate:
Ponticum à Ponto, ubi pecora pinguescunt illo,
& ob id sine felle reperiuntur: neque aliud præ-
stantius, multoque Italico amarius, sed medulla
Pontici

Pontici dulcis. De usu ejus convenit dicere, herbæ facillimæ, atque inter paucas utilissimæ, præterea sacris populi Romani celebratæ peculiari-
ter: siquidem Latinarum feriis quadrigæ certant in Capitolio, victorque absinthium bibit: credo, sanitatem præmio dari honorifice arbitratis majoribus. Stomachum corroboret, & ab hoc sapore ejus in vina transfertur, ut diximus: bibitur & decoctum aqua, ac postea nocte & die refrigeratum sub dio, decoctis sex drachmis foliorum cum ramis suis in cœlestis aquæ sextariis tribus: oportet & salem addi: vetustissime in usu est. Bibitur & madefacti dilutum: ita enim appellatur hoc genus: diluti ratio, ut (quisquis fuerit modus aquæ) tegatur per triduum. Trium raro in usu est, sicut & succus expressi: exprimitur autem, cum primum semen turgescit, madefactum aqua triduo recens, aut siccum septem diebus: deinde coctum in æneo vase ad tertias, x heminis in aquæ sextariis XLV iterumque percolatum lente coquitur ad crassitudinem mellis, qualiter ex minore centaureo quæritur succus: sed hic, in utilis stomacho capitique est, cum sit ille decocti absinthii saluberrimus: namque astringit stomachum, bilemque detrahit, urinam ciet, alvum emollit, & in dolore sanat: ventris animalia pellit, malaciam stomachi & inflationes discutit cum sili & nardo Gallico, aceti exiguo addito: fastidia absterget, concoctiones adjuvat: cruditates detrahit cum ruta, & pipere, sale. Antiqui purgationis causa dabant, cum marinæ aquæ veteris sextario, seminis sex drachmas, cum tribus salis, & mellis cyatho: efficacius purgat duplicato sale: diligenter autem teri debet, propter difficultatem. Quidam & in polenta dedere supra dictum pondus, addito pulegio:

pulegio: alii cōtra paralyſin: alii pueris folia in fico, ſic ut amaritudinem fallerent. Thoracem purgat cum iride ſumptum: in regio morbo crudū bibitur cum ⁶ apio, aut adjanto. Adverſus inflationes calidum paulatim ſorbetur ex aqua: jocinoris cauſa cum Gallico nardo: lienis, cum aceto, aut pulce, aut fico ſumitur. Adverſatur fungis ex aceto: item viſco: cicuræ ex vino, & muris aranei morſibus, draconi marino, ſcorpionibus. Oculorum claritatī multum confert. Epiphoris cum paſſo imponitur: ſuggillatis cum melle. Aures decoctū ejus, vaporis ſuffitu ſanat: aut ſi manat ſanies: cum melle tritum. Vrinam ac menſes cient III & IV ramuli, cum Gallici nardi radice una, cyathis aquæ VI. Menſes privatim cum melle ſumptū, & in vellere appoſitum. Anginis ſubvenit cum melle & nitro. Epinyctidas ex aqua ſanat: vulnera recentia, prius quam aqua tanguantur, impoſitum: præterea capitis hūlcera. Peculiariter ilibus imponitur, cum Cypriacera, aut cum fico: ſanat & pruritus: non eſt dandū in febrī. Nauſeas maris arceſt in navigationibus potum: inguinum tumorem in ventrali habitum: ſomnos allicit olfactum, aut inſcio ſub capite poſitum. Veſtibus inſertū tineas arceſt: Culices ex oleo perunctis abigit, & fumo, ſi uratur. Atramentum librarium ex diluto ejus temperatū, literas à muſculis tuetur: capillum denigrat abſinthii cinis, unguento roſaceo permixtus. Eſt & abſinthium marinum, quod quidam Seriphium vocant, probatiſſimum in Taphoſiri Ægypti: hujus raram Iſiaci præferre ſolemine habent: anguſtius priore, minusq; amarū, ſtomacho inimicum, alvum molliſcit, pellitq; animalia interaneorum. Bibitur cum oleo & ſale, aut in farinæ trimeſtris ſorbtione dilutū: coquitur, quantū manus capiat, in aquæ ſextario ad dimidias.

CAP. VIII. De ballote, & botrye fruticosa, & brabyla, & bryo, & bupleuro, & catanance, & calla, & circea, & cirseo, & cratægono, & thelygono, & crocodilio, & cynosorchi, & chrysolachano, & cucubalo, & conserva.

Balloten alio nomine melanprasion Græci vocant, herbam fruticosam, angulosis caulibus nigris, hirsutis foliis vestientibus, majoribus quam porri, & nigrioribus, grave olentibus. Vis ejus efficax adversus canis morsus, ex sale foliis tritis, imposita: item ad condylomata, coctis cinere, in folio oleris: purgat & sordida hulcera cum melle. Botrys fruticosa herba est, luteis ramulis: semen circa totam nascitur: folia cichorio similia: invenitur in torrentium ripis: medetur orthopnoicis. Hanc Cappadoces ambrosiam vocant, alii artemisiā. Brabyla spissandi vim habet, cotonei mali modo: nec amplius de ea tradunt authores. Bryon, marina herba sine dubitatione est, lactucæ foliis similis, rugosa veluti contracta, sine caule, ab ima radice exeuntibus foliis: nascitur in scopulis maxime, testisque terra comprehensis. Præcipua siccandi ei spissandique vis, & collectiones omnes inflammationesque cohibendi, præcipuè podagræ, & quicquid refrigerare opus sit. Bupleuri semen ad ictus serpentium dari reperio, foverique plagas decocta ea herba, adjectis foliis mori aut origani. Catanancen Thessalam herbam, qualis sit, à nobis describi supervacuum est, cum sit usus ejus ad amatoria tantum: illud non ab re est dixisse ad detegendas Magicas vanitates, electam ad hunc usum conjectura, quoniam arescens contraheret se ad speciem unguium milvi exanimati. Eadem ex causa & Cemos filebitur à nobis.

7 *Calla* duorum generum est : una similis *aro* : nascitur in arationibus : colligitur antequam inarescat, ususque eisdem habet, quos *arum*. Bibitur quoque radix hujus ad exinaniendas alvos, mensesque mulierum : item caules cum foliis in leguminibus decocti, sanant tenesmon. Alterum genus ejus quidam *anchusam* vocant, alii *rhinochisiam* : folia lactucæ, longiora, plumosa, radice rubra, quæ ignes sacros cum flore polentæ sanat imposita : jocinoris autem vitia, in vino albo pota. Circa *strychno* sativo similis est, flore nigro, pusillo, parvo semine, ut milii, nascente in quibusdam corniculis, radice semipedali, triplici ferme aut quadruplici, alba, odorata, gustus calidi : nascitur in apricis saxis. Diluitur in vino, bibiturque ad dolorem vulvæ & vitia : macerari oportet in sextariis tribus quadrantem radices tusæ, noctem & diem : trahit eadem potio & secundas : semine lac minuitur, in vino aut mulsæ aqua poto. Circa *cauliculis* est tener duum cubitorum, triangulo similis, foliis spinosis circumdatus : spinæ molles sunt : folia bovis linguæ similia, minora, subcandida, & in cacumine capitula purpurea, quæ solvuntur in lanugines. Hanc herbam radicemve ejus adalligatam, dolores varicum sanare tradunt. *Cratægonon* spicæ tritici simile est, multis calamis ex una radice emicantibus, multorumque geniculorum : nascitur in opacis, semine milii, vehementer aspero gustu : quod si bibant ex vino ante cœnam, tribus obolis in cyathis aquæ totidem, mulier ac vir, ante conceptum diebus xl virilis sexus partum futurum ajunt. Est & alia *cratægonos*, quæ *thelygonos* vocatur : differentia intelligitur lenitate gustus. Sunt qui florem *cratægoni* bibentes mulieres, intra xl diem con-

cipere tradant. Eadem sanant hulcera vetera nigra
 cum melle: explent sinus hulcerum, & atropa
 carnosiora faciunt: purulenta expurgant: panos
 discutiunt: podagras, collectionesque omnes le-
 niunt, peculiariter mammarum. Theophrastus ar-
 boris genus intelligi voluit crataegonon sive cra-
 taegona, quam Itali aquifoliam vocant. Croco-
 dilon chamæleontis herbæ nigræ figuram habet
 radice longa, æqualiter crassa, odoris asperi: na-
 scitur in sabuletis. Pota sanguinem per nares pellit
 copiosum crassumque, atque ita lienem consume-
 re dicitur. Cynosorchin aliqui orchin vocant, fo-
 liis oleæ, mollibus, ternis, per semipedem longi-
 tudinis in terra stratis, radice bulbosa, oblonga du-
 plici ordine, superiore quæ durior est, & inferiore
 quæ mollior. Eduntur ut bulbi cocti, in vineis fere
 inventi. Ex his radicibus si maiorem edant viri,
 mares generari dicunt: si minorem sæminæ, alte-
 rum sexum. In Thessalia molliorem in lacte capri-
 no viri bibunt ad stimulandos coitus, duriorem
 vero ad inhibendos: adversatur altera alteri. Chry-
 solachanum in pineto, lactucæ simile nascitur; sa-
 nat nervos incisos, si confestim imponatur. Et
 aliud genus chrysolachani traditur, flore aureo,
 foliis oleris: coctum estur, ut olus molle. Herba
 hac adalligata morbum regium habentibus, ita ut
 spectari ab his possit, sanari id malum traditur. De
 chrysolachano nec satis dici scio, nec plura repe-
 rio: nanque & hoc vitio laboravere proximi uti-
 que herbarii nostri, quod ipsi notas, velut vulga-
 res, strictim & nominibus tantum indicavere: tan-
 quam coagulo terræ alvum sisti, stranguriam dis-
 solvi, si bibatur ex vino aut aqua. Cucubali folia
 trita cum aceto, serpentium ictibus & scorpionum
 mederi. Quidam hanc alio nomine strumum ap-
 pellant,

pellant, alii Græce strychnon: acinos habet nigros: ex his cyathus succi cum mulsi duobus, medetur lumbis: item capitis doloribus cum rosaceo infusus: ipsa strumis illita. Peculiaris est Alpinis maxime fluminibus Conferva, appellata à conferruminando, spongia aquarum dulcium verius, quam muscus aut herba, villosæ densitatis atque fistulosæ. Curatum ea scio, omnibus fere ossibus confractis, prolapsum ex arbore alta putatorem circumdata universo corpori, aquam suam inspergentibus, quoties inaresceret, raroque nec nisi deficientem herbam mutationis causa resolventibus, convalescere vix credibili celeritate.

CAP. IX. De cocco Gnidio, & dipsaco, & dryopteris, & dryophonio, & elatine, & empetro sive calcifraga, & epipacti sive elleborine, & epimedio, & enneaphyllo, & filice, & de femore bubulo, & galeopside sive galeobdolo, & glance sive eugalacto.

Cocco Gnidio color cocci, magnitudo grano piperis major, vis ardens: itaque in pane devoratur, ne adurat, cum gulam transit: huic vis præsentanea contra cicutam. ⁸ Siftit alvum. Dipsacos folia habet lactucæ, bullasque spinosas in dorsi medio, caulem duum cubitorum, iisdem spinis horridum, genicula ejus binis foliis amplectentibus, concavo alarum sinu, in quo subsistit ros salus: in cacumine capitula sunt echinata spinis: nascitur in aquosis. Sanat rimas sedis: item fistulas decocta in vino radice, usque dum sit crassitudo ceræ, ut possit in fistulam collyrium mitti: item verrucas omnium generum: quidam & alarum, quas supra diximus, succum illinunt his. Dryopteris filici similis, in arboribus nascitur, tenui foliorum subdulcium incisura, radice hirsuta. Vis ei caustica est:

ideo psilothrum est radix tusa : illinitur enim , usque dum sudores evocet : iterumque & tertio , ita ne sudor abluatur. Dryophonon similis herba est , cauliculis tenuibus , cubitalibus , circumdati utrinque foliis , pollicari amplitudine , qualia oxymyrsines , sed candidioribus mollioribusque , flore candido sambuci : edunt cauliculos decoctos : semine vero ejus pro pipere utuntur. Elatine folia habet helixina , pusilla , pilosa , rotunda , semipedalibus ramulis quinis senisve à radice statim foliosis : nascitur in segetibus , acerba gustu , & ideo oculorum fluxionibus efficax , foliis cum polenta tritis & impositis , subdito linteolo : eadem cum lini semine cocta sorbitionis usu dysenteria liberat. Empetron , quam nostri calcifragam vocant , nascitur in montibus maritimis , fere in saxo : quo propius mari fuerit , minus salsa est , potaque bilem trahit ac pituitas : quo longius magisque terrena , amarior sentitur : trahit aquam : sumitur autem in jure aliquo , aut in hydromelite : vetustate vires perdit : recens urinas ciet decoctum in aqua vel tritum , calculosque frangit : qui fidem promisso huic quaerunt , affirmant lapillos , qui subfervefiant una , rumpi. Epipactis , ab aliis elleborine vocatur , parva herba , exiguis foliis , jocinoris vitiis utilissima , & contra venena pota. Epimenidion caulis est non magnus , ederæ foliis denis atque duodenis , nunquam florens , radice tenui , nigra , gravi odore : nascitur in humidis : & huic spissandi refrigerandique natura , sceminis cavenda : folia in vino trita virginum mammas cohibent. Enneaphyllon , longa folia novena habet , causticae naturæ : imponitur lana circumdatum , ne urat latus : continuo enim pustulas excitat , lumborum doloribus & coxendicum utilissimum. Filicis duo genera ; nec florem habent ,

bent, nec semen. Pterin Græci vocant, alii blechnon, cujus ex una radice complures exeunt filices, bina etiam cubita excedentes longitudine, non graves odore: hanc marem existimant. Alterum genus thelypterin Græci vocant, alii nymphæam pterin: est autem singularis atque non fruticosa, brevior, molliorque & densior, foliis ad radicem canaliculata. Vtriusque radice sues pinguescunt: folia utriusque lateribus pinnata, unde nomen Græci imposuere: radices utrique longæ in obliquum, nigrae, præcipue cum inaruerunt: siccare autem eas Sole oportet: nascuntur ubique, sed maxime frigido solo: effodi debent Vergiliis occidentibus. Vfus radices in trimatu tantum, neque antea, neque postea: pellunt interaneorum animalia, ex his tænias cum melle: cætera ex vino dulci triduo potæ: utraque stomacho inutilissima: Alvum solvit: primo bilem trahens, mox aquam: melius tænias cum scammonii pari pondere. Radix ejus duum obolorum pondere ex aqua, post unius diei abstinentiam bibitur, melle prægustato contra rheumatismos. Neutra danda mulieribus, quoniam gravidis abortum, cæteris sterilitatem facit. Farina earum h ulceribus tetris inspergitur: jumentorum quoque in cervicibus: folia cimicem necant: serpentem non recipiunt: ideo substerni utile est in locis suspectis: ustæ etiam fugant nidore. fecere Medici hujus quoque herbæ discrimen: optima Macedonia est, secunda Cassiopica. Femur bubulum appellatur herba, nervis & ipsa utilis, recens in aceto ac sale trita. Galeopsis, aut, ut alii, galeobdolon vel galion, caulem & folia habet urticæ læviora, & quæ gravem odorem trita reddant: flore purpureo: nascitur circa sepem ac semitas ubique: folia caulesque duritias & carcinomata sanant ex

aceto trita & imposita : item strumas : panos & parotidas discutiunt. Ex usu est & decocto & succo fovere : putrescentia quoque & gangrænas sanat cum sale. Glaux antiquitus eugalaeton vocabatur; cytiso & lenticulæ foliis similis: averfa candidiora: rami in terra serpunt quini senive, admodum tenues ab radice: flosculi purpurei exeunt: invenitur juxta mare. Coquitur in sorbitione similaginis, ad excitandam ubertatem lactis: eam quæ hauserint, balineis uti convenit.

CAP. X. *De glaucio, & glycyfide, & gnaphalio, five chamæzelo, & galedrago, & holco, & hyosiri, & holosteio, & hippophaſto.*

Glaucion in Syria & Parthia nascitur, humilis herba, densis foliis, fere papaveris, minoribus tamen sordidioribusque, odoris tetri, gustus amari cum astringitione: granum, habet crocei coloris: hoc in olla fictili luto circumlitum, in clibanis calefaciunt: deinde exempto succum exprimunt ejusdem nominis. Vfus est & succi, & foliorum, si terantur, adversus epiphoras, quæ universæ uno impetu cadunt. Hinc temperatur collyrium, quod Medici diaglaucion vocant. Lactis quoque ubertas intermissa restituitur: sumitur ejus rei causa ex aqua. Glycyfide, quam aliqui præoniam, aut pentorobon vocant, caulem habet duum cubitorum, comitantibus duobus aut tribus, subrutilum, cute lauri: folia qualia isatis pinguiora, rotundioraque, & minora: semen in siliquis, aliud grano rubente, aliud nigro. Duo autem genera sunt: fœmina existimatur, cujus radicibus seu balani longiores circiter octo aut sex adhærent: mas plures habet, quoniam non una radice nixus est, palmi altitudine, candidaque: ea gustu astringit: fœminæ folia myrrham redolent, & densiora sunt: nascuntur

in sylvis. Tradunt noctu effodiendas, quoniam
pico Martio impetum in oculos faciente, interdū
periculosum sit: radix vero cum effodiatur, peri-
culum esse ne sedes procidat: magna id vanitate ad
ostentationem rei fictum arbitror. Vfus in his di-
versus: rubra enim grana rubentes menses sistunt,
xv fere pota in vino nigro: nigra grana vulvis me-
dentur, ex passo aut vino totidem pota. Radix
omnes ventris dolores sedat in vino, alvumque
purgat: sanat opisthotonum, morbum regium,
renes, vesicam: matricem autem & stomachum
decocta in vino: alvumque sistit: estur etiam con-
tra malum mentis: sed in medendo quatuor dra-
chmæ satis sunt. Grana nigra auxiliantur & sup-
pressionibus nocturnis, in vino pota, quo dictum
est numero. Stomachi vero erosionibus, & esse ea
& illinire prodest. Suppurationes quoque discuti-
untur, recentes, nigro semine; veteres, rubro.
Vtrumque auxiliatur à serpente percussis: & pueris
contra calculos, incipiente stranguria. Gnaphalium
alii chamæzelon vocant, cujus foliis albis molli-
busq; pro tormento utuntur: sane & similia sunt:
datur in vino austero ad dysenteriam: ventris so-
lutiones, mensesque mulierum sistit: infunditur
autem tenefino: illinitur & putrescentibus hulce-
rum. Galedragon vocat Xenocrates leucacantho
similem, palustrem & spinosam, caule ferulaceo,
alto, cui summo capite inhæret simile ovo: in hoc
crescente ætate vermiculos nasci tradunt, quos
pyxide conditos adalligari cum ¹⁰ pane bra chio ad
eam partem, qua dens doleat, mireque illi co do-
lorem tolli: valere non diutius anno, & i ta si ter-
ram non attigerint. Holcus in saxis nascitur sic-
cis: aristas habet in cacumine tenues, cu lmo qua-
le hordeum restibile: hæc. circa caput alligata, vel

circa lacertum, educit è corpore aristas: quidam ob id aristidam vocant. Hyosiris intubo similis, sed minor, & tactu asperior: vulneribus contusa præclare medetur. Holosteon sine duritia est herba, ex aduerso appellata à Græcis, sicut fel dulce, tenuis usque in capillamenti speciem, longitudine quatuor digitorum, ceu gramen, foliis angustis, astringens gustu: nascitur in collibus terrenis. Vsus ejus ad convulsa rupta, in vino potæ: Vulnere quoque conglutinat: nam & carnes coguntur, addita. Hippophæston nascitur in spinis, ex quibus fiunt ¹¹ æneæ fulloniæ, sine cauliculo, sine flore, capitulis tantum inanibus, & foliis parvis, multis, herbacei coloris, radículas habens albas, molles. Succus earum exprimitur ætate, ad solvendam alvum, tribus obolis, maxime in comitialibus morbis, & tremulis hydropicis: contra vertigines, orshopncæas, paralyseis incipientes.

C A P. XI. De hypoglossa, & hypecoo, Ideæ, isopyro, lathyri, leontopetalo, lycopside, lithospermo, lapide vulgari, de limeo, leuce, & leucographi.

Hypoglossa folia habet figura sylvestris myrti, concava, spinosa, & in his ceu linguas folio parvo exeunte de foliis: capitis dolorem corona ex his imposita minuit. Hypecoon in segetibus nascitur, foliis rutæ: natura ejus eadem quæ papaveris succo. Ideæ herbæ folia sunt, quæ oxymyrsmes: adhærent his velut pampini, in quibus flos: alvum, mensesque, & omnem abundantiam sanguinis sistit: spissandi cohibendique naturam habet. Isopyron aliqui phaselion vocant, quoniam folium, quod est aniso simile, in pampinos torquetur: capitula sunt in summo caule tenuia, plena seminis melanthii. Contra tussim & cætera pectoris vitia,

ex melle aut aqua mulsâ; item jocinori utilissima. Lathyrus folia habet multa, lactucae similia, tenuiora germina multa, in quibus semen tuniculis continetur, ut capparidis, quæ cum inaruerit, eximuntur grana piperis magnitudine, candida, dulcia, facilia purgatu: hæc vicena in aqua pura aut mulsâ pota, hydropicos sanant: trahunt & bilem. Qui vehementius purgari volunt, cum folliculis ipsi sumunt ea: nam stomachum lædunt: itaque inventum est, ut cum pisce aut jure gallinacei fumerentur. Leontopetalon alii ¹² rhapeion vocant, folio brassicæ, caule semipedali: alæ multæ, semen in cacumine, in siliquis ciceris modo: radix rapo similis, grandis, nigra: nascitur in arvis. Radix aduersatur omnium serpentium generibus ex vino pota: nec alia res celerius proficit: Datur & ischiadicis. Lycopsis longioribus, quam lactuca, est foliis, crassioribusque. Caule longo, hirsuto, adnatis multis cubitalibus, flore parvo, purpureo: nascitur in campestribus. Illinitur cum farina hordeacea igni sacro: sudorem in febribus movet, succo aquæ calidæ admisto. Inter omnes herbas lithospermo nihil est mirabilius: aliqui ægonychon vocant, alii Diospyron, alii Heracleon. Herba quincuncialis fere foliis duplo maioribus, quam rutæ, ramulis surculosis, crassitudine junci: gerit juxta folia singulas veluti barbular, & earum in cacuminibus lapillos candore & rotunditate margaritarum, magnitudine ciceris, duritia vero lapidea: ipsi, quæ pediculis adhærent, cavernulas habent, & intus semen. Nascitur & in Italia, sed laudatissimum in Creta: nec quicquam inter herbas majore quidem miraculo aspexit: tantus est decor, velut aurificum arte alternis inter folia candicantibus margaritis: tam exquisita difficultas lapidis ex herba na-

ba nascentis. Iacere atque humi serpere authores tradunt: ego vulsam, non hærentem vidi. Iis lappillis drachmæ pondere potis in vino albo calculos frangi, pellicque constat, & stranguriam discuti: neque in alia herbarum fides est visus statim, ad quam medicinam nata sit: est autem ejus species, ut etiam sine autore visu statim nosci possit. Lapis vulgaris juxta flumina fert muscum siccum, canum: hic fricatur altero lapide, addita hominis saliva: illo lapide tangitur impetigo: qui tangit, dicit, *Φαλὴ καὶ ταίριδες, λικὸ ἀργὸ ὑμμε δρόκ*. Limeum herba appellatur à Gallis, qua sagittas in venatu tingunt medicamento, quod venenum cervarium vocant: ex hac in tres modios salivati additur, quantum in unam sagittam addi solet: ita ossa demittitur boum faucibus in morbis: alligari postea ad præsepia oportet, donec purgentur (insanire enim solent) si sudor insequitur, aqua frigida perfundi. Leuci Mercuriali similis, nomen ex causa accepit, per medium folium candida linea transcurrente: quæ mesoleucon quidam vocant. Succus ejus fistulas sanat: ipsa contrita, carcinomata: forrassis eadem sit, quæ leucas appellatur, contra omnia marina venena efficax. Speciem ejus autores non tradunt, nec aliud, quam sylvestrem latioribus foliis esse efficaciorē, hanc semine acriorem. Leucographis qualis esset, scriptum non reperi: quod eo magis miror, quoniam utilis proditur sanguinem excreantibus, tribus obolis cum croco: item cœliacis, trita ex aqua & apposita: profluvio scæminarum, oculorum quoque medicamentis, & explendis hulceribus, quæ fiunt in teneris partibus corporis.

CAP. XII. De medio, & myosota, & myagro, & natrice, & othonne, & onosma, & onopordo, & ofyri, & oxye, & batrachio, & polygono, & leucanthemo, & phyteuma, & phyllo, & phellandrio, & phalari, & polyrrhizo, & proserpinaca, & derhacoma, de reseda, & stœchade.

Medion folia habet ¹³ iridis sativæ, caulem tripedalem, & in eo florem grandem, purpureum, rotundum, semine minuto, radicem semipedalem: in saxis opacis nascitur. Radix drachmis duabus cum melle menses foeminarum sistit ecligmatum per aliquot dies sumpto: semen quoque in vino, tritum, contra abundantiam foeminarum datur. Myosota sive myosotis, lævis herba, caulibus pluribus ab vna radice, aliquatenus rubentibus, concavis, ab imo foliis angustis, oblongis, dorso acuto, nigris, per intervalla assidue geminatis, tenuibus cauliculis ex alijs prodeuntibus, flore cæruleo: radix digitali crassitudine, multis capillamentis fibrata. Vis ei septica & exulceratrix, ideoque ægilopas sanat. Tradunt Egyptii, mensis quem Thiatin vocant die xxvii fere in Augustum mensem incurrente, si quis hujus herbæ succo inungatur mane priusquam loquatur, non lippiturum eo anno. Myagros herba ferulacea est foliis similis rubiæ, tripedanea. Semen oleosum, quod & fit ex eo: medetur oris huculceribus perunctis hoc succo. Herba, quæ vocatur Nigina, tribus foliis longis intubaceis illita, cicatrices ad colorem reducit. Natrice vocatur herba, cujus radix evulsa virus hirci redolet: hac in Piceno à foeminis abigunt, quos mira persuasione ¹⁴ Fatuos vocant: ego species lymphantium hoc modo animorum esse crediderim, qui tali medicamento juventur. Odontitis in-

ter fœni genera est, cauliculis densis ab eadem radice, geniculatis, triangulis, nigris: in geniculis folia parva habet, longiora tamen quam polygonon: semen in alis hordeo simile, florem purpureum, pusillum: nascitur in pratis. Decoctum cauliculorum ejus in vino austero, quantum manus capiat, dentium dolori medetur, ita ut contineatur ore. Othonne in Syria nascitur, similis erucæ, perforatis crebro foliis, flore croci: quare quidam anemonem vocaverunt: succus ejus oculorum medicamentis convenit: mordet enim leviter & exalfacit, astringitque siccando: purgat cicatrices & nubeculas, & quicquid obstat. Quidam tradunt lavari, atque ita siccata digeri in pastillos. Onosma longa folia habet fere ad tres digitos in terra jacenta, tria, ad similitudinem anchusæ incisa, sine caule, sine flore, sine semine: prægnans si edat eam, aut supergradiatur, abortum facere dicitur. Onopordon si comederint asini, crepitus reddere dicuntur: trahit urinas & menses, alvum sistit, supurationes & collectiones discutit. Osyris ramulos fert nigros, tenues, lentos, & in iis folia nigra ceu lini: semenque in ramulis nigrum initio, dein colore mutato rubescens: smegmata mulieribus faciunt ex his. Radicum decoctum potum, sanat arquatos: eadem, priusquam mature scat semen concisæ, & Sole siccata, alvum sistunt: post maturitatem vero collectæ, & in sorbitione decoctæ, rheumatismis ventris medentur, & per se trita ex aqua cælesti bibuntur. Oxys folia terna habet: datur ad stomachum dissolutum: edunt & qui enterocelen habent. Polyanthemum, quam quidam barrachion appellant, caustica vi exulcerat cicatrices, & ad colorem reducit: eademque vitilignes concorporat. Polygonon Græci vocant, quam
nos

nos sanguinariam: non attollitur à terra, foliis rutæ, semine graminis: succus ejus infusus naribus supprimit sanguinem: & potus cum vino, cujuslibet partis profluvium, excretionisque cruentas inhibet. Qui plura genera polygoni faciunt, hanc marem intelligi volunt, appellarique à multitudine seminis aut densitate fruticis calligonon: Alii polygonaton à frequentia geniculorum: alii theuthalida, alii carcinetron, alii clema, multi myrtopetalon. Nec non inveniuntur, qui hanc scæminam esse dicunt: marem autem majorem, minusque nigram, & geniculis densiorem, semine sub omnibus foliis turgescentem. Quocunque hæc modo se habeant, vis earum est spissare ac refrigerare: semina alvum solvunt, largius sumpta urinam cient, rheumatismos cohibent: qui si non fuere, non profunt. Stomachi fervori folia imponuntur: vesicæ dolori illinuntur, & ignibus sacris: succus & auribus purulentis instillatur & oculorum dolori per se: Datur & in febribus ante accessiones duobus cyathis in tertianis, quartanisve præcipue: item cholericis, dysentericis, & in solutione stomachi. Tertianum genus oreon vocatur, in montibus nascent, harundini teneræ simile, uno caule, densis geniculis, & in se fractis, foliis autem piceæ, radicis supervacuæ, inefficacius quam superiora: peculiare ischiadicis. Quartum genus sylvestre appellatur, pene arboris modo frutex, radice lignosa, stirpe cedri rubicundo: ramis sparti, binum palmorum, nigris geniculorum ternis quaternisve articulis: huic quoque spissandi natura, sapor mali cotonei. Decoquitur in aqua ad tertias, aut aridi farina inspergitur & oris hulceribus, & attritis partibus: propter gingivarum vero vitia ipsa commanducatur: Nomas sistit, omniaque quæ ferunt,

punt, aut difficilem cicatricem habent: privatim vero sanat à nive facta hulcera. Herbarii & ad anginas utuntur illa: & in capitis dolore coronam ex ea imponunt:& contra epiphoras collo circumdant. In tertianis quidam sinistra manu evulsam adalligant: adeo contra profluvia sanguinis, nec ullam magis aridam quam polygonum, servant. Pancration aliqui scillam pusillam appellare malunt, foliis albi lilii, longioribus crassioribusque, radice bulbi magni, colore rufo: alvum solvit, succo cum farina erui sumpto; hulcera purgat. Hydropicis spleneticisque cum melle datur. Alii decoquunt eam, donec aqua dulcis fiat: eaque effusa, radicem terentes digerunt in pastillos Sole siccatos: & postea utuntur ad capitis hulcera, & cætera quæ repurganda sunt: item ad tussim, quantum tribus digitis apprehenderint, in vino dantes, & ad lateris dolores, aut peripneumonicis edigmate: propter ischiada in vino bibendū, & propter tormina mensesque ciendos. Peplos, quam aliqui sycen, alii meconion aphrodes vocant, ex una radice tenui fruticat, foliis rutæ paulo latioribus, semine sub foliis rotundo, minore quam candidi papaveris. Inter vites fere colligitur messibus: siccaturque cum fructu suo, subjectis aquis, in quas excidat: hoc poto alvus solvitur, bilis ac pituita detrahitur: media potio est acetabuli mensura, in aquæ mulsæ heminis tribus. Et cibis inspergitur obsoniisque ad molliendam alvum. Periclymenos fruticat & ipsa, ex intervallo duo folia habens, subcandida, mollia: in cacumine autem semen inter folia durum, & quod difficile evellatur: Nascitur in arvis ac sepibus, convolvens se adminiculis quibuscunque: semen ejus in umbra siccatum tunditur & in pastillos digeritur: hi resoluti dantur in vini

vinī albi cyathis tribus, tricenis diebus ad lienem :
eumq; urina cruenta, aut per alvum absumit: quod
intelligitur à decimo statim die. Vrinam cient &
folia decocta : quæ & orthopnoicis profunt : par-
tum quoque adjuvant , secundasque pellunt pota-
simili modo. Pelecinum in fegetibus diximus na-
sci , fruticosam cauliculis, foliis ciceris : semen in
filiis fert, corniculorum modo aduncis, ternis
quaternisve , quale gith novimus, amarum, sto-
macho utile : additur in antidotis. Polygala palmā
altitudinem petit, in caule summo foliis lenticulæ,
gustu astricto , quæ pota lactis abundantiam facit.
Poterion, aut (ut alii vocant) phrynion, vel neu-
rada, large fruticat, spinis retorrída, lanugine spissā
foliis parvis, rotundis, ramulis longis, mollibus,
lentis, tenuibus, flore longo, herbacei coloris: fe-
minis nullus usus, sed gustu acuto & odorato: in-
venitur in aquosis collibus. Radices habet duas aut
tres, binum cubitorum in altitudinem, nervosas,
candidas, firmas: circumfoditur autumnō, & præ-
ciso frutice dat succum gummi similem : Radix
mira vulneribus sanandis traditur, præcipueq; ner-
vis vel præcisis illita. Decoctum quoque ejus cum
melle potum dissolutiones nervorum, & infirmi-
tates, & incisuras juvat. Phalangites, à quibusdam
phalangion vocatur, ab aliis leucanthemon, vel (ut
in quibusdam exemplaribus invenio) leucacantha:
Ramuli sunt ei nunquam pauciores duobus, in di-
versa tendentes : flos candidus, lilio rubro similis,
semine nigro, lato, ad lenticulæ dimidiæ figuram,
multo tenuiore, radice herbacei coloris: Hujus fo-
lio vel flore vel semine auxiliantur contra scorpio-
num, phalangiorumque, & serpentium ictus: item
contra tormina. Phyteuma qualis sit, describere
supervacuum habeo, cum sit usus ejus tantum ad
ama-

amatoria. Phyllon à Græcis vocatur herba in saxo-
sis montibus, fœmina magis herbacei coloris, cau-
le tenui, radice parva, semine rotundo, papaveri
simili. Hæc sui sexus facit partus: mares autem se-
mine tantum differens, quod est incipientis olivæ:
utrumque bibitur in vino. Phellandrion nascitur
in palustribus, folio apii: bibitur semen ejus pro-
pter calculos & vesicæ incommoda. Phalaris thyrs-
um habet longum, tenuem, ceu calamum, in sum-
mo florem inclinatum: semen simile sesamæ: &
hoc calculos frangit, potum ex vino vel aceto vel
cum melle & lacte: idem & vitia vesicæ sanat. Po-
lyrrhizon folia habet myrti, radices multas: hæ-
rusæ dantur in vino contra serpentes: prosunt &
quadrupedibus. Proserpinaca herba vulgaris est,
eximii adversus scorpiones remedii: eadem con-
trita, addita muria & oleo, anginam eximie curari
tradunt. Præterea in quantalibet lassitudine recreari
desessos, etiam cum obmutuerint, si subjiciatur
linguæ: si devoretur, vomitionem sequi saluta-
rem. Rhacoma affertur ex his, quæ supra Pontum
sunt, regionibus: radix costo nigro similis, minor
& rufior paulò, sine odore, calfaciens gustu &
astringens: eadem trita vini colorem reddit, ad
crocum inclinantem: illita collectiones inflamma-
tionesque sedat: vulnera sanat: epiphoras oculo-
rum sedat ex passio illita: insignita cum melle, &
alia liventia ex aceto. Farina ejus inspergitur con-
tra cacoethe, & sanguinem rejicientibus drachmæ
pondere in aqua: Dysentericis etiam & coeliacis,
si febris carent, in vino: sin aliter, ex aqua: Facilius
teritur, nocte antecedente madefacta. Datur & de-
coctum ejus bibendum duplici mensura ad rupta
convulsa, contusis, ex sublimi devolutis: si pecto-
ris sint dolores, additur piperis aliquid & myrrhe:
si dislo-

si dissolutio stomachi, ex frigida aqua sumitur: siue
 intus, siue extra, purulentis excreationibus: item
 hepaticis, splenicis, ischiadicis: ad renum vitia,
 suspiria, orthopnoëas. Arteriæ scabritias sanat ex
 passo, tribus obolis tritis pota, aut decoctum ejus:
 Lichenas quoque ex aceto imposita purgat: bibi-
 tur contra inflationes & perfrictiones, febres fri-
 gidas, singultus, tormina, asperitates, capitis gra-
 vitates, melancholicas vertigines, lassitudinum do-
 lores & convulsiones. Circa Ariminum nota est
 herba, quam Resedam vocant: discutit collectio-
 nes, inflammationesque omnes: qui curant ea, ad-
 dunt hæc verba, Reseda morbos reseda, scisne sci-
 sine quis hic pullos egerit? radices nec caput, nec pe-
 des habeant: hæc ter dicunt, totiesque despuunt.
 Stœchas in insulis tantum ejusdem nominis gigni-
 tur, odorata herba, coma hyssopi, amara gustu.
 Menses ciet potu: pectoris dolores levat: antido-
 tis quoque miscetur.

CAP. XIII. De solano, & smyrnio, & telephio, &
 trichomane, & thalietro, & thlaspe, & tra-
 gonio, & tragōni, & trago, & tragopogo,
 & spondyli. Et quod quidam morbi in
 quibusdam non sunt gentibus.

Solanum Græci strychnon vocant, ut tradit
 Cornelius Celsus: huic vis reprimendi refrigeran-
 dique. Smyrnion caulem habet apii, folia latiora,
 & maxime ¹⁵ circa stolones multos, quorum à
 sinu exiliunt pinguis, ad terram infracta, odore
 medicato, & cum quadam acrimonia jucundo,
 colore in luteum languescente, capitibus caulium
 orbiculatis, ut anethi semine rotundo, nigro, quod
 arescit incipiente æstate. Radix quoque odorata,
 gustu acri mordet, succosa, mollis. Cortex ejus
 foris niger, intus pallidus: odor myrrhæ habet
 qua-

qualitatem : unde & nomen : nascitur & in saxo-
 sis collibus , & in terrenis . Vfus ejus excalfacere ,
 extenuare : urinam & menses cient folia & radix .
 semen alvum sistit : radix collectiones & suppura-
 tiones non veteres , item duritias discutit illita :
 prodest & contra phalangia ac serpentes , admisto
 tachry aut polio , aut melissophyllo , in vino pota ,
 sed particularim , quoniam universa vomitionem
 movet : qua de causa aliquando cum ruta datur .
 Medetur tussi & orthopnœæ semen , vel radix :
 item thoracis , aut lienis , aut renum , aut vesicæ
 vitiis : radix autem ruptis convulsis : partus quo-
 que adjuvat , & secundas pellit : datur & ischiadi-
 cis cum crethmo in vino : sudores ciet & ructus :
 ideo inflationem stomachi discutit : vulnera ad ci-
 catricem perducit . Exprimitur & succus radici ,
 utilis sceminis & thoracis præcordiorumque desi-
 deriis : calfacit enim & concoquit , & purgat . Se-
 men peculiariter hydropicis datur potu , quibus &
 succus illinitur , & malagmate è cortice arido . Et
 ad obsonia utuntur cum mulso & oleo , & garo ,
 maxime elixis carnibus simul . Concoctiones facit ,
 sapore simillima piperi : eadem in dolore stomachi
 efficax . Telephion portulacæ similis est & caule &
 foliis : rami à radice septeni octonive fruticant , fo-
 liis crassis , carnosis : nascitur in cultis , & maxime
 inter vites . Illinitur lentigini , & cum inaruit , teri-
 tur : Illinitur & vitiligini , ternis fere mensibus , se-
 nis horis noctis aut diei : postea farina hordeacea
 illinitur : medetur & vulneribus & fistulis . Tri-
 chomanes adianto similis est , exilius modo , ni-
 griusque , foliis lenticulæ densis , amaris , adversis
 inter se . Decoctum ejus strangurias sanat in vino
 albo potum , addito cumino rustico : succus cohi-
 bet capillos defluentes , aut si effluxerint , reparat :

alope-

alopeciasque densat tritum, & in oleo illitum: sternutamenta quoque gustatu movet. Thaliotrum folia coriandri habet, pinguiora paulo, caulem papaveris: nascitur ubique, præcipue in campestribus. Medentur hulceribus folia cum melle. Thlaspi duorum generum est, angustis foliis digitali longitudine; & latitudine in terram versis, in cacumine divisis, cauliculo semipedali, non sine ramis, peltarum specie, semine incluso lenticulæ effigie, nisi quod infringitur, unde nomen: flos albicat: nascitur in semitis & sepibus. Semen asperi gustus, bilem & pituitam utrinque extrahit: modus sumendi, acetabuli mensura. Prodest & ischiadicis infusum, donec sanguinem trahat: menses quoque ciet, sed partus necat. Alterum thlaspi, aliqui Persicum ¹⁶ napi vocant, latis foliis, radicibus magnis, & ipsum utile ischiadicorum infusioni: prodest & inguinibus utrunque. Præcipitur, ut qui colligit, dicat sumere se contra inguina & contra omnes collectiones, & contra vulnera, unaque manu tollat. Trachinia herba qualis sit, non traditur: credo & falsum esse promissum. Democriti: portentosum enim est, adalligatam triduo absumere lienes. Tragonis, sive tragon, nascitur in Cretæ tantum insule maritimis, junipero similis & semine, & folio, & ramis: succus ejus lacteus in gummi spissatus, vel semel impositione spicula è corpore ejicit: tunditur recens, & cum vino illinitur, aut sicca farina cum melle. Eadem lactis abundantiam facit: mammisque unice medetur. Est & alia herba tragos, quam aliqui scorpion vocant, semipedem alta, fruticosa, sine foliis, pusillis racemis rubentibus, grano tritici, acuto cacumine, & ipsa in maritimis nascens. Hujus ramorum x aut xii cacumina trita ex vino pota

pota cœliacis, dysentericis, sanguinem excreantibus, mensiumque abundantia auxiliantur. Est & tragopogon, quem alii comen vocant, caule parvo, foliis croci, radice longa, dulci, super caulem calice lato, nigro: nascitur in asperis, sine usu. Et de herbis quidem hæc memoria digna hætenus aut accepimus, aut comperimus. In fine earum admonere non ab re iudicamus, aliis alias virium ætates esse: longissimo tempore durat elaterium, ut diximus: chamæleon niger xl annis: centau-reum non ultra xli. Peucedanum & aristolochia ac vitis sylvestris anno in umbra servantur. Et animalium quidem cæterorum nullum aliud radices à nobis dictas attingit, excepta spondyli, quæ omnes persequitur: genus id serpentis est. Ne illud quidem dubitatur, omnium radicum vim effectusque minui, si fructus prius maturescant: item seminum, ante radice propter succum incisa. Resolvitur autem omnium vis consuetudine: & desinunt prodesse, cum opus est, quæ quotidie in usu fuere, æque quam nocere. Omnes vero herbæ vehementiores effectum viribusque sunt in frigidis locis, & in Aquiloniis: item siccis. Sunt & gentium differentia non mediocres: sicut accepimus de tineis lumbricisque, inesse Ægypti, Arabiæ, Syriæ, Ciliciæ populis: è diverso Græciæ, Phrygiæ omnino non innasci. Minus id mirum, quam quod in confinio Atticæ Bæotiæque Thebanis innascuntur, cum absint Atheniensibus. Quæ contemplatio aufert rursus nos ad ipsorum animalium naturas, ingénitasque iis vel certiores morborum omnium medicinas. Enimvero rerum omnium parens, nullum animal ad hoc tantum ut pasceretur, aut alia satiare, nasci voluit: artesque salutaris inseruit & visceribus, quippe cum

surdis

surdis etiam rebus inseruerit. Tum vero illa animæ auxilia præstantissima ex anima alia esse voluit, contemplatione ante cuncta mirabili.

LIBER XXVIII.

Proœmium.

CAP. I. De medicinis ex animalibus.

DICTAE erant omnium rerum naturæ, inter cælum ac terram nascentium, restabant quæ ex ipsa tellure fodiuntur, si non herbarum ac fruticum tractata remedia auferrent transversos, ex ipsis animalibus quæ sanantur, reperta majorè medicina. Qui ergo dixerimus herbas & florum imagines, ac pleraque inventu rara ac difficilia, iidem tacebimus quid in ipso homine prosit homini, cæteraque genera remedium inter nos viventia? cum præsertim, nisi carenti doloribus morbisque, vita ipsa pœna fiat: minime vero: quin omnem infumemus operam, licet fastidii periculum urgeat: quando ita decretum est, minorem gratiæ, quam utilitatum vitæ, respectum habere. Quinimo externa quoque, & barbaros etiam ritus indagabimus: fides tantum autores appellet. Quanquam & ipsi consensu prope judicata eligere laboravimus, potiusque curæ rerum, quam copiæ institimus. Illud admonuisse perquam necessarium est, dictas jam à nobis naturas animalium, & quæ cujusque essent inventa: (neque enim minus profuere medicinas reperiendo, quam possunt præbendo) nunc quæ in ipsis auxilientur indicari, neque illic in totum omiſſa: itaque hæc esse quidem alia, illis tamen connexa. Incipiemus autem ab homine, ipsum sibi exquirantes,

rentes, immensa statim difficultate obvia. Sanguinem quoque gladiatorum bibunt, ut viventibus poculis, comitiales morbi: quod spectare facientes in eadem harena feras quoque horror est. At hercule illi ex homine ipso sorberi efficacissimum putant calidum spirantemque, & una ipsam animam ex osculo vulnere, cum plagis ne ferarum quidem admoveri ora fas sit humana. Alii medullas crurum quærent, & cerebrum infantium. Nec pauci apud Græcos, singulorum viscerum membrorumque etiam saporibus dixere, omnia persecuti usque ad resegmina unguium: quasi vero sanitas videri possit, feram ex homine fieri, morboque dignum in ipsa medicina, egregia hercule frustratione, si non proficit. Aspici humana exta nefas habetur, quid mandi? quis ista invenit ostenta? tecum enim res erit everfor juris humani, monstrorumque artifex, qui primus ea condidisti, credo ne vita tui oblivisceretur. Quis invenit singula membra humana mandere? qua conjectura inductus? quam potest medicina ista originem habuisse? quis veneficia innocentiora effecit, quam remedia? esto, barbari externique ritus invenerint, etiamne Græci suas fecere has artes? extant commentationes Democriti, ad alia noxii hominis è capite ossa plus prodesse: ad alia, amici & hospitibus. Iam vero vi interempti dente gingivas in dolore scarificari, Apollonius efficacissimum scripsit: Miletus, oculorum suffusiones felle hominis sanari. Artemon calvaria interfecti, neque cremati, propinavit aquam è fonte noctu comitialibus morbis. Ex eadem suspensio interempti catapotia fecit, contra canis rabiosi morsus Antheus. Atque etiam quadrupedes homines sanavere, contra inflationes bouum, perforatis cornibus inferentes ossa huma-

humana : ubi homo occisus esset , aut crematus ,
 filiginem quæ pernoctasset , suum morbis dando .
 Procul à nobis nostrisque literis absint ista : nos
 auxilia dicemus , non piacula : sicubi lactis puer-
 perarum usus mederi potuit , sicubi saliva tactusve
 corporis , cæteraque similia . Vitam quidem non
 adeo expetendam censemus , ut quoquo modo
 trahenda sit . Quisquis es talis , æque moriere , etiam
 cum obscænus vixeris , aut nefandus . Quapropter
 hoc primum quisq; in remediis animi sui habeat :
 ex omnibus bonis , quæ homini tribuit natura ,
 nullum melius esse tempestiva morte : in eaque id
 optimum , quod illam sibi quisq; præstare poterit .

CAP. II. *An sit in medendo verborum aliqua
 vis : ostenta & sanciri & depelli.*

Ex homine remediorum primum maxime quæ-
 stionis , & semper incertæ est , valeantne aliquid
 verba & incantamenta carminum . Quod si verum
 est homini acceptum ferri oportere convenit : sed
 viritum sapientissimi cujusque respuit fides : in uni-
 versum vero omnibus horis credit vita , nec sentit .
 Quippe victimas cædi sine precatione non vide-
 tur , referre , nec Deos rite consuli . Præterea alia
 sunt verba ¹ impetrantis , alia depulsoris , alia cona-
 mendationis . Vidimus certis precationibus obse-
 crasse summos magistratus : & ne quid verborum
 prætereatur , aut præposterum dicatur , de scripto
 præire aliquem , rursusque alium custodem dari
 qui attendat , alium vero præponi , qui faveri lin-
 guis jubeat : tibicinem canere , ne quid aliud exau-
 diatur : utraque memoria insigni , quoties ipsæ di-
 ræ obstrepentes nocuerint , quotiesve precatio er-
 raverit : sic repente extis adimi capita , vel corda ,
 aut geminari victima stante . Duratque immenso
 exemplo Deciorum , patris filiiq; , quo se devo-

vere, carmen. Extat Tucciæ Vestalis incestæ præcatio, qua usa aquam in cribro tulit, anno urbis DCIX. Boario vero in foro Græcum Græcamque defossos, aut aliarum gentium, cum quibus tum res esset, etiam nostra ætas vidit. Cujus sacri precationem, qua solet præire. Quindecim virum collegii magister, si quis legat, profecto vim carminum fateatur, ea omnia approbantibus octingentorum triginta annorum eventibus. Vestales nostras hodie credimus, nondum egressa urbe mancipia fugitiva, retinere in loco precatione: cum si semel recipiatur ea ratio, & Deos preces aliquas exaudire, aut ullis moveri verbis, confitendum sit de tota conjectatione. Prisci quidem nostri perpetuo talia prodidere: difficillimumque ex his etiam fulmina elici, ut suo loco docuimus. L. Piso primo Annalium autor est, Tullum Hostillum regem ex Numæ libris eodem, quo illum, sacrificio Iovem cælo devocare conatum, quoniam parum rite quædam fecisset, fulmine ictum. Multi vero magnarum rerum fata & ostenta verbis permutari; cum in Tarpeio fodientes delubro fundamenta, caput humanum inveniissent, missis ob id à Senatu legatis, Hetruriæ celeberrimus vates Olenus Calenus præclarum id fortunatumque cernens, interrogatione in suam gentem transferre tentavit, scipione prius determinata templi imagine in solo ante se: hoc ergo dicitis Romani? Hic templum Iovis optimi maximi futurum est: hic caput invenimus: constantissima Annalium affirmatione, transiturum fuisse fatum in Hetruriam, ni præmoniti à filio vatis legati Romani respondissent: non plane hic, sed Romæ inventum caput dicimus. Iterum id accidisse tradunt, cum in fastigium ejusdem delubri præparatæ quadrigæ fictiles

in fornace crevisſent : & iterum ſimili modo re-
tentum augurium. Hæc ſatis ſint, exemplis ut ap-
pareat, oſtentorum vires & in noſtra poteſtate eſſe : ac prout quæque accepta ſint, ita valere. In
Augurum certe diſciplina conſtat, neque diras,
neque ulla auſpicia pertinere ad eos, qui quanque
rem ingredientiſ, obſervare ſe ea negaverint: quo
munere divinæ indulgentiæ majus nullum eſt.
Quid ? non & legum ipſarum in Duodecim tabu-
lis verba ſunt ? Qui fruges excantaſſet. Et alibi,
Qui malum carmen incantaſſet. Verrius Flaccus
autores ponit, quibus credat, in oppugnationibus
ante omnia ſolitum à Romanis ſacerdotibus evo-
cari Deum, cujus in tutela id oppidum eſſet : pro-
mittique illi eundem, aut ampliorem locum apud
Romanos, cultumve. Durat in Pontificum diſci-
plina id ſacrum : conſtatque ideo occultatum, in
cujus Dei tutela Roma eſſet, ne qui hoſtium ſimili
modo agerent. Deſigi quidem diris deprecationi-
bus nemo non metuit : huc pertinet ovorum, ut
exorbuerit quiſque, calices cochlearumque pro-
tinus frangi, aut eoſdem cochlearibus perforari :
hinc Theocriti apud Græcos, Catulli apud nos,
proximeque Virgilii incantamentorum amatoria
imitatio. Figlinarum opera multi rumpi credunt
tali modo : non pauci etiam ſerpentes ipſas incan-
tari : & hunc unum illis eſſe intellectum, contra-
hique Marſorum cantu, etiam in nocturna quiete.
Etiam parietes incendiſ depredationibus cir-
cumſcribuntur. Neque eſt facile dictu, externa
verba atque ineffabilia derogent fidem validius,
an Latina inopinata, & quæ ridicula videri cogit
animus, ſemper aliquid immenſum expectans, ac
dignum Deo movendo, imo vero quod numini
imperet. Dixit Homerus, profluvium ſanguinis

vulnerato femine Vlixem inhibuisse carmine : Theophrastus ischiadicos sanari : Cato prodidit luxatis membris carmen auxiliari ; M. Varro podagris. Cæsarem Dictatorem post unum ancipitem vehiculi casum , ferunt semper , ut primum confedisset, id quod plerosque nunc facere scimus, carmine ter repetito securitatem itinerum aucupari solitum. Licet hanc in partem singulorum quoque conscientiam coarguere : cur enim primum anni incipientis diem lætis precationibus invicem faustum ominamur ? cur publicis lustris etiam nomina victimas ducentium prospera legimus ? Cur & fascinationibus adoratione peculiari occurrimus alii Græcam Nemefin invocantes : cujus ob id Romæ simulacrum in Capitolio est, quamvis Latinum nomen non sit. Cur ad mentionem defunctorum testamur memoriam eorum à nobis non sollicitari ? cur impares numeros ad omnia vehementiores credimus ? idque in febribus dierum observatione intelligitur. Cur ad primitias pomorum hæc vetera esse dicimus, alia nova optamus ? cur sternutamentis salutamur ? quod etiam Tiberium Cæsarem , tristissimum (ut constat) hominum , in vehiculo exegisse tradunt : & aliqui nomine quoque consalutare, religiosius putant. Quin & absentes tinnitu aurium præsentire sermones de se , receptum est. Attalus affirmat, scorpione viso, si quis dicat duo, cohiberi, nec vibrare ictus. Et quoniam scorpio admonuit , in Africa nemo destinat aliquid , nisi præfatus Africam : in cæteris vero gentibus , Deos ante obtestatur, ut velint : nam si mensa adsit, ² nullum ponere, translatitium videmus etiam, quoniam multas religiones pollere manifestum est. Alius saliva post aurem digito relata, sollicitudinem animi propitiat :

pitiat: pollices, cum faveamus, premere etiam proverbio jubemur: in odorando dexteram ad osculum referimus, totumque corpus circumagimus: quod in lævum fecisse, Galliæ religiosius credunt. Fulgetras popysmis adorare, consensus gentium est. Incendia inter epulas nominata, aquis sub mensam profusis abominamur. Recedente aliquo ab epulis, simul verri solum: aut bibente convivæ, mensam vel repositorium tolli, inauspiciatissimum judicatur. Servii Sulpitii principis viri commentatio est, quamobrem mensa linquenda non sit: nondum enim plures, quam convivæ, numerabantur. Nam sternutamento revocari ferculum mensamve, si non postea gustetur aliquid, inter diras habetur, ut omnino non esse. Hæc instituire illi, qui omnibus negotiis horisque interesse credebant Deos: & ideo placatos etiam vitiis nostris reliquerunt. Quin & repente conticescere convivium adnotatum est, non nisi in pari præsentium numero: qua in re famæ labor est, ad quencunque eorum pertinens. Cibus etiam è manu prolapsus reddebatur, utique per mensas: vetabantque munditiarum causa deflare: & sunt condita auguria, si quid loquenti cogitante id acciderit, inter execratissima. Si Pontifici accadat ³ Ditis causa epulanti, in mensa utique id reponi, adolerique ad Larem, piatio est. Medicamenta, priusquam adhibeantur, in mensa forte deposita, negantur prodesse. Ungues ressecari nundinis Romanis tacenti atque à digito indice, multorum pecuniæ religiosum est. Capillum vero contrectari, contra defluvia ac dolores capitis, xvii. Luna, atque xxix. Pagana lege in plerisque Italiæ prædiis cavetur, ne mulieres per itinera ambulantes torqueant fusos, aut omnino detectos ferant: quo-

niam advesetur id omnium spei, præcipueque frugum. M. Servilius Nonicanus princeps civitatis, non pridem in metu lippitudinis, priusquam ipse eam nominaret, aliusve ei prædiceret, duabus literis Græcis, P & A, chartam inscriptam, circumligatam lino, subnectebat collo: Mutianus ter Consul, eadem observatione viventem muscam in linteolo albo; his remediis carere ipsos lippitudine prædicantes. Carmina quædam extant contra grandines, contraque morborum genera, contraque ambusta, quædam etiam experta: sed prodeundo obstat ingens verecundia, in tanta animarum varietate: quapropter de his, ut libitum cuique fuerit, opinetur.

CAP. III. *Remedia ex homine contra Magos.*

Hominum monstrificas naturas & veneficos aspectus, diximus in portentis gentium, & multas animalium proprietates, quæ repeti supervacuum est. Quorundam hominum tota corpora profunt, ut ex his familiis, quæ sunt terrori serpentibus, tactu ipso levant percussos, fustive⁴ modico. Quorum è genere sunt Pphylli Marisque, & qui Ophio genes vocantur in insula³ Cypri: ex qua familia legatus Exagon nomine, à Consulibus Romæ in dolium serpentium coniectus experimenti causa, circummulcentibus linguis miraculum præbuit. Signum ejus familiæ est, si modo adhuc durat, vernis temporibus odoris virus: atque eorum sudor quoque medebatur, non modo saliva. Nam in insula Nili Tontyri nascentes tanto sunt crocodilis terrori, ut vocem quoque eorum fugiant. Horum omnium generum in sua repugnantia interventum quoque mederi constat: sicuti aggravari vulnera introitu eorum, qui unquam fuerint serpentium

pentium canisve dente læsi. Iidem gallinarum incubitus, pecorum foetus, abortu vitiant. Tantum remanet virus excepto semel malo, ut venefici fiant venena passi. Remedio est, ablui prius manus eorum, aquaque illa eos, quibus medearis, inspergi. Rursus à scorpione aliquando percussi, nunquam postea à crabronibus, vespis, apibusve ferientur. Minus miretur hoc, qui sciat, vestem à tineis non attingi, quæ fuerit in funere: serpentes ægre, præterquam læva manu extrahi.

C A P. IV. *De quibusdam sortilegiis, & saliva hominis.*

Pythagoræ inventis non temere fallere, impositivorum nominum imparem vocalium numerum, clauditates, oculorumve orbitatem, ac similes casus dextris assignare partibus, parem lævis: ferunt difficiles partus statim solvi, cum quis tetum, in quo sit grvida, transmiserit lapide, vel missili ex his, qui tria animalia singulis ictibus interfecerint, hominem, aprum, ursam. Probabilius id facit hasta velitaris, evulsa à corpore hominis, si terram non attigerit: eosdem enim illata effectus habet. Sic & sagittas corpore eductas, si terram non attigerint, subjectas cubantibus, amatorium esse, Orpheus & Archelaus scribunt. Quin & comitalem morbum sanari cibo è carne feræ occisæ eodem ferro, quo homo interfectus sit. Quorundam partes medicæ sunt, sicuti diximus de Pyrthi regis pollice: & Elide solebat ostendi Pelopis costa, quam eburneam affirmabant. Navos in facie tondere, religiosum habent etiam nunc multi. Hominum vero in primis jejunam salivam, contra serpentes præsidio esse, docuimus: sed & alios efficaces ejus usus recognoscat vita: despumamus comitiales morbos, hoc est contagia regeri-

mus : simili modo & fascinationes repercutimus ; dextraque clauditis occursum. Veniam quoque à Deis spei alicujus audacioris petimus , in sinum spueno etiam. Eadem ratione terna despuere, deprecatione , in omni medicina mos est atque ita effectus adjuvare : incipientes furunculos ter præsignare jejuna saliva. Mirum dicemus , sed experimento facile : si quem pœniteat ictus eminus cominusve illati, & statim expuat mediam in manum, qua percussit , levatur illico percussus à pœna : hoc sæpe delumbata quadrupede approbatur, statim à tali remedio correcto animalis ingressu. Quidam vero aggravant ictus , ante conatum simili modo saliva in manum ingesta. Credamus ergo lichenas leprasque jejunæ illitu assiduo arceri : item lippitudines , matutina quotidie velut inunctione : carcinomata , malo terræ subactis : cervicis dolorem, saliva jejuni dextra manu ad dextrum poplitem relata, læva ad sinistrum : si quod animal aurem intraverit, & inspuatur, exire. Inter amuleta est , editæ quemque urinæ inspuere : similiter in calciamentum dextri pedis , antequam induatur : item cum quis transeat locum, in quo aliquod periculum adierit. Marcion Smyrnæus, qui de simplicium effectibus scripsit , rumpi scolopendras marinas sputo tradit : item rubetas , aliasque ranas : Ophilius, serpentes si quis in hiatum earum expuat. Salpe, torporem sedari quocunque membro instupente, si quis in sinum exputat : aut si superior palpebra saliva tangatur. Nos si hæc, & illa credamus rite fieri : extranei interventu , aut si dormiens spectetur infans , à nutrice ter adspui : quanquam religione muratur, & Fascinus, Imperatorum quoque , non solum infantium cultos, qui Deus inter sacra Romana à Vestalibus colitur, & cur-

& currus triumphantium sub his pendens defendit medicos invidiæ, jubetque eosdem respicere. Similis medicina linguæ, ut sit exorata à tergo Fortuna, gloriæ carnifex. Morsus hominis inter asperissimos quoque numeratur. Medentur sordes ex auribus: ac ne quis miretur, etiam scorpionum ictib⁹ serpentiumq; statim impositæ. Melius è percussi auribus profunt: ita reduvias ⁷ ajunt sanari. Serpentium vero ictum, contusi dentis humani farina. Capillus puerorum, qui primum decisis est, podagræ impetus dicitur levare circumligatus: & in totum impubium impositus. Virorum quoque capillus, canis moribus medetur ex aceto: & caput vulneribus ex oleo aut vino: si credimus, à revulso cruci, quartanis: combustus æque capillus, carcinomati. Pueri qui primus ceciderit dens, ut terram non attingat, inclusus in armillam, & assidue in brachio habitus, muliebrum locorum dolores prohibet. Pollex in pede præligatus proximo digito, tumores inguinum sedat. In manu dextra duo medii lino leviter colligati, distillationes atque lippitudines arcant. Quin & ejectus lapillus calculoso, alligatus supra pubem levare cæteros dicitur, ac jocinoris etiam dolores: ac celeritatem partus facere. Addidit Granius, efficacior ad hoc esse ferro exemptum. Partus accelerat vicinos, ex quo quæque conceperit, si cinctu suo soluto scæminam cinxerit, dein solverit, adjecta precatatione, si vinxisse, eundem & soluturum, atque abierit. Sanguine ipsius hominis, ex quacunque parte emissio, efficacissime anginam illini tradunt Orpheus & Archelaus: item ora, comitiali morbo lapsorum: exurgere enim protinus. Quidam, si pollices pedum pungantur, exque his guttæ referantur in faciem: aut si virgo dextro pollice attin-

gar: hac conjectura censentes virgines carnes edendas. Æschines Atheniensis ex crematorum cinere anginis medebatur & tonsillis, uisque, & carcinomatis. Hoc medicamentum vocabat botryon. Multa genera morborum primo coitu solvuntur, primoque fœminarum mense: aut si non id contingat, longinqua fiunt, maximeque comitiales. Quin & à serpente ac scorpione percussos, coitu levare produnt: verum fœminas Venere ea lædi. Oculorum vitia fieri negant, nec lippire eos, qui cum pedes lavant, aqua inde ter oculos tanguant. Immatura morte raptorum manu, strumas, parotidas, guttura tactu sanari affirmant: quidam vero cujusque defuncti, duntaxat sui sexus, læva manu averfa. Et è ligno fulgure icto, rejectis post terga manibus, demorderi aliquid, & ad dentem qui doleat, admoveri, remedio esse produnt. Sunt qui præcipiant dentem suffiri dente hominis sui sexus: & eum qui caninus vocetur, insepulto exemptum adalligari. Terram ex calvaria, psilothrum esse palpebrarum tradunt: herba vero, si qua ibi genita sit, commanducata, dentes cadere. Ulcera non serpere ossè hominis circumscripta. Alii è tribus puteis pari mensura aquas miscent, & prolubant novo fœtili: reliquum dant in tertianis accessu februm bibendum. Item in quartanis fragmentum clavi à cruce, involutum lana, collo subnectunt: aut spartum è cruce: liberatoque condunt caverna, quam Sol non attingat. Magorum hæc commenta sunt: ut cotem, qua ferramenta sæpe exacuta sunt, subjectam ignari cervicalibus, de beneficio deficientis, evocare indicium, ut ipse dicat quid sibi datum sit, & ubi, & quo tempore: autorem tamen non nominare. Fulmine utique percussio, circumactum in vulnus hominem, loqui pro-

protinus constat. Inguinibus medentur aliqui, li-
 cium telæ detractum alligantes novenis septenisve
 nodis, ad singulos nominantes viduam aliquam,
 atque ita inguina alligantes licio. Et clavum, aliud-
 ve, quod quis calcaverit, alligatum ipsos jubent ge-
 rere, ne sit dolori vulnus. Verrucas avellunt à vi-
 cesima Luna, in limitibus supini ipsam intuentes,
 ultra caput manibus porrectis, & quicquid com-
 prehendere, eo fricantes. Clavum corporis, cum
 cadat stella, si quis distringat, vel cito sanari ajunt
 cardinibus ostiorum aceto affuso; lorum fronti
 illitum, capitis dolorem sedare: item laqueum su-
 spendiosi circumdatum temporibus. Si quid è pisce
 hæserit faucibus, in aquam demissis frigidam pe-
 dibus, cadere: si vero ex aliis ossibus, impositis
 capiti ex eodem osse³ ossiculis. Si panis hæreat,
 ex eodem in utramque aurem addito pane. Quin
 & sordes hominis in magnis fecere remediis quæ-
 stuosorum gymnasia Græcorum: quippe ea strig-
 menta molliunt, calfaciunt, discutiunt, complent,
 sudore & oleo medicinam facientibus, Vulvis in-
 flammatis contractisq; admoventur. Sic & men-
 ses cient: sedis inflammationes & condylomata
 leniunt: item nervorum dolores, luxata, articu-
 lorum nodos. Efficaciora ad eadem, strigmenta
 à balineis, & ideo miscentur suppuratoriis medi-
 camentis. Nam illa, quæ sunt è ceromate, permi-
 sto cœno, articulos tantum molliunt, calefaciunt,
 discutiunt efficacius, sed ad cætera minus valent.
 Excedit fidem impudens cura, qua sordes virili-
 tatis contra scorpionum ictus singularis remedii,
 celeberrimi autores clamant. Rursus in scæminis,
 quas infantium alvo editas in vetero ipso, contra
 sterilitatem subdi censent: meconium vocant. Imo
 etiam ipsos gymnasiarum rasere parietes: & illæ
 quoque

quoque sordes excafcatorium vim habere dicuntur : panos difcuriunt : hulceribus fenum puorurumque, & defquamatis ambuftisve illinuntur. Eo minus omitti convenit ab animo hominis pendentes medicinas : abftinere cibo omni, aut potu; alias vino tantum aut carne; alias balineis, cum quid eorum poftulet valetudo, in præfentiffimis remediis habetur. His remediis adnumeratur exercitatio, intentio vocis, ungui, fricari cum ratione. Vehemens enim fricatio fpiffat, lenis mollit : multa adimit corpus, auget modica. In primis vero prodeft ambulatio, gellatio, & ea pluribus modis. Equitatio ftomacho & coxis utiliffima : phthifi navigatio : longis morbis locorum mutatio. Item fomno mederi fibi, aut lectulo, aut rara vomitione. Supini cubitus oculis conducunt, at proni tuffibus, in latera adverfum diffillationes. Ariftoteles & Fabianus plurimum fomniari circa vernum & autumnum tradunt, magisque fupino cubitu, at prono nihil. Theophrastus celerius concoqui dextri lateris incubitu, difficilius à fupinis. 2 Solum quoque remediorum maximum ab ipfo fibi præftari poteft, ficut linteorum frigidumque vehementia: perfundere caput calida ante balinearum vaporationem, & poftea frigida, faluberri- mum intelligitur. Item præfumere cibus, & interponere frigidam, ejuſdemque potu fomnos antecedere, & fi libeat interrompere. Notandum, nulum aliud animal calidos potus fequi, ideoque non eſſe naturales. Mero ante fomnos colluere ora, propter halitus : frigida matutinis, impari numero, ad cavendos dentium dolores : item poſca oculos contra lippitudines, certa experimen- ta ſunt.

CAP. V. De observatione victus.

Sicut totius corporis valetudini, in varietate victus observata. Hippocrates tradit non prandentium extra celerius senescere. Verum id remediis cecinit, non epulis: quippe multo utilissima est temperantia in cibis. L. Lucullus hanc de se præfeturam servo dederat: ultimoque probro manus in cibis triumphali seni deducebatur, vel in Capitolio epulanti, pudenda re, servo suo facilius parere, quam sibi.

CAP. VI. De sternutamento, & Venere, & cæteris remediis.

Sternutamenta ¹⁰ pinna gravedinem emendant, & si quis ¹¹ muris nares, ut tradunt, osculo attingat, sternutamenta & singultum. Ob hoc Varro suadet palmam altera manu scalpere. Pleriq; anulum è sinistra in longissimum dexteræ digitum transferre, aut in aquam ferventem manus immergere. Theophrastus senes laboriosius sternueredicit. Venerem damnavit Democritus, ut in qua homo alius exiliret ex homine. Ex hercule raritas ejus utilior: Athletæ tamen torpentes restituntur Venere, vox revocatur, cum è candida declinat in fuscam. Medetur & lumborum dolori, oculorum hebetationi, mente captis ac melancholicis. Adsidere gravidis, vel cum remedium alicui adhibeatur, digitis pectinatim inter se implexis, veneficium est: idq; compertum tradunt Alcmena Herculem pariente: pejus, si circa unum ambove genua. Item poplites alternis genibus imponi: ideo hæc in conciliis ducum potestatumve fieri vetuere majores, velut omnem actum impediencia: vetuere & sacris votisve simili modo interesse. Capita autem aperiri aspectu magistratum, non venerationis causa jussere, sed (ut Varro auctor est) valetu-

valerudinis, quoniam firmiora consuetudine ea fierent. Cum quid oculo inciderit, alterum comprimi prodest: cum aqua dextræ auriculæ, sinistro pede exultare, capite in dextrum humerum devexo, invicem è diversa aure. Si tussis concitet, salivam in frontem ab alio afflari. Si jaceat uva, à vertice morfu alterius suspendi. In cervicis dolore poplites fricare, aut cervicem in poplitum. Pedes in humo deponi, si nervi in his cruribusve tendantur in lectulo: aut si in læva parte id accadat, sinistræ plantæ pollicem dextra manu apprehendi: item è diverso. Extremitates corporis vel aurium perfringi contra horrores corporis, sanguinemve narium immodicum: lino vel papyro principia genitalium: femur medium, ad cohibenda urinæ profluvia. In stomachi solutione pedes pressare, aut manus in ferventem aquam dimittere. Iam & sermoni parci, multis de causis salutare est. Triennio Meccenatem Messium accepimus silentium sibi imperavisse, à convulsione reddito sanguine. Nam everfos scandentesq; ac jacentes, si quid ingruat, contraque ictus, spiritum cohibere singularis præsidii est: quod inventum esse animalis docuimus. Clavum ferreum defigere, in quo loco primum caput defixerit. corruens morbo comitali, absolutorium ejus mali dicitur. Contra renum aut lumborum vesicæque cruciatus, in balinearum solis pronos urinam reddere mitigatorium habetur. Vulnere nodo Herculis præligare, mirum quantum ocyor medicina est: atque etiam quotidiani cinctus tali nodo, vim quandam habere utilem dicuntur: quippe cum Hercules eum prodiderit. Numerum quoque quaternarum Demetrius condito volumine, & quare quaterni cyathi sextarii non essent potandi. Contra lippitudines retro aures fri-

care

care prodest, & lacrymosis oculis frontem. Augurium ex homine ipso est non timendi mortem in ægritudine, quandiu oculorum pupillæ imaginem reddant. Magna & urinæ non ratio solum, sed etiam religio apud autores invenitur, digesta in genera: spadonum quoque ad fœcunditatis beneficia. Verum ex his quæ referre fas sit, impubium puerorum contra salivas aspidum, quas pyadas vocant, quoniam venena in oculos hominum expuant: contra oculorum albugines, obscuritates, cicatrices, argema, palpebras, & cum erui farina contra adustiones, contra aurium pura, vermiculosque si decoquatur ad dimidias partes cum porro capitato novo fictili: vaporatio quoque ea mentes fœminarum ciet. Salpe fovet illa oculos firmitatis causa: illinit Sole usta, cum ovi albumine, efficacius struthiocameli, binis horis: hac & atramenti lituræ abluuntur. Virilis podagris medetur, argumento fullonum, quos ideo tentari eo morbo negant. Veteri miscetur cinis ostreorum, adversus eruptiones in corpore infantium, & omnia hulnera manantia: ea exesis, ambustis, sedis vitiis, thagadiis, & scorpionum ictibus illinitur. Obstetricum nobilitas non alio succo efficacius curari pronuntiavit corporum pruritus nitro addito, hulnera capitem, porrignes, nomas, præcipue genitalium. Sua cuique autem (quod fas sit dixisse) maxime prodest, confestim perfuso, canis morfu, echinorumque spinis inhaerentibus, & in sponsia lanifve imposita: aut adversus canis rabidi morsus, cinere ex ea subactis: contraque serpentium ictus. Nam contra scolopendras mirum proditur, vertice tacto urinæ suæ gutta, liberari protinus læsos. Auguria valetudinis ex ea traduntur: si mane candida, dein rufa sit: illo modo concoquere, hoc con-

concoxisse significatur. Mala signa rubræ, pessima nigræ: mala bullantis & crassæ: in qua quod subfidit, si album est, significat circa articulos aut viscera dolorem imminere. Eadem viridis, morbum viscerum, pallida bilis, rubens sanguinis. Mala, & in quâ veluti furfures atque nubeculæ apparent. Diluta quoq; alba vitiosa est: mortifera vero crassa, gravi odore: & in pueris tenuis ac diluta. Magi vetant ejus causâ contra Solem Lunamque nudari, aut umbram cujusquam ab ipsa aspergi. Hesiodus juxta obstantia reddi suadet, ne Deum aliquem nudatio offendar. Hosthanes contra mala medicamenta omnia promissit auxiliari, matutinis horis suam cuique instillatam in pedem.

CAP. VII. *De remediis muliebribus.*

Quæ ex mulierum corporibus traduntur, ad portentorum miracula accedunt, ut fileamus divisos membratim in scelera abortus, mensium piacula, quæque alia non obstetrices modo, verum etiam ipsæ meretrices prodidere. Capilli si cremantur, odore serpentes fugari: eodem odore vulvæ morbo strangulatas respirare. Cinere eo quidem, si in testa sunt cremati, vel cum spuma argenti, scabritias oculorum ac pruriges emendari: item verrucas, & infantium hulcera cum melle. Capitis quoque vulnera, & omnium hulcerum sinus, addito melle ac thure. Panos, podagras, cum adipe suillo, sacrum ignem, sanguinemque sisti illico, & fornicationes corporum. De lactis usu convenit, dulcissimum esse molliissimumque, & in longa febre celiacisq; utilissimum, maxime ejus quæ jam infantem removerit: & in malacia stomachi, in febribus, rosionibus, efficacissimum experiuntur: item mammarum collectionibus cum thure, oculo ab ictu cruore suffuso, & in dolore aut epipho-

ris

ris si immulgeatur, plurimum prodest: magisque cum melle & narcissi succo, aut thuris polline. Semperque in omni usu efficacius ejus, quæ marem enixa sit: multoque efficacissimum ejus, quæ geminos peperit mares, & si vino ipsa cibusque acrioribus abstineat. Misto præterea ovorum candido liquore, madidaque lana frontibus impostum, fluxiones oculorum suspendit. Nam si rana saliva sua oculum asperferit, præcipuum est remedium: & contra morsum ejusdem bibitur, instillaturque. Qui simul matris filiaque lacte inunctus sit, liberari oculorum metu in totam vitam affirmant. Aurium quoque vitiis medetur, modice admisto¹² oleo: aut si ab istu dolent, anserino adipe tepesactum: si odor gravior sit, ut plerunque fit longis vitiis, diluto melle lana includitur. Et contra morbum regium in oculis relictum, instillatur cum elaterio. Peculiariter valet potum contra venena, quæ data sunt è marino lepore buprestique, & ut Aristoteles tradit, dorycnion. Et contra insaniam, quæ facta sit hyosciami potu. Podagris quoque jubent illini cum cicuta: alii cum cefypo & adipe anserino: qualiter etiam vulvarum doloribus imponitur. Alyum etiam sistit potum, ut Rabirius scribit: & menses ciet. Ejus vero quæ fœminam enixa sit, ad vitia tantum in facie sananda prævalet. Pulmonum quoque incommoda lacte mulieris sanantur: cui si admisceatur impubis pueri urina vel mel Atticum, omnia singulorum cochlearum mensura, murmura quoque aurium ejici invenio. Ejus quæ marem peperit lacte gustato, canes rabiosos fieri negant. Mulieris salivam quoque jejuna potentem judicant oculis cruentatis: & si contra epiphoras, ferventes anguli oculorum subinde madefiant: efficacius, si cibo vinoque se

pridie

pridie ea abstinerit. Invenio & fascia mulieris al-
 ligato capite, dolores minui. Post hæc nullus est
 modus. Iam primum abigi grandines turbines-
 que, contra fulgura, ipsa in mense connudata : sic
 averti violentiam cæli in navigando quidem tem-
 pestates etiam sine menstruis. Ex ipsis vero men-
 sibus, monstificis alias, uti suo loco indicavimus,
 dira & infanda vaticinantur : e quibus dixisse non
 pudeat, si in defectu Lunæ Solisve congruat vis illa,
 irremediabilem fieri : non segnius & silente Luna,
 coitusque tum maribus exitiales esse atque pesti-
 feros : purpuram quoque ab his eo tempore pollui :
 tanto vim esse majorem. Quocunque autem alio
 menstruo, si nudatæ segetem ambiant, erucas ac
 vermiculos scarabæosque ac noxia alia decidere :
 Metrodorus Scepsius in Cappadocia inventū pro-
 dit, ob multitudinem cantharidum : ire ergo per
 media arva, relectis super clunes vestibus : alibi ser-
 vatur, ut nudis pedibus eant, capillo cinctuque dis-
 soluto. Cavendum ne id oriente Sole faciant : se-
 mentem enim arefcere : item novellas vites ejus
 tactu in perpetuum lædi : rutam & ederam res me-
 dicatissimas illico mori. Multa diximus de hac
 violentia. Sed præter illa certum est, apes tactis al-
 veartīs fugere : linaque, cū ¹³ coquantur, nigresce-
 re : aciem in cultris tonforum hebetescere : æs con-
 tactum grave virus accipere & æruginem, magis si
 decresciente Luna id accadat : equas, si sint gravi-
 dæ, tactas abortum pati. Quin & aspectu omnino,
 quamvis procul visas, si purgatio illa post virgini-
 tatem prima sit, aut in virginea ætate spontanea.
 Nam bitumen in Iudea nascens, sola hac vi supe-
 rari, filo vestis contactæ, docuimus. Ne igne qui-
 dem vincitur, quo cuncta : cinisque etiam ille, si
 quis aspergat lavandis vestibus, purpuras mutat,
 florem

florem coloribus adimit, ne ipsis quidem sceminis malo suo inter se immunibus: abortum facit illitus, aut si omnino pragnans supergrediatur. Quæ Lais & Elephantis inter se contraria prodidere de abortivis, carbone è radice brassicæ vel myrti vel tamaricis in eo sanguine extincto: item afinas non concipere tot annis, quot grana hordei contacta ederint: quæque alia nuncupavere monstrifica, aut inter ipsas pugnantia, cum hæc fecunditatem fieri iisdem modis, quibus illa sterilitatem, pronuntiaret, melius est non credere. Bythus Dyrrechinus hebetata aspectu specula recipere nitorem tradit, iisdem averfa rursus contuentibus: omnemque vim talem resolvi, si mullum piscem secum habeant. Multi vero inesse etiam remedia tanto malo ajunt: podagras illini, strumas, & parotidas, panos, sacros ignes, furunculos, epiphoras tractatu earum mulierum leniri. Lais & Salpe canum rabiosorum morsus, & tertianas quartanasque febres, menstruo in lana arietis nigri, argenteo brachiali incluso. Diorimus Thebanus, vestis omnino ita infectæ portiuncula, ac vel licio, brachiali inserta. Sotira obstetrix, tertianis quartanisque efficacissimum dixit plantas ægri subterlini: multoque efficacius, ab ipsa muliere, & ignorant: sic & comitiales excitari. Icetidas medicus quartanas coitu finiri, incipientibus duntaxat menstruis, spondit. Inter omnes vero convenit, si aqua potusque formidetur à morfu canis, supposita tantum calici lacinia tali, statim metum eum discuti: videlicet prævalente sympathia illa Græcorum, cum rabiem canum ejus sanguinis gustatu incipere dixerimus. Cinere eo jumentorum omnium hulcera sanari certum est, addita caminorum farina & cetera. Maculas autem è veste eas, non nisi ejusdem
urina

urina elui. Cinerem per se rosaceo mistum, foeminarum præcipue, capitis sedare dolores illitum fronti. Asperrimamque vim profluvii ejus esse primis annis virginitate soluta. Id quoque convenit, quo nihil equidem libentius crediderim, tactis omnino menstruo postibus: irritas fieri Magorum artes, generis vanissimi, ut aestimare licet. Ponam enim vel modestissimum è promissis eorum: ex homine siquidem resegmina unguium è pedibus manibusque cera permista, ita ut dicatur tertianæ, vel quotidianæ, vel quartanæ feбри remedium quæri, ante Solis ortum alienæ januæ affigi jubent, ad remedia in iis morbis: quanta vanitate si falsum est, quantave noxa, si transferunt morbos ad innocentiores? Ex his omnium digitorum resegmina unguium, ad cavernas formicarum abjici jubent, eamque quæ prima cœperit trahere, correptam subnecti collo, ita discuti morbum.

CAP. VIII. *Medicina ex animalibus peregrinis, de elephanto, & leone, & camelo, & hyæna, & crocodilo, & chameleonte, & scinco, & hippopotamo, & lyncibus.*

Hæc sunt, quæ retulisse fas sit, ac pleraque ex iis non nisi honore dicto: reliqua intestabilia & infanda, ut festinet oratio ab homine fugere. In cæteris claritates animalium aut operum sequemur. Elephantis sanguis, præcipue maris, fluxiones omnes, quas rheumatismos vocant, sistit. Ramenti eboris cum melle Attico (ut ajunt) ¹⁴ nubeculæ in facie, scobe paronychia tolluntur. Proboscidis tactu capitis dolor levatur, efficacius si & sternuat. Dextra pars proboscidis cum Lemnia rubrica adalligata, impetus libidinum stimulat. Sanguis & syntecticis prodest, jecurq; comitialibus morbis. Leonis adipēs cum rosaceo, cutem in facie custodiunt

diunt à vitiiis, candoremque servant: sanant & adusta nivibus, articulorumque tumores. Magorum vanitas perunctis eo adipe, faciliorem gratiam apud reges populosve promittit: præcipue tamen eo pingui, quod sit inter supercilia, ubi esse nullum potest: similia dentis, maxime à dextra parte, villique è rostro inferiori, promissa sunt. Fel aqua addita, claritatem oculis inunctis facit: & cum adipe ejusdem, comitiales morbos discutit, levi gustu, & ut protinus, qui sumpsere, cursu id digerant. Cor in cibo sumptum, quartanis medetur: adeps cum rosaceo quotidianis febribus: perunctos eo bestiarum fugiunt: resistere etiam infidiis videtur. Cameli cerebrum arefactum, potumque ex aceto, comitialibus morbis ajunt mederi: item fel cum melle potum: hoc & anginae. Cauda arefacta solvi alvum: fimi cinere crispari capillum cum oleo: & dysentericis prodest illitus cinis, potusque quantum tribus digitis capiatur, & comitialibus morbis: urinam fullonibus utilissimam esse tradunt: itemque hulceribus manantibus: Barbaros constat eam servare quinquennio, & heminis potà ciere alvum: setas è cauda contortas, & sinistro brachio adalligatas, quartanis mederi. Hyænam Magi ex omnibus animalibus in maxima admiratione posuerunt, utpote cui & ipsi Magicas artes dederint, vimque, qua alliciat ad se homines mente alienatos. De permutationis sexus annua vice diximus, cæteraque de monstrifica natura ejus: nunc persequemur quæcunque medicinis produntur. Præcipue pantheris terrori esse traduntur, ut ne conentur quidem resistere: & aliquid de corio earum habentem non appeti: mirumque dictu, si pelles utriusque contrariè suspendantur, decidere pilos pantheræ: Cum fugiant venantem,

nantem, declinare ad dextram, ut prægressi hominis vestigia occupent : quod si successerit, alienari mente, ac vel ex equo hominem decidere : at si in lavam detorserit, deficientis argumentum esse, celeremque capturam. Facilius autem capi, si cinctus suos venator, flagellumque imperitans equo septenis alligaverit nodis. Mox, ut est solers ambagibus vanitas Magorum, capi jubent Geminorum signum transeunte Luna, singulosque prope pilos servari : capitis dolori alligatam cutem prodesse quæ fuerit in capite ejus : lippitudini fel illitum frontibus : aut ne omnino lippiat decoctum cum mellis Attici cyathis tribus & croci uncia, inunctum : sic & caligines discuti & suffusiones : claritatem excitari melius inveterato medicamento : asservari autem in Cypria pyxide : eodem sanari argema, scabritias, excrescentia in oculis : item cicatrices. Glaucomata vero jocinoris recentis inasfati sanie, cum despumato melle, inunctis. Dentes ejus dentium doloribus tactu prodesse, vel adalligatos ordine, humeros humerorum & lacertorum doloribus : ejusdem dentes si de sinistra parte rostri eruti sint, alligatos pecoris aut capri pelle, stomachi cruciatibus : pulmones in cibo sumptos cœliacis : ventriculis, cinerem cum olea illitum : nervis, medullas è dorso cum oleo vetere ac¹⁶ felle. Febribus quartanis, jecur degustatum ter ante accessiones. Podagris, spinæ cinerem cum lingua & dextro pede vituli marini, addito felle taurino, omnia pariter cocta, atque illita hyænæ pelle : in eodem morbo prodesse & fel cum lapide Assio. Tremulis, spasticis, exilientibus, & quibus cor palpitet, aliquid ex corde mandendum, ita, ut reliquæ partes cum cerebro hyænæ illinantur. Pilos etiam auferri, hac compositione illita, aut per se felle,

felle, evulsis prius, quos renasci non libeat: sic & palpebris inutiles tolli. Lumborum doloribus carnes è lumbis edendas, illinendasque cum oleo. Sterilitatem mulierum emendari, oculo cum glycyrrhiza & canetho sumpto in cibo, promisso intra tri-
duum conceptu. Contra nocturnos pavores umbrarumque terrorem unus è magnis dentibus lino alligatus succurrere narratur. Furentes suffiri eodem, & circumligare ante pectus cum adipe renum, aut jecinore, aut pelle præcipiunt. Mulieri candida à pectore hyænx caro, & pili septem, & genitale cervi si illigentur dorcadis pelle, collo suspensa, continere partus promittunt. Venerem stimulari, genitali ad sexus suos in melle sumpto, etiam si viri mulierum coitus oderint, Quinimo totius domus concordiam, eodem genitali & articulo spinæ cum adhærente corio asservatis, constare: quem spinæ articulum sive nodum Atlantion vocant: est autem primus: in comitialium quoque remediis habent eum. Adipe accenso, serpentes fugari dicunt. Maxillæ parte comminuta cum aniso, & in cibo sumpta, horrores sedari: eodem suffitu mulierum menses evocari. Tantumque est vanitatis, ut si ad brachium adalligetur superioris rostri dextræ partis dens, jaculantium ictus deeraturus negent. Palato ejusdem arefacto, & cum alumine Ægyptio calefacto, ac ter in ore permutato, foetores & hucera oris emendari. Eos vero, qui linguam in calceamento sub pede habeant, non latrari à canibus. Sinistra parte cerebri naribus illita, morbos perniciosos mitigari, sive hominum, sive quadrupedum. Frontis corium fascinationibus resistere. Cervicis carnes sive mandantur, sive bibantur, arefactæ, lumborum doloribus. Nervis à dorso armisque, suffiendos nervorum dolores. Pilos rostri ad-
motos

motos mulierum labris, amatorium esse. Iecur po-
 tum, torminibus & calculis mederi. Iam cor in ci-
 bo potuve sumptum, omnibus doloribus corpo-
 rum auxiliari: lienem lienibus: omentum, hulce-
 rum inflammationibus cum oleo: medullas, dolo-
 ribus spinæ & nervorū, lassitudini renū. Nervos
 potos in vino cum thure, fœcunditatem restituere
 ademptam veneficio. Vulvam cum mali Punici
 dulcis cortice in potu datam prodesse mulierum
 vulvæ. Adipe è lumbis suffiri difficulter parientes,
 & statim parere. E dorso medullam adalligatam
 contra vanas species opitulari. Spasticis, genitale è
 maribus suffitu. Item lippientibus, ruptis, & contra
 inflammationes, servatos pedes, tactu: lævos dex-
 tris partibus, dextros lævis. Sinistrum pedem su-
 perlatum parturienti, lethalem esse: dextro illato,
 facile eniti. Membranam quæ fel contineat, car-
 diacis potam in vino vel in cibo sumptam, succur-
 rere: vesicam in vino potam, contra urinæ incontin-
 entiam. Quæ autem in vesica inventa sit urina,
 additis oleo ac sesamo, & melle, haustam prodesse
 ægrimonix veteri. Costarum primam & oclavam,
 suffitu ruptis salutarè esse: ex spina vero parturi-
 entibus ossa: sanguinem cum polenta sumptum, tor-
 minibus: eodem tactis postibus, ubicunque Mago-
 rum infestari artes, non elici Deos, nec colloqui,
 sive lucernis, sive pelvi, sive aqua, sive pila, sive quo
 alio genere tententur. Carnes si edantur, contra
 canis rabidi morsus efficaces esse: etiamnum jecur
 efficacius. Carnes vel ossa hominis, si quæ in ven-
 triculo occisæ inveniantur, suffitu podagricis auxi-
 liari. Si ungues inveniantur in his, mortem ali-
 cuius capientium significari. Excrementa sive ossa
 reddita, cum interimitur, contra Magicas insidias
 pollere. Fimum, quod in intestinis inventum sit,

arefa-

arefactum, ad dysentericos valere potum: illitum-
que cum adipe anserino opitulari toto corpore læ-
sis malo medicamento: à cane vero morsis adi-
pem illitum, & corium substratum. Rursus tali si-
nistri cinere decocto cum sanguine mustelæ, per-
unctos omnibus odio venire: idem fieri oculo de-
cocto. Super omnia est, quod extremam fistulam
intestini contra ducum, ac potestatum iniquitates
commonstrant, & ad successus petitionum, judi-
ciorumq; ac litium eventus, si omnino tantum ali-
quis secum habeat. Ejusdem caverna sinistro la-
certo alligata, si quis mulierem respiciat, amato-
rium esse tam præsens, ut illico sequatur. Ejusdem
loci pilorum cinerem ex oleo illitum viris, qui sint
probrosæ mollietiei, non modo pudicos, sed & se-
veros mores induere. Proxime fabulosus est cro-
codilus, ingens quoque ille cui vita in aqua terra-
que communis: duo enim genera eorum: illius è
dextra maxilla dentes adalligati dextro lacerto,
coitus (si credimus) stimulant: canini ejus dentes
febres stas arcant thure repleti (sunt enim cavi)
ixane diebus quinque ab ægro cernatur, qui adal-
ligaverit: idem pollere & ventre exemptos lapil-
los, adversus februm horrores venientes tradunt:
eadem de causa Ægyptii perungunt & adipe ægros
suos. Alter illi similis, multum infra magnitudi-
nem, in terra tantum, odoratissimisque floribus
vivit: ob id intestina ejus diligenter exquiruntur
jucundo nidore facta: crocodileam vocant, ocu-
lorum vitiis utilissimam, cum porri succo inun-
ctis, & contra suffusiones vel caligines: illita quo-
que ex oleo cyprino, molestias in facie enascentes
tollit: ex aqua vero morbos omnes, quorum na-
tura serpit in facie, nitoremque reddit: lentigines
tollit ac varos, omnesque maculas. Et contra co-

miales morbos bibitur ex aceto mulso binis
 obolis: apposita menses ciet: optima, quæ candi-
 diffima & friabilis, minimeque ponderosa: cum
 teratur inter digitos fermentescens: lavatur, ut
 cerussa: adulterant amylo, aut Cimolia, sed maxi-
 me, qui captum oryza tantum pascunt. Felle in-
 unctis oculis ex melle contra suffusiones, nihil
 utilius prædicant. Intestinis & reliquo corpore
 ejus suffiri vulva laborantes salutare tradunt: item
 velleribus circumdari vapore ejus infectis. Corii
 utriusque cinis ex aceto illitus his partibus, quas
 secari opus sit, aut nidor cremati, sensum omnem
 scalpelli aufert. Sanguis utriusque claritatem visus
 inunctis donat: & cicatrices oculorum emendat.
 Corpus ipsum excepto capite pedibusque, elixum
 manditur ischiadicis: tussimque veterem sanar,
 præcipue in pueris: item lumborum dolores. Ha-
 bent & adipem, quo tactus pilus defluit: hic per-
 unctos à crocodilis tuetur, instillaturq; morsibus.
 Cor annexum in lana ovis nigræ, cui nullus alius
 color incurfaverit, & primo partu genitæ, quar-
 tanas abigere dicitur. Iungemus illis simillima, &
 peregrina æque animalia, priusque Chamæleon-
 tem, peculiari volumine dignum existimatum
 Democrito, ac per singula membra defecatum,
 non sine magna voluptate nostra, cognitis prod-
 itisque mendaciis Græcæ vanitatis. Similis & ma-
 gnitudine est supra dicto crocodilo, spinæ tantum
 acutiore curvatura, & caudæ amplitudine distans.
 Nullum animal pavidijs existimatur, & ideo ver-
 ficoloris esse mutationis. Vis ejus maxima contra
 accipitrum genus: detrahare enim supra volantem
 ad se traditur, & voluntarium præbere laceran-
 dum cæteris animalibus. Caput ejus & guttur si
 roboreis lignis accendantur, imbrium & toni-
 truuma

truum concursus facere, Democritus narrat: item
 jecur in tegulis ustum. Reliqua ad veneficia per-
 tinentia quæ dicit, tanquam falsa existimantes,
 omitemus, præterquam ubi irrisu coarguendus.
 Dextro oculo, si viventi eruatur, albugines oculo-
 rum cum lacte caprino tolli: lingua adalligata, pe-
 ricula puerperii: eundem salutarem esse partu-
 rientibus, si sit domi: si vero inferatur, pernicio-
 sissimum. Linguam, si viventi exempta sit, ad ju-
 diciorum eventus pollere. Cor adversus quartanas
 illigatum nigra lana primæ tonsuræ. Pedem è prio-
 ribus dextrum, hyænæ pelle adalligatum sinistro
 brachio, contra latrocinia terroresque nocturnos
 pollere. Item dextram mamillam contra formidi-
 nes pavoresque. Sinistrum vero pedem torreri in
 furno cum herba quæ etiam chamæleon vocetur,
 additoque unguento in pastillos digeri: eos in li-
 gneo vase conditos, præstare (si credimus) ne cer-
 natur ab aliis qui habeat. Armum dextrum ad
 vincendos adversarios vel hostes valere, utique si
 abjectos ejusdem nervos calcaverit. Sinistrum hu-
 merû quibus monstris consecret, qualiter somnia
 quæ velis & quibus velis mittantur, pudet referre.
 Omnia ea dextro pede solvi: sicut sinistro latere
 lethargos, quos fecerit dextrum: capitis dolores,
 insperso vino, in quo latus alterutrum maceratum
 sit, sanari. Feminis sinistri vel pedis cineri, si mi-
 sceatur lac suillum, podagricos fieri illitis pedibus.
 Felle glaucomata & suffusiones corrigi prope cre-
 ditur, tridui inunctione: serpentes fugari ignibus
 instillato: mustelas contrahi in aquam coniecto:
 corpore vero illito, detrahi pilos. Idem præstare
 narrant jecur, cum ranæ rubetæ pulmone illitum.
 Præterea jocinore amatoria dissolvi. Melancho-
 licos autem sanari, si ex corio chamæleontis her-

bæ succus bibatur. Intestina & finum eorum, cum id animal nullo cibo vivat, cum simiarum urina illita inimicorum januæ, odium omnium hominum his conciliare. Cauda, flumina & aquarum impetus sisti, serpentes soporari. Eadem medicata cedro & myrrha, illigataque gemino ramo palmæ, percussam aquam discuti, ut quæ intus sint omnia appareant: utinamque eo ramo contactus esset Democritus, quoniam ira loquacitates immodicas promisit inhiberi. Palamque est, vitum alias sagacem & vitæ utilissimum, nimio juvandi mortales studio prolapsum. Ex eadem similitudine est Scincus, quem quidam terrestrem crocodilum esse dixerunt, candidiore tantum & tenuiore cute. Præcipua tamen differentia dignoscitur à crocodilo, squamarum seta à cauda ad caput versa. Maximus Indicus, deinde Arabicus: afferuntur falsi. Rostrum ejus & pedes in vino albo poti, cupiditates Veneris accendunt: utique cum satyrio & erucæ semine, singulis drachmis omnium, ac piperis duabus admistis, ita ut pastilli singularum drachmarum bibantur: per se laterum carnes obolis binis cum myrrha & pipere pari modo potæ, efficaciores ad idem creduntur. Prodest & contra sagittarum venena, ut Apelles tradit, ante posteaque sumptus: in antidota quoque nobilia additur. Sestius plus quam drachmæ pondere in vini hemina potum, perniciem afferre tradit: præterea ejusdem decocti jus cum melle sumptum, Venerem inhibere. Est crocodilo cognatio quædam amnis ejusdem, geminique victus cum Hippopotamo: repertore detrahendi sanguinis, ut diximus. Plurimi autem super Saiticam præfecturam: hujus corii cinis cum aqua illitus, pamos sanat: adeps frigidas febres: item finum suffitu.

fitu. Dentes è parte læva dolores dantium, scarificatis gingivis. Pellis ejus è sinistra parte frontis in inguina adalligata, Venerem inhibet: ejusdem cinis alopecias explet: testiculi drachma ex aqua contra serpentes bibitur: sanguine pictores uruntur. Peregrinæ sunt & Lynces, quæ clarissime omnium quadrupedum cernunt: ungues earum omnes cum corio exuri efficacissime in Carpatho-insula tradunt: hoc cinere potio, propudia viro- rum: ejusdem aspersu, foeminarum libidines inhiberi: item pruritus corporum: urina, stillicidia vesicæ. Itaque eam protinus terra pedibus aggesta obruere traditur: eadem autem & jugulorum dolori monstratur in remedio. Hactenus de externis. Nunc revertemur ad nostrum orbem: primumque communia animalium remedia, atque eximia dicemus.

CAP. IX. *Medicina communes ex feris animalibus, aut ejusdem generis placidis. Lactis. usus & observationes, & de caseis, butyro & adipe.*

Sicuti de lactis usu: utilissimum cuique mater- num: concipere nutrices exitiosum est: hi sunt enim infantes qui colostrati appellantur, densato lacte in casei speciem. Est autem colostrum, prima à partu spongiosa densitas lactis. Maxime autem alit quodcunque humanum, mox caprinum: unde fortassis fabulæ Iovem ita nutritum dixere. Dul- cissimum ab hominis camelinum, efficacissimum ex asinis. Magnorum animalium & corporum, facilius redditur. Stomacho accommodatissimum caprinum, quoniam fronde magis, quam herba, vescuntur; bubulum medicatius; ovillum dulcius & magis alit; stomacho minus utile, quoniam est pinguius. Omne autem vernum aquatius æstivo,

& de novellis : probatissimum verò quod in ungue hæret, nec defluit : innocentius decoctum, præcipue cum calculis marinis. Alvus maxime solvitur bubulo : minus inflat quodcunque decoctum. Vfus lactis ad omnia intus exulcerata, maxime renes, vesicam, interanea, fauces, pulmones : foris ad pruritum cutis, eruptiones pituitæ, post abstinentiam. Nam ut in Arcadia bubulum biberent phthifici, syntectique & cachectæ, diximus in ratione herbarum. Sunt inter exempla, qui asinum bibendo liberati sint podagra chiragrave. Medici speciem unam addidere lactis generibus, quod schiston appellavere : id fit hoc modo : Fictili novo fervet, caprinum maxime, ramisque ficulneis recentibus miscetur, additis totidem cyathis mulsi, quot sint heminæ lactis : cum fervet, ne circumfundatur, præstat cyathus argenteus cum frigida aqua demissus ita ne quid fundat : ablatum deinde igni refrigeratione dividitur, & discedit serum à lacte. Quidam & ipsum serum jam musto potentissimum, decoquunt ad tertias partes, & sub dio refrigerant : bibitur autem efficacissime heminis per intervalla singulis diebus quinis : melius à potu gestari : datur comitialibus, melancholicis, paralyticis, in lepris, elephantiasi, articularibus morbis. Infunditur quoque lac contra rosiones à medicamentis factas : & si uratur dysenteria, decoctum cum marinis lapillis, aut cum pisana hordeacea : Item ad rosiones intestinorum, bubulum aut ovillum utilius. Recens quoque dysentericis infunditur : ad colum autem crudum : item vulvæ, & contra serpentium ictus : phthificis, cantharidum, aut salamandræ, aut buprestis, aut pityocampes venenis : privatim bubulum his qui Colchicon biberint, aut cicuram, aut dory-

dorycnium, aut leporem marinum: sicut asinum contra gypsum, & cerusam, & sulphur, & argentum vivum: item duræ alvo in febris. Gar-garizatur quoque faucibus exulceratis utilissime: & bibitur ab imbecillitate vires recolligentibus, quos atrophos vocant: in febris etiam quæ careat dolore capitis. Pueris ante cibum, lactis asinini heminam dari, aut si in exitu cibi rosiones sentirent, antiqui in arcanis habuerunt; hoc non esset, è caprino. Bubuli serum orthopnoicis prodest ante cætera, addito nasturtio: inunguntur etiam oculi, in lactis heminis sesamæ additis drachmis quatuor, tritis in lippitudine. Caprino lienes sanantur (post bidui inediam tertia die edera pastis capris) per triduum potio sine alio cibo. Lactis usus alias contrarius capitis doloribus, hepaticis, nervorum vitiis, febres habentibus, vertigini (præterquam purgationis gratia) gravedini, tussientibus, lippis. Suillum utilissimum tenesmo, dysenterix, necnon phthificis: hoc & mulieri saluberimum qui dicerent, fuerunt. De generibus caseorum diximus, cum de uberibus singulisq; animalium membris diceremus. Sextius eosdem effectus equino, quos bubulo, tradit: hunc vocant hippacen. Stomacho utiles, qui non sint falsi, id est, recentes: veteres alvum sistunt, corpusque minuunt, stomacho ¹⁶ utiliores: & in totum falsa minuunt corpus, alunt mollia. Caseus recens cum melle, suggillata emendat, ¹⁷ mollis alvum sistit. Sedat tormina pastillis in vino austero decoctis, rursusque in patina tostis cum melle: sapron vocant, qui cum sale & sorbis siccis è vino tritus potusque medetur cœliacis: genitalium carbunculis carpinus tritus & impositus: item acidus cum oxymelite: maculis in balineo illitus, oleo interlinitur.

linitur. E lacte fit & butyrum, barbararum gentium laudatissimus cibus, & qui divites à plebe discernat: plurimum è bubulo, & inde nomen: pinguiſſimum ex ovibus: fit & ex caprino: ſed hyeme calefacto lacte, æſtate expreſſio tantum, crebro jactu in longis vaſis, anguſto foramine ſpiritum accipientibus ſub ipſo ore, alias præligato: additur paululum aquæ, ut aceſcat: quod eſt maxime coactum, in ſummo fluitat; id exemptum addito ſale, oxygala appellant: reliquum decoquunt in ollis: ibi quod ſupernatat, butyrum eſt, oleoſum natura: quo magis virus reſipit, hoc præſtantius judicatur. Pluribus compoſitionibus miſcetur inveteratum: natura ejus adſtringere, mollire, replere, purgare. Oxygala fit & alio modo, acido lacte addito in recens quod velis aceſcere, utiliſſimum ſtomacho: effectus dicemus ſuis locis. Proxima in communibus adipis laus eſt, ſed maxime ſuilli; apud antiquos etiam religioſi; certe novæ nuptæ intrantes, etiamnum ſolenne habent, poſtes eo attingere. Inveteratur duobus modis, aut cum ſale, aut ſyncerus: tanto utilior, quanto ſit vetuſtior: axungiam etiam Græci appellavere eum in voluminibus ſuis: neque eſt occulta virium cauſa, quoniam id animal herbarum radicibus veſcitur: itaque etiam ſimo innumeruſ uſus: quamobrem non de alia loquimur ſue: multo efficaciore ſcæmina, & quæ non peperit: multo verò præſtantior in apris eſt. Uſus igitur axungię eſt ad mollienda, excalfacienda, diſcutienda, purgandaque. Medicorum aliqui admiſto anſeris adipe, taurorumque ſevo & cæſypo, ad podagras uti jubent: ſi verò permaneat dolor, cum cera, myrto, reſina, pice. Syncera axungia medetur ambuſtiſ vel nive: pernionibus autem cum hordei ci-

nere

nere & galla pari modo : prodest & confriticis
 membris : itinerumque lassitudines & fatigatio-
 nes levat. Ad ruffim veterem recens decoquitur
 quadrantis pondere in vini cyathis tribus addito
 melle : vetus etiam phthisin in pilulis sumpta sa-
 nat , quæ sine sale inveterata est : (omnino enim
 non nisi ad ea quæ purganda sint , aut quæ non
 sint exulcerata , salsa petitur.) Quidam quadran-
 tes axungia & mulsi in vini cyathis tribus de-
 coquunt contra phthises , quintoque die picem li-
 quidam in ovo sumi jubent , circumligatis lateri-
 bus , & pectoribus , & scapulis eorum qui phthi-
 sin sentiunt. Tantaque est vis , ut genibus etiam
 adalligata , redeat in os sapor , eamque expuere vi-
 deantur. E sue quæ non pepererit , aptissime utun-
 tur ad cutem mulieres : contra scabiem verò qui-
 vis ; admisto jumentorum sevo , pro parte tertia,
 & pice , pariterque subservefactis. Syncera partus
 in abortum vergentes nutrit : collyrii modo sub-
 dita. Cicatrices concolores facit cerussa admista,
 vel argenti spuma : at cum sulphure , unguium sca-
 britis emendat : medetur & capillo fluenti &
 hulceribus in capite mulierum cum gallæ parte
 quarta : & infumata pilis oculorum. Datur &
 phthisicis unciatim , cum vini veteris hemina de-
 cocta , donec tres uncia è toto residant : aliqui &
 mellis exiguum adjiciunt : panis illinitur cum cal-
 ce , item furunculis , duritiæque mammarum :
 rupta & convulsa , & spasinata , & luxata sanat :
 clavos & rimas callicque vitia , cum elleboro albo :
 parotidas admista farina salsamentaria testæ : quo
 genere proficit & ad strumas. Pruritus & papulas
 in balneo perunctis tollit : alioque etiamnum mo-
 do podagricis prodest misto oleo vetere , contrito
 una sarcophago lapide , & quinquefolio tuso in

vino vel cum calce, vel cum cinere. Facit & peculiare emplastrum LXXXV pondo, centum spumæ argenteæ mistis, utilissimum contra inflammationes hulcerum. Adipe verrino & inungi putant utile, quæque serpant, illinire cum resina. Antiqui maxime axibus vehiculorum perungendis, ad faciliorem circumactum rotarum utebantur: unde nomen: sic quoque utili medicina, cum illa ferrugine rotarum, ad sedis vitia virilitatisque. Et per se axungiam Medici antiqui maxime probabant renibus detractam, & exemptis venis aqua cælesti fricabant crebro decoquebantque fœtili novo sæpius, tum demum asservantes. Convenit salsam magis emollire, excalfacere, discutere, utilioremque esse vino lotam. Massurius palmam lupino adipi dedisse antiquo traditur. Ideò novas nuptas illo perungere postes solitas, ne quid mali medicamenti inferretur. Quæ ratio adipis, eadem in his quæ ruminant sevi est; aliis modis, non minoris potentia: perficitur omne exemptis venis aqua marina vel salsa lotum, mox in pila tustum, aspersum marina: crebro postea coquitur, donec odor omnis aboleatur: mox assiduo Sole ad candorem reducitur. A renibus autem omne laudatissimum est: si vero vetus revocetur ad curam, liqueferi prius jubent: mox frigida aqua lavari sæpius, dein liquefacere affuso vino quam odoratissimo: eodemque modo iterum ac sæpius coquunt, donec virus evanescat. Multi privatim sic taurorum, leonumque, ac pantherarum, & camelorum pingua curari jubent: usus dicetur suis locis. Communis & ratio medullarum est: omnes molliunt, explent, siccant, excalfaciunt: laudatissima cervina, mox vitulina, dein hircina & caprina. Curantur ante aurumnum recentes lotæ, sicca-

ficcataque in umbra per cribrum: dein liquata
per lintea exprimuntur, ac reponuntur in sicili
locis frigidis. Inter omnia autem communia ani-
malium vel præstantissimi effectus fel est: vis ejus
excalcacere, mordere, scindere, extrahere, discu-
tere. Minorum animalium subtilius intelligitur,
& ideo ad oculorum medicamenta utilius existi-
matur: taurino præcipua potentia, etiam in are
pellibusque colore aureo ducendo. Omne autem
curatur recens præligato ore lino crasso, demis-
sum in ferventem aquam semihora, mox sicca-
tum sine Sole, atque in melle conditum: damna-
tur equinum tantum inter venena, ideo Flamini
sacrorum equum tangere non licet, cum Romæ
publicis sacris equus etiam immoletur. Quin &
sanguis eorum septicam vim habet; item equa-
rum, præterquam virginum; erodit, emarginat
hulcera: Taurinus quidem recens inter venena
est, excepta Egiræ: ibi enim sacerdos Terræ va-
ticinatura, tauri sanguinem bibit prius quam in
specum descendat: tantum potest sympathia illa,
de qua loquimur, ut aliquando religione aut loco
fiat. Drusus Tribunus plebis traditur caprinum
bibisse, cum pallore & invidia veneni sibi dati,
insimulare Q. Cepionen inimicum vellet. Hirco-
rum sanguinis tanta vis est, ut ferramentorum
subtilitas non aliter acrius induretur, scabritia tol-
latur vehementius, quam lima: non igitur & san-
guis animalium inter communia dici potest, &
ideo quisque suis dicetur effectibus. Digeremus
enim in ¹⁸ animalia singula usus, plurimumque
contra serpentes. Exitio his esse cervos nemo igno-
rat, ut si quæ sunt, extractas cavernis mandentes:
nec vero ipsi, spirantesque tantum adversantur,
sed membraim quoque: fugari eas nidore cor-
nus,

nus, si uratur, dictum est: at è summo guttore
 uftis ossibus, congregari dicuntur. Pelles ejusdem
 animalis substratæ, securos præstant ab eo metu
 somnos: coagulum quoque ex aceto potum, ab
 ictu: & si omnino tractatum sit, eo die non ferit
 serpens. Testes quoque ejus inveterati, vel geni-
 tale maris, salutariter dantur in vino: item ven-
 tres, qui centipelliones vocantur: fugiunt & om-
 nino dentem cervi habentes, aut medulla perun-
 ctos, sevoe cervi aut hinuli. Summis autem re-
 mediis præfertur, hinulei coagulum matris utero
 execti, ut indicavimus. Sanguine quoque cervino
 si una urantur dracontion & cunilago & anchusa
 lentisci ligno, contrahi serpentes dicunt: dissipari
 deinde, si sanguine detracto adjiciatur pyrethrum.
 Invenio apud autores Græcos animal cervo mi-
 nus, & pilo demum simile, quod Ophion voca-
 tur: Sardiniam id tantum ferre solitam. Hoc in-
 teresse arbitror, & ideo medicinas ex eo omitto.

*CAP. X. Medicina de apro, & capris, & equis feris,
 & remedia ex bestiis contra omnes morbos.*

Aspri quoque cerebrum contra eas laudatur cum
 sanguine. Jecur etiam inveteratum cum ruta po-
 tum ex vino: item adeps cum melle resinaque. Si-
 mili modo verrinum jecur, exemptis duntaxat
 fibris, quatuor obolorum pondere, vel cerebrum
 in vino potum. Caprarum cornu vel pilis accensis,
 fugari serpentes dicunt, cineremque eorum po-
 tum vel illicitum contra ictus valere: item lactis hau-
 stus cum uva taminia, vel urinæ cum aceto scilli-
 te: caseum caprinum cum origano impositum, vel
 sebum cum cera. Millia præterea remedium ex
 eo animali demonstrantur, sicut apparebit: quod
 equidem miror, cum febris negetur carere. Am-
 plior potentia feris ejusdem generis, quod nume-
 rossi-

rosissimum esse diximus: alia vero & hircis. Democritus etiamnum effectus ejus auget, qui singularis natus sit. Fimo quoque caprarum in aceto decocto illini ictus serpentium placet, & recentis cinere in vino: atque in totum difficilius se recoligentes à serpentium ictu, in caprilibus optime convalescunt. Qui efficacius volunt mederi, occisæ capræ alvum dissectam cum fimo intus reposito statim. illigant: alii carnem recentem hœdorum pilo suffiunt, eodemque nidore fugant serpentes. Utuntur & pelle eorum recente ad plagas, carne & fimo equi in agro pasti, coagulo leporis ex aceto, contraque scorpionem & murem araneum: ajunt autem non feriri leporis coagulo perunctos. A scorpione percussis, fimum capræ efficacius cum aceto decoctum auxiliatur: lardum iusque decocti potum his, qui buprestim hauserint. Quinetiam si quis asino in aurē percussus à scorpione se dicat, transire malum protinus tradunt: venenataq; omnia accenso ejus pulmone fugere. Et fimo vituli suffiri percussos à scorpione prodest. Canis rabidi morfu facta vulnera circuncidunt ad vivas usque partes quidam, carnemque vituli admovent, & jus ex eodē carnis decoctæ dant potui, aut axungiam cum calce tufam. Laudant hirci jecur, quo impossibile, ne tentari quidem aquæ metu affirmant. Laudant & capræ fimum ex vino illitum, aut melle, melis & cuculi, & hirundinis decoctum & potum. Ad reliquos bestiarum morsus caprinum caseum siccum cum origano imponunt, & bibi jubent: ad hominis morsus carnē bubulam coctam, efficacius vituli, si non ante quintum diem solvant. Veneficiis rostrum lupi resistere inveteratum ajunt, ob idque villarum portis præfigunt: hoc idem præstare & pellis è cervice solida existimatur: quippe
tanta

tanta vis est animalis, præter ea quæ retulimus, ut vestigia ejus calcata equis afferant torporem. Iis qui argentum vivum biberint, lardum remedio est. Asinino lacte potio venena restinguuntur, peculiariter si hyoscyamum potû sit, aut viscum, aut cicuta, aut lepus marinus, aut opocarpalum, aut pharicon, aut dorycnium, & si coagulum alicui nocuerit: nam id quoque venenum est in prima lactis coagulatione. Multos ejus & alios usus dicemus: sed meninisse oportebit recenti utendum, aut non multo postea tepesacto: nullum enim celerius evanescit. Ossâ quoque asini confracta & decocta, contra leporis marini venenum dantur: omnia eadem ex onagris efficaciora. De equiferis non scripserunt Græci, quoniam terræ illæ non gignebant: verumtamen fortiora omnia eadem, quam in equis, intelligi debent. Lacte equino venena leporis marini & toxica expugnantur. Nec uros aut bisontes habuerunt Græci in experimentis, quanquam bove fero refertis Indiæ sylvis: portione tamen eadem efficaciora omnia ex his credi par est. Sic quoque lacte bubulo cuncta venena expugnari tradunt, maxime supra dicta, & si ephemerum impactum sit, aut si cantharides datæ, vomitione omnia egeri: sic & caprino jure cantharides. Contra ea vero quæ exulceratione necant, sebum vitulinum seu bubulum auxiliatur. Nam contra sanguisugas potas butyrum remedio est, cum aceto ferro calefacto: quod & per se prodest contra venena: nam si oleum non sit, vicem ejus repræsentat. Multipedum morsus cum melle sanat. Omasi quoque jure potio venena supra dicta expugnati putant, privatim vero aconita & cicutas: itemque vitulino sevo. Caprinus caseus recens, his qui viscum biberint:

rint : lac vero contra cantharidas remedio est, & contra ephemerum potum cum taminia uva. Sanguis caprinus decoctus cum medulla contra toxica venena sumitur: hœdinus contra reliqua. Coagulum hœdi contra viscum, & chamæleontem album, sanguinemque taurinum, contra quem & leporis coagulum ex aceto. Contra pastinacam vero & omnium marinorum ictus vel morsus, coagulum leporis, vel hœdi, vel agni, drachmæ pondere ex vino. Leporis coagulum & contra venena additur antidotis. Papilio quoque lucernarum luminibus advolans, inter mala medicamenta numeratur : huic contrarium est jecur caprinum, sicut fel veneficiis ex mustela rustica factis.

CAP. XI. *De remediis ad morborum multa genera ex animalibus.*

Hinc deinde revertemur ad genera morborum. Capilli defluvia ursinus adeps admisto ladano & adianto continet, alopeciasque emendat, & raritatem superciliorum cum fungis lucernarum, ac fuligine quæ est in rostris earum : porrigini cum vino prodest. Ad hanc & cornus cervinis cinis è vino, utque non tædia animalium capillis inhærescant. Item fel caprinum cum creta Cimolia & aceto, sic ut paululum capilli inarescant. Item fel hircinum cum urina tauri. Si vero vetus sit, etiam fursures adjecto sulphure emendat. Cinere genitalis asinini, spissari capillum putant, & canitie vindicari, si rasus illinatur, plumboque tritus cum oleo. Densari & asinini pulli cum urina: admiscuntque nardum fastidii gratia. Alopecias felle taurino cum Ægyptio alumine, tepefactis illinunt. Capitis ulcera manantia, urina tauri efficaciter sanat : item hominis vetus, si cyclaminum adjiciatur & sulphur. Efficacius tamen & vitulinum fel: quo cum
aceto

aceto calefacto, & lendes tolluntur. Sevum vituli-
num cum sale tritum, capitis hulceribus utilissi-
mum. Laudatur & vulpium adeps, sed præcipue
fel, & finum cum sinapis pari modo illitum. Ca-
prini corpus farina vel cinis, magisque hircini,
addito nitro & tamaricis semine, & butyro oleo-
que, prius capite raso, mire continent, ita fluen-
tem capillum: sicut & canis cinere ex oleo illito
supercilia nigrescunt. Lacte caprino lendes tolli
tradunt: fimo cum melle alopecias expleri: item
ungularum cinere cum pice, fluentem capillum
contineri. Leporinus cinis cum oleo myrteo ca-
pitis dolores sedat: item aqua pota, quæ è bovis
aut asini potu relicta est: & si credimus, vulpis
masculæ genitale circumligatum: cornus cervini
cinis illitus ex aceto vel rosaceo, aut ex irino.
Oculorum epiphoras bubulo sevo cum oleo cocto
illinunt. Cervini cornus cinere scabrities eorum
inungunt: mucrones autem ipsos efficaciores pu-
tant. Lupi excrementis circumlini suffusiones pro-
dest: cinere eorum cum Attico melle inungi ob-
scuritates: item felle ursino. Epinyctidas, adipe
aprugno cum rosaceo. Vngulæ asininæ cinis inun-
ctus è suo lacte, cicatrices oculorum, & albugines
tollit. Medulla bubula ex dextro crure priore trita
cum fuligine, pilis & palpebrarum vitiis angulo-
rumque occurrit: calliblepharique modo fuligo in
hos usus temperatur: optime ellychnio papyraceo
oleoque sesamino, fuligine in novum vas pennis
deterisa: efficacissime tamen evulsos ibi pilos coer-
cet. Felle tauri cum ovi albo, collyria fiunt, aqua-
que dissoluta inunguntur per quatrduum. Sevum
vituli cum anseris adipe & ocimi succo, genarum
vitiis aptissimum est: ejusdem medullæ cum pari
pondere ceræ & olei vel rosacei, addito ovo, du-
ritia

ritiæ genarum illinuntur. Caseo molli caprino imposito ex aqua calida epiphoræ sedantur: si tumor sit, ex melle: utrunq; vero sero calido fovendum. Sicca lippitudo, lumbulis suum tostis atque contritis, & impositis tollitur. Capras negant lippire, quoniam eæ quasdam herbas edant: item dorcadas: & ob id simum earum cera circumdatum nova Luna devorare jubent, & quoniam noctu æque quoque cernant. Sanguine hircino sanari lusciosos putant, nyctalopas à Græcis dictos: capræ vero jocinore, in vino austero decocto. Quidam inassati jocinoris sanie inungunt, aut felle capræ, carnesque eas vesci, & dum coquantur oculos vaporari præcipiunt. Id quoque referri arbitrantur, si rutili coloris fuerint. Volunt & oculos suffiri, jocinore in ollis decocto: quidam inassato. Fel quidem caprinum pluribus modis assumunt: cum melle, contra caligines: cum veratri candidi tertia parte, contra glaucomata: cum vino, contra cicatrices, & albugines, & caligines, & pterygia, & argema: ad palpebras vero evulso prius pilo, cum succo oleris, ita ut inunctio inarescat. Contra ruptas tuniculas, cum lacte mulieris. Ad omnia autem inveteratum fel efficacius putant. Nec abdicant simum ex melle illitum, epiphoris, contraque dolores medullam: item pulmonem leporis. Sedat caliginem fel cum passo aut melle. Lupino quoque adipe, vel medulla suum, fricari oculos contra lippitudines præcipiunt: nam vulpinam linguam habentes in armilla, lippituros negant. Aurium dolori & vitiis medetur urina apri in vitro servata: fel apri vel suis, vel bubulum, cum oleo cicino & rosaceo æquis portionibus. Præcipue vero taurinum, cum porri succo tepidum, vel cum melle, si suppuret. Contraque odorem gravem per

se tepefactum in malicorio. In ea parte rupta cum lacte mulierum efficaciter sanat : quidam etiam in gravitate aures sic perluendas putant. Alii cum senecta serpentium & aceto includunt lanas, ante aqua calida collutas : aut si major sit gravitas aurium, fel cum myrrha & ruta in malicorio excofactum infundunt : lardum quoque pingue : item fimum asini recens cum rosaceo instillatur : omniaque ea tepefacta. Vtilior equi spuma, vel equini fimi recentis cinis cum rosaceo : sebum bubulum cum adipe anserino, butyrum recens : urina capri vel tauri, vel fullonia vetus calfacta, vapore vel lagenæ collum subeunte : admiscent & acetum tertiam partem : & aliquid urinæ vituli, qui nondum herbam gustaverit : fimum etiam misto felle ejusdem : & cutem, quam relinquunt angues, excofactis prius auribus : lana autem medicamina ea includuntur. Prodest & sebum vituli cum anseris adipe, & ocimi succo : ejusdem medulla admisto cumino trito infusa. Virus verrinum è scropha exceptum prius quam terram attingat, contra dolores. Auribus fractis glutinum è naturis vitulorum factum, & in aqua liquatum. Aliis viciis adeps vulpium : item fel caprinum cum rosaceo tepido, aut porri succo : aut si sint rupta ibi aliqua, è lacte mulieris. Si gravitas sit audiendi, fel bubulum cum urina capræ, vel hirci, vel si pus sit. In quocunque autem usu putant hæc efficaciora in cornu caprino per dies viginti infumata. Laudant & coagulum leporis tertia denarii parte, dimidiaque sagapeni in ammineo vino. Parotidas ursinus adeps comprimit, pari pondere ceræ & taurini sevi : addunt quidam hypocisthidem : & per se butyrum illitum, si prius foveantur scæni-græci decocti succo : efficacius cum strychno. Pro-

sunt

sunt & vulpium testes, & taurinus sanguis aridus
tritrus: urina capræ calefacta instillata auribus: si-
mumque ejusdem cum axungia illitum. Dentes
mobiles confirmat cervini cornus cinis, dolores-
que eorum mitigat, siue infricentur, siue colluan-
tur: quidam efficaciorē ad omnes eosdem usus
crudi cornus farinam arbitrantur. Dentifricia
urroque modo fiunt. Magnum remedium est &
in luporum capitis cinere: certumq; est in excre-
mentis eorum plerunq; inveniri ossa: hæc adalli-
gata eundem effectum habent. Item leporina coa-
gula per aurem infusa contra dolores: & capitis
eorum cinis dentifricium est, adjectoque nardo
stulcet graveolentiam oris. Aliqui murinorum
capitum cinerem miscuisse malunt. Reperitur in
latere leporis acui os simile: hoc scarificari dentes
in dolore suadent. Talus bubulus accensus, eos qui
labant cum dolore, admotus confirmat: ejusdem
cinis cum myrrha, dentifricium est. Ossa quoque
ex ungulis suum combusta, eundem usum præ-
bent: item ossa ex acetabulis pernarum, circa quæ
coxendices vertuntur: iisdem sanari, demissis in
fauces, jumentorum verminationes notum est:
sed & combustis dentes confirmari. Asinino quo-
que lacte percussu vexatos, aut dentium ejusdem
cinere: lichene item equi cum oleo infuso per au-
rem: est autem hoc non hippomanes, quod alio-
qui noxium omitto, sed in equorum genibus, ac
super ungulas. Præterea in corde equorum inve-
nitur os, dentibus caninis maxime simile: hoc sca-
rificari dolorem, aut exempto dente emortui
equi maxillis ad numerum ejus qui doleat, de-
monstrant. Equarum virus à coitu in ellychniis
accensum, Anaxilaus prodidit, equinorum capi-
tum visus repræsentare monstrifice: similiter ex
asinis.

asinis: nam hippomanes tantas in veneficio vires habet, ut affusum æris misturæ in effigiem equæ Olympiæ, admotos mares equos ad rabiem coitus agat. Medetur dentibus & fabrile glutinum, in aqua decoctum illitumque; & mox paulo detractum, ita ut confestim colluantur vino, in quo decocti sunt cortices mali Punici dulcis. Efficax habetur & caprino lacte collui dentes, vel felle taurino. Talorum capræ recentium cinis dentifricio placet, & omnium fere villaticarum quadrupedum, ne sæpius eadem dicantur.

CAP. XII. *Ad faciei vitia, cervicis & pectoris morbos.*

Cutem in facie erugari & tenerescere, & candorem custodire lacte asinino putant. Notumque est quasdam quotidie D. custodito numero fovere. Poppæa hoc Neronis principis instituit, balnearum quoque sic solio temperato, asinarum gregibus ob hoc eam comitantibus. Impetus pituitæ in facie, butyro illito tolluntur: efficacius cum cerussa. Syncero vero vitia quæ serpunt, insuper imposita farina hordeacea. Hulcera in facie membrana è partu bovis madida. Frivolum videatur, non tamen omittendum, propter desideria mulierum, talum candidi juvenci, quadraginta diebus noctibusque, donec resolvatur in liquorem decoctum, & illitum linteolo, candorem cutisque erugationem præstare. Fimo taurino malas rubescere ajunt; non crocodileam illini meliùs; sed foveri frigida & ante & postea jubent. Æstates, & quæ decolorem faciunt cutem, simum vituli cum oleo & gummi manu subactum emendat. Hulcera oris ac rimas, sebum vituli vel bovis cum adipe anseris, & ocimi succo. Est & alia mistura, sevo vituli cum medulla cervi, & albæ spinæ foliis

una tritis : idem præstat & medulla cum resina ,
vel si vaccina sit, jusque è carne vaccina. Lichenas
oris præstantissime vincit glutinum factum è ge-
nitalibus vitulorum, liquatum aceto cum sulphu-
re vivo, ramo ficulneo permistum, ita ut bis die
recens illinatur. Item lepras ex melle & aceto deco-
ctum, quas & jecur calidum illitum tollit: sicut
elephantiasin fel caprinum : etiamnum lepras ac
furfures, tauri ; vel addito nitro. Vrina asini circa
Canis ortum, maculas in facie : fel utriusque per
se se aqua infractum, evitatisque solibus ac ventis
post ¹⁹ detractam cutem. Similis effectus in tau-
rino sevo, vitulinove felle, cum semine cunilæ
ac cinere è cornu cervino, si Canicula exoriente
comburatur. Asinino sevo cicatricibus ac licheni
leprisque maxime color redditur. Hirci fel & len-
tiginis tollit, admisto caseo ac vivo sulphure spon-
giæque cinere, ut mellis sit crassitudo. Aliqui in-
veterato felle uti maluere, mistis calidis furfuribus
pondere oboli unius, quatuorque mellis, prius de-
fricatis maculis. Efficax ejusdem & sebum cum
melanthio, & sulphure, & iride. Labrorum fissu-
ris cum adipe anserino, ac medulla cervina resina-
que & calce. Invenio apud autores, his qui lenti-
ginem habeant, negari Magicæ sacrificiorū usum.
Lacte bubulo aut caprino tonsillæ & arteriæ ex-
hulceratæ levantur : gargarizatur tepidum, ut est
expressum, aut calefactum: caprinum utilius, cum
malva decoctum & sale exiguo. Lingua exhulce-
rationi & arteriarum prodest jus omasi gargariza-
tu : tonsillis autem privatim renes vulpium aridi,
cum melle triti illitique : anginae fel taurinum vel
caprinum cum melle. Jecur melis ex aqua oris
gravitatem, hulceraque ²⁰ vetera emendat. Spi-
nam aliudve quid faucibus adhærens, felis extrin-
secus

fecus fimo perfricatis, aut reddi aut delabi tradunt. Strumas discutit fel aprinum, vel bubulum tepidum illitum: nam coagulum leporis è vino in linteolo exhulceratis duntaxat imponitur. Discutit & ungulæ asini vel equi cinis, ex oleo, aquave illitus, & urina calefacta: & bovis ungulæ cinis ex aqua: finum quoque fervens ex acero. Item sebum caprinum cum calce, aut finum ex acero decoctum, testesque vulpini. Prodest & sapo: Gallorum hoc inventum rutilandis capillis, ex sevo & cinere: optimus fagino & ²¹ caprino, duobus modis, spissus ac liquidus: uterque apud Germanos majore in usu viris, quam sceminis. Cervicum dolores butyro aut adipe ursino perfricantur: rigores bubulo sevo: quod & strumis prodest cum oleo. Dolorem inflexibilem (opisthotonon vocant) levat urina capræ auribus infusa, aut finum cum bulbis illitum: ungues confusos fel cujusunque animalis circumligatum: pterygia digitorum vel taurinum aqua calida dissolutum: quidam adjiciunt sulphur & alumen, pari pondere omnium. Tussim jecur lupi ex vino tepido sanat: ursinumque fel admisto melle, aut ex cornu bubuli summis partibus cinis: vel saliva equi, triduo potum mori tradunt: pulmo cervinus cum gula sua arefactus in fumo, dein tusus ex melle quotidiano ecligmate. Efficacior est ad id subulo cervorum generis. Sanguinem expuentes, cervini cornus cinis: coagulum leporis tertia parte denarii cum terra Samia & vino myrteo potum sanat. Ejusdem fimi cinis in vino vesperi potus nocturnas tussibus: pili quoque leporis suffiti, extrahunt pulmonibus difficiles excreationes. Purulentas autem exhulcerationes pectoris pulmonisque, & à pulmone graveolentiam halitus, butyrum efficacissime juvat, cum

cum pari modo mellis Artici decoctum, donec rufefcat, & matutinis sumptum ad mensuram ligulæ: quidam pro melle, laricis resinam addere maluerunt. Si sanguis rejiciatur, efficacem tradunt bubulum sanguinem, modice & cum aceto sumptum: nam de taurino credere, temerarium est. Sed glutinum taurinum tribus obolis cum calida aqua bibitur in vetere sanguinis excreatione.

CAP. XIII. *Ad stomachi & lumborum dolores, & renum vitia.*

Stomachum exulceratum lactis asinini potus reficit: item bubuli: Rosiones ejus caro bubula admisto aceto & vino cocta: Rheumatismos cornus cervini cinis. Sanguinis excreationes hædinus sanguis recens, ad cyathos ternos cum aceto acri, pari modo fervens potus: coagulum tertia parte ex aceto potum. Iocinoris dolores, lupi jecur aridum ex mulso: asininum jecur aridum cum petroselini partibus duabus, ac nucibus tribus, ex melle tritum, & in cibo sumptum: sanguis hircinus cibo aptatus. Suspiriosis ante omnia efficax est potus equiferorum sanguinis: proxime lactis asinini tepidi cum bulbis decocti, ita ut serum ex eo bibatur, addito in tres heminas cyatho nasturtii albi, perfusi aqua, deinde melle diluti. Jecur quoque vulpinum, aut pulmo, in vino nigro, aut fel ursinum in aqua, laxat meatus spirandi. Lumborum dolores, & quæcunque alia mollire opus sit, urfino adipe perfricare convenit: cinerem aprini aut suilli fimi inveterati, aspergi potioni vini. Affecerunt & Magi sua commenta: primum omnium rabiem hircorum, si mulceatur barba, mitigari: eadem præcisa, non abire eos in alienum gregem. Huic admiscunt fimum caprinum, & subito lintolo uncto cava manu, quantum pati possit, fer-

vens,

vens, sustineri jubent: ita ut si læva pars doleat, hæc medicina in dextra manu fiat, aut è contrario: finum quoque ad eum usum acus æreæ punctis tolli jubent: modus curationis est, donec vapor ad lumbos sentiatur pervenire: postea vero manum porro tuso illinunt, item lumbos ipso fimmo cum melle, suadentque in eodem dolore & testes leporis devorare. Ischiadicis finum bubulum imponunt, calfactum in foliis, cinere ferventi: in renumque dolore leporis renes crudos devorari jubent, aut certe coctos, ita ne dente contingantur. Ventris quidem dolore tentari negant talum leporis habentes. Lienem sedat fel aprii vel suis potum, vel cervini cornus cinis in aceto: efficacissime tamen inveteratus lien asini, ita ut in triduo sentiatur utilitas. Asinini pulli finum, quod primum edidit, (polean vocant Syri) datur in aceto mulso: datur & equi lingua inveterata ex vino, præsentaneo medicamento, ut didicisse se ex barbaris Cæcilius Bion tradidit: & lien bubulus simili modo: recens autem assus vel elixus, in cibo. In vesica quoque bovis allii capita xx tusa, cum acetii sextario, imponuntur ad lienis dolorem. Eadem ex causa emi lienem vituli, quanti indicatus sit, jubent Magi, nulla pretii contatione: quoniam hoc quoque religiose pertineat: divisumque per longitudinem annecti tunicæ utrinque, & induentem pati decidere ad pedes: dein collectum in umbra arefacere: cum hoc fiat, simul residere lienem ægri vitiatum, liberarique eum morbo dicitur. Prodest & pulmo vulpium cinere siccatum, atque in aqua potus: item hœdorum lien impositus.

CAP. XIV. *Ad alvum sistendam, cœliacos, dysentericos, inflationes alvi, rupta, tennesmon, & tineas, & colum.*

Alvum sistit cervinus sanguis : item cornus cinis : jecur aprinum ex vino potum citra salem, recensque : item assum suillum, vel hircinum decoctum in vini hemina: coagulum leporis in vino cicercis magnitudine : aut si febris sit, ex aqua (aliqui & gallam adjiciunt, alii per se leporis sanguine contenti sunt in lacte cocto) equini fimi cinis in aqua potus : taurini cornus veteris ex parte ima cinis, inspersus potioni aquæ : sanguis hircinus in carbone decoctus: corium caprinum cum suo pilo decoctum, succo epoto. Coagulum equi, & sanguis caprinus, vel medulla, vel jecur alvum solvit : fel lupi cum elaterio umbilico illitum : vel lactis equini potus : item caprini cum sale & melle: capræ fel cum cyclamini succo & aluminis modico : (aliqui & nitrum & aquam adjecisse malunt) fel tauri cum absinthio tritum ac subditum pastillo. Butyrum largius sumptum cœliacis & dysentericis medetur ; & jecur vaccinum : cornus cervini cinis, tribus digitis captus in potione aquæ : coagulum leporis subactum in pane : si vero sanguinem detrahunt, in polenta : aprini vel suilli vel leporini fimi cinis, inspersus potioni tepidæ vini. Vituli quoque jus vulgariter datum, inter auxilia cœliacorum & dysentericorum tradunt : lactis asinini potus utilior, addito melle : nec minus efficax fimi cinis ex vino, utrique vitio : item polea supra dicta. Equini coagulū, quod aliqui hippacen vocant, etiam si sanguinem detrahant : vel fimi cinis, dentiumque ejusdem tusorum farina, salutaris dicitur : & bubuli lactis decocti potus. Dysentericis addi mellis exiguum præcipiunt : & si

tormina sint, cornus cervini cinerem, aut fel taurinum cumino mistum, & cucurbitæ carnes umbilico imponere: caseus recens vaccinus immittitur ad utrunque vitium: item butyrum heminis quatuor, cum resinæ terebinthinæ sextante, aut cum malva decocta, aut rosaceo: datur & sebum vitulinum, aut bubulum: item medullæ excoquantur cum farina & cera exiguoque oleo, ut sorberi possint: medulla & in pane subigitur: lac caprinum ad dimidias partes decoctum: si sint & tormina, additur protopum. Torminibus satis esse remedii in leporis coagulo potio è vino tepido, vel semel, arbitrantur aliqui: cautiore & sanguine caprino cum farina hordeacea & resina, ventrem illinunt. Ad omnes epiphoras ventris illini caseum mollem suadent: veterem autem in farinam tritum, celiacis & dysentericis dari, cyatho casei in cyathis vini tribus. Sanguis caprinus decoctus cum medulla dysentericis. Iecur assum capræ, celiacis subvenit, magisque etiam hirci, in vino austero decoctum potumque, vel ex oleo myrteo umbilico impositum. Quidam decoquunt à tribus sextariis aquæ ad heminam, addita ruta. Utuntur & liene assio capræ hircive, & sevo hirci in pane qui cinere coctus sit, ²² Capræ à renibus maxime, ut per se hauriatur: protinusque modice frigidam sorberi jubent: aliqui & in aqua decoctum sebum admista polenta, & cumino, & anetho, acetoque. Illinunt & ventrem celiacis, fimo cum melle decocto: utuntur ad utrunque vitium & coagulo hædi in vino myrtite, magnitudine fabæ potio: & sanguine ejusdem in cibum formato quem sanguiculum vocant. Infundunt dysentericis & glutinum taurinum, aqua calida resolutum. Inflationes autem discutit vitulinum.

fimum

finum in vino decoctum. Intestinorum vitii magnopere prodest coagulum cervorum, decoctum cum lente betaque, atque ita in cibo sumptum: leporis pilorum cinis cum melle decoctus: lactis caprini potus decoctus cum malva exiguo sale addito: & si coagulum addatur, majoribus emolumentis fiat. Eadem vis est & in sevo caprino in sorbitione aliqua, uti protinus hauriatur frigida aqua: item fœminum hœdi cinis rupta intestina sarcire mire traditur; finum leporis cum melle decoctum, & quotidie fabæ magnitudine sumptum, ita ut deploratos sanaverint: laudant & caprini capitis cum suis pilis decocti succum. Tenebrosos, id est, crebra & inanis voluntas egerendi, tollitur potio lacte asinino: item bubulo. Tinearum genera pellit cervini cornus cinis potus. Quæ in excrementis lupi diximus inveniri ossa, si terram non attigerint, colo medentur adalligata brachio: polea quoque supra dicta magnopere prodest in sapa decocta: item suilli fimi farina addito cumino in aqua rutæ decocta. Cornus cervini teneri cinis, cochleis Africanis cum testa sua tussis mistus, in vini potione.

*CAP. XV. Ad vesicæ cruciatus & calculos:
de genitalium & sedis vitiiis, & inguinum remediis.*

Vesicæ calculorumque cruciatibus auxiliatur urina apri, & ipsa vesicæ pro cibo sumpta: efficacius, si prius fumo maceretur utrumque: vesicam elixam mandi oportet, & à muliere fœminæ suis: inveniuntur & in jocinoribus eorum lapilli, aut duritiæ lapillis similes, candidi, sicuti in vulgari sue: quibus contritis atque potis in vino, pelli calculos ajunt. Ipsi apro tam gravis sua urina est, ut nisi egesta fugæ non sufficiat, ac velut devinctus

opprimatur : exuri illa tradunt eos. Leporis renes inveterati, in vino poti, calculos pellunt. In perna suis articulos esse diximus, quorum decoctum jus facit urinæ utile. Asinini renes inveterati tritique, & in vino mero dati, vesicæ medentur. Calculos expellunt lichenes equini ex vino aut mulso poti diebus XL : prodest & ungulæ equinæ cinis, in vino, aut aqua : item finum caprarum in mulso, efficacius sylvestrium : pilo quoque caprini cinis. Verendorum carbunculis, cerebrum apri vel suis, sanguisque : vitia verò, quæ in eadem parte serpunt, jecur eorum combustum, maxime juniperi ligno cum ²³ charta & arrhenico sanat : fimi cinis : fel bubulū cum alumine Ægyptio ac muria ad crassitudinem mellis subactum : insuper beta ex vino cocta, imposita caro quoque. Manantia vero ulcera, sebum cum medulla vituli in vino decoctum, vel caprinum cum melle rubique succo : vel si serpent, finum etiam prodesse cum melle dicunt aut cum aceto, & per se butyrum. Testium tumor cum sebo vituli, addito nitro cohibetur : vel fimo ejusdem ex aceto decocto : urinæ incontinentiam cohibet vesica aprina, si assa mandatur : ungarū apri vel suis cinis potioni inspersus : vesica foeminae suis combusta ac pota : item hœdi, vel pulmo : cerebrum leporis in vino : ejusdem testiculi tosti, vel coagulum cum anserino adipe in polenta : renes asinini in mero triti potique. Magi verrini genitalis cinere potio ex vino dulci demonstrant urinam facere in canis cubili, ac verba adjicere, ne ipse urinam faciat, ut canis, in suo cubili. Rursus ciet urinam vesica suis, si terram non attigerit, imposita pubi. Sedis vitiis præclare prodest fel ursinum cum adipe : quidam adjiciunt spumam argenti ac thus. Prodest & butyrum cum adipe anserino

serino ac rosaceo : modum ipsæ res statuunt , ut sint illitu faciles. Præclare medetur & taurinum fel , in linteolis conceptis : rimasque perducit ad cicatricem. Inflationibus in ea parte , sebum vituli , maxime ab inguinibus cum ruta : cæteris vitiis medetur sanguis caprinus cum polenta : item fel caprinum condylomatis per se : item fel lupinum ex vino. Panos & apostemata in quacunque parte , sanguis ursinus discutit : item taurinus aridus tritus. Præcipuum tamen remedium traditur in calculo onagri : quem dicitur cum interficiatur reddere urina , liquidiores initio , sed in terra spissantem se : hic adalligatus femini , omnes impetus discutit , omnique suppuratione liberat : est autem rarus inventu , nec ex omni onagro , sed celebri remedio. Prodest & urina asini cum melanthio : & ungulæ equinæ cinis cum oleo & aqua illitus : sanguis equi , præcipue admissarii : & sanguis bubulus : item fel. Caro quoque eisdem effectus habet calida imposita : & ungulæ cinis ex aqua aut melle : urina caprarum , hircorumque carnes in aqua decoctæ : aut simum ex his cum melle decoctum : fel ursinum sive verrinum : urina suum in lana imposita. Femina atteri adurique equitatu notum est : utilissimum est ad omnes inde causas , spumam equi ex ore inguinibusque illinire. Inguina & ex hulcerum causa intumescunt : remedio sunt equi setæ tres , totidem nodis alligatæ intra hunc.

CAP. XVI. *Ad podagras , ad morbum comitialem , ad sideratos , morbumque regium , ossaque fracta , remedia.*

Podagris medetur ursinus adeps , taurinumque sebum , pari pondere & ceræ. Addunt quidam hypocisthida & gallam. Alii hircinum præferunt se-

vum cum fimo capræ, & croco sinapive, vel caulibus ederæ tritis, ac perdicio vel flore cucumeris sylvestris: item bovis fimum cum aceti face. Magnificant & vituli, qui nondum herbam gustaverit, fimum, aut per se sanguinem tauri: vulpem decoctam vivam, donec ossa tantum restent: lupumve vivum oleo cerati modo incoctum: sebum hircinum, cum helxines parte æqua, sinapis tertia: fimi caprini cinerem cum axungia. Quin & ischiadicos uri sub pollicibus pedem eo fimo fervente, utilissime tradunt: articulorumque vitiis fel ursinum utilissimum esse, & leporis pedes adalligatos: podagras quidam mitigari pede leporis viventis abscisso, si quis secum assidue habeat. Perniones ursinus adeps, rimasque pedum omnes sarcit: efficacius alumine addito: sebum caprinum: dentium equi farina: aprinum vel suillum fel: cum adipe pulmo impositus: & si subtriti sint contusive offensatione: si vero adusti frigore, leporini pili cinis: ejusdem pulmo contusus dissectus, aut pulmonis cinis. Sole adusta, sevo asinino aprissime curantur: item bubulo cum rosaceo. Clavos & rimas callique vitia, fimum apri vel suis recens illitum, ac tertio die solutum sanat: talorum cinis, pulmo aprinus, aut suillus, aut cervinus. Attritus calceamentorum urina asini cum luto suo illita. Clavos sebum bubulum cum thuris polline. Perniones vero corium combustum: melius ex veteri calceamento. Injurias è calceatu, ex oleo corii caprini cinis. Varicum dolores sedat fimi vitulini cinis, cum lilii bulbis decoctus, addito melle modico: itemque omnia inflammata & suppurationes minantia. Eadem res & podagricis prodest, & articulariis morbis, è maribus præcipue vitulis. Articulorum attritis, fel aprorum vel suum, linteo.

linteo calefacto impositum : vituliq; qui nondum herbam gustaverit , simum : item caprinum cum melle in aceto decoctum. Vngues scabros sebum vituli emendat : item caprinum admista sandaracha. Verrucas vero aufert vitulini fimi cinis ex aceto : asini urinæ lutum. Comitiali morbo testes urtinos edisse prodest , vel aprinos bibisse ex lacte equino , aut ex aqua : item aprinam urinam ex aceto mulso : efficacius , quæ inaruerit in vesica sua. Dantur & suum testiculi inveterati tritique in suis lacte , præcedente vini abstinencia , & sequente continuis diebus : dantur & leporis sale custoditi pulmones , cum thuris tertia parte , in vino albo , per dies xxx : item coagula ejusdem : asini cerebrum ex aqua mulsa , infusum prius in foliis , semuncia per dies : vel ungularum ejus cinis cochlearibus binis toto mense potus : item testes sale asservati , & aspersi potioni , in asinarum maxime lacte , vel ex aqua. Membrana partus earum , præcipue si marem pepererint , olfactata accedenti morbo comitialium resistit. Sunt qui è mare nigroque cor edendum cum pane sub dio prima aut secunda Luna præcipiant : alii carnem , aliqui sanguinem aceto dilutum per dies xl bibendum. Quidam urinam equi aquæ ferrariæ ex officinis miscent , eademque potione & lymphaticis medentur. Comitialibus datur & lactis equini potus , lichenque in aceto mulso bibendus : dantur & carnes caprinæ in rogo hominis tostæ , ut volunt Magi. Sebum earum cum felle taurino pari pondere decoctum , & in folliculo fellis reconditum , ita ne terram attingat , potu verò ²⁴ sub limine ex aqua. Morbum ipsum deprehendit caprini cornus vel cervini usti nidor. Sideratis urina pulli asinini narado admisto , perunctione prodesse dicitur. Regio

morbo cornus cervini cinis : sanguis asinini pulli ex vino : item fimum asinini pulli, quod primum edidit à partu , datum fabæ magnitudine è vino medetur intra diem tertium: eadem & ex equino pullo similiterque vis est. Fractis ossibus præsentaneus maxillarum apri cinis vel suis: item lardum elixum atque circunligatum mira celeritate solidat. Costis quidem fractis laudatur unice caprinum fimum ex vino vetere, aperit, extrahit, persanat. Febres arcer cervorum caro , ut diximus : eas quidem quæ certo dierum numero redeunt, oculus lupi dexter falsus adalligatusque , si credimus Magis. Est genus februm, quod amphemerinon vocant : hoc liberari tradunt, si quis è vena auris asini tres guttas sanguinis in duabus heminis aquæ hauserit. Quartanis Magi excrementa felis cum digito bubonis adalligari jubent , & ne recidant , non removeri septeno circuitu. Quis hoc quæso invenire potuit ? quæve est ista mistura ? cur digitus potissimum bubonis electus est ? Modestiores jecur felis decrescente Luna occisæ inveteratum sale , ex vino bibendum ante accessiones quartanæ dixere. Iidem Magi fimi bubuli cinere conperso puerorum urina illinunt digitos pedum, manibusque leporis cor adalligant: coagulum ante accessionem propinant : datur & caseus caprinus recens cum melle diligenter sero expresso.

CAP. XVII. *Ad melancholicos, lethargicos, hydropicos, ad ignem sacrum, & ad dolores nervorum remedia.*

Melancholicis fimum vituli in vino decoctum remedio est. Lethargicos excitat asini lichen, naribus illitus ex aceto: caprini cornus nidor aut pilorum : jecur aprinum : itaque & veterinosus datur. Phthificis medentur, jecur lupi ex vino, ma-

cræ suis fœminæ herbis pasta lardum, carnes asininæ ex jure sumptæ: hoc genere maxime in Achaia curant id malum. Fimi quoque aridi, sed pabulo viridi pasto bove, fumum harundine haustum prodesse tradunt. Bubuli quoq; cornus mucronem exustum, duorum cochleariorum mensura, addito melle, pilulis devoratis. Capræ sevo in pulte ex alica & phthisin & tussim sanari, vel recenti cum mulso liquefacto, ita ut uncia in cyathum addatur, rutæque ramo permisceatur, non pauci tradunt. Rupicapræ sevi cyatho, & lactis pari mensura, deploratum phthisicum convaluisse certus autor affirmat. Sunt & qui suum fimi cinerem profuisse scripserint in passio: & cervi pulmonem, maxime subulonis, siccatum in fumo, tritumque in vino. Hydropicis auxiliatur urina vesicæ apri paulatim data in potus: efficacius quæ inaruerit cum vesica sua. Fimi cervini, maxime subulonis, sed & bubuli, de armentinis loquor (quod bolbiton vocant) cinis cochleariorum trium in mulsi hemina; bovis fœminæ in mulieribus, & ex altero sexu in viris: quod veluti mysterium occultarunt Magi: fimum vituli masculi illitum: fimi vituli cinis cum semine staphylini, æqua portione ex vino: sanguis caprinus cum medulla: efficaciorum putant hircorum, utique si lentisco pascantur. Igni sacro ursinus adeps illinitur, maxime qui est ad renes: vitulinum fimum recens, vel bubulum: caseus caprinus siccus cum porro: ramenta pellis, cervinæ defecta pumice, ex aceto irrita. Rubori cum prurigne, equi spuma aut ungulæ cinis. Eruptionibus pituitæ, asinini fimi cinis cum butyro. Papulis nigris, caseus caprinus siccus ex melle & aceto in balineis, oleo remoto. Pustulis suilli fimi cinis aqua illitus, vel cornus

cervini cinis. Luxatis recens finum aprinum vel
suillum: item vitulinum: verris spuma recens cum
aceto: finum caprinum cum melle. Bubula caro
imposita tumorem sanat. Finum suillum in testa
calefactum tritumque cum oleo, duritias corpo-
rum omnes tollit optime. Adeps è lupis illitus, in
his quæ rumpere opus est, plurimum proficit: fi-
num bubulum in cinere calefactum, aut capri-
num in vino vel aceto decoctum. In furunculis
sebum bubulum cum sale: aut si dolor est intin-
ctum oleo, liquefactum sine sale, similique modo
caprinum. In ambustis ursinus adeps cum lilii ra-
dicibus: aprinum aut suillum finum inveteratum:
serarum ex his è penicillis testoriis cinis cum adipe
tritum: tali bubuli cinis, cum cera & medulla
cervina: fel tauri: finum leporis: sed caprarum
finus sine cicatrice sanare dicitur. Glutinum præ-
stantissimum fit ex auribus taurorum & genitali-
bus: nec quicquam efficacius prodest ambustis:
sed adulteratur nihil æque, quibusvis pellibus in-
veteratis, calceamentiisque etiam decoctis: Rhodi-
acum fidelissimum: eoque pictores & medici
utuntur: Id quoque quò candidius, eo probatius:
nigrum & lignosum damnatur. Nervorum dolo-
ribus, finum caprinum decoctum in aceto cum
melle, utilissimum putant, vel putrescente nervo.
Spasmodica & percussa vitata fimo aprugno curant,
vere collecto & arefacto. Sic & quadrigis agendis
tractos, rotave vulneratos: & quoquomodo san-
guine contuso, vel si recens illinatur: sunt qui in-
coxisse aceto, utilius putent. Quin & in potu fa-
rinam eam ruptis convulneratisque & everfis ex
aceto salutarem promittunt: reverentiores cine-
rem ejus ex aqua bibunt. Feruntque & Neronem
principem hac potione recreari solitum, cum sic
quo-

quoque ²⁵ se trigario approbare vellet, Proximam
suillo fimo vim putant.

CAP. XVIII. *Ad sanguinem sistendum, & contra
hulcera & carcinomata, ad scabiem remedia:*

*& qua infixa corpori extrahunt, & qua
cicatricibus prosunt.*

Sanguinem sistit coagulum cervinum ex aceto:
item leporis: hujus quidem & pilorum cinis: item
ex fimo asinino cinis: & pilorum quidem cinis
illitus. Efficacior vis è maribus aceto admisto, &
in lana ad omne profluvium imposito. similiter
ex equino capite & semine: aut fimi vitulorum
cinis illitus ex aceto: item caprini cornus vel fimi
ex aceto. Hircini verò jocinoris disiecti sanies ef-
ficacior: & cinis utriusque ex vino potus, vel na-
ribus ex aceto illitus. Hircini quoque utris vinarii
duntaxat cinis, cum pari pondere resinæ: quo ge-
nere sistitur sanguis, & vulnus glutinatur. Hædi-
num quoq; coagulum ex aceto, & feminum ejus
combustorum cinis, similiter pollere traduntur.
Hulcera sanat in tibiis cruribusque adeps ursinus,
admista rubrica. Quæ vero serpunt, vel aprugnum
cum resina & cerussa: maxillarum apri vel suum
cinis: fimum suum illitum siccum: item capri-
num ex aceto subfervefactum. Cætera purgantur
& explentur butyro: cornus cervini cinere, vel
medulla cervi: felle taurino cum cyprino oleo,
aut fimo caprino, aut hircino. Fimum recens
suum, vel inveterati farina illinitur vulneribus
ferro factis. Phagedænis & fistulis immittitur fel
tauri, cum succo porri, aut lacte mulierum, vel
sanguis aridus cum cotyledone herba. Carcino-
mata curat coagulum leporis, cum pari pondere
capparis aspersum vino. gangrenas ursinum fel
penna illitum: asini unguarum cinis ea quæ ser-
punt.

punt hulcera inspersus. Sanguis equi adrodit carnes septica vi: item fimi equini inveterati favilla. Ea vero quæ phagedænas vocant in hulcerum genere, corii bubuli cinis cum melle. Caro vituli recentia vulnera non patitur intumescere: fimum bubulum cum melle. Feminum vituli cinis sordida hulcera, & quæ cacoethe vocant, è lacte mulieris sanat. Recentes vero plagas ferro illatas, glutinum taurinum liquefactum, tertio die solutum. Caseus caprinus ficcus ex aceto ac melle, purgat hulcera: quæ vero serpant, cohibet sebum cum cera: item addita pice ac sulphure percurat. Similiter proficit ad cacoethe, hædi feminum cinis à lacte mulieris: & adversus carbunculos, suis feminæ cerebrum tostum illitumque. Scabiem hominis, asininæ medullæ maxime abolent: & urinæ ejusdem cum suo luto illitæ. Butyrum etiam, quod in jumentis proficit cum resina calida: glutinum taurinum in aceto liquefactum, addita calce: fel caprinum cum aluminis cinere: boas fimum bubulum: unde & nomen traxere. Canum scabies sanantur bubulo sanguine recenti: iterumque, cum inarescat, illito, & postero die abluto cinere lixivio. Spinæ ac similia corpori extrahuntur felis excrementis: item capræ ex vino: coagulo quocunque, sed maxime leporis, cum thuris polline & oleo, aut cum visci pari pondere, aut cum propoli. Cicatrices nigras sebum asininum reducit ad colorem. Fel vituli extenuat calefactum: medici adjiciunt myrrham & mel & crocum, æreaque pyxide condunt: aliqui & florem æris admiscunt.

CAP. XIX. *Ad muliebria mala medicina, & ad infantium morbos, & Veneris remedia.*

Mulierum purgationes adjuvat fel taurinum laeva succida appositum: (olympias Thebana addit

dit hyssopum & nitum) cornus cervini cinis potus : item vulvas laborantes, illitu quoque : & fel taurinum cum opio appositum obolis binis. Vulvas & pilo cervino suffire prodest. Tradunt, cervas cum senserint se gravidas, lapillum devorare : quem in excrementis repertum, aut in vulva (nam & ibi invenitur) custodire partus adalligatum : inveniuntur & ossicula in corde & in vulva, perquam utilia gravidis parturientibusque. Nam de pumice, qui in vaccarum utero simili modo invenitur, diximus in natura bouum. Lupi adeps illitus vulvas mollit, dolores etiam jecur. Carnes lupi edisse parituris prodest : aut si incipientibus parturire sit juxta qui ederit, adeò, ut etiam contra illitas noxias valeat : eundem supervenire, perniciosum est. Magnus & leporis usus mulieribus : vulvas adjuvat pulmo aridus potus : profluvia jecur cum Samia terra ex aqua potum : secundas coagulum : caventur pridiana balinea. Illitum quoque cum croco & porri succo, vellere appositum, abortus mortuos expellit. Si vulvæ leporum in cibis sumantur, mares concipi putant : hoc & testiculis eorum & coagulo profici : conceptum leporis utero exemptum his quæ parere desierint, restibilem fecunditatem afferre : sed pro conceptu, leporis sanien & viro Magi propinant : item virginis novem grana fimi, ut stent perpetuo mammae : coagulum quoque ob id cum melle illinunt : sanguinem, ubi evulsos pilos renasci volunt. Inflationi vulvæ, finum aprugnum suillumve cum oleo illini prodest : efficacius sistit farina aridi, ut aspergatur potioni, vel si gravidæ aut puerperæ torqueantur. Lacte suis poto cum mulso adjuvantur artus mulierum : per se vero potum, deficiencia ubera puerperarum replet : eadem circumlita sanguis-

sanguine fœminæ suis, minus crescent. Si dolent, lactis asinini potu mulcentur: quod addito melle sumptum, & purgationes earum adjuvat. Sanat & vulvarum exulcerationes ejusdem animalis se-
vum inveteratum, & in vellere appositum duri-
tiem vulvarum emollit: per se verò recens vel in-
veteratum, ex aqua illitum, psilothri vim obtiner.
Ejusdem animalis lien inveteratus, ex aqua illitus
mammis, abundantiam facit: vulvas suffitu cor-
rigit. Ungulæ asininae suffitæ partum maturant, ut
vel abortus evocetur: nec aliter adhibentur, quo-
niam viventem partum necant. Ejusdem animalis
fimur si recens imponatur, profluvia sanguinis
mire sedare dicitur: necnon & cinis ejusdem fi-
mi, qui & vulvæ prodest impositus. Equi spuma
illita per dies xx prius quam primum nascantur
pili restinguuntur: item cornus cirvini decocto:
melius, si recentia sint cornua. Lacte equino ju-
vantur vulvæ collutæ. Quod si mortuus partus
sentiatur, lichen ex aqua dulci potus ejicit: item
ungulæ suffitus, aut fimur aridum. Vulvas pro-
cidentes butyrum infusum sistit: induratum vul-
vam aperit fel bubulum rosaceo admisto, foris
vellere cum resina terebinthina imposito. Ajunt
& suffitu fimi è mare bove, procidentes vulvas re-
primi, partus adjuvari: conceptus vero vaccini
lactis potu. Sterilitatem ob partus vexationem fie-
ri, certum est: hanc emendari Olympias Theba-
na affirmat felle taurino, & adipe serpentium, &
ærugine, addito melle, medicatis locis ante coitus:
Vitulinum quoque fel, si in purgationibus fuerit
sub coitu aspersum vulvæ: etiam duritiam ven-
tris emollit, & profluvium minuit umbilico per-
uncto, atque in totum vulvæ prodest. Modum sta-
tuunt fellis pondere denarii ad apii tertiam, ad-
misto

misto amygdalino oleo, quantum esse satis appareat: hoc in vellere imponunt. Masculi vel vituli, cum mellis dimidio tritum, servatur ad vulvas. Carnem vituli si cum aristolochia inasclatam edant circa conceptum, mares parituras promittunt. Medulla vituli in vino ex aqua decocta cum sevo, exulcerationibus vulvarum imposita prodest. Item adeps vulpium, excrementumque felium: hoc cum resina & rosaceo impositum. Caprino cornu suffiri vulvam, utilissimum putant. Sylvestrium caprarum sanguis cum ²⁶ palma marina pilos detrahit; cæterarum vero fel, callum vulvarum emollit inspersum, & à purgatione conceptus facit: sic quoque psilothi vis efficitur, si evulsis pilis triduo servetur illicitum. Profluvium, quamvis immensum, urina capræ pota sisti, obstetrices promittunt, & si finum illinatur. Membrana caprarum in qua partus editus, inveterata, potuque sumpta in vino, secundas pellit. Hædorum pilis suffiri vulvas, utile putant, & in profluvio sanguinis coagulum bibi, aut ²⁷ hyoscyami semen imponi. E bove sylvestri nigro si sanguine ricini lumbi perungantur mulieri, tædium Veneris fieri, dicit Osthanes: idem amoris, pota hirci urina, admista propter fastidium nardo. Infantibus nihil butyro utilius, per se & cum melle: privatim & in dentitione & ad gingivas, & ad oris hulcera. Dens lupi adalligatus infantium pavores prohibet, dentientiumque morbos: quod & pellis lupina præstat. Dentes quidem eorum maximi, equis quoque adalligati, infatigabilem cursum præstare dicuntur. Leporum coagulo illito ubere sistitur infantium alvus. Iecur asini, admista modice panace, instillatum in os, à comitialibus morbis & aliis infantes tuetur: hoc XL diebus fieri præcipiunt.

piunt. Et pellis asinina injecta, impavidos infantes facit. Dentes qui equis primum cadunt, facilem dentitionem præstant infantibus adalligati: efficacius, si terram non attigere. Lien bubulus in melle editur: & illinitur ad lienis dolores: ad hucera manantia cum melle. Lien vituli in vino decoctus, tritusque & illitus, hucuscule oris. Cerebrum capræ Magi per annulum aureum tractu, prius quam lac detur, infantibus instillant contra comitiales, cæterosq; infantibus morbos. Caprinum fimum inquietos infantes adalligatum panno cohibet, maxime puellas. Lacte caprino, aut cerebro leporum perunctæ gingivæ, faciles dentitiones faciunt. Somnos fieri lepore sumpto in cibis Cato arbitratur: vulgus & gratiam corpori in vii dies, frivolo quidem joco, cui tamen aliqua debeat subesse causa in tanta persuasione. Magi felle capræ, sacrificatæ duntaxat, illito oculis, vel sub pulvino posito, somnum allici dicunt. Sudores inhibet cornus caprini cinis è myrteo oleo perunctis. Coitus stimulat felaprugnum illitum: item medullæ suum haustæ: sebum asininum, anseris masculi adipe permisto illitum. Item à coitu equi Virgilio quoq; descriptu virus, & testiculi equini aridi, ut potioni interiri possint, dexterve asini testis in vino potus pro portione, vel adalligatus brachiali. Eiusdem à coitu spuma collecta roseo panno, & inclusa argento, ut Osthanes tradit. Salpe genitale in oleum fervens mergi jubet septies, eoque perungi pertinentes partes. Bialcon cinerem ex eodem bibi, vel tauri à coitu urinam, lutoque ipso illini pubem. At è diverso muris fimo illito, cohibetur virorum Venus. Ebrietatem arceat pulmo apri aut suis assus, jejuni cibo sumptus eo die: item hædinus.

Mira præterea traduntur in eisdem animalibus. Vestigium equi excussum ungula (ut solet plerunque) si quis collectum reponat, singultus remedium esse recordantibus quonam loco id reposuerint. Iecur ²⁸ leporum equinæ ungulæ simile esse, & rumpi equos qui vestigia luporum sub equite sequantur. Talis suum discordiæ vim quandam inesse. In incendiis si fimi aliquid egeratur è stabulis, facilius extrahi, nec recurrere oves bovesque. Hircorum carnes virus non respire, si panem hordaceum eo die, quo interficiantur, edierint, laserve dilutum biberint. Nullas verò terebinthem sentire, Luna decrescente induratas sale. Adeoque nihil omissum, ut leporem surdum celerius pinguescere reperiamus. Animalium verò medicinas: si sanguis profluat jumentis, suillum finum ex vino infundendū: Boum autem morbis sebum, sulphur vivum, allium sylvestre, ovum coctum: omnia hæc trita in vino danda, aut vulpis adipem. Carnem Caballinam discoctam, potum suum morbis mederi: omnium verò quadrupedum morbis, capram solidam cum corio, & ranam rubetam discoctas. Gallinaceos non attingi à vulpibus, qui jecur animalis ejus aridum ederint: vel si pellicula ex eo collo inducta, galli inierint: Similia in felle mustelæ. Boves in Cypro contra tormina, hominum excrementis sibi mederi. Non subteri pedes boum, si prius cornua pice liquida perungantur. Lupos in agrum non accedere, si capti unius pedibus infractis, cultroq; adacto paulatim sanguis circa fines agri spargatur: atque ipse defodiatur, in eo loco, ex quo coeperit trahi. Aut si vomerem, quo primus sulcus eo anno in agro ductus sit, excussum aratro, focus Larium, quo familia

familia convenit, absumat: sic lupum nulli animalium nociturum in eo agro, quandiu id fiat. Hinc deinde revertemur ad animalia sui generis, quæ aut placida non sunt, aut fera.

LIBER XXIX.

Proœmium.

CAP. I. *De origine medicina & quando primum clinice, & quando primum iatræleptice, & de Chrysippo & Erasistrato, & empirice, & Herophilo, & reliquis illustribus Medicis: & quoties ratio medicina mutata sit, & qui primus Roma Medicus, & quando, & quid de Medicis antiqui Romani judicaverint, & vitia medicine.*

NATURA remediorum, atque multitudo instantium ac præteritorum, plura de ipsa medendi arte cogunt dicere: quam non ignarus sim, nullius ante hæc Latino sermone condita, ancepsque ac lubricum esse rerum omnium¹ novarum, talium utique quam steriles gratiæ, difficultates in promendo: sed quoniam occurrere verisimile est omnium qui hæc cognoscant cogitationi, quonam modo exolverint in medicinæ usu, quæ tam parata atque pertinentia erant: mirumque & indignum protinus subit, nullam artium inconstantiorum fuisse, & etiamnum sæpius mutari, cum sit fructuosior nulla. Diis primum inventores suos assignavit, & cælo dicavit: necnon & hodie multifariam ab oraculis medicina petitur. Auxit deinde famam etiam crimine, ictum fulmine Æsculapium fabulata, quoniam Tyndariden revocavisset ad vitam. Nec tamen

tamen cessavit narrare alios revixisse opera sua, clara Trojanis temporibus, quibus fama certior, vulnere tamen duntaxat remediis. Sequentia ejus (mirum dictu) in nocte densissima latuere usque ad Peloponnesiacum bellum: tunc eam revocavit in lucem Hippocrates, genitus in insula Coo, in primis clara ac valida, & Æsculapio dicata. Is cum fuisset mos, liberatos morbis scribere in templo ejus Dei, quid auxiliatum esset, ut postea similitudo proficeret, exscripsisse ea traditur, atque (ut Varro apud nos credit) jam templo cremato, instituisse medicinam hanc, quæ Clinice vocatur. Nec fuit postea quæstus modus, quoniam Prodicus Selymbriæ natus, discipulus ejus, instituens quam vocant Iatralapricen, reuntoribus quoque Medicorum ac mediastinis vestigal invenit. Horum placita Chrysippus ingenti garrulitate mutavit, plurimumque etiam ex Chrysippo discipulus ejus Erasistratus, Aristotelis filia genitus. Hic Antiocho rege sanato c talentis donatus est à rege Ptolemæo filio ejus, ut incipiamus & præmia artis ostendere. Alia factio ab experimentis se cognominans Empiricen, cœpit in Sicilia, ² Acrone Agrigentino Empedoclis Physici autoritate commendato. Dissederuntque eæ scholæ: & omnes eas damnavit Herophilus, in musicos pedes venarum pulsu descripto per ætatum gradus. Deserta deinde & hæc secta est, quoniam necesse erat in ea literas scire. Mutata & quam postea Asclepiades (ut retulimus) invenerat. Auditor ejus Themison fuit, qui quæ inter initia scripsit, illo mox recedente à vita, ad sua placita mutavit. Sed & illa Antonius Musa ejusdem, autoritate Divi Augusti, quem contraria medicina gravi periculo exemerat. Multos prætereo Medicos, celeberrimosque

ex iis Cassios, Calpitanos, Aruntios, Albutios, Rubrios, ccc L H-S. annua mercede iis fuere apud principes. Q. verò Stertinius imputavit principibus, quod H-S. quingenis annuis contentus esset: sexcena enim sibi quæstu urbis fuisse numeratis domibus ostendebat. Par & fratri ejus merces, à Claudio Cæsare effusa est: censusque, quanquam exhausti, operibus Neapoli exornata, hæredi H-S ccc reliquere, quantum ad eam ætatem Aruntius solus. Exortus deinde est Vectius Valens, adulterio Messalinæ Claudii Cæsaris nobilitatus, pariterque eloquentiæ affectator: Is eam potentiam nactus, novam instituit sectam. Eadem ætas Neronis principatu ad Thessalum transilivit, delentem cuncta majorum placita, & rabie quadam in omni ævi medicos perorantem: quali prudentia ingenioque, æstimari vel uno argumento abunde potest, cum monumento suo (quod est Appia via) iatronicon se inscripserit. Nullius histriionum, equorumque trigarii comitatio egressus in publico erat: cum Crinas Massiliensis arte geminata, ut cautior religiosiorque, ad siderum motus ex ephemeride Mathematica cibos dando, horasque observando, auctoritate eum præcessit: nuperque centies H-S reliquit muris patriæ, mœnibus quoque aliis penè non minori summa extructis. Hi regebant fata, cum repente civitatem Charmis ex eadem Massilia invasit, damnatis non solum prioribus Medicis, verum & balineis: frigidaque etiam hybernis algoribus lavari persuasit: merfit ægros in lacus: videbamus senes Consulares usque in ostentationem rigentes; qua de re extat etiam Annæi Senecæ stipulatio. Nec dubium est, omnes istos famam novitate aliqua aucupantes, animas statim nostras negotiari: hinc illæ circa ægros miseræ

senten-

sententiarum concertationes, nullo idem censente, ne videatur accessio alterius: hinc illa infelicitis monumenti inscriptio, turba se medicorum perisse. Mutatur ars quotidie toties interpollis, & ingeniorum Græciæ flatu impellimur: palamque est, ut quisque inter istos loquendo polleat imperatorem illico vitæ necisque fieri: ceu verò non millia gentium sine Medicis degant, nec tamen sine Medicina: sicut populus Romanus ultra sexcentessimū annum, nec ipse in accipiendis artibus lentus, Medicinæ verò etiam avidis, donec expertam damnavit. Etenim percensere insignia prisicorum in his moribus convenit: Cassius Hemina antiquis autor est, primum è Medicis venisse Romanam Peloponneso Archagathum Lysaniæ filium, L. Emilio, M. Livio Coss. anno urbis D XXXV eique jus Quiritium datum, & tabernam in compitro Acilio emptam ob id publice. Vulnerarium eum tradunt fuisse vocatum, mireque gratum adventum ejus initio: mox à sævitia secandi urendique, transisse nomen in carnificem, & in tædium artem omnesque Medicos: quod clarissime intelligi potest ex M. Catone; cujus autoritati triumphus atque Censura minimum conferunt, tanto plus in ipso est: quamobrem verba ejus ipsa ponemus. Dicam de istis Græcis suo loco Marce fili, quid Athenis exquisitum habeam, & quod bonum sit eorum literas inspicere, non perdiscere. Vincam nequissimum & indocile genus illorū: & hoc putavatem dixisse: quodocunque ista gens suas literas dabit, omnia corrumpet: tum etiam magis, si Medicos suos huc mittet: jurarunt inter se barbaros necare omnes Medicina. Sed hoc ipsum mercede faciunt: ut fides iis sit, & facile disperdant. Nos quoque diſcitant barbaros, & spurcius nos, quam

quam alios, opicos appellatione sciant: interdixi tibi de Medicis. Atque hic Cato D C V anno urbis nostræ obiit, LXXXV suo, ne quis illi defuisse publice tempora, aut privatim vitæ spatia ad experiendum arbitretur: quid ergo? damnatam ab eo rem utilissimam credimus? minime hercule. subjicit enim qua medicina & se & conjugem usque ad longam senectam perduxerit, iis ipsis scilicet, quæ nunc nos tractamus. Profiteturque esse commentarium sibi, quo medeatur filio, servis familiaribus, quem nos per genera usus sui differimus. Non rem antiqui damnabant, sed artem: maxime verò quæstum esse immani pretio vitæ recusabant: ideo templum Æsculapii, etiam cum reciperetur is Deus, extra urbem fecisse, iterumque in insula, traduntur: & cum Græcos Italia pellerent, diu etiam post Catonem excepisse Medicos. Augebo providentiam illorum: solam hanc artium Græcarum nondum exercet Romana gravitas in tanto fructu, paucissimi Quiritium attingere, & ipsi statim ad Græcos transfugæ: imo vero auctoritas aliter quam Græce eam tractantibus, etiam apud imperitos expertesque linguæ, non est: ac minus credunt, quæ ad salutem suam pertinent, si intelligunt. Itaque hercule in hac artium sola evenit, ut cuicumque Medicum se professio statim credatur, cum sit periculum in nullo mendacio majus: non tamen illud intuemur: adeo blanda est sperandi pro se cuique dulcedo. Nulla præterea lex, quæ puniat inscitiam capitalem, nullum exemplum vindictæ: discunt periculis nostris, & experimenta per mortes agunt: Medicoque tantum hominem occidisse impunitas summa est: quinimo transit in convitium, & intemperantia culpatur: altroque qui periire arguuntur. Sed decuriæ pro

pro more censuris principium examinantur: in-
quisitio per ³ parietes agitur: & qui de nummo
judicet, à Gadibus columnis que Herculis accersit-
tur: de exilio verò non nisi die XL quinque electis
viris datur tabella. At de iudice ipso quales in con-
siliium eunt, statim occisuro? Merito, dum nemi-
ni nostrum libet scire, quid saluti suæ opus sit.
Alienis pedibus ambulamus: alienis oculis agno-
scimus: aliena memoria salutamus: aliena vivimus
opera. Perieruntque rerum naturæ pretia & vitæ
argumenta: nihil aliud pro nostro habemus, quam
delicias. Non deferam Catonem tam ambiciosæ
artis invidiæ à me objectum, aut Senatum illum
qui ita censebat, idque non criminibus artis ar-
reptis, ut aliquis expectaverit. Quid enim vene-
norum fertilius, aut unde plures testamentorum
insidiæ? Iam verò & adulteria etiam in principum
domibus, ut Eudemi in Livia Drusi Cæsaris: item
Valentis, in qua dictum est regina. Non sint artis
ista, sed hominum: non magis hæc urbi timuit
Cato, ut equidem credo, quam reginas. Ne avari-
tiam quidem arguam, rapacesque nundinas pen-
dentibus fatis, & dolorem indicaturam, ac mor-
tis arrham, aut arcana præcepta: squamam in ocu-
lis emovendam potius, quam extrahendam: per
quæ effectum est, ut nihil magis prodesse videretur,
quam multitudo grassantium. Neque enim
pudor, sed æmuli pretia summittunt. Notum est
ab eodem Charmide unum ægrum ex provincia-
libus H. S. ducentis conductum: Alconti vulne-
rum Medico H. S. C. damnato ademisse Claudium
principem: eidemque in Gallia exulanti, & deinde
restituto acquisitum non minus intra paucos
annos: & hæc personis imputentur. Ne faciem
quidem aut inscitiam ejus turbæ arguamus, ipso-
rumque

rumque intemperantiam in morbis, aquarum calidarum diviticulis: imperiosam in ediam, & ab iisdem deficientibus cibos sæpius die ingestos, mille præterea poenitentiae modis, culinarum etiam præceptis & unguentorum misturis, quando nullas omisere vitæ illecebras. Inveni peregrinas merces, conciliariq; extrema pretia, displicuisse majoribus crediderim equidem, non tamen hoc Catonem providisse, cum damnaret artem. Theriace vocatur excogitata compositio luxuriæ: fit ex rebus externis, cum tot remedia dederit natura, quæ singula sufficerent. Mithridatium antidotum ex rebus LIV componitur, interim nullo pondere æquali, & quarundam rerum sexagesima denarii unius imperata. Quo Deorum⁴ perfidiam istam monstrante? Hominum enim subtilitas tanta esse non potuit: ostentatio artis & portentosa scientiæ venditatio manifesta est. Ac ne ipsi quidem illam novere: comperique vulgo pro cinnabari Indica in medicamenta minium addi, inscitia nominis, quod esse venenum docebimus inter pigmenta. Verum hæc ad singulorum salutem pertinent: illa autem, quæ timuit Cato, atque providit, innocentiora multo & parva opinatu, quæ proceres artis ejusdem in semetipsis fatentur: illa perdidere imperii mores, illa quæ sani patimur, luctatus, ceromata, ceu valetudinis causa instituta, balineæ ardentes, quibus persuasere in corporibus cibos coqui, ut nemo non minus validus exiret, obedientissimi verò efferebantur. Potus deinde jejunorum ac vomitiones, & rursus per potationes, ac pilorum eviratio instituta resinis eorum: itemque pectines in foeminis quidem publicati: ista est profecto lues morum, nec aliunde major, quam è medicina, vatem prorsus quotidie facit Catonem,

& ora-

& oraculum : satis esse ingenia Græcorum inspicere, non perdiscere. Hæc fuerint dicenda pro Senatu illo, sexcentisque populi Romani annis adversus artem, in qua conditione insidiosissima auctoritatem pessimis boni faciunt : simul contra attonitas quorundam persuasiones, qui prodesse nisi pretiosa non putant. Neque enim dubitaverim, aliquibus fastidio futura quæ dicentur animalia : at non Virgilio fuit nominare formicas nulla necessitate, & curculiones, ac lucifugis congesta cubilia blattis : non Homero inter prælia Deorum improbitatem muscæ describere : non naturæ genere ista, cum gignat hominem. Proinde causas quisque & effectus, non res, asstimet. Ordinem autem à confectis, hoc est, lanis ovisque, ut obiter rebus præcipuis honos in primis perhibeatur. Quædam etiam si alienis locis, tamen obiter dicti necesse erit : nec deerat materiæ pompa, si quicquam aliud intueri liberet, quam fidem operis. Quippe inter prima proditis etiam ex cinere phœnicis nidoque medicinis, ceu verò id certum esset, atque non fabulosum. Irridere est, vitæ remedia post millesimum annum reditura monstrare.

CAP. II. De medicinis lanarum.

Lanis auctoritatem veteres Romani etiam religiosam habuere, postes à nâbentibus ⁵ attingi jubentes. Præterque cultum & tutelam contra frigora, succidæ plurima præstant remedia ex oleo vinoque aut aceto, prout quæque mulceri mordere opus sit, & astringi laxare, luxatis membris, dolentibusque nervis impositæ, & crebro suffusæ : quidam etiam salem admiscent luxatis : alii cum lana rutam adipemque imponunt : item contusis tumentibusque. Halitus quoque oris gratiores facere traditur, confricatis dentibus atque

gingivis admisto melle: prodest & phreneticis suffitu. Sanguinem in naribus sistit cum oleo rosaceo, & alio modo indita auribus obturatis spissius. Quin & hulceribus vetustis imponitur cum melle. Vulnere ex vino, vel aceto, vel aqua frigida & oleo expressa sanat. Arietis vellera lota frigida ex oleo madefacta, in muliebribus malis inflammationes vulvæ sedant: & si procidant, suffitu reprimunt. Succida lana imposita subditaque mortuos partus evocat: sistit etiam profluvia earum: at canis rabiosi moribus inculcata, post diem septicimum solvitur. Reduvias sanat ex aqua frigida: eadem nitro, sulphure, oleo, aceto, pice liquida ferventibus tineta, quam calidissima imposita bis die, lumborum dolores sedat. Sanguinem sistit ex ariete succida, articulos extremitatum præligans. Laudatissima omnis è collo; natione verò Galatica, Tarentina, Attica, Milefia. Succidam imponunt & desquamatis, percussis, lividis, incussis, collisis, contritis, dejectis, capitis & aliis doloribus, stomachi inflammationi ex aceto & rosaceo. Cinis ejus illinitur attritis, vulneratis, ambustis. Et in oculorum medicamenta additur: item in fistulas auresque suppuratas. Ad hæc detonsam eam, alii verò evulsam decisis summis partibus siccant, carpuntque; & in fistili crudo componunt, ac melle perfundunt utrumque: alii asululis tedæ subiectis, & subinde interstratis, oleo aspersam accendunt, cineremque in labellis aqua addita confricant manu, & confidere patiuntur, idque sæpius mutantes aquam, donec linguam astringat leniter, nec mordeat: tum cinerem reponunt. Vis ejus septica est, efficacissimeque genas purgat: quin ipsæ sordes pecudum sudorque feminum & alarum adhærentes lanis (œsypum vocant) innu-

meros prope usus habent : in Atticis ovibus genito palma. Fit pluribus modis, sed probatissimum, lana ab his partibus recenti concepta, aut quibuscunque sordibus succidis primum collectis, ac lento igni in æneo vase subfervescit & refrigeratis, pinguique quod supernatet, collecto in fictili vase, iterumque decocta priori materia: quæ pinguitudo utraque, frigida aqua lavatur, & in linteo siccat, ac Sole torretur, donec candida fiat ac translucida: tum in stannea pyxide conditur. Probatio autem, ut sordium virus oleat, & manu fricante ex aqua non liquetur, sed albescat ut cerusa. Oculis utilissimum contra inflammationes genarumque callum: quidam in testa torrent, donec pinguedinem amittat, utilius tale existimantes erosio & duris genis, angulis scabiosis & lacrymantibus: hulcera non oculorum modo sanat, sed oris etiam & genitalium, cum anserino adipe: medetur & vulvæ inflammationibus, & sedis rhagadiis & cōdylomatis cum meliloto ac butyro: reliquos usus ejus suo loco digeremus. Sordes quoque caudarum concretæ in pilulas, ac siccatae per se tussæque in farinam & illitæ, dentibus mirè profunt, etiam labantibus, gingivisque, si carcinoma serpat. Iam verò pura vellera aut per se imposita tæcis doloribus, aut accepto sulphure: & cinis eorum genitalium vitiis. Tantumque pollent, ut medicamentis quoque superponantur. Medentur ante omnia & pecori ipsi, si fastidio non pascatur: cauda enim quam artèssime præligata, evulsa inde lana, statim vescuntur: traduntque quod extra nodum sit p̄ cauda præmori.

CAP. III. De ovorum natura.

Lana habent & cum ovis societatem simul fronti impositæ contra epiphoras: non opus est eas in

hoc usu radícula esse curatas : neque aliud , quam candidum ex ovo , infundi ac pollinem thuris . Ova per se infuso candido oculis epiphoras cohibent , urentesque refrigerant : quidam cum croco præferunt , & pro aqua miscent collyriis : infantibus verò contra lippitudines vix aliud remedium est , butyro admisto recenti : eadem cum oleo trita ignes sacros leniunt , betæ foliis superilligatis . Candido ovorum in oculis & pili reclinantur , Hammoniaco trito admistoque : & vari in facie cum pineis nucleis , ac melle modico : ipsa facies illita Sôle non adurit . Ambusta aquis si statim ovo occupentur , pustulas non sentiunt : quidam admiscunt farinam hordaceam , & salis parum : hulceribus verò ex ambusto , cum candido ovorum tostum hordeum , & suillo adipe , mire prodest : eadem curatione ad sedis vitia utuntur : infantibus quidem etiam si quid ibi procidat . Ad pedum rimas ovorum candido decocto cum cerussæ denariorum duum pondere , pari spumæ argenti , myrrhæ , exiguo deinde vino . Ad ignem sacrum , candido ovorum trito cum amylo : ajunt & vulnera candido glutinari , calculosque pelli . Lutea ovorum cocta ut indurescant , admisto croco modicè , item melle & lacte mulieris illita , dolores oculorum mitigant : vel cum rosaceo & mulso lana oculis imposita , vel cum trito apii semine ac polenta in mulso illita . Prodest & tussientibus per se luteam devoratum liquidum , ita ut dentibus non attingatur : thoracis distillationibus , faucium scabritiæ : privatim contra hæmorrhoidum morsum illinitur , sorbeturque crudum . Prodest & renibus , vesicæ rostonibus exhulcerationibusque , & cruenta excreantibus . Quinque ovorum lutea in vini hemina cruda sorbentur dysentericis , cum ⁶ jure puta-

putaminis sui & papaveris succo ac vino. Dantur
 cœliacis cum uvæ passæ pinguis pari pondere, &
 malicorio, per triduum aquis portionibus: & alio
 modo lutea ovorum trium lardi veteris & mellis
 quadrantibus, vini veteris cyathis tribus, trita ad
 crassitudinem mellis, & cum opus sit, avellanæ
 nucis magnitudine ex aqua pota. Item ex oleo fri-
 cta terna, totis ovis pridie maceratis in aceto: sic
 & lienicis. Sanguinem autem rejicientibus cum
 tribus cyathis musti. Utuntur iisdem ad liventia,
 si vetustiora sint, cum bulbis ac melle. Sistunt &
 menses mulierum cocta, & ex vino pota; inflatio-
 nes quoque vulvæ cruda cum oleo ac vino illita.
 Vitilia sunt & cervicis doloribus cum anserino adipe
 & rosaceo. Sedis etiam vitiis durata igni, &
 calore quoque profunt: & condylomatis cum ro-
 saceo: item ambustis durata in aqua, mox in pru-
 na putaminibus exustis, tum lutea ex rosaceo illi-
 nuntur. Fiunt & tota lutea, quæ vocant schista,
 cum triduo incubata tolluntur. Stomachum dis-
 solutum confirmant pulli ovorum cum gallæ di-
 midio, ita ne ante duas horas alius cibus sumatur:
 dat & dysentericis pullos in ipso ovo decoctos,
 admista vini austeri hemina, & pari modo olei
 polentæque. Membrana putaminis detracta sive
 crudo, sive cocto, labiorum fissuris medetur. Pu-
 taminis cinis in vino potus, sanguinis eruptioni-
 bus. Comburi sine membrana oportet: sic fit &
 dentifricium: idem cinis & mulierum menses cum
 myrrha illitus sistit. Firmitas putaminum tanta
 est, ut recta nec vi nec pondere ullo frangantur,
 nec nisi paululum inflexa rotunditare. Tota ova
 adjuvant partum, cum ruta, & anetho, & cumi-
 no pota ex vino. Scabiem corporum ac pruritum
 oleo & cedria mistis tollunt: hucera quoque hu-
 mida

mida in capite cyclamino admista. Ad puris & sanguinis excreationes ovum crudum cum porri festivi succo, parique mensura mellis Græci calefactum hauritur. Dantur & tussientibus cocta & trita cum melle, & cruda cum passo oleique pari modo. Infunduntur & virilitatis vitiis singula cum ternis passi cyathis, amylique semuncia à balineis. Adversus ictus serpentium cocta tritaque adjecto nasturtio illinuntur. Cibo quot modis juvent notum est, cum transmeent faucium tumorem, calfactuque obiter fovéant: nullus est alius cibus, qui in ægritudine alat, neque oneret, simulque vim potus ac cibi habeat. Maceratorum in aceto moliri diximus putamen: talibus cum farina in pane subactis cœliaci recreantur. Quidam ita resoluta in patinis torreti utilius putant: quo genere non alvos tantum, sed & menses fœminarum sistunt, aut si major sit impetus, cruda cum farina ex aqua hauriuntur, & per se lutea ex iis decocta in aceto, donec indurescant: iterumque cum trito pipere torrentur ad cohibendas alvos. Fit & dysentericis remedium singulare, ovo effuso in fictili novo, ejusdemque ovi mensura, ut paria sint omnia, melle, mox aceto, item oleo, confusis crebroque permistis: quo fuerint ea excellentiora, hoc præsentius remedium erit. Alii eadem mensura pro oleo & aceto resinam adjiciunt rubentem, vinumque: & alio modo temperant, olei tantum mensura pari, pineique corticis duabus sexagesimis denariorum, una ejus quod thus diximus, mellis obolis quinque simul decoctis, ita ut cibus alius post quatuor horas sumatur. Torminibus quoque multi medentur, ova bina⁷ cum aliis piscis quatuor una atterendo, vinique hemina calefaciendo, atque ita potui dando. Et nequid desit ovorum gratiæ,

gratiæ, candidum ex his admistum calci vivæ glutinat vitri fragmenta: vis vero tanta est, ut lignum perfusum ovo non ardeat, ac ne vestis quidem contacta aduratur. De gallinarum autem ovis tantum locuti sumus, cum & reliquarum alitum restent magnæ utilitates, sicut suis locis dicemus. Præterea est ovorum genus in magna Galliarum fama, omissum Græcis: angues innumeri æstate convoluti, salivis faucium corporumque spumis artifice complexu glomerantur, anguinum appellatur: Druidæ sibilis id dicunt in sublime jactari, sagoque oportere intercipi, ne tellurem attingat: profugere raptorem equo: serpentes enim insequi, donec arceantur amnis alicujus interventu: experimentum ejus esse, si contra aquas fluitet vel auro vinctum. Atque, ut Magorum solertia occultandis fraudibus sagax, certa Luna capiendum censent, tanquam congruere operationem eam serpentium humani sit arbitrii. Vidi equidem id ovum mali orbiculati modici magnitudine, crusta cartilaginis, velut acetabulis brachiorum polypi crebris insigne; Druidis ad victorias litium ac regum aditus mirè laudatur: tantæ vanitatis, ut habentem id in lite in sinu, equitem Romanum à Vocontis, à Divo Claudio principe interemptum non ob aliud sciam. Hic tamen complexus anguium & efferatorum concordia, causa videtur esse, quare exteræ gentes caduceum in pacis argumentis circumdata effigie anguium fecerint: neque enim cristatos esse in caduceo mos est. De anserum ovis magnæ utilitatis, ipsoque anseris dicturi hoc in volumine, debemus honorem & Comagenorum clarissimæ rei: fit ex adipe anserum, alioquin celeberrimi usus est ad hoc in Comagene Syriæ parte cum cinnamo, casia, pipere albo, herba

quæ Comagene vocatur, obrutis nive vasis, odore jucundo, utilissimum ad perfrictiones, convulsiones, cæcos ac subitos dolores, omniaque quæ accipis curantur: unguentumque pariter ac medicamentum est. Fit & in Syria alio modo, adipe avium curato, ut diximus, additis erysisceptro, xylobalamo, phœnice elate, item calamo, singulorum pondere, qui sit adipis, cum vino bis aut ter subfervefactis. Fit autem hyeme, quoniam æstate non glaciatur: nisi accepta cera. Multa præterea remedia sunt ex anserè, quod miror, æque quam capris; nanque anser corvusque ab æstate in autumnum morbo conflictari dicuntur. De anserum honore, quem meruere Gallorum in Capitolium ascensu deprehenso, diximus.

CAP. IV. *Remedia de cane, & ex animalibus quæ placida non sunt, sed fera, & ex volucris, & contra morsus phalangiorum.*

Eadem de causa supplicia annua canes pendunt inter ædem Iuventutis & Summani, vivi in furca sambucea arbore fixi: sed plura de hoc animali dici cogunt priscorum mores. Catulos lactentes adeò pueros existimabant ad cibum, ut etiam placandis numinibus hostiarum vice uterentur his. Genito manè catulo res divina fit, & in cœnis Deum etiamnum ponitur catulina: Aditialibus quidem epulis celebrem fuisse, Plauti fabulæ indicio sunt. Sanguine canino contra toxica nihil præstantius putatur: vomitiones quoque hoc animal monstrasse homini videtur: & alios usus ex eo mirè laudatos referemus suis locis: nunc ad statutum ordinem pergemus. Adversus serpentium ictus efficacia habentur, fimum pecudis recens in vino decoctum illitumque: mures dissecti & impositi;

positi; quorum natura non est spernanda, præcipue in ascensu siderum (ut diximus) cum lumine lunæ fibrarum numero crescente ac decrescente. Tradunt magi, jocinore muris dato porcis in fico, sequi dantem id animal: in homine quoque similiter valere, sed resolvi cyatho olei potio. Mustelarum duo genera: alterum sylvestre: distant magnitudine: Græci vocant ictidas: harum fel contra aspides dicitur efficax, cætero venenum. Hæc autem quæ in domibus nostris oberrat, & catulos suos (ut auctor est Cicero) quotidie transfert, mutatque sedem, serpentes persequitur: ex ea inveterata sale denarii pondus in cyathis tribus datur percussis, aut ventriculus coriandro factus inveteratusque & in vino potus: & catulus mustellæ etiam efficacius. Quædam pudenda dictu tanta auctorum asseveratione commendantur, ut præterire fas non sit: siquidem illa concordia rerum, aut repugnantia, medicinæ gignuntur: veluti cimum animalis foedissimi, & dictu quoque fastidendi natura, contra serpentium morsus, & præcipue aspidum valere dicitur: item contra venena omnia: argumento, quod dicunt gallinas, quo die id ederint, non interfici ab aspide: carnes quoque earum percussis plurimum prodesse. Ex his quæ tradunt, humanissimum est, illinire moribus cum sanguine testudinis: item suffitu eorum abigere sanguifugas adhærentes; haustasque ab animalibus restinguere in potu datos: quanquam & oculos quidam iis inungunt tritis cum sale & lacte mulierum, auresque cum melle & rosaceo admistis: eos qui agrestes sint, & in malva nascantur, crematos cinere permisto rosaceo infundunt auribus. Cætera quæ de iis tradunt, vomicæ & quartanarum remedia aliorumque morborum, quanquam ovo

aut cera aut faba inclusos censeant devorandos ;
falsa, nec referenda arbitror. Lethargi tamen me-
dicinæ cum argumento adhibent, quoniam vin-
catur aspidum somnifica vis, septenos in cyatho
aquæ dantes, puerilibus annis quaternos: & stran-
guriæ fistulæque imposuere: adeo nihil parens illa
rerû omnium sine ingentibus causis genuit. Quin
& adalligatos lævo brachio binos lana subrepta
pastoribus, resistere nocturnis febribus prodide-
runt, diurnis in rosaceo panno. Rursus iis adver-
satur scolopendra, suffituque necat. Aspides per-
cussos torpore & somno necant, omnium serpent-
ium minime sanabiles: sed venenum earum si
sanguinem attingit, aut recens vulnus, statim in-
terimit: inveteratum hulus tardius: de cætero
potum quantalibet copia, non nocet: non est eni-
m tabifica vis: itaque occisa morsu earum animalia,
cibis innoxia sunt. Cunctatè in proferendo ex his
remedio, nisi M. Varronem scirem LXXXVIII
vitæ anno prodidisse, aspidum idus efficacissime
curari, hausta à percussis ipsorum urina. Basiliscus,
quem etiam serpentes ipsi fugiunt, alios olfactu
necantem, qui hominem vel si aspiciat tantum,
dicitur interimere, sanguinem Magi miris laudi-
bus celebrant, coeuntem picis modo & colore,
dilutum cinnabari clariorem fieri. Tribuunt ei &
successus petitionû à Potestatibus, & à Diis etiam
precum, morborumque remedia, veneficiorum
amuleta: quidam id Saturni sanguinem appellant.
Draco non habet venena: caput ejus limini janua-
rum subditum, propitiatis adoratione Diis, for-
tunatam domum facere promittunt. Oculis ejus
inveteratis, & cum melle tritis, inunctos non pa-
vescere ad nocturnas imagines, etiam pavidos.
Cordis pingue in pelle dorcadum nervis cervinis
adalli-

adalligatum in lacerto, conferre judiciorum victoria: primum spondylum aditus potestatum mulcere. Dentes ejus illigatos pellibus caprearum, cervinis nervis, mites præstare dominos, potestatesque exorabiles. Sed super omnia est compositio, qua invictos faciunt Magorum mendacia: cauda draconis & capite, pilis leonis è fronte & medulla ejusdem, equi victoris spuma, canis unguibus adalligatis cervino corio, nervisque cervi alternatim & dorcadis: quæ arguisse non minus refert, quam contra serpentes remedia demonstrasse, quoniam hæc morborum veneficia sunt. Draconum adipem venenata fugiunt: item virus ichneumonum, & cutis cinere in aceto perunctos. Viperæ caput impositum, vel alterius quam quæ percusserit, sine fine prodest: item si quis eam ipsam in vapore baculo sustineat: ajunt enim⁸ præcavere: item si quis exustæ ejus cinerem illinat. Reverti autem ad percussum serpentes necessitate naturæ, Nigidius autor est. Caput quidem dissecant Scythæ inter aures ad eximendum lapillum, quem ajunt ab ea devorari territa. Alii ipso toto capite utuntur. Fiunt ex vipera pastilli, qui theriaci vocantur à Græcis, quaternis digitis utrinque amputatis, exemptisque interaneis & livore spinæ adhærente, reliquo corpore in patina ex aqua & anetho discocto, spinisque exemptis, & addita similagine, atque ita in umbra siccatis pastillis, quibus ad multa medicamenta utuntur: significandum videtur è vipera tantum hoc fieri. Quidam purgatæ, ut supra dictum est, adipem cum olei sextario decoquant ad dimidias: ex eo, cum opus sit, ternis stillis additis in oleum perunguntur, ut omnes bestię fugiant eos. Præterea constat, contra omnium serpentium ictus, quamvis insanabiles, ipsarum ser-

serpentium exta imposita auxiliari: eosque qui aliquando viperæ jecur coctum hauserint, nunquam postea feriri à serpente. Neque anguis venenatus est, nisi per mensem Luna instigatus: sed prodest vivus comprehensus, & in aqua contusus, si foveatur ita morsus. Quin & inesse ei remedia multa creduntur, ut dicemus, & ideo Æsculapio dicatur. Democritus quidem monstra quædam ex his conficit, ut possint avium sermones intelligi. Atqui anguis Æsculapius Epidauro Romanam advectus est: vulgoque pascitur & in domibus: ac nisi incendiis semina exurerentur, non esset fecunditati eorum resistere in orbe terrarum: pulcherrimum anguium genus est, quod in aqua vivit, hydri vocantur, nullis serpentium inferiores veneno: horum jecur servatum adversus percussos ab his auxilium est. Scorpio tritus stellionum veneno adversatur: sit enim & è stellionibus malum medicamentum: nam cum immortuus est vino, faciem eorum qui biberint lentigine obducit: ob hoc in unguento necant eum, insidiantes pellicum formæ: remedium est ovi luteum, & mel ac nitrum. Fel stellionum tritum in aqua mustelas congregare dicitur. Inter omnia venenata Salamandræ scelus maximum est: cætera enim singulos feriunt, nec plures pariter interimunt: ut omittam, quod perire conscientia dicuntur homine percusso, neque amplius admitti ad terras: salamandra populos pariter necare improvidos potest: nam si arbori irrepsit, omnia poma inficit veneno, & eos qui ederint, necat frigida vi, nihil aconito distans. Quinimo si contracto ab ea ligno vel pede, crusta panis incoquatur, idem veneficium est: vel si in puteum cadat: quippe cum saliva ejus quacunque parte corporis, vel in pede
imo

imo respersa, omnis in toto corpore defluat pilus. Tamen talis ac tanta vis veneni à quibusdam animalium, ut suibus, manditur, domante eadem illa rerum dissidentia. Venenum ejus extingui primum omnium ab his quæ vescantur illa, verisimile est: quæ prodantur, cantharidum potu, aut lacerta in cibo sumpta: cætera adversantia diximus, dicemusque suis locis. Ex ipsis quæ Magi tradunt contra incendia, quoniam ignes sola animalium extinguat, si forent vera, jam esset experta Roma. Sextius Venerem accendi cibo earum, si detractis interaneis, & pedibus, & capite in melle serventur, tradit, negatque restingui ignem ab iis. Ex volucris in auxilio contra serpentes primum vultur est: annotatum quoque minus virium esse nigris: pennarum ex his nidore, si urantur, fugari eas dicunt: item cor ejus alitis habentes, rutos esse ab imperu non solum serpentium, sed etiam ferarum, latronumque, & regum ira. Carnibus gallinaceorum, ita ut tepeant avulsæ, appositis, venena serpentium domantur: item cerebro in vino poto. Parthi gallinæ malunt cerebrum plagis imponere. Ius quoque ex his potum præclare medetur, & in multis aliis usibus mirabile: pantheræ leonesque non attingunt perunctos eo, præcipue si & allium fuerit incoctum: alvum solvit: validius è vetere gallinaceo: prodest & contra longinquas febres, & torpentibus membris tremulisque, & articulariis morbis & capitis doloribus, epiphoris, inflationibus, fastidiis, incipienti tenesmo, jocinori, renibus, vesicæ: contra cruditates, suspiria. Itaque etiam faciendi ejus extant præcepta: efficacius enim cocti cum olera marino, aut cybio, aut cappari, aut apio, aut herba Mercuriali, aut polypodio, aut anetho: utilissime autem

autem in congiis tribus aquę ad tres heminas cum
supra dictis herbis, & refrigeratum sub dio dari
tempestivis antecedente vomitione. Non præteri-
bo miraculum, quanquam ad medicinam non per-
tinens: si auro liquescenti gallinarum membra mi-
sceantur, consumunt id in se: ita hoc venenum
auri est: at gallinaceis ipsis circulo è sarmentis ad-
dito in collum, non canunt. Auxiliatur contra ser-
pentes & columbarum caro recens concepta, &
hirundinum: bubonis pedes usti cum plumbagine
herba. Nec omittram in hac quoque alite exem-
plum Magicę vanitatis: quippe præter reliqua por-
tentosa mendacia, cor ejus impositum mammę
mulieris dormientis sinistrę, tradunt efficere ut
omnia secreta pronuntiet: præterea in pugnam
ferentes idem, fortiores fieri. Ejusdem ovo ad ca-
pillos remedia demonstrant. Quis autem quæso
ovum bubonis unquam videre potuit, cum ipsam
autem vidisse prodigium sit: quis utique experiri,
& præcipue in capillo: sanguine quidem pulli bu-
bonis etiam crispari capillum promittunt. Cujus
generis prope videri possint, quę tradunt & de
vespertione, si ter circumlatus domui vivus, per
fenestram inverso capite infigatur, amuletum esse:
privatimque ovilibus circumlatum toties, & pedi-
bus suspensum sursum in superliminari. Sangui-
nem quoque ejus cum carduo, contra serpentium
ictus inter præcipua laudant. Phalangium est Ita-
lię ignotum, & plurium generum: unum simile
formicę, sed multo majus, rufo capite, reliqua
parte corporis nigra, albis incurvantibus resper-
sum guttis: acerbior hujus, quam vespę ictus. Vi-
vit maxime circa furnos & molas. In remedio est,
si quis ejusdem generis alterum percussio ostendat:
& ad hoc servantur, cum mortui inveniuntur: &
corti-

cortices eorum contriti & poti medentur, & mustelæ catuli, ut diximus supra. Æque phalangion Græci vocant inter genera araneorum, sed distinguunt lupi nomine. Tercium genus est eodem phalangii nomine araneus lanuginosus, grandissimo capite: quo dissecto inveniri dicuntur intus vermiculi duo, adalligatique mulieribus cervina pelle ante Solis ortum, præstare ne concipiant, ut Cæcilius in commentariis reliquit. Vis ea annua est: quam solam ex omni atocio dixisse fas sit, quoniam aliquarum fecunditas plena liberis tali venia indiget. Vocatur & rhagion acino nigro similis, ore minimo sub alvo, pedibus brevissimis, tanquam imperfectis: dolor à morfu ejus qualis à scorpione. Urina similis araneis textis. Idem erat asterion, nisi distingueretur virgulis albis: hujus morfu genua labefactantur. Peior utroque est cæruleus lanugine nigra, caliginem concitans, & vomitus araneosus: etiamnum deterior, à crabrone penna tantum differens: hic & ad maciem perducit. Myrmecion formicæ similis capite, alvo nigra, guttis albis distinguentibus, vesparum dolore torquet. Tetragnathii duo genera habent: peior, medium caput distinguente linea alba, & transversa altera: hic oris tumorem facit: at cinereus posteriori parte candicans, lentior. Minime autem noxius eodem colore, qui telas muscis in parietibus latissime pandit. Contra omnium morsus remedium est gallinaceum cerebrum cum piperis exiguo potum in posca: item formicæ quinque potæ pecudum fimi cinis illitus ex aceto: & ipsi aranei quicunque in oleo putrefacti. Muris aranei morsus sanatur coagulo agnino in vino potio: ungulæ arietinæ cinere cum melle, mustelæ catulo, ut in serpentibus dictum est. Si jumenta momorderit,

mus recens cum sale imponitur, aut fel vespertilionis ex aceto: & ipse mus araneus contra se remedio est, divulsus & impositus: nam si pragnans momordit, protinus dissilit: optimum, si imponatur qui momorderit: sed & alios ad hunc usum servant in oleo, aut luto circumlitos. Est & contra morsum ejus remedio terra ex orbita: fertur enim non transiri ab eo orbitam, torpore quodam naturæ. Scorpionibus contrarius maxime in vicem stellio traditur, ut visu quoque pavorem iis afferat, & torporem frigidi sudoris: itaque in oleo putrefaciunt eum, & ita ea vulnera perungunt. Quidam oleo illo spumam argenteam decoquunt ad emplastri genus, atque ita illinunt. Hunc Græci coloten vocant, & ascalaboten, & galeoten: in Italia non nascitur. Est autem hic plenus lentigine, stridoris acerbi, & vescitur, quæ omnia à nostris stellionibus aliena sunt. Prodest & gallinarum fimi cinis illitus, draconis jecur, lacerta divulsa, mus divulsus, scorpio ipse suæ plagæ impositus, aut assus in cibo sumptus, aut potus in meri cyathis duobus. Proprium est scorpionum, quod manus palmam non feriunt, nec nisi pilos attingere. Lappulus qualiscunque, ab ea parte qua in terra erat, appositus plagæ, levat dolorem: item testa terra aperta ex aliqua parte, sicut erat imposita, liberare dicitur. Non debent respicere qui imponunt, & cavere ne Sol aspiciat. Vermes terreni triti impositi profunt: multa & alia ex his remedia sunt, propter quæ in melle servantur. Noctua apibus contraria, & vespis crabronibusque & sanguisugis: pici quoque Martii rostrum secum habentes non feriuntur ab iis. Adversantur & locustarum minimæ sine pennis, quos attelabos vocant. Est & formicarum genus venenatum: non fere in Italia.

Sol-

Solpugas Cicero appellat, salpugas Batica. Iis cor
vespertilionis contrarium, omnibusque formicis:
salamandris cantharides, ut diximus. Sed in iis
magna quæstio, quoniam ipsæ venena sunt potæ
vesicæ cum cruciatu præcipuo. Cossinum equi-
tem Romanum, amicitia Neronis principis no-
tum, cum is lichene correptus esset, vocatus ex
Ægypto Medicus ob hanc valetudinem ejus à
Cæsare, cum cantharidum potum præparare vo-
luisset, interemit. Verum illitas prodesse non du-
bium est, cum succo taminix uvæ, & sevo ovis
vel capræ. Ipsarum cantharidum venenum in qua
parte sit, non constat inter autores. alii in pedibus
& capite existimant esse, alii negant: convenit ta-
men pennas earum auxiliari, in quacunque par-
te sit venenum. Ipsæ nascuntur ex vermiculo, in
spongia maxime, cynorrhodi quæ fit in caule, sed
fœcundissime in fraxino: cæteræ in alba rosa, mi-
nus efficaces. Potentissimæ inter omnes varix, lu-
teis lineis, quas in pennis transversas habent, mul-
tum pingues: inertiores minutæ, latæ, pilosæ: inu-
tilissimæ vero, unius coloris macræque. Condun-
tur in calice fictili non picato, & linteo colligato,
congestæ rosa matura, & suspenduntur super ace-
tum cum sale fervens, donec per linteolum vapo-
rentur, postea reponuntur. Vis earum adurere
corpus, crustas obducere: eadem pityocampis,
in picea nascentibus, eadem buprestis, similiterque
præparantur. Efficacissimæ omnes ad lepras liche-
nasque: dicuntur & menses ciere & urinam. Ideo
Hippocrates & hydropicis dabat. Cantharides ob-
jectæ sunt Catoni Vticensi, ceu venenum vendi-
disset in auctione regia, quoniam eas sestertiis LX
addixerat.

CAP. V. De fevo struthiocamelino, & cane rabido, & lacerta, & anseribus, & columbis, & mustelis remedia.

Et sebum autem struthiocamelinum tunc venisse sestertiis LXXX obiter dictum sit, efficacioris ad omnia usus, quam est adeps anserinus. Diximus & mellis venenati genera: contra quod utuntur melle, in quo apes sint mortuæ: idem potum in vino, remedium est vitiorum, quæ cibo piscium gignuntur. In canis rabidi morsu tueretur à pavore aquæ capitis canini cinis illitus vulneri (oportet autem comburi omnia eodem modo, ut semel dicamus, in vase fictili novo, argilla circumlito, atque ita in furnum indito.) Idem & in portione proficit: quidam ob id edendum dederunt: aliqui & vermem è cadavere canino adalligavere: menstruare in panno subdidere calici, aut intus ipsius caudæ pilos combustos insuere vulneri. Cor caninum habentem fugiunt canes: non latrant verò, lingua canina in calceamento subdito pollici: aut caudam mustelæ, quæ abscissa dimissa sit, habentes. Est limus salivæ sub lingua rabiosi canis, qui datus in potu, fieri hydrophobos non patitur: multo tamen utilissimè jecur ejus, qui in rabie momorderit, datur, si possit fieri, crudum mandendum: si minus, quoquo modo coctum, aut jus coctis carnibus. Est vermiculus in lingua canum, qui vocatur à Græcis lytra, quo exempto infantibus catulis, nec rabidi fiunt, nec fastidium sentiunt: idem ter igni circumlatus, datur morsis à rabioso, ne rabidi fiant: & cerebello gallinaceo occurritur: sed id devoratum anno tantum eo prodest. Ajunt & cristam contritam efficaciter imponi, & anseris adipem cum melle: saliantur & carnes eorum, qui rabidi fuerunt, ad eadem remedia

media in cibo dandæ. Quin & necantur catuli statim in aqua, ad sexum ejus qui momorderit, ut jecur crudum devoretur ex iis. Prodest & fimum gallinaceum, duntaxat rufum, ex aceto impositum: & muris aranei caudæ cinis, ita ut ipse, cui abscissa sit, vivus dimittatur: glebula ex hirundinum nido illita ex aceto, vel pulli hirundinis combusti: membrana sive senectus anguium, veneratione exuta, cum cancro masculino trita. Nam etiam per se reposita in arcis armariisque, tineas necat: tanta vis mali est, ut urina quoque calcata rabiosi canis noceat, maxime hulus habentibus: remedium est fimum caballinum aspersum aceto, & calfactum in fico impositum. Minus hoc miretur, qui cogitet, lapidem à cane morsum, usque in proverbium discordiæ venisse. Qui in urinam canis suam egresserit, torporem lumborum dicitur sentire. Lacerta, quam hisepa, alii chalcidicen vocant, in vino pota, morsus suos sanat. Veneficiis ex mustela sylvestri factis, contrarium est jus gallinacei veteris largè haustum, peculiariter contra aconitum: addi parum salis oportet. Gallinarum fimum duntaxat candidum, in hyssopo decoctum aut mulso, venena fungorum boletorumq; astringit: item inflationes ac strangulationes: quod miremur, cum, si aliud animal gustaverit id fimum, torminibus & inflationibus afficiatur. Sanguis anserinus contra lepores marinos valet, cum olei æqua portione: item contra mala medicamenta omnia asservatur cum Lemnia rubrica & spinæ albæ succo, pastillorum drachmis quinque, qui in cyathis ternis aquæ bibantur: item mustelæ catulus, ut supra diximus præparatus. Coagulum quoque agninum adversus omnia mala medicamenta pollet: item sanguis anatum Ponticarum: itaque & spif-

& spissatus servatur, vinoque diluitur. Quidam
 foeminae anatis efficaciorē putant. Simili modo
 contra venena omnia, ciconiarum ventriculus
 valet, coagulum pecoris. Caulis jus ex carne arie-
 tum, privatim adversus cantharidas: item lac
 ovium calidum, praterquam iis qui buprestin aut
 aconitum biberint. Columbarum sylvestrium fi-
 num privatim contra argenti vivi potum. Contra
 toxica, mustela vulgaris inveterata, binis drach-
 mis pota.

CAP. VI. *Ad alopecias tollendas, & ad pilos
 reddendos, & ad lendes tollendos, & ad pal-
 pebras, & ad glaucomata, & ad oculos,
 & ad parotidas remedia.*

Alopecias replet fimi pecudum cinis cum oleo
 cyprino & melle: item unguarum muli vel mulæ
 ex oleo myrteo. Præterea (ut Varro noster tra-
 dit) murinum finum, quod item muscerdam ap-
 pellat. Et muscarum capita recentia, prius folio
 ficulneo asperata: alii sanguine muscarum utun-
 tur: alii decem diebus cinerem earum illinunt cum
 cinere chartæ, vel nucum, ita ut sit tertia pars è
 muscis: alii lacte mulierum cum brassica cinerem
 muscarum subigunt: quidam melle tantum. Nul-
 lum animal minus docile existimatur, minorisve
 intellectus: eo mirabilius est, Olympiæ sacro cer-
 tamine, nubes earum immolato tauro Deo, quem
 Myiodem vocant, extra territorium id abire. Alo-
 pecias cinis è murium capitibus caudisque & to-
 tius muris emendat: præcipue si veneficio accide-
 rit hæc injuria. Item herinacei cinis cum melle,
 aut corium combustum cum pice liquida: caput
 quidem ejus ustum per se, etiam cicatricibus pilos
 reddit: alopecias autem in ea curatione præparari
 oportet novacula & sinapi: quidam ex aceto uti
 malue-

maluerunt. Quæ de herinaceis dicuntur, omnia tanto magis valebunt in hystrice. Lacertæ quoque, ut docuimus, combustæ cum radice recentis latundinis, quæ ut una cremari possit, minutim findenda est: ita myrteo oleo permisto cineres capillorum defluvia continent: efficacius virides lacertæ omnia eadem præstant. Etiamnum utilius admisto sale, & adipe ursino, & cæpa tusa: quidam denas virides in decem sextariis olei veteris discoquunt, contenti semel in mense ungere. Pellium viperinarum cinis, alopecias celerrime explet: item gallinarum fimum recens illitum. Corviovum in æreo vase oleo permistum illitumque de-raso capite nigritiam capillis affert: sed donec inarescat, oleum in ore habendum est, ne & dentes simul nigrescant: idque in umbra faciendum, neque ante quatrimum abluendum: alii sanguine & cerebro ejus utuntur cum vino nigro: alii excoquunt ipsum, & nocte concubia in plumbeum vas condunt. Aliqui alopecias cantharide trita illinunt cum pice liquida, nitro præparata cute: caustica vis earum, cavendumq; ne exulcerent atrè: postea ad hulcera ita facta, capita murium, & fel murium, & fimum cum elleboro & pipere illini jubent. Lendes tolluntur adipe canino, vel anguibus in cibo sumptis anguillarum modo, aut vernatione eorum, quam exuunt, pota. Porrigines felle ovillo cum creta Cimolia, illito capite, donec inarescat. Capitis doloribus remedio sunt cochlearum, quæ nudæ inveniuntur nondum peractæ, ablata capita, ex his lapidea duritia exempta (est autem calculi latitudine) quæ alligantur, & minutæ fronti illinuntur tritæ. Item ægyptii ossa è capite aut vulturis adalligata, aut cerebrum, cum oleo cedrino peruncto capite, & intus naribus illitis.

illitis. Cornicis cerebrum coctum, in cibo sumptum, vel noctuæ, idem præstat: gallinaceusque si inclusus abstinence die ac nocte, pari inedia ejus qui doleat, evulsis collo plumis circumligatisque vel cristis: mustelæ cinis illitus: furculus ex nido milvi pulvino subjectus: murina pellis cremata ex aceto illito cinere. Limacis inter duas orbitas inventæ ossiculum per aurem cum ebore trajectum, vel in pellicula canina adalligatum, quod remedium pluribus semperque prodest. Fracto capiti aranei tela ex oleo & aceto imposita, non nisi vulnere sanato, abscedit: hæc & vulneribus tonstrinarum sanguinem sistit: à cerebro verò profluentem, anseris sanguis, aut anatis infusus: adepsque earundem alitum cum rosaceo coctus. Matutino pascentis hirundinis caput præcisum, maxime Luna plena, lineo panno adalligant capitis doloribus licio: aut cera alba fronti illinunt, & pilos caninos panno adalligant. Cerebrum cornicis in cibo sumptum, palpebras gignere dicitur: cespypum cum myrrha calidum penicillo illitum. Idem præstare muscarum, fimique murini cinerem æquis portionibus, ut efficiatur dimidium pondus denarii, promittitur, additis duabus sextis denarii è stibi, ut omnia cespypo illinantur; item murini catuli triti in vino vetere ad crassitudinem acopi. Pilos in his incommodos, evulsos renasci non patitur felherinacei: ovorum stellionis liquor: salamandra cinis: lacertæ viridis vel in vino albo Sole coactum ad crassitudinem mellis in æreo vase: hirundinis pullorum cinis cum lacte tithymali, spumaque cochlearum. Glaucomata dicunt Magi cerebro catuli vñ dierum emendari, specillo demisso in dextram partem, si dexter oculus curetur, in sinistram, si sinister: aut felle recenti asionis: noctua-

noctuarum est id genus maximum, quibus pluma aurium modò micat. Suffusionem oculorum canino felle malebat quam hyænæ curari Apollonius Pitaneus cum melle : item albugines oculorum. Murium capitum caudarumque cinere ex melle inunctis, claritatem visus restitui dicunt : multoque magis gliris aut muris sylvestris cinere, aut aquilæ cerebro vel felle. Cum Attico melle cinis & adeps foricis combusti tritus, lacrymosis oculis plurimum confert : & stibi, quod quid sit dicemus in metallis. Mustelæ cinis suffusionibus : item lacertæ hirundinisve cerebrum : quæ etiam tritæ coctæve fronti illitæ, epiphoras sedant, siue per se, siue cum polline, siue thure : sic & solatis profunt. Vivas quoque cremare, & cinere earum cum melle Cretico inungi caligines, utilissimum est. Lumentorum oculis membrana aspidis, quam exuerit, cum adipe ejusdem claritatem inunctis facit. Viperam vivam in fictili novo comburere, addito scæniculi succo ad cyathum unum, & thuris⁹ manna una, atque ita suffusiones oculorum & caligines inungere utilissimum est : medicamentum id echion vocatur. Fit & collyrium è vipera, in olla putrefacta, vermiculisque enatis cum croco tritis : exuritur in olla cum sale, quem lingendo claritatem oculorum consequuntur, & stomachi totiusque corporibus tempestivitates : hic sal & pecori datur salubritatis causa, & in antidotum contra serpentes additur. Quidam & viperis utuntur in cibis : primum omnium occisæ statim salem in os addi jubent, donec lique scat humor, quatuor digitorum mensura utrinque præcisa, exemptisque interaneis discoquunt in aqua, aut oleo, sale, anetho, & omnibus aut statim vescuntur, aut pane colligunt ut sæpius utantur jus, præter supra dicta, pedi-

pediculos è toto corpote expellit, pruritusq; etiam
 fummx cutis. Effectum ostendit & per se capitis
 viperini cinis: utilissime oculos inungunt: item-
 que adeps viperinus. De felle non audacter suas-
 rim quæ præcipiunt, quoniam (ut suo loco docui-
 mus) non aliud est serpentium venenum. An-
 guium adeps ærugini mistus, ruptas oculorum
 partes sanat, & membrana siue senectus vernatio-
 ne eorum exuta, si adfricetur, claritatem facit.
 Ululæ quoque fel prædicatur ad albugines, suffu-
 siones, caligines: adeps similiter ad claritatem.
 Aquilæ, quam diximus pullos ad contuendum So-
 lem experiri, misto felle cum melle Attico inun-
 guntur nubeculæ & caligationes suffusionesque
 oculorum: eadem vis & in vulturino felle est cum
 porri succo, & melle exiguo: item in gallinacei
 felle alligato ad argema, & ad albugines ex aqua
 diluto: item ad suffusiones oculorum, maxime
 candidi gallinacei. Fimum quoque gallinaceorum,
 duntaxat rubrum lusciosis illiniendum monstrant.
 Laudant & gallinæ fel, sed præcipue adipem, con-
 tra pustulas in pupillis: has scilicet ejus rei gratia
 saginant: adjuvat mirifice & ruptas oculorum
 tuniculas admistis schisto & hæmatite lapidibus.
 Fimum quoque earum, duntaxat candidum, in
 oleo vetere corneisque pyxidibus adservant, ad
 pupillarum albugines. Qua in mentione signifi-
 candum est, pavones fimum suum resorbere tra-
 di, invidentes hominum utilitatibus. Accipiter
 decoctus in rosaceo efficacissimus ad inunctiones
 omnium vitiorum putatur: item fimi ejus cinis
 cum Attico melle. Laudatur & milvi jecur. Fi-
 mum columbarum ex aceto ad agilopas: similiter
 ad albugines & cicatrices. Fel anserinum, sanguis
 anatum, contusis oculis, ita ut postea ¹⁰ hyssopo
 & melle

& melle inungantur. Fel perdicum cum mellis æquo pondere, per se vero ad claritatem; dorcados Hippocratis (ut putant) autoritate, adjicitur, quod in argentea pyxide adservari jubent. Ova perdicum in vase æreo decocta cum melle, hulceribus oculorum & glaucomatis medentur. Columbarum, turturum, palumbium, perdicum sanguis, oculis cruore suffusis eximie prodest: in columbis masculæ efficaciorum putant: vena autem sub ala ad hunc usum inciditur, quoniam suo calore utilior est. Superimponi oportet splenium è melle decoctum, lanamque succidam ex oleo aut vino. Earundem avium sanguis nyctalopas sanat: & jecur ovium: atque (ut in capris diximus) efficacius fulvæ: decocto quoque ejus oculos abluere suadent: & medulla dolores tumoresque illinunt. Bubonis oculorum cinis collyrio mistus claritatem oculis facere promittitur. Turturis fimum albugines extenuat: item cochlearum cinis: fimum cenchridis; accipitrum generis hanc Græci faciunt. Argema ex melle omnibus, quæ supra scripta sunt, sanatur: mel utilissimum oculis, in quo sunt apes immortalæ. Ciconiæ pullum qui ederit, negatur annis continuis lippiturus: item qui draconis caput habeat: hujus adipe & melle cum oleo vetere, incipientes caligines discuti tradunt. Hirundinum pullos plena Luna excæcant, restitutaque eorum acie capita comburuntur: hoc cinere cum melle utuntur ad claritatem & dolores, ac lippitudines & ictus. Lacertas quoque pluribus modis ad oculorum remedia assumunt: alii viridem includunt novo fictili: ac lapillos, qui vocantur cinædia, quæ & inguinum tumoribus adalligari solent, novem singulos signis signantes, & singulos detrahunt per dies: nono emittunt lacertam: lapillos servant ad

oculorum dolores. Alii terram substernunt lacertæ viridi excæcata, & una in vitreo vase annulos includunt è ferro solido vel auro: cum recepisse visum lacertam apparuerit per vitrum, emissâ ea, annulis contra lippitudinem utuntur: alii capitis cinere pro stibio ad scabritias. Quidam viridem longo collo in sabulosis nascentem comburunt, & incipientem epiphoram inungunt: item glaucomata. Mustelæ etiam oculis punctu erutis, ajunt visum reverti: eademque quæ in lacertis & annulis faciunt. Serpentis oculum dextrum adalligatum contra epiphoras prodesse, si serpens viva dimittatur. Lachrymantibus sine fine oculis, cinis stellionis capitis cum stibio eximie medetur. Aranei muscarii telæ, & præcipue spelunca ipsa imposita per frontem ad duo tempora, ita ut à puero impube & capiatur & imponatur, nec is triduo se ostendat ei cui medeatur, neve alteruter nudis pedibus terram attingat his diebus, mirabiliter epiphoris mederi dicuntur. Albugines quoque dicitur tollere inunctione araneus candidus, longissimis ac tenuissimis pedibus, contritus in oleo vetere: sed is etiam cui crassissimum textum est, in contignationibus ferè, adalligatus panno epiphoras sanare traditur. Scarabæi viridis natura contuentium visum exacuit: itaque gemmarum sculptores contuitu eorum acquiescunt. Aures purgat fel pecudis cum melle: canini lactis instillatio sedat dolorem: gravitatem adeps cum absinthio & oleo vetere, item adeps anserinus: quidam adiiciunt succum cæpæ & allii pari modo. Utuntur & per se ovis formicarum: nanque & huic animali est medicina: constatque urfos ægros hoc cibo sanari. Anserum quoque & omnium avium adeps præparatur, exemptisque venis omnibus patina
novo

novo fictili operta in Sole, subdita aqua ferventi liquatur: siccatusque lineis saccis, & in fictili novo repositus loco frigido, minus putrescit addito melle. Murium cinis cum melle instillatus, aut cum rosaceo decoctus, aurium dolores sedat. Si aliquod animal intraverit, præcipuum remedium est murium fel aceto dilutum. Si aqua intraverit, adeps anserinus cum capræ succo. Gliris detracta pelle, intestinis exemptis discouquitur melle in vase novo: sed Medici malunt è nardo decoqui usque ad tertias, atque ita asservari, deinde cum opus sit, strigili tepesacta infundere. Constat deplorata aurium vitia eo remedio sanari: & si terreni vermes adipe anseris decocti infundantur. Item ex arboribus rubri cum oleo tritici exhulceratis & ruptis auribus præclare medentur. Lacerti inveterati in os pendentium addito sale contusi & ab ictu læsas aures sanant: efficacissime autem ferrugineas maculas habentes, lineis etiam per caudam distincti. Millepeda, ab aliis centipeda aut multipeda dicta, animal est è vermibus terræ pilosum, multis pedibus arcuatim repens, tactuque contrahens se: oniscus Græci vocant, alii tylon: efficaciter sanat aurium dolores, cum cortice Punici mali decoctum & porri succo: addunt & rosaceum, & in alteram aurem infundunt. Illam autem quæ non arcuatur, sepa Græci vocant, alii scolopendram, minorem perniciosamque. Cochleæ, quæ sunt in usu cibi, cum myrrha aut thuris polline appositæ, item minutæ & latæ fracturis aurium illinuntur cum melle. Seneclæ serpentium fervente testa usta instillatur rosaceo admisto, contra omnia quidem vitia efficax, sed contra graveolentiam præcipue: aut si purulentæ sunt, ex aceto: melius cum felle caprino,

vel bubulo, aut testudinis marinæ. Vetusior anno eadem membrana non prodest, nec imbre perfusa, ut aliqui putant. Item aranei sanies cum rosaceo, aut per se in lana, vel cum croco, auribus prodest: gryllus cum sua terra effossus & illitus. Magnam autoritatem huic animali perhibet Nigidius, majorem Magi, quoniam retro ambulet, terramque terebret, stridat noctibus. Venantur eum formica circumligato capillo in cavernam ejus coniecta, efflato prius pulvere ne sese condar: ita formicæ complexu extrahitur. Ventris gallinaceorum membrana quæ abjici solet, inveterata & in vino trita, auribus purulentis calida infunditur, gallinarum quoq; adeps. Est & quædam pinguitudo blattæ, si caput avellatur: hanc tritam una cum rosaceo auribus mirè prodesse dicunt, sed lanam, qua incluserint, post paulum extrahendam: celerime enim id pingue transire in animal, fierique vermiculum. Alii binas ternasve in oleo decoctas efficacissime auribus mederi scribunt, & tritas in linteolo imponi contusis. Hoc quoque animal inter pudenda est: sed propter admirationem naturæ, priscorumque curæ, totum in hoc loco explicandum. Plura earum genera fecerunt: molles, quas in oleo decoctas, verrucis efficaciter illini experti sunt: alterum genus Mylæcon appellavere, circa molas ferè nascens: has capite detracto attritas, lepras sanasse, Musa & Picton in exemplis reliquerunt: tertium genus & odoris tædio invisum, exacuta clune, cum pisselæo sanare hulnera alias insanabilia: strumas, panos, diebus xxi impositas, percussa, contusa, cacoethe, scabiem furunculosque, detractis pedibus & pennis. Nos hæc etiam audita fastidimus: at hercule Diodorus & in morbo regio, & orthopnoicis se id dedisse tradit

dit cum resina & melle: tantum potestatis habet
 ea ars pro medicamento dandi quicquid velit. Hu-
 manissimi eorum cinerem crematarum servan-
 dum ad hos usus in cornea pyxide censuere, aut
 tritas clysteribus infundendas orthopnoicis aut
 rheumaticis. Infixa utique corpori illitas extra-
 here constat. Mel utilissimum auribus quoque est,
 in quo apes emortuæ sunt. Parotidas comprimit
 columbinum stercus vel per se, vel cum farina
 hordeacea aut avenacea. Nocturnæque cerebrum
 vel jecur cum oleo infusum auriculæ aut parotidi:
 multipeda cum resinæ tertia parte illita: grylli sive
 illiti, sive adalligati. At reliqua morborum genera
 medicinasque ex iisdem animalibus, aut ejusdem
 generis, sequenti dicemus volumine.

LIBER XXX.

Proœmium.

CAP. I. *De origine Magica artis, quando,
 & à quibus cœperit, & à quibus cele-
 brata fuerit, & reliqua ex anima-
 libus medicina.*

MAGICAS vanitates sæpius quidem an-
 tecedente operis parte, ubicunque causæ
 locusque poscebant, coarguimus, dete-
 gemusque etiamnum: in paucis tamen
 digna res est, de qua plura dicantur, vel eo ipso,
 quod fraudulentissima artium plurimum in toto
 terrarum orbe, plurimisque seculis valuit. Auto-
 ritatem ei maximam fuisse nemo miretur, quan-
 doquidem sola artium tres alias imperiosissimas
 humanæ menti complexa in unam se redegit. Na-
 tam primum è Medicina nemo dubitat, ac specie
 salutari

salutari irrepsisse velut altiore sanctioremque, quam Medicinam: ita blandissimis desideratissimisque promissis addidisse vires religionis, ad quas maxime etiamnum caligat humanum genus. Atque ut hoc quoque ^x suggesserit miscuisse artes Mathematicas, nullo non avido futura de sese sciendi, atque ea è cælo verissime peti credente. Ita possessis hominum sensibus triplici vinculo, in tantum fastigii adolevit, ut hodieque etiam in magna parte gentium prævaleat, & in Oriente regum, regibus imperet. Sine dubio illic orta in Perside a Zoroastre, ut inter autores convenit: sed unus hic fuerit, an postea & alius, non satis constat. Eudoxus, qui inter sapientiæ sectas clarissimam, utilissimamq; eam intelligi voluit, Zoroastrem hunc sex millibus annorum ante Platonis mortem fuisse prodidit: sic & Aristoteles. Hermippus qui de tota ea arte diligentissime scripsit, & vicies centum millia versuum à Zoroastre condita, indicibus quoque voluminum ejus positis explanavit, præceptorem, à quo institutum diceret, tradidit Azonacem, ipsum verò v millibus annorum ante Trojanum bellum fuisse. Mirum hoc in primis, durasse memoriam artemq; tam longo ævo, commentariis non intercidentibus, præterea nec claris nec continuis successionebus custoditam. Quotus enim quisque auditu saltem cognitos habet, qui soli cognominantur, Apuscorum & Zaratum Medos, Babyloniumque Marmaridum, & Arabem Hippocum, Assyrium verò Zarmocenidam, quorum nulla extant monumenta. Maxime tamen mirum est, in bello Trojano tantum de arte ea silentium fuisse Homero, tantumque operis ex eadem in Vlixis erroribus, adeo ut totum opus non aliunde constet: siquidem Protea & Sirenium cantus

cantus apud eum non aliter intelligi volunt: Circe utique & inferorum evocatione hoc solum agi. Nec postea quisquam dixit, quonam modo venisset Telmessum religiosissimam urbem, quando transisset ad Thessalas urbes, quarum cognomen diu obtinuit in nostro orbe alienæ gentis. Trojanis itaque temporibus Chironis medicinis contenta, & solo Marte fulminante, miror equidem Achillis populis famam ejus in tantum adhæsisse, ut Menander quoq; literarum subtilitate sine æmulo genitus, Thessalam cognominarit fabulam, complexam ambages fœminarum detrahentium Lunam. Orpheæ putarem è propinquo primum intulisse, ad vicinas usque superstitiones ac Medicinæ profectum, si non expers sedes ejus, tota Thrace, Magices fuisset. Primus extat (ut equidem invenio) commentatus de ea Osthanes: Xerxem regem Persarum bello, quod is Græciæ intulit, commitatus: ac velut semina artis portentosa sparsisse, obiter infecto, quacunque commeaverat, mundo. Diligentiores paulo ante hunc ponunt Zoroastrem alium Proconnesium: quod certum est, hic maxime Osthanes ad rabiem, non aviditatem modo scienciæ ejus, Græcorum populos egit. Quamquam animadverto summam literarum claritatem gloriamque ex ea sciencia antiquitus & pene semper petitam: certe Pythagoras, Empedocles, Democritus, Plato ad hanc discendam navigare, exiliis verius, quam peregrinationibus, susceptis: hanc reversi prædicare: hanc in arcanis habere. Democritus Apollonicem Captidenem & Dardanum è Phœnice illustravit, voluminibus Dardani in sepulcrum ejus petitis, suis vero ex disciplina eorum editis: quæ recepta ab aliis, hominum atque transiisse per memoriam, æque, ac nihil in

vita, mirandum est. In tantum fides istis fasque omne deest, adeo, ut ii qui cætera in viro illo probant, hæc ejus esse opera inficiantur: sed frustra: hunc enim maxime affixisse animis eam dulcedinem constat. Plenumque miraculi & hoc, pariter utrasque artes effloruisse, Medicinam dico, Magicenque, eadem ætate illam Hippocrate, hanc Democrito illustrantibus, circa Peloponnesiacum Græciæ bellum, quod gestum est à ccc urbis nostræ anno. Est & alia Magicis factio, à Mose & Iamne & Iotape Iudæis pendens, sed multis millibus annorum post Zoroastrem. Tanto recentior est Cypria. Non levem & Alexandri Magni temporibus auctoritatem addidit professioni secundus Osthanes, comitatu ejus exornatus, planeque, quod nemo dubitet, orbem terrarum peragravit. Extant itaque & apud Italas gentes vestigia ejus in duodecim tabulis nostris, aliisque argumentis, quæ priori volumine exposui. D C LVII demum anno urbis, Cn. Cornelio Lentulo, P. Licinio Crasso Coss. Senatusconsultum factum est, ne homo immolaretur: palamque in tempus illud sacra prodigiosa celebrata. Gallias utique possedit, & quidem ad nostram memoriam: namque Tiberii Cæsaris principatus sustulit Druidas eorum, & hoc genus vatium medicorumque. Sed quid ego hæc commemorem in arte Oceanum quoque transgressa, & ad naturæ inane pervecta? Britannia hodieque eam attonite celebrat tantis ceremoniis, ut dedisse Persis videri possit. Adeo ista toto mundo consensere, quanquam discordi & sibi ignoto. Non satis æstimari potest, quantum Romanis debeatur, qui sustulere monstra, in quibus hominem occidere religiosissimum erat, mandi vero etiam saluberrimum.

CAP. II. De speciebus Magia, Neronisque
& magorum detestatio.

Vt narravit Osthanes, species ejus plures sunt. Nanque & ex aqua, & ex sphaeris, & ex aëre, & stellis, & lucernis, ac pelvibus, securibusque, & multis aliis modis divina promittit: præterea umbrarum, inferorumque colloquia: quæ omnia ætate nostra princeps Nero vana falsaque comperit: quippe non citharæ tragicique cantus libido illi major fuit, fortuna rerum humanarum summa gestiente in profundis animi vitiis. Primumque imperare Diis concupivit, nec quicquam generosius voluit: nemo unquam ulli artium validius favit. Ad hæc, non opes ei defuere, non vires, non discendi ingenium aliaque non patiente mundo. Immensum & indubitatum exemplum est falsæ artis, quam dereliquit Nero: utinamque inferos potius & quoscunque de suspicionibus suis Deos consulisset, quam lupanaribus atque prostitutis mandasset inquisitiones eas: nulla profecto sacra, barbari licet ferique ritus, non mitiora, quam cogitationes ejus, fuissent: sæpius sic nos replevit umbris. Sunt quædam Magis perfugia, veluti lentinem habentibus non obsequi numina, ut cerni non possint: forte hoc in illo: nihil membris defuit: nam dies eligere certos liberum erat: pecudes vero, quibus non nisi ater color esset, facile, nam hominem immolare etiam gratissimum. Magus ad eum Tyridates venerat, Armeniacum de se triumphum afferens, & ideo provinciis gravis: navigare noluerat, quoniam expuere in maria, aliisque mortalium necessitatibus violare naturam eam fas non putant. Magos secum adduxerat: magicis etiam cœnis eum initiaverat: non tamen cum regnum ei daret, hanc ab eo accipere artem valuit.

Proinde ita persuasum sit, intestabilem, irritam, inanem esse, habentem tamen quasdam veritates umbras, sed in his veneficas artes pollere, non Magicas. Quærat aliquis, quæ sint mentiti veteres Magi, cum adolescentibus nobis visus Apion Grammaticæ artis, prodiderit cynocephaliæ herbam, quæ in Ægypto vocaretur osyrites, divinam, & contra omnia veneficia: sed si erueretur, statim eum qui eruisset, mori: seque evocasse umbras ad percontandum Homerum, qua patria quibusque parentibus genitus esset, non tamen ausus profiteri, quid sibi respondisse diceret.

CAP. III. *De Talpis, & reliqua medicina per morbos digesta in animalibus, quorum genera placida sunt, aut fera.*

Peculiare vanitatis sit argumentum, quod animalium cunctorum talpas maxime mirantur, tot modis à rerum natura damnatas, cæcitate perpetua, tenebris etiamnum aliis defossa, sepultisque similes. Nullis æque credunt extis: nullum religionis capacius judicant animal: ut si quis cor ejus recens palpitansque devorarit, divinationis & rerum efficiendarum eventus promittant. Dente talpæ vivæ exempto, sanari dentium dolores adaligato affirmant: cætero ex eo animali placita eorum, suis reddemus locis. Nec quicquam probabilius invenietur, quam muris aranei morsibus adversari eas, quoniam & terra orbitis (ut diximus) depressa adversatur. Cæterum dentium doloribus (ut iidem narrant) medetur canum qui rabie perierunt, capitum cinis crematorum sine carnibus, instillatus ex oleo cyprino per aurem, cujus è parte doleant. Caninus dens sinister maximus, circumscarificato eo qui doleat: aut draconis os è spina: item enhydridis. Est autem serpens mascu-

masculus & albus : hujus maximo dente circun-
scarificant. At in superiorum dolore duos superio-
res adalligant , è diverso inferiores . Hujus adipe
perunguntur , qui crocodillum captant. Dentes
scarificant & ossibus lacertæ è fronte Luna plena
exemptis, ita ne terram attingant. Colluunt cani-
nis dentibus decoctis in vino ad dimidias partes.
Cinis eorum pueros tardè dentientes adjuvat cum
melle : fit eodem modo & dentifricium . Cavis
dentibus cinis è murino fimo inditur , vel jecur
lacertarum aridum. Anguinum cor si mordeatur,
aut alligetur, efficax habetur . Sunt inter eos, qui
murem bis in mense jubeant mandi, doloresq; ita
caveri . Vermes terreni decocti in oleo, infusique
auriculæ, cujus è parte doleant, præstant levamen-
tum : eorundem cinis exesis dentibus conjectus ,
ex facili cadere eos cogit : integros dolentes illitus
juvat: comburi autem oportet in testa. Profunt &
cum mori radice in aceto scilite decocti, ita ut
colluantur dentes. Is quoque vermiculus, qui in
herba Veneris labrum appellata invenitur, cavis
dentium inditus mirè prodest : nam erucæ brassi-
cæ, ejus contactu cadunt . Et è malva cimices in-
funduntur auribus cum rosaceo. Harenulæ, quæ
inveniuntur in cornibus cochlearum, cavis den-
tium inditæ statim liberant dolore. Cochlearum
inanium cinis cum myrrha gingivis prodest, ser-
pentis cum sale in olla exustæ cinis, cum rosaceo
in contrariam aurem infusus. Anguinæ vernation-
is membrana cum oleo tedæque resina calefacta,
& auri alterutri infusa : adjiciunt aliqui thus &
rosaceum ; eadem cavis indita , ut sine molestia
cadant, præstat. Vanum arbitror esse , Canis ortu
angues candidos membranam exuere , quoniam
nec in Italia visum est, multoque minus credibile
in

in tepidis regionibus tam sero exui : hanc autem vel inveteratam cum cera celerrime dentes evellere tradunt. Et dens anguium adalligatus, dolores minuit. Sunt qui & araneum animal ipsum sinistra manu caprum tritumque in rosaceo, & in aurem infusum, cuius à parte doleat, prodesse arbitrentur. Officulis gallinarum in pariete servatis, fistula salva, adacto dente vel gingiva scarificata, projectoque officulo, statim dolorem abire tradunt. Item fimo corvi lana adalligato, vel passerum cum oleo calefacto, & proximæ auriculæ infuso, pruritum quidem intolerabilem facit : & ideo tolerabilius est passeris pullorum sarmentis crematorum cinerem ex aceto infricare.

CAP. IV. *Quomodo commendetur os, & contra maculas faciei, & ad faucium vitia.*

Oris saporem commendari affirmant, murino cinere cum melle si fricentur dentes : admiscunt quidam marathri radices. Penna vulturis si scalpantur dentes, acidum halitum faciunt : hoc idem hystricis spina fecisse, ad firmitatem pertinet. Linguae hucera & labrorum, hirundines in mulso decoctæ sanant : adeps anseris aut gallinæ rimas : Oesypum cum galla, araneorum telæ candidæ, & quæ in trabibus parvæ texuntur. Si ferventia os intus exusserint, lacte canino statim sanabitur. Maculas in facie, œsypum cum melle Corsico, quod asperrimum habetur, extenuat : item scobem cutis in facie cum rosaceo impositum velle, quidam & butyrum addunt. Si verò vitiliginis sint, fel caninum, prius acu compunctas. Liventia & suggillata pulmones arietum pecudumque in tenues confecti membranas calidi impositi, vel columbinum fimum. Cutem in facie adeps anseris, vel gallinæ custodit. Lichenas & murino fimo

fimo ex aceto illinunt, & cinere herinacei ex oleo:
in hac curatione prius nitro ex aceto faciem fo-
veri præcipiunt. Tollit ex facie vitia & cochlea-
rum, quæ latæ & minutæ passim inveniuntur,
cum melle cinis. Omnium quidem cochlearum
cinis spissat, calfacit smectica vi: & ideo causti-
cis commiscetur, psorisque & lepris & lentigi-
ni illinitur. Invenio & formicas Herculaneas ap-
pellatas, quibus tritis adjecto sale exiguo, talia vitia
sanentur. Buprestis animal est rarum in Italia, si-
millimum scarabæo longipedi: fallit inter herbas
bovem maxime, unde & nomen invenit: devo-
ratumque tacto felle ita inflammat, ut rumpat:
hæc cum hircino sevo illita lichenas ex facie tollit
septica vi, ut supra dictum est. Vulturinus sanguis
cum chamæleontis albæ (quam herbam esse dixi-
mus) radice & cedria tritus, contactusque brassica
lepras sanat: item pedes locustarum cum sevo hir-
cino triti. Varos adeps gallinaceus cum capra tri-
tus & subactus. Vtilissimum & in facie mel, in quo
apes sint immortuæ. Præcipue tamen faciem pur-
gat atque erugat cygni adeps. Stigmata delentur
columbino fimo ex aceto. Gravedinem invenio
finiri, si quis nares² murinas osculetur. Vva &
faucium dolor mitigatur fimo agnorum, prius-
quam herbam gustaverint, in umbra arefacto:
Vva succo cochleæ acu transfossæ illita, ut cochlea
ipsa in fumo suspendatur: Hirundinum cinere
cum melle: sic & tonsillis succurritur. Tonsillas &
fauces lactis ovilli gargarizatio adjuvat: multipeda
trita, fimum columbinum cum passo gargariza-
tum, etiam cum fico arido ac nitro impositum
extra. Asperitatem faucium & distillationes le-
niunt cochleæ; coqui debent in lacte, demptoque
tantum terreno conteri, & in passo dari potui: sunt
qui

qui Astypalæicas efficacissime putant, & in iis smegma earum. Lenit & gryllus infricatus: aut si quis manibus, quibus eum contriverit, tonsillas attingat. Anginis felle anserino cum elaterio & melle citissime succurritur: cerebro noctuæ, cinere hirundinis, ex aqua calida potio: hujus medicinae autor est Ovidius poeta. Sed efficaciores ad omnia quæ ex hirundinibus monstrantur, pulli sylvestrium: figura nidorû eas deprehendit. Multo tamen efficacissimi ripariarum pulli: ita vocant in riparum cavis nidificantes. Sunt qui cujuscunque hirundinis pullum edendum censent, ne toto anno metuatur id malum: strangulatos cum sanguine comburunt in vase, & cinerem cum pane aut potu dant: quidam & mustelæ cineres pari modo admiscent: sic & ad strumæ remedia dant, & comitialibus quotidie potu. In sale quoque servatæ hirundines ad anginam una drachma bibuntur: cui malo & nidus earum mederi dicitur potus. Millepedam illini anginis, efficacissimum putant: alii xxi tritas in aquæ mulsæ hemina dari per harundinem, quoniam dentibus tactis nihil prosint. Tradunt & murem cum verbenaca excoctum, si bibatur is liquor, remedio esse: & corrigiam caninam ter collo circumdatam: fimum columbinum vino & oleo permistum. Cervicis & opisthotono ex milvi nido surculus vitis adalligatus auxiliari dicitur.

CAP. V. *Ad strumas exulceratas, ad humerorum & praeordiorum dolores.*

Strumis exulceratis mustelæ sanguis: ipsa decocta in vino: non tamen sectis admovetur: ajunt & in cibo sumptam idem efficere: vel cineri ejus sarmentis combustæ miscetur axungia. Lacertus viridis adalligatur: post dies xxx oportet alium adalli-

adalligari: quidam cor ejus in argenteo vasculo servant. Ad fœminarum strumas veteres cochleæ cum testa sua tussæ illinuntur, maxime quæ fructibus adhærent: item cinis aspidum cum sevo taurino imponitur: anguinus adeps mistus oleo: item anguium cinis ex oleo illitus, vel cum cera. Edisse quoque eos medios abscisus utrinque extremis artubus adversus strumas prodest: vel cinerem bibisse in novo fictili ita crematorum: efficacius multo inter duas orbitas occisorum. Et gryllum illinire cum sua terra effossum suadent: item simum columbarum per se, vel cum farina hordeacea avenaceave ex aceto. Talpæ cinerem ex melle illinire: alii jecur ejusdem contritum inter manus illinunt, & triduo non abluunt: dextrum quoque pedem ejus remedio esse strumis affirmant. Alii præcidunt caput, & cum terra à talpis excitata tufum digerunt in pastillos conduntque pyxide stannea, & utuntur ad omnia quæ intumescunt, & quæ apostemata vocant, quæque in cervice sunt: vescique suilla tunc vetant. Tauri vocantur scarabæi terrestres, ricino similes: nomen cornicula dedere: alii pediculos terræ vocant. Ab his quoque terram egestam illinunt strumis & similibus vitiis & podagris: triduo non abluunt: prodestque hæc medicina in annum: omniaque his adscribunt, quæ nos in gryllis retulimus. Quidam & à formicis terra egesta sic utuntur: alii vermes terrenos totidem, quot sint strumæ, adalligant, pariterque cum his arescunt. Alii viperam circa canis ortum circuncidunt, ut diximus, dein mediam comburunt, dein cinerem eum dant bibendum ter septenis diebus, quantum præhenditur ternis digitis: sic strumis medentur. Aliqui verò circunligant eas lino, quo præligata infra caput vipera pependerit,

derit, donec exanimaretur. Et millepedis utuntur, addita resinæ terebinthinæ parte quarta: quo medicamento omnia apostemata curari jubent. Humeri doloribus mustelæ cinis cum cera medetur. Ne sint malæ hirsutæ, formicarum ova pueris infricata præstant: item mangonibus, ut lanugo tardior sit pubescentium, sanguis è testiculis agnorum, qui castrantur: qui evulsis pilis illitus & contra virus proficit. Præcordia vocamus uno nomine exta in homine, quorum in dolore cujuscunque partis si catulus lactens admoveatur, apprimaturque his partibus, transire in eum morbus dicitur: idque in exenterato ³ profusoque vino deprehendi, vitiato viscere illo quod doluerit hominis: & obrui tales religio est. Hi quoque, quos Melitæos vocamus, stomachi dolorem sedant applicati sæpius: transireque morbos ægritudine eorum intelligitur, plerumque & morte.

CAP. VI. *De pulmonum vitiis, jecoris, & sanguinis rejectionibus.*

Pulmonum vitiis medentur & mures, maxime Africani, detracta cute in oleo & sale decocti, atque in cibo sumpti: eadem res & purulentis vel cruentis excreationibus medetur. Præcipue verò cochlearum cibus stomacho: in aqua eas subfervesci intacto corpore earum oportet, mox & in pruna torreri, nihilo addito: atque ita è vino garoque sumi, præcipue Africanas: nuper hoc compertum plurimis prodesse. Id quoque observant, ut numero impari sumant: virus tamen earum gravitatem halitus facit. Profunt & sanguinem excreantibus, dempta testa tritæ in aquæ potu. Laudatissimæ autem sunt Africanæ, ex his Solitanæ: Astopalæicæ, Siculæ modicæ, quoniam magnitudo duras facit & sine succo: Balearicæ, quas cavaticas vocant,

cant, quoniam in speluncis nascuntur: laudatæ & ex insulis Caprearum. Nullæ autem cibis gratæ, neque veteres, neque recentes. Fluvitiales & albæ virus habent: necnon sylvestres, stomacho inutiles, alvum solvunt: item omnes minutæ. Contra marinæ stomacho utiliores: efficacissimæ tamen in dolore stomachi: laudatiores traduntur quæcunque vivæ cum aceto devorata. Præterea sunt quæ acerata vocantur, latæ, multifariamque nascentes, de quarum usu suis dicemus locis. Gallinaceorum ventris membrana inveterata & inspersa potioni, distillationes pectoris & humidam tussim, vel recens tosta lenit. Cochleæ crudæ tritæ cum aquæ tepidæ cyathis tribus si sorbeantur, tussim sedant. Distillationes sedat & canina cutis cuilibet digito circumdata. Iure perdicum stomachus recreatur. Iocinorû doloribus medetur mustela sylvestris in cibo sumpta, vel jocinora ejus: item viverra porcelli modo inassata. Suspiriosis multipedæ, ita ut ter septene in Attico melle diluantur, & per harundinem bibantur: omne enim vas earum nigrescit contactu. Quidâ torrent ex his sextarium in patina, donec candidæ fiant: tunc melle miscent: alii centipedam vocant, & ex aqua calida dari jubent. Cochleæ in cibos his quos linquit animus, aut quorum alienatur mens, aut quibus vertigines fiunt, ex passi cyathis tribus singulæ contritæ cum sua testa & calefactæ, in potu datæ, diebus plurimum novem. Aliqui singulas primo die dedere, sequenti binas, tertio ternas, quarto duas, quinto unam: sic & suspiria emendant & vomicas. Est animal locustæ simile sine pennis, quod Eryxalis Græce vocatur: latinum nomen non habet, ut aliqui arbitrantur: nec pauciores hoc esse quod gryllus vocetur: ex his xx torreri jubet, ac bibi è mulsio
contra

contra orthopnoëas sanguinemq; expuentibus. Est qui cochleis illotis protropum infundat, vel marinam aquam, ita decoquat, & in cibo sumat: aut si tritæ cum testis suis sumantur cum protropo, sic & tussi medentur. Vomicas privatim sanat mel in quo apes sint emortuæ. Sanguinem rejicientibus pulmo vulturinus virigineis lignis combustus, adjecto flore mali Punici ex parte dimidia, item cotoneorum liliorumque iisdem portionibus potus manè atque vesperi in vino, si febris absit: si minus, ex aqua in qua cotonea decocta sunt. Pecudis lien recens Magicis præceptis super dolentem lienem extenditur, dicente eo qui medeatur, lieni se remedium facere: post hæc jubent eum in pariete dormitorii ejus tectove includi, & obsignari annulo, terque novies carmen dici. Caninus si viventi eximatur, & in cibo sumatur, liberat eo vitio: quidam recentem superalligant: alii duorum dierum catuli ex aceto scillitico dant ignoranti, vel herinacei lienem: item coclearum cinerem cum semine lini & urticæ addito melle, donec persanet. Eo liberat & lacerta viridis, viva in olla ante cubiculum dormitorium ejus, cui medetur, suspensa, ut egrediens revertensque attingat manu: cinis è capite bubonis cum unguento: mel in quo apes sint emortuæ: araneus, & maxime qui lycos vocatur. Vpupæ cor in lateris doloribus laudatur, & coclearum cinis in prisana decoctarum, quæ & per se illinuntur. Canis rabiosi calvariæ cinis potioni inspergitur. Lumborum dolori stellio transmarinus, capite ablato & intestinis, decoctus in vino cum papaveris nigri denarii pondere dimidio, eo succo bibitur. Lacertæ virides decisis pedibus & capite, in cibo sumuntur. Cochleæ tres contritæ cum testis suis, atque in vino decoctæ

cum

cum piperis granis xv. Aquilæ pedes evellunt in adversum à suffragine, ita ut dexter dexteræ partis doloribus adalligetur, sinister lævæ. Multipeda quoque, quam onifcon appellavimus, medetur denarii pondere ex vino cyathis duobus pota. Vermem terrenum catillo ligneo ante fisso & ferro vincto impositum, aqua excepta perfundere, & defodere, unde effoderis, Magi jubent, mox aquam bibere catillo, mirè id prodesse ischiadicis affirmantes.

CAP. VII. *Ad dysentericos, & ventris mala, remedia.*

Dysentericos recreant femina pecudum decocta cum lini semine aqua pota: caseus ovillus vetus, sebum ovium decoctum in vino austero: hoc & ileo medetur, & tussi veteri. Dysentericis stellio transmarinus ablatis intestinis & capite, pedibusque ac cute, decoctusque & in cibo sumptus. Cochleæ duæ cum ovo, utraque cum putamine contrita, atque in vase novo addito sale & passi cyathis duobus, aut palmarum succo & aquæ cyathis tribus subservefactis & in potu datis. Pro sunt & combustæ, ut cinis earum bibatur in vino addito resinæ momento. Cochleæ nudæ, de quibus diximus, in Africa maxime inveniuntur, utilissimæ dysentericis, quinæ combustæ cum denarii pondere dimidii acaciæ: exque eo cinere dantur cochlearia bina in vino myrtite, aut quolibet austero cum pari modo caldæ: quidam omnibus Africanis ita utuntur: alii totidem Africanas, vel latas infundunt potius: & si major fluxio sit, addunt acaciam fabæ magnitudine. Senectus anguium dysentericis & tenefinis in stanneo vase decoquitur cum rosaceo: vel si in alio, cum stanno illinitur. Ius è gallinaceo iisdem medetur, sed veteris gallinacci

nacei vehementius : falsum jus alvum ciet. Membrana gallinarum tosta & data in oleo ac sale, cœliacorum dolores mulcet : abstinere autem à frugibus ante & gallinam & hominem oportet : fimum columbinum tostum potumque. Caro palumbi in aceto decocta dysentericis & cœliacis medetur. Turdus inassatus cum myrti baccis dysentericis : item merulæ : mel, in quo sint immortuæ apes, decoctum. Gravissimum vitium ileos appellatur : huic resisti ajunt discerpti vespertilionis sanguine : etiam illito ventre subvenire. Sistit alvum & cœchlea, sicut diximus in suspiriosis, temperata : item cinis earum quæ vivæ crematæ sint, potus ex vino austero. Gallinaceorum jecur assum, cum ventriculi membrana, quæ abjici solet, inveterata, admisto papaveris succo : alii recentem torrent ex vino bibendam. Ius perdicum, & per se ventriculus contritus ex vino nigro : item palumbus ferus, è posca decoctus : lien pecudis tostus, & in vino tritus : fimum columbinum cum melle illitum. Ossifragi venter atefactus & potus, iis qui cibos non conficiunt, utilissimus, vel si manu tantum teneant capientes cibum : quidam adalligant ex hac causa, sed continuare non debent : maciem enim facit : sistit & anatum muscularum sanguis. Inflationem discutit cochlearum cibis. Tormina sanat lien ovium tostus, atq; è vino potus : palumbus ferus ex posca decoctus : apodes ex vino : cinis ibidis sine pennis crematæ potus. Quod præterea traditur in torminibus, mirum est : anate apposita ventri transire morbum, anatemq; emori. Tormina & melle curantur, in quo sunt apes immortuæ decocto. Coli vitium efficacissime sanatur ave galerita assa in cibo sumpta : quidam in vase novo cum plumis exuri jubent, conterique in cinerem, bibique

bibique ex aqua cochlearibus ternis per quadri-
duum: quidam cor ejus adalligari femini: alii re-
cens tepensque adhuc devorari. Consularis Aspre-
natum domus est, in qua alter è fratribus colo li-
beratus est. ave hac in cibo sumpta, & corde ejus
armilla aurea incluso: alter sacrificio quodã, facto
crudis laterculis in formam camini, atq; ut sacrum
peractum erat, obstructo facello. Vnum est ossi-
frago intestinum mirabili natura, omnia devorata
conficienti: hujus partem extremam adalligatam
prodesse contra colũ constat. Sunt occulti intera-
neorum morbi, de quibus mirum proditur: si ca-
tuli, priusquam videant, applicentur triduo stoma-
cho maxime ac pectori, & ex ore ægri succum la-
tis accipiant, transire vim morbi, postremo exa-
nimari, dissectisq; palam fieri ægritudinis causas:
mori, & humari debere eos obrutos terra. Magi
quidem vespertilionis sanguine contacto ventre,
in totum annum caveri dolorem tradunt: aut per
dolorem, si quis aquam per pedes fluentem hau-
rire sustineat.

*CAP. VIII. Ad calculos & vesica dolores, testium-
que & inguinum tumores, & ad panos.*

Murino fimo contra calculos illinire ventrem
prodest. Herinacei carnem jucundam esse ajunt, si
capite percussio uno ictu interficiatur, prius quam
in se urinam reddat: eos qui carnem ederint, strangu-
riæ morbum contrahere minime posse: hac
caro ad hunc modum occisi, stillicidia vesicæ
emendat: item suffitus ex eodem. Quod si urinam
in se reddiderit, eos qui carnem ederint, strangu-
riæ morbum contrahere, traditur. Iubent & ver-
mes terrenos bibi ex vino aut passio ad commi-
nuendos calculos: vel cochleas decoctas, uti suspi-
ciosus. Easdem exemptas testis tritasque, tres in
vini

vini cyatho bibi, sequenti die duas, tertia die
 unam, ut stillicidia urinæ emendent. Testarum
 verò inanium cinerem ad calculos pellendos: item
 hydri jecur bibi, vel cinerem scorpionum in pane
 sumi, vel si quis cum locusta edit. Lappillos qui in
 gallinaceorum⁴ vesica, aut in palumbium ventri-
 culo inveniuntur, conteri & potioni inspergi: item
 membranam è ventriculo gallinacei aridam: vel si
 recens sit, tostam. Fimum quoque palumbinum
 in faba sumi contra calculos & alias difficultates
 vesicæ: similiter plumarum cinerem palumbium
 ferorum ex aceto mulso: & intestinorum ex his
 cinerem cochlearibus tribus è nido hirundinum.
 Gryllum dilutum aqua calida: ossifragi ventrem
 arefactum: turturis fimum in mulso decoctum,
 vel ipsius discoctæ jus. Turdos quoque edisse cum
 baccis myrti prodest urinæ: cicadas tostas in pa-
 tellis: millepedam oniscon bibisse: & in vesicæ do-
 loribus decoctum anguinorum pedum. Alvum
 ciet gallinaceorum discoctorum jus, & acria mol-
 lit: ciet & hirundinum fimum, adjecto melle sub-
 ditum. Sedis vitiis efficacissima sunt cæsyum (qui-
 dam adjiciunt pompholygem, & rosaceum) cani-
 ni capitis cinis: senecta serpentis ex aceto, si rha-
 gades sint: cinis fimi canini candidi cum rosaceo:
 ajuntque inventum Æsculapii esse, & eodem ver-
 rucas efficacissime tolli: murini fimi cinis, adeps
 cygni, sebum bovis. Procidencia alvi succus co-
 chlearum punctis evocatus illitu depellit. Attritis
 medetur cinis muris sylvatici cum melle: vel
 herinacei, cum vespertilionis cerebro, & alumine,
 & cæsyto: fimum columbinum cum melle. Con-
 dylomatis privatim araneus dempto capite pedi-
 busque infricatur. Ne acria perurant, adeps anse-
 rinus cum cera Punica, cerussa, rosaceo: adeps
 cygni:

cygni: hæc & hæmorrhoidas sanare dicuntur. Ischiadicis cochleas crudas tritas cum vino ammineo & pipere, potu prodesse dicunt: lacertam viridem in cibo ablatis pedibus, interaneis, capite: sic & stellionem, adjectis huic papaveris nigri obolis tribus: ruptis convulsis fel ovium cum lacte mulierum. Verendorum fornicationibus verrucisque medetur arietini pulmonis inaslati sanies. Cæteris vitiis vellerum ejus vel sordidorum cinis ex aqua: sebum ex omento pecudis, præcipue à renibus, admisto cinere pumicis & sale: lana succida ex aqua frigida: carnes pecudis combustæ ex aqua: mulæ vulgarum cinis: dentis caballini contusi farina inspersa. Testibus vero, farina ex ossibus canini capitis sine carne tussis: si decidat testium alter, spumam cochlearum illitam remedio esse tradunt. Tettis ibi hulceribus & manantibus auxiliantur canini capitis recentis cineres: cochleæ latæ parvæ contritæ ex aceto, vel cinis ejus: mel, in quo apes sunt emortuæ, cum resina: cochleæ nudæ, quas in Africa gigni diximus, tritæ cum thuris polline & ovorum albo: tricesimoque die resolvunt: aliqui pro thure bulbum admiscunt. Hydrocelicis stelliones mirè prodesse tradunt, capite, pedibus, interaneisque demptis; reliquum corpus inaslatum: in cibo id sæpius datur, sicut ad urinæ incontinentiam. Caninum adipem cum alumine scisso fabæ magnitudine. Cochleas Africanas cum sua carne & testa crematas potio cinere. Anserum trium linguas inaslatas in cibo: hujus rei autor est Anaxilaus. Panos aperit sebum pecudum cum sale tosto. Murinum fimum admisto thuris polline, & sandaracha discutit: lacertæ cinis, & ipsa divisa imposita: item multipeda contrita, admista resina terebinthina ex parte tertia: quidam & sino-

& sinopidem admiscet cochleæ contusæ. Et per se cinis inanum cochlearum ceræ mistus, discusforiam vim habet: fimum columbarum per sese, vel cum farina hordeacea, aut avenacea illitum. Cantharides mista calce panos scalpelli vice aperiant. Inguinum tumorem cochleæ minutæ cum melle illitæ leniunt. Varices ne nascantur, lacertæ sanguine pueris crura jejunis à jejuno illinuntur.

CAP. IX. *Ad podagras articulorum dolores.*

Podagras lenit cœsypum cum lacte mulieris & cerussa: fimum pecudum, quod liquidum reddunt: pulmones pecudum: vel arietis cum sevo: mures dissecti impositi: sanguis mustelæ cum plantagine illitus, & vivæ combustæ cinis ex aceto & rosaceo, si penna illinatur, vel si cera & rosaceum admisceatur: fel caninum, ita ne manu artingatur, sed penna illinatur: fimum gallinarum: vermium terrenorum cinis cum melle, ita ut tertio die solvantur. Alii ex aqua illinire malunt: alii ipsos aceto mensura cum mellis cyathis tribus, pedibus ante rosaceo perunctis. Cochleæ latæ potæ tollere dicuntur pedum & articulorum dolores: bibuntur autem binæ in vino tritæ: eadem illinuntur cum helxines herbæ succo: quidam ex aceto intrivisse contenti sunt. Quidam sale cum vipera cremato in olla nova, & sæpius sumpto, ajunt podagra liberari: utile esse & adipe viperino pedes perungi. Et de milvo affirmant, si inveterato tritoq; quantum tres digiti capiant, bibatur ex aqua: aut si pedes sanguinent cum urtica: vel penhis eorum, cum primum nascentur, tritis cum urtica. Quin & fimum eorum articulorum doloribus illinitur: item cinis mustelæ aut cochlearum, & cum amylo vel tragacantho. Incussos articulos aranei telæ cōmodissime curant: sunt qui cinere earum uui malint, sicuti

sicut fimi columbini cinere, cum polenta & vino albo. Articulis luxatis præsentaneum est & sebum pecudis cum cinere è capillo mulierum. Pernionibus quoque imponitur sebum pecudum cum alumine: canini capitis cinis, aut fimi murini. Quod si putrida sint hulcera, cera addita ad cicatricem perducunt, vel gryllorum excrementorum favilla ex oleo: item muris sylvatici cum melle: vermium quoque terrenorum cum oleo vetere: & cochleæ, quæ nudæ inveniuntur. Hulcera omnia pedum sanat cinis earum, quæ vivæ combustæ sint: fimique gallinacei cinis exulcerationes; columbini fimi cinis ex oleo. Attritus etiam calceamentorum, veteris soleæ crematæ cinis, agninus pulmo & arietis sanat. Dentis caballini contusi farina privatim subluviem. Lacertæ viridis sanguis subtritus, & hominum & jumentorū pedes sublitus sanat. Clavos pedum urina muli mulæve cum luto suo illita: fimum ovium. Iecur lacertæ viridis, vel sanguis flocco impositus: vermes terreni ex oleo: stellionis caput cum ^surticis pari modo tritum ex oleo: fimum columbinum decoctum ex aceto. Verrucas vero omnium generum urina canis recens cum suo luto illita: fimi canini cinis cum cera: fimum ovium: sanguis recens murinus illitus, vel ipse mus divulsus: herinacei fel: caput lacertæ vel sanguis, vel cinis totius: membrana se-necturis anguium: fimum gallinaceum cum oleo & nitro: Cantharides cum uva taminia intritæ exedunt: sed ita erosas aliis, quæ ad persananda hulcera monstravimus, curari oportet.

CAP. X. *Remedia adversus morbos toti corpori.*

Nunc revertemur ad ea, quæ totis corporibus metuenda sunt. Fel canis nigri masculi amuletum esse. Magi dicunt domus totius, suffixæ eo purifi-

catæve contra omnia mala medicamenta: item sanguine canis resperſis parietibus, genitaliq; ejus ſub limine januæ deſoſſo. Minus mirentur hoc, qui ſciunt ſœdiſſimum animalium in quantum magnificent ricinum, quoniam uni nullus ſit exitus ſaginæ, nec finis alia quam morte, diutius in fame viventi: ſeptenis ita diebus duraſſe tradunt: at in ſatietate paucioribus dehifcere. hunc ex aure ſiniſtra canis omnes dolores ſedare adalligatum: eundem in augurio vitalium habent: nam ſi æger ei reſpondeat qui intulerit, à pedibus ſtanti interrogantique de morbo, ſpem vitæ certam eſſe: moriturum nihil reſpondere: adjiciunt, ut evellatur ex aure lava canis, cui non ſit alius, quam niger color. Nigidius fugere tota die canes conſpectum ejus, qui è ſue id animal evellerit, ſcriptum reliquit. Ruſſus Magi tradunt, lymphatos ſanguinis talpæ aſperſu reſipiſcere: eos vero qui à nocturnis Diis Faunisq; agitentur, draconis lingua, & oculis, & felle, inteſtinisq; in vino & oleo decoctis, ac ſub dio noctu refrigeratis, perunctos matutinis veſpertiniſq; liberari. Perfrictionibus remedio eſſe tradit Nicander amphibiænā mortuam adalligatam, vel pellem tantum ejus: quinimo arbori, quæ cædatur, adalligata non algere cædentes, faciliuſque ſuccidere: itaque ſola ſerpentium frigori ſe committit, prima omnium procedens, & ante cuculi cantum. Aliud eſt cuculo miraculum, quo quis loco primo audiat alitem illam, ſi dexter pes circunſcribatur, ac veſtigium id effodiatur, non gigni pulices, ubicunq; ſpargatur. Paralyſin caventibus pinguia glirium decoctorum & ſoricum utiliſſima tradunt eſſe: millepedas, ut in anginis diximus, potas phthiſin ſentientibus: lacertam viridē decoctam in vini ſextariis tribus ad cyathum unum,

unum, singulis cochlearibus sumptis per dies, donec convalescant: cochlearum cinerem potum in vino. Comitialibus morbis æsypum cum myrrhæ momento, & vini cyathis duobus dilutum, magnitudine nucis avellanæ, à balineo potum: testiculos arietinos inveteratos, tritosque dimidio denarii pondere in aqua vel lactis asinini hemina: interdicatur vini potus quinque diebus ante & postea. Magnifice laudatur & sanguis pecudum potus: item fel cum melle, præcipue agninum: catulus lactens sumptus, abscisso capite pedibusque, ex vino & myrrhæ: lichen mulæ potus in oxymelite cyathis tribus: stellionis transmarini cinis potus in aceto: tunicula stellionis, quam eodem modo, ut anguis, exuit pota. Quidam & ipsum harundine exenteratum inveteratumque bibendum dedere: alii in cibo in ligneis verubus inaslatum. Operæ pretium est scire quomodo præripiatur, cum exuitur membrana hyberna, aliàs devoranti eam, quoniam nullum animal fraudulentius invidere homini tradunt: inde stellionum nomen ajunt in maledictum translatum. Observant cubile ejus æstibus: est autem in ⁶ locis ostiorum fenestrarumque, aut cameris sepulcrisve: ibi vèrè incipiente fissis harundinibus textas opponunt casas, quarum angustis etiam gaudet, eo facilius exuens circumdatum torporem: sed eo derelicto non potest remeare. Nihil ei remedio in comitialibus morbis præfertur: prodest & cerebrum mustelæ inveteratum potumque, & jecur ejus: testiculi vulvæque aut ventriculus inveteratus cum coriandro, ut diximus: item cinis: sylvestris vero tota in cibo sumpta. Eadem omnia prædicantur ex viverra. Lacerta viridis cum condimentis quæ fastidium abstergeant, ablatis pedibus & capite. Cochlearum

cinis addito semine lini & urticæ cum melle inunctos sanat. Magis placet draconis cauda in pelle dorcadis adalligata cervinis nervis: vel lapilli è ventre pullorum hirundinum sinistro lacerto annexi: dicuntur enim excluso pullo lapillum dare: quod si pullus is detur incipienti in cibo quem primum peperit, cum quis primum tentatus sit, liberatur eo malo. Postea medetur hirundinum sanguis cum thure vel cor recens devoratum: quin & è nido earum lapillus impositus recreare dicitur confestim, & adalligatus in perpetuum tueri: prædicatur & jecur milvi devoratum, & senectus serpentium: jecur vulturis tritum cum suo sanguine ter septenis diebus potum: cor pulli vulturini adalligatum. Sed & ipsum vulturem in cibo dari jubent, & quidem satiatum humano cadavere: quidam pectus ejus bibendum censent, & in ceruino calice. Aut testes gallinacei ex aqua & lacte, antecedente quinque dierum abstinentia vini, ob id inveteratos. Fuere & qui viginti unam muscas rufas, & quidem emortuas, in potu darent, infirmioribus pauciores.

CAP. XI. *Contra morbum regium, & phreneticos, & contra febres & hydropicos.*

Morbo regio resistunt sordes aurium, aut marmarū pecudis denarii pondere cum myrrhæ momento, & vini cyathis duobus: canini capitis cinis in mulso: multipeda in vini hemina: vermes tereni in aceto mulso cum myrrhæ. Gallina si sit luteis pedibus prius aqua purificatis, dein collutis vino, quod bibatur. Cerebrum perdicis aut aquilæ in vini cyathis tribus. Cinis palmarum aut interaneorum palumbis in mulso ad cochlearia tria: passerum cinis sarmentis crematorum cochlearibus duobus in aqua mulsa. Avis icterus vocatur à colore,

colore, quæ si spectetur, sanari id malum tradunt, & avem mori: hanc puto latinè vocari Galgulum. Phreneticis prodesse videtur pulmo pecudum calidus circa caput alligatus. Nam non modo muris cerebrum dare potui ex aqua, aut cinerem mustelæ, verumetiam inveteratas herinacei carnes quis possit furenti, etiamsi certa sit medicina? Bubonis certe oculorum cinerem inter ea, quibus prodigiose vitam ludificantur, acceperim. Præcipueque febrium medicina placitis eorum renuntiat: namque & in x i i signa digessere eam Sole transmeante, iterumq; Luna: quod totum abdicandum paucis exemplaribus docebo. Siquidem crematis tritisque cum oleo perungi jubent ægros cum Geminos transit Sol, cristis, & auribus, & unguibus gallinaceorum: si Luna, radiis barbisque eorum: si Virginem alteruter, hordei granis: si Sagittarium, vespertilionis alis: si Leonem Luna, tamaricis fronde, & adjiciunt sativæ: si Aquarium, è buxo carbonibus tritis. Ex istis confessa, aut certe verisimilia ponemus, sicut & lethargum olfactoriis excitari: inter ea fortassis mustelæ testiculis inveteratis, aut jocinore ulto. His quoque pulmone pecudis calidum circa caput adalligari putant utile. In quartanis medicina clinice propemodum nihil pollet: quamobrem plura eorum remedia ponemus, primumque ea, quæ adalligari jubent: pulverem, in quo se accipiter volutaverit, lino rutilo in linteolo: canis nigri dentem longissimum: Pseudosphecam vocant vespam, quæ singularis volitat: hanc sinistra manu apprehensam subnectunt: alii vero, quam quis eo anno viderit primam. Viperæ caput abscissum in linteolo, vel cor viventis exemptum: muris rostellum auriculasque summas roseo panno, ipsumque dimittunt;

Lacertæ viridi vivæ dextrum oculum effossum, mox cum capite suo deciso, in pellicula caprina: scarabæum qui pilulas volvit. Propter hunc Ægypti magna pars scarabæos inter numina colit, curiosa Apionis interpretatione, qua colligat Solis operum similitudinem huic animali esse, ad excusandos gentis suæ ritus. Sed & alium adalligant Magi, cui sunt cornicula reflexa, sinistra manu collectum: tertium, qui vocatur fullo, albis guttis, dissectum utrique lacerto adalligant: cætera sinistro: cor anguinum sinistra manu exemptum viventibus. Scorpionis caudæ quatuor articulos cum aculeo panno nigro, ita ut nec scorpionem dimissum, nec eum qui alligaverit, videat æger triduo: post tertium circuitum id condat, Erucam in linteolo ter lino circumdant totidem nodis, ad singulos dicentes, quare faciat qui medebitur. Limacem in pellicula, vel quatuor limacum capita præcisa harundine: multipedam lana involutam: vermiculos ex quibus tabani fiunt, antequam penæ germinent: alios è spinosis fructibus lanuginosos. Quidam ex illis quaternos inclusos juglandis nucis putamine adalligant: cochleasque, quæ nudæ inveniuntur, Stellionem inclusum capsulis subijciunt capiti, & sub decessu febris emittunt. Devorari autem jubent cor mergi marini sine ferro exemptum inveteratumque conteri, & in calida aqua bibi: corda hirundinum cum melle: alii fimum drachma una in lactis caprini & ovilli, vel passi cyathis tribus ante accessiones: sunt qui totas censeant devorandas. Aspidis cutem pondere sexta parte denarii cum piperis pari modo, Parthorum gentes in remedium quartanæ bibunt. Chrysippus philosophus tradidit phrygianion adalligatum remedio esse quartanis: quod esset animal neque

neque ille descripsit, nec nos invenimus qui novisset: demonstrandum tamen fuit à tam gravi autore dictum, si cujusquam cura efficacior esset ad inquirendum. Cornicis carnes esse, & nidum illinire, in longissimis morbis utilissimum putant: & in tertianis fiat potestas experiendi, quoniam miseria spei delectat, anne aranei, quem lycon vocant, tela cum ipso specu toto, resina ceraque imposita utrisque temporibus & fronti profit: aut ipse calamo adalligatus, qualiter & aliis febribus prodesse traditur: item lacerta viridis adalligata viva in eo vase⁸ quod capiat: quo genere & recidivas frequenter abigi affirmant. Hydropicis œsypum ex vino addita myrrha modice potui datur, nucis avellanæ magnitudine: aliqui addunt & anserinum adipem, & oleum myrteum. Sordes ab uberibus ovium eundem effectum habent: item carnes inveteratæ herinacei sumptæ: vomitus quoque canum illitus ventri, aquam trahere promittitur.

CAP. XII. *Ad ignem sacrum, ad carbunculos, furunculos, ambusta, nervorumque contractiones.*

• Igni sacro medetur œsypum cum pompholyge & rosaceo, ricini sanguis, vermes terreni ex aceto illiti, gryllus contritus in manibus: quo genere præstat, ut qui id fecerit, antequam incipiat vitium, toto eo anno careat: oportet autem eum ferro cum terra cavernæ suæ tolli. Adeps anseris: viperæ caput aridum asservatum & combustum, dein ex aceto impositum: senectus serpentium ex aqua illita à balineo cum bitumine & sevo agnino. Carbunculus fimo columbino aboletur per se illito, vel cum lini semine ex aceto mulso: item apibus, quæ in melle sunt immortuæ, impositis:

polentaque imposita ac inspersa. Si in verendis sit,
 cæterisque ibi ulceribus, occurrit è melle cæsypum
 cum plumbi squamis: item fimum pecudum in-
 cipientibus carbunculis. Tubera & quæcunque
 molliri opus sit, efficacissime anserino adipe cu-
 rantur: idem præstat & gruum adeps. Furuncu-
 lis mederi dicitur araneus, priusquam nominetur
 impositus, & tertia die solutus: mus araneus pen-
 dens enecatus, sic ut terram nec postea attingat,
 ter circumdatus furunculo, toties expuentibus
 medente & eo cui medebitur. Ex gallinaceo fimo
 quod est rufum maxime recens illitum ex aceto:
 ventriculus ciconiæ ex vino decoctus: muscæ im-
 pari numero infricatæ digito medico: sordes ex
 pecudum auriculis: sebum ovium vetus cum ci-
 nere è capillis mulierum: sebum arietis cum ci-
 nere pumicis & salis pari pondere. Ambustis ca-
 nini capitis cinis medetur: item glirium cum oleo:
 fimum ovium cum cera commistum: murium
 cinis & cochlearum: idque sic ut ne cicatrix qui-
 dem appareat: item adeps viperinus: fimi co-
 lumbini cinis ex oleo illitus. Nervorum nodis
 medetur capitis viperini cinis ex oleo cyprino il-
 litus: terreni vermes cum melle illiti. Dolores tol-
 lit eorum amphispæna mortua adalligata: adeps
 yulturnus cum ventre arefactus, contritusque
 cum adipe suillo inveterato: cinis è capite bubo-
 nis in mulso potus cum lili radice, si Magis cre-
 dimus. In contractione nervorum caro palum-
 bina in cibis prodest & inveterata: herinacei spa-
 sticis: item mustelæ cinis. Serpentium senectus
 in pelle taurina adalligata spasmos fieri prohibet.
 Opisthoronos milvi jecur aridum tribus obolis in
 aquæ mulsæ cyathis tribus potum. Reduvias, &
 quæ in digitis nascuntur pterygia, tollunt, canini
 capitis

capitis cinis, aut vulva decocta in oleo, superillito butyro ovillo cum melle: item folliculus cujuslibet animalium fellis. Unguium scabritiam cantharides cum pice tertio die solutæ, aut locustæ frictæ cum sevo hircino: pecudum sebum: aliqui miscunt viscum & portulacam, alii æris florem & viscum, ita ut tertio die solvant.

CAP. XIII. *Ad sanguinem sistendum & tumores vulnerum, hulcera, vulnera, & alia mala, ex animalibus remedia.*

Sanguinem sistit in naribus sebum ex omento pecudum inditum: item coagulum ex aqua, maxime agninum, subductum vel infusum, etiam si alia non prosint: adeps anserinus cum butyro pari pondere pastillis ingestus: cochlearum terrena: sed & ipsæ extractæ testis. E naribus fluentem sistunt cochleæ contritæ fronti illitæ: aranei telæ suppositæ: gallinacei cerebellum, vel sanguinis profluvia ex cerebro: item columbinus sanguis ob id servatus concretusque. Si verò ex vulnere immodice fluat, fimi caballini cum putaminibus ovorum cremati cinis impositus mire sistit. Vulneribus medetur æsypum cum hordei cinere & ærugine, æquis partibus: ad carcinomata quoque ac serpentina valet: erodit & hulcerum margines: carnesque excrecentes ad æqualitatem redigit: explet quoque; & ad cicatricem perducit. Magna vis & in cinere pecudum fimi ad carcinomata, addito nitro aut cinere ex ossibus fœminum agnorum, præcipuè in his hulceribus quæ cicatricem non trahant. Magna & pulmonibus quoque arietum: excrecentes carnes in hulceribus ad æqualitatem efficacissime reducunt. Fimo quoque ipso ovium sub testa calefacto & subacto, tumor vulnerum sedatur: fistulæ purgantur sananturque:

item epiniædides. Summa verò vis in canini capitis cinere: excrescentia omnia spodii vice erodit ac per sanat: & murino fimo eroduntur: item mustelæ fimi cinere. Duritias etiam in alto hulcerum & carcinomata persequitur multipeda trita, admista resina terebinthina & sinopide: eademque utilissima sunt in his hulceribus, quæ vermibus periclitantur. Quin & vermium ipsorum genera mirandos usus habent. Cossii qui in ligno nascuntur, sanant hulcera omnia: nomas verò combusti cum pari pondere anisi, & ex oleo illiti. Vulnere recentia conglutinant terreni, adeò ut nervos quoque abscissos illitis solidari infra septimum diem persuasum sit: itaque in melle servandos censent. Cinis eorum margines hulcerum duriores absumit, cum pice liquida vel 9 simbio melle. Quidam arefactis in Sole ad vulnere ex aceto utuntur, nec solvunt, nisi biduo intermisso: eadem ratione & cochlearum terrena prosunt: totæque exemptæ, tussæ & impositæ, recentia vulnere conglutinant, & nomas sistunt. Herpes quoque animal à Græcis vocatur, quo præcipuè sanantur quæcunque serpunt: cochleæ prosunt eis cum testis suis tussæ: cum myrrha quidem & thure, etiam præcisos nervos sanare dicuntur. Draconum quoque adeps siccatus Sole, magnopere prodest: item gallinacæi cerebrum recentibus plagis, sale viperino in cibo sumpto: tradunt & hulcera tractabiliora fieri, & sanari celerius. Antonius Musa Medicus cum incidisset insanabilia hulcera, viperas edendas dabat, miraque celeritate per sanabat. Tryxalidum cinis margines hulcerum dueros aufert cum melle: item fimi columbini cinis cum arsenico & melle, ea quæ erodenda sunt. Bubonis cerebrum cum adipe anserino mire vulnere

nera dicitur glutinare : quæ verò vocantur cacoëthe, cinis feminum arietis cum lacte muliebri, diligenter prius elutis linteolis. Vlula avis cocta in oleo, cui liquato miscetur butyrum ovillum & mel. Ulcerum labra duriora apes in melle mortuæ emolliunt. Et elephantiasin sanguis & cinis mustelæ. Verberum vulnera atque vibices pellis ovium recentibus impositis obliterantur. Articulorum fracturis cinis feminum pecudis peculiariter medetur : efficacius cum cera : idem medicamentum fit ex maxillis simul ustis, cornuque cervino & cera mollita rosaceo. Ossibus fractis caninum cerebrum linteolo illito, superpositis lannis, quæ subinde suffundantur, fere xiv diebus solidat : nec tardius cinis sylvestris muris cum melle, aut cum vermium terrenorum cinere, qui etiam ossa extrahit. Cicatrices ad colorem reducit pecudum pulmo, præcipuè ex ariete, sebum ex nitro : lacertæ viridis cinis : vernatio anguium ex vino decocta : fimum columbinum ex melle : item vitilignes albas ex vino. Ad vitiliginem & cantharides cum rutæ foliorum duabus partibus in Sole, donec formicet cutis, tolerandæ sunt : postea fovere, oleoque perungere, necessarium, iterumque illinire, idque diebus pluribus facere, caventes exulcerationem multam. Ad easdem vitilignes & muscas illini jubent cum radice laphatorum : gallinarum fimum candidum, servatum in oleo vetere cornea pyxide : vespertilionum sanguinem : fel herinacei ex aqua : scabiem verò, bubonis cerebrum cum aphronitro, sed ante omnia sanguis caninus : sedant pruritus cochleæ minutæ, latæ, contritæ illitæ. Harundines, & tela, quæque alia extrahenda sunt corpori, evocat mus dissectus impositus : præcipuè verò lacerta dissecta,

secta, & vel caput ejus tantum contusum cum sale impositum. Cochleæ ex his quæ gregatim folia sectantur, contusæ impositæque cum testis, & eæ quæ manduntur, exemptæ testis : sed cum leporis coagulo efficacissime. Ossa anguium eundem cum coagulo cujuscunque quadrupedis intra tertium diem approbant effectum : laudantur & cantharides tritæ cum farina hordeacea.

C A P. XIV. *Ad muliebria mala medenda,
& conceptus maturandos.*

In muliebribus malis membranæ à partu ovium proficiunt, sicut in capris retulimus : fimum quoque pecudum eosdem usus habet. Locustarum suffitu stranguriæ maxime mulierum juvantur. Gallinaceorum testes subinde si à conceptu edat mulier, mares in utero fieri dicuntur. Partus conceptos hystricum cinis potus continet : maturat caninum lac potum : evocat membrana è canum secundis, si terram non attigerit. Lumbos parturientium potus lactis : fimum murinum aqua pluvia dilutum, mammas mulierum à partu tumescentes reficit. Cinis herinaceorum cum oleo perunciarum custodit partus contra abortus. Facilius enituntur, quæ fimum anserinum cum aquæ cyathis duobus forbuere : aut ex utriculo mustelino per genitale effluentes aquas. Vermes terreni illici in cervices & scapulas, ne nervi doleant, præstant : gravidis secundas pellunt in passio poti : iidem per se impositi, mammarum suppurationes concoquunt & aperiunt, extrahuntque, & ad cicatricem perducunt : lac devocant poti cum mulso. Inveniuntur & in gramine vermiculi, qui adalligati collo, continent partum : detrahuntur autem sub partu : alias eniti non patiuntur : cavendum etiam ne in terra ponantur : conceptus quoque

quoque causa dantur in potu quini aut septeni.
Cochleæ in cibo sumptæ accelerant partum: item
conceptum impositæ cum croco: eadem ex amy-
lo & tragacantha illitæ, profluvia sistunt: pro-
sunt & purgationibus sumptæ in cibo, & vulvam
aversam corrigunt cum medulla cervina, ita ut
uni cochleæ denarii pondus addatur & cyperi.
Inflationes quoque vulvarum discutiant exemptæ
testis, tritæque cum rosaceo: ad hæc astypalæicæ
maxime eliguntur. Alio modo Africanæ binæ
tritæ cum fœnigræci quod tribus digitis capiatur,
additis mellis cochlearibus quatuor, illinuntur al-
vo, prius irino succo perunctæ. Sunt & minutæ
longæque, candidæ cochleæ, passim oberrantes:
eæ arefactæ Sole in tegulis, tustæque in farinam,
miscentur lomento æquis partibus, candoremque
& lævorem corpori afferunt. Scabendi desideria
tollunt minutæ & latæ cum polenta. Viperam
mulier prægnans si transcenderit, abortum faciet:
item amphispænam, mortuam duntaxat: nam
vivam habentes in pyxide, impune transeunt,
etiam si mortua sit: atque asservata, partus faciles
præstat vel mortua. Mirum, si non asservatam
transcenderit gravida, innoxiam fieri, si protinus
transcendat asservatam. Anguis inveterati suffitus
menstrua adjuvant. Anguium senectus adalligata
lumbis, faciliores partus facit, protinus à puerpe-
rio removenda: dant & in vino bibendam cum
thure: aliter sumpta, abortum facit. Baculus, quo
angui rana excussa sit, parientes adjuvat: tryxa-
lidum cinis illitus cum melle, purgationes: item
araneus, qui filum deducit ex alto, capi debet ma-
nu cava, tritusque admoveri: quod si redeuntem
præhenderit, inhibebit idem purgationes. Lapis
æcrites in aquilæ repertus nido, custodit partus
contra

contra omnes abortuum insidias. Penna vulturina subiecta pedibus adjuvat parturientes. Ovum corvi gravidis cavendum constat, quoniam transgressis abortus asperos faciat. Fimum accipitris in mulso potum, videtur fœcundas facere. Vulvarum duritias & collectiones, adeps anserinus aut cygni emollit. Mammias à partu custodit adeps anseris cum rosaceo & irino. Phryges & Lycaones mammis puerperio vexatis invenere otidum adipem utilem esse: his quæ vulva strangulentur, & blattas illinunt. Ovorum perdicis putaminum cinis cadmiæ mistus, & ceræ, stantes mammas servat. Putant & ter circumductas ovo perdicis non inclinari: & si sorbeantur eadem, fœcunditatem facere, lactis quoque copiam. Cum anserino adipe perunctis mammis, dolores minuere, molas uteri rumpere, scabiem vulvarum sedare, si cum cimice trito illinantur. Vespertilionum sanguis psilothri vim habet: sed malis puerorum illitus non satis proficit, nisi erucae vel cicuræ semen postea inducantur: sic enim aut in totum tolluntur pili, aut non excedunt lanuginem: idem & cerebro eorum profici putant. Est autem duplex, rubens utique, & candidum: aliqui sanguinem & jecur ejus admiscent. Quidam in tribus heminis olei discoquunt viperam, exemptis ossibus, psilothri vice utuntur, evulsis prius pilis quos renasci nolunt. Fel herinacei psilothrum est, utique misto cerebro vespertilionis, & lacte caprine: item per se cinis cum lacte canis primi partus, evulsis pilis quos renasci nolunt: vel nondum natis, perunctis partibus, alii non surgunt. Idem evenire traditur sanguine ricini evulsi cani: item hirundinino sanguine vel felle.

CAP. XV. *Promiscua medicina.*

Ovis formicarum supercilia denigrari cum muscis tritis tradunt: si verò oculi nigri nascentium placeant, soricem prægnanti edendum. Capilli ne canescant, vermium terrenorum cinere præstari admisto oleo. Infantibus, qui lacte concreto vexantur, præsidio est agninum coagulatum ex aqua potum: aut si vitium coagulato lacte acciderit, discutitur coagulo ex aceto dato. Ad dentitionem cerebrum ¹⁰ pecoris utilissimum est. Ossibus in canino fimo inventis, adustio infantium, quæ vocatur siriasis, adalligatis emendatur, ramices infantium lacertæ viridis admotæ dormientibus morfu: postea harundini alligata suspenditur in fumo: traduntque pariter cum ea expirante sanari infantem. Cochlearum saliva illita infantium oculis, palpebras corrigit, gignitque. Ramicosis cochlearum cinis cum thure ex ovi albi succo illitus per dies triginta medetur. Inveniuntur in corniculis cochlearum harenacæ duritiæ: eæ dentitionem facilem præstant adalligatæ. Cochlearum inanum cinis admistus ceræ, procidantium interaneorum partes extremas prohibet: oportet autem cineri misceri saniem punctis emissam è cerebro viperæ. Cerebrum viperæ illigatum pelliculæ dentitiones adjuvat: ad idem valent & grandissimi dentes serpentium. Fimum corvi lana adalligatum infantium tussi medetur. Vix est serio complecti quædam: non omitenda tamen, quia sunt prodita. Ramici infantium lacerta mederi jubent: marem hanc præhendi: id intelligi quod sub cauda unam cavernam habeat: id agendum, ut per aurum vel argentum aut ostrum mordeat vitium: tum in calice novo illigatur, & in fumo ponitur. Urina infantium cohibetur muscibus

ribus elixis in cibo datis. Scarabæorum cornua grandia denticulata, adalligata his amuleti naturam obtinent. Bovis capiti lapillum inesse tradunt, quem ab eo expui si necem timeat, inopinati præciso capite exemptum, adalligatumque, mire prodesse dentitioni: item cerebrum ejusdem ad eundem usum adalligari jubent: & limacis lapillum sive officulum, quod invenitur in dorso. Magnifice juvat & ovis cerebrum gingivis illitum: sicut aures adeps anserinus cum ocimi succo impositus. Sunt vermiculi in spinosis herbis asperi, lanuginosi: hos adalligatos protinus mederi tradunt infantibus, si quid ex cibo ¹¹ hæreat. Somnos allicit æsypum cum myrrhæ momento in vini cyathis duobus dilutum, vel cum adipe anserino & vino myrtite: avis cuculus leporina pelle adalligatus: ardeolæ rostrum in pelle asinina fronti adalligatum. Putant & per se rostrum ejusdem effectus esse vino collutum. E diverso somnum arcet vespertilionis caput aridum adalligatum. In urina virili lacerta necata, Venerem ejus qui ¹² biberit, cohibet: nam inter amatoria esse Magi dicunt: inhibet & fimum cochleæ & columbinum cum oleo & vino potum. Pulmonis vulturini dextræ partes Venerem concitant viris adalligatæ gruis pelle: item si lutea ex ovis quinque columbarum, admisto adipis suilli denarii pondere, ex melle sorbeantur: passeris in cibo vel ova eorum: gallinacei dexter testis arietina pelle adalligatus. Ibium cineres cum adipe anseris & irino perunctis si conceptus sit, partus continere: contra inhiberi Venerem pugnatoris galli testiculis anserino adipe illitis adalligatisq; pelle arietina tradunt: item cujuscunque galli gallinacei, si cum sanguine gallinacei lecto subjiciantur. Cogunt concipere
invitas

invitas setæ ex cauda mulæ, si junctis evellantur, inter se colligatæ in coitu. Qui in urinam canis suam ingesserit, dicitur ad Venerem pigrior fieri. Mirum & de stellionis cinire (si verum est) linamento involutum in sinistra manu Venerem stimulare: si transferatur in dextram, inhibere: item vespertilionis sanguinem collectum flocco, suppositumque capiti mulierum, libidinem movere: aut anseris linguam in cibo vel potione sumptam. Phthiriasin à toto corpore pota membrana senectutis anguium triduo inhibet: ac serum exempto caseo potum cum exiguo sale. Caseos, si cerebrum mustelæ coagulo addatur, negant corrumpi vetustate, aut à muribus attingi. Ejusdem mustelæ cinis si detur in ossa gallinaceis pullis & columbinis, tutos esse à mustelis. Iumentorum urinæ tormenta vespertilionem adalligato finiuntur: verminatio ter circumlato verendis palumbo: mirum dictu; palumbus emissus moritur, jumentum liberatur confestim. Ebriosi ove noctuæ per triduum data in vino, tædium ejus adducunt: ebrietatem arcet pecudum assus pulmo præsumptus. Hirundinis rostri cinis cum myrrha tritus, & in vino quod bibetur, inspersus, securos præstabit à temulentia: invenit hoc Horus Assyriorum rex. Præter hæc sunt notabilia animalium ad hoc volumen pertinentium: Gromphenam avem in Sardinia narrant grui similem, ignotam, jam etiam Sardis, ut existimo. In eadem provincia est ophion cervis tantum pilo similis, nec alibi nascens: iidem auctores nominavere ¹³ Sirulugum, quod nec quale esset animal, nec ubi nasceretur, tradiderunt: fuisse quidem non dubito, cum & medicinæ ex eo sint demonstratæ. M. Cicero tradit animalia bytuos vocari, qui vites in Campania erodant.

CAP. XVI. *De miraculis quarundam bestiarum.*

Reliqua mirabilia, ex his quæ diximus. Non latrari à cane, membranam ex secundis canis habentem, aut leporis finum vel pilos tenentem. In culicum genere muliones non amplius, quam uno die, vivere: eosque qui arborarii pici rostrum habeant, & mella eximant, ab apibus non attingi. Porcos sequi eos, à quibus cerebrum corvi acceperint in offa. Pulverem, in quo se mula volaverit, corpori inspersum mitigare ardores amoris. Sorices fugari, si unus castratus emittatur. Anguina pelle, & sale, & farre cum serpyllo contritis uno die, dejectisque cum vino in fauces boum, uva maturescen- te, toto anno eos valere: vel si hirundinum pulli tres tribus offis dentur. Pulvere è vestigio anguium collecto, sparsas apes in alvearia reverti. Arietis dextro teste præligato oves tantum gigni. Non lassescere in ullo labore, qui nervos ex alis & cruribus gravis habeant. Mulas non calcitrare, cum vinum biberint. Ungulas tantum mularum repertas, neque aliam ullam materiam quæ non perroderetur à veneno Stygis aquæ, cum id dandum Alexandro Magno Antipater mitteret, memoria dignum est, magna Aristotelis infamia excogitatum. Nunc ad aquatilia revertemur.

LIBER XXXI.

Proœmium.

CAP. I. *Medicina ex aquatilibus.**Aquarum mirabilia.*

AQUATILIVM sequuntur in medicina beneficia, opifice natura ne in illis quidem cessante, & per undas fluctusque ac reciprocos æstus, anniumq; rapidos cursûs improbas
exeren-

exerente vires : nusquam potentia majore , si verum fateri volumus. Quippe hoc elementum cæteris omnibus imperat : terras devorant aquæ , flammæ necant , scandunt in sublime , & cælum quoque sibi vindicant , ac nubium obtentu vitalem spiritum strangulant. Quæ causâ fulmina elidit , ipso secum discordante mundo ? Quid esse mirabilius potest aquis in cælo stantibus ? At illæ , ceu parum sit in tantam pervenire altitudinem , rapiunt eo secum piscium examina. Sæpe etiam lapides subvehunt , portantes aliena pondera. Eadem cadentes omnium terra nascentium causâ fiunt , prorsus mirabili natura , si quis velit reputare ut fruges gignantur , arbores fruticesque vivant , in cælum migrare aquas , animamque etiam herbis vitalem inde deferre : justâ confessione , omnes terræ quoque vires aquarum esse beneficii. Quapropter ante omnia ipsarum potentia exempla ponemus : cunctas enim quis mortalium enumerare queat ?

CAP. II. *De differentia aquarum , medicinis,
& observationibus CCLXVI.*

Emicant benigne passimque in plurimis terris , alibi frigida , alibi calida , alibi junctæ , sicut in Tarbellis Aquitanica gente , & in Pyrenæis montibus , tenui intervallo discernente. Alibi tepida egelidæque auxilia morborum conferentes , & cunctis animalium , hominum tantum causâ erumpentes . Augent numerum Deorum nominibus variis , urbesque condunt , sicut Puteolos in Campania , Statyellas in Liguria , Sextias in Narbonensi provincia : nusquam tamen largius quam in Bajanò sinu , nec pluribus auxiliandi generibus , aliæ sulphuris , aliæ aluminis , aliæ salis , aliæ nitri , aliæ bituminis , nonnullæ etiam acida fæcæ mistura.

Vapore

Vapore quoque ipso aliqua profunt : tantaque eis est vis : ut balineas calefaciant , ac frigidam etiam in solis fervere cogant , quæ in Bajano Posidiana vocantur , nomine accepto à Claudii Cæsaris liberto. Obsonia quoque percoquunt : vaporant & in mari ipso, quæ Licinii Crassi fuere : mediosque inter fluctus existit aliquid valetudini salutare. Iam generatim nervis profunt pedibusve , aut coxendicibus , aliæ luxatis fractisve : inaniunt alvos : sanant hulcera : capiti auribusque privatim medentur : oculis verò Ciceronianæ : digna memoratu villa est ab Averno lacu Puteolos tendentibus imposta litori , celebrata porticu ac nemore , quam & vocabat M. Cicero Academiam , ab exemplo Athenarum , ibi compositis voluminibus ejusdem nominis , in qua & monumentum sibi instauraverat , ceu verò non & in toto terrarum orbe fecisset . Hujus in parte prima , exiguo post obitum ipsius , Antistio Vetere possidente , eruperunt fontes calidi perquam salubres oculis , celebrati carmine Laureæ Tullii , qui fuit è libertis ejus (ut protinus noscatur etiam ministerium ejus) ex illa majestate (ponam enim ipsum carmen) dignum ubique , & non ibi tantum legi ,

*Quo tua, Romana vindex clarissima lingua,
Sylva loco melius surgere jussa viret,
Atque Academia celebratam nomine villam
Nunc reparat cultu sub potiore Vetus:
Hic etiam apparent lymphæ non ante repertæ,
Lauguida qua infuso lumina rore levant.
Nimirum locus ipse sui Ciceronis honori
Hoc dedit, hac fontes cum patefecit ope.
Ut, quoniam totum legitur sine fine per orbem,
Sint plures, oculis qua medeantur, aquæ.
In eadem Campaniæ regione Sinuessanæ aquæ
sterili-*

sterilitatem fœminarum, & virorum insaniam abolere produntur. In Ænaria insula calculosis mederi: & quæ vocatur Acidula, ab Teano Sidi-cino quatuor millia passuum hæc frigida. item in Stabiano, quæ dimidia vocatur: & in Venafrano ex fonte Acidulo: idem contingit in Velino lacu potantibus: item in Syriæ fonte juxta Taurum montem, autor est M. Varro: & in Phrygiæ Gallo flumine Callimachus. Sed ibi in potando necessarius modus, ne lymphatos agat, quod in Æthiopia accidere his qui fonte rubro biberint Ctesias scribit. Iuxta Romam Albulæ aquæ vulneribus medentur: egelidæ hæ: sed Cutiliæ in Sabinis gelidissimæ, suctu quodam corpora invadunt, ut prope morsus videri possit, aprissimæ stomacho, nervis, universo corpori. Thespiarum fons conceptus mulieribus repræsentat: item in Arcadia flumen Elatum. Custodit autem partum Linus fons in eadem Arcadia, abortusque fieri non patitur. E diverso in ¹ Pyrrhea flumen, quod Aphrodisium vocatur, sterile facit. Lacus Alphion vitilignes tollit. Varro autor est, Titium quendam Prætura functum, marmorei signi faciem habuisse, propter id vitium. Cydnus Ciliciæ amnis podagricis medetur, sicut apparet in epistola Cassii Parmensis ad M. Antonium. Contra, aquarum culpa in Trœzene omnium pedes vitia sentiunt. Tungri civitas Galliæ fontem habet insignem, plurimis bullis stillantem, ferruginei saporis: quod ipsum non nisi in fine potus intelligitur. Purgat hic corpora: tertianas febres discutit, calculorumque vitia. Eadem aqua igne admoto turbida fit: ad postremum rubescit. Leucogæi fontes inter Puteolos & Neapolim oculis & vulneribus medentur. Cicero in admirandis posuit,

suit, Reatinis tantum paludibus ungulas jumentorum indurari. Eudicus in Hestiatide fontes duos tradit esse, Ceronem, ex quo bibentes oves nigras fieri: Melan, ex quo albas: ex utroque autem varias. Theophrastus in Thuriis Crathim candorem facere, Sybarim nigritiam bobus ac pecori. Quin & homines sentire differentiam eam: nam qui Sibarim bibant, nigriores esse, durioresque & crispo capillo: qui ex Crathide, candidos mollioresque, ac porrecta coma. Item in Macedonia qui velint sibi candida nasci, ad Aliacmonem ducere: qui nigra aut fusca ad Axiu. Idem omnia fusca quibusdam in locis tradit nasci, & fruges quoque, sicut in Messapiis. At Lusis Arcadiæ quodam fonte mures terrestres vivere & conversari. Erychris Aleos amnis pilos gignit in corporibus. In Bœotia ad Trophonium Deum juxta flumen Orchomenon duo sunt fontes, quorum alter memoriam, alter oblivionem affert, inde nominibus inventis. In Cilicia apud oppidum Crescum rivus fuit Nus, ex quo bibentium subtiliores sensus fieri M. Varro tradit: at in Cea insula fontem esse, quo hebetes fiant: Zamæ in Africa, quo canoræ voces. Vinum tædio venire his qui ex Clitorio lacu biberint: at Eudoxus & Theopompus inebriari fontibus iis quos diximus. Mutianus Andriæ fonte Liberi patris, statim diebus septenis ejus Dei vinum fluere, si auferatur à conspectu templi, sapore in aquam transeunte. Polyclytus explere olei vicem juxta Solos Ciliciæ fontem. Theophrastus hoc idem fieri in Æthiopia ejusdem virtutis fonte. Lycos, in Indiæ terris fontem esse, cujus aqua lucernæ ardeant: idem Ecbatanis traditur. Theopompus in Scotuslâ lacum esse dicit, qui vulneribus medetur. Iuba in Troglodycis lacum, insanum male-

malefica vi appellatum, ter die fieri amarum salsumque, ac deinde dulcem, totiesque etiam notu, scatentem albis serpentibus vicenum cubitorum. Idem in Arabia fontem exilire tanta vi, ut nullum non pondus impactum respuat. Theophrastus Marfyæ fontem in Phrygia ad Celænarum oppidum saxa egerere: non procul ab eo duo sunt fontes, Clæon & Gelon, ab effectu Græcorum nominum dicti. Cyzici fons Cupidinis vocatur, ex quo potantes amorem deponere Mutianus credit. Cranone est fons calidus citra summum fervorem, qui in vinum additus, triduo calorem potionis custodit in vasis. Sunt & Mattiaci in Germania fontes calidi trans Rhenum, quorum haustus triduo fervet: circa margines verò pumicem faciunt aquæ. Quod si quis fide carere ex his aliqua arbitratur, discat in nulla parte naturæ majora esse miracula: quanquam inter initia operis, abunde multa retulimus. Ctesias tradit Siden vocari stagnum in Indis, in quo nihil innatet, omnia mergantur. Cælius apud nos in Averno ait etiam folia subsidere: Varro, aves, quæ advolaverint, emori. Contra in Africæ lacu Apuscidamo omnia fluitant, nihil mergitur: item in Siciliæ fonte Phinthia, ut Apion tradit: & in Medorum lacu puteoque Saturni. Fons Limyræ transire solet in loca vicina portendens aliquid: mirumque quod cum piscibus transit: responsa ab his petunt incolæ cibo, quem rapiunt annuentes: si verò eventum negent, caudis abigunt. Amnis Olachas in Bithynia Briazum alluit (hoc & templo & Deo nomen) cujus gurgite perjuri notantur pati velut flammam urentem. Et in Cantabria fontes Tammarici in augurio habentur: tres sunt, octonis pedibus distantes: in unum alveum coeunt vasto amne:

amne : singulis siccantur duodecies diebus , aliquando vicies , citra suspicionem ullam aquæ , cum sit vicinus illis fons sine intermissione largus : dirum est , non profluere eos aspicere volentibus : sicut proxime Lartio Licinio legato post Præturam post septem dies accidir. In Iudæa rivus sabbatis omnibus siccatur. E diverso miracula alia dira. Cresias in Armenia scribit esse fontem , ex quo nigros pisces illico mortem afferre in cibis : quod & circa Danubii exortum audiui , donec veniatur ad fontem alveo appositum , ubi finitur id genus piscium : ideoque ibi caput ejus amnis intelligitur fama. Hoc idem & in Lydia in stagno nympharum tradunt : in Arcadia ad Pheneum aqua profluit è saxi , Styx appellata , quæ illico necat , ut diximus : sed esse pisces parvos in ea tradit Theophrastus , lethales & ipsos , quod non in alio genere mortiferorum fontium. Necare aquas Theopompus & in Thracia apud ² Cychros dicit : Lycus in Leontinis tertio die , si quisquam biberit : Varro ad Soraeten esse fontem , cujus sit latitudo quatuor pedum ; Sole oriente eum exundare ferventi similem , avesque quæ gustaverint , juxta mortuas jacere : nanque & hæc insidiosa conditio est , quod quædam etiam blandiuntur aspectu , ut ad Nonacrin Arcadiæ : omnino enim nulla deterrent qualitate : hanc putant nimio frigore esse noxiam , utpote cum profluens ipsa lapidescat : aliter circa Theflalica Tempe , quoniam visus omnibus terrori est : traduntque etiam æs ac ferrum erodi illa aqua. Profluit (ut indicavimus) brevi spatio : mirumque , siliqua sylvestris amplecti radicibus fontem eum dicitur , semper florens purpura : & quædam sui generis herba in labris fontis viret. In Macedonia , non procul Euripidis Poëtæ sepulcro ,
duo

duo rivi confluent , alter saluberrimi potus , alter mortiferi . In Perperenis fons est , qui quacunque rigat , lapideam facit terram : item calidæ aquæ in Eubœæ ³ Delio : nanque alluit rivus , saxa in altitudinem crescunt . In Eurymenis dejectæ coronæ in fontem , lapides fiunt . In Colossis flumen est , in quod lateres coniecti , lapides extrahuntur . In Scyretico metallo arbores quæcunque flumine aluuntur , saxa fiunt cum ramis . Distillantes quæque guttæ in lapides durescunt in antris Coryciis : nam Mieæ in Macedonia , etiam pendentes in ipsis cameris : at in Coryco , cum decidere : in quibusdam speluncis utroque modo ; columnasq; faciunt , ut Phausia Chersonesi Rhodiorum in antro magno , etiam discolori aspectu . Et hæcenus contenti sumus exemplis .

C A P . III . *De qualitate aquarum , insalubritate vel commoditate earum .*

Quæritur inter Medicos , cujus generis aquæ sint utilissimæ : stagnantes pigrasque merito damnant , utiliores quæ profluunt existimantes : cursu enim percussuque ipso extenuari atque proficere : eoque miror , cisternarum ab aliquibus maximo probari . Sed hi rationem afferunt , quoniam levissima sit imbrium aqua , ut quæ subire potuerit ac pendere in aëre : ideo & nives præferunt imbribus , nivibusque etiam glaciem , velut ad infinitum coacta subtilitate : leviora enim hæc esse , & glaciem multo levior aqua . Horum sententiam refellere interest vitæ : in primis enim levitas illa deprehendi aliter , quam sensu , vix potest , nullo pene momento ponderis aquis inter se distantibus . Nec levitatis in pluvia aqua argumentum est subisse eam in cæum , cum etiam lapides subire appareat , cadensque inficiatur halitu terræ : quo

fit ut pluvix aquæ sordium inesse plurimum sentiatur, citissimeque ideo calefiat aqua pluvia. Nivem quidem glaciemque subtilissimum elementi ejus videri miror, apposito grandinum argumento, è quibus pestilentissimum potum esse convenit. Nec verò pauci inter ipsos è contrario ex gelu ac nivibus insaluberrimos potus prædicant, quoniam exactum sit inde, quod tenuissimum fuerit. Minui certe liquorem omnem congelationeprehenditur, & rore nimio scabiem fieri, pruina uredinem, cognatis & nivis causis. Pluvias quidem aquas celerrime putrescere convenit, minimeque durate in navigatione. Epigenes autem, aquam quæ septies putrefacta purgata sit, perhibet amplius non putrescere. Nam cisternas etiam Medici confitentur inutiles, alvo duritias facientes, faucibusque: etiam limi non aliis inesse plus, aut animalium quæ faciunt tædium, confitendum habent. Nec statim amnium utilissimas esse, sicuti nec torrentium ullius, lacusque plurimos salubres maxime. Quædam igitur & hujus generis aptissimæ aliæ alibi. Parthorum reges ex Choaspe & Eulæo tantum bibunt: & eæ quanvis in longinqua comitantur illos: & horum placere potum, non quia sint amnes, apparet, quoniam nec è Tigri, nec Euphrate, nec è multis aliis bibunt. Limus aquarum vitium est: si tamen idem amnis anguillis scateat, salubritatis indicium habetur: sicuti frigoris, tineas in fonte gigni. Ante omnia autem damnantur amaræ, & quæ ⁴ scrobem statim implent: quod evenit Trœzene. Nam nitrosas atque ⁵ salmacidas in desertis Rubrum mare petentes, addita polenta, utiles intra duas horas faciunt, ipsæque vescuntur polenta. Damnantur in primis fontes, qui cœnum faciunt, quique malum colo-

rem

rem bibentibus : refert & si vasa ære inficiunt, aut si legumina tarde percoquunt, si liquatæ leniter terram relinquunt, decoctæque crassis obducunt vasa crustis. Est etiamnum vitium non fœtidæ modo, verum omnino quicquam respicientis, jucundum sit illud licet gratumque, &, ut sæpe; adviciniam lactis accedens. Aquam salubrem aëri quam simillimam esse oportet : unus in toto orbe traditur fons aquæ jucunde olentis in Mesopotamia Caburæ : fabulæ rationem afferunt, quoniam eo Iuno perfusa sit. De cætero aquarum salubrium sapor odorve nullus esse debet. Quidam statera judicant de salubritate, frustrante diligentia, quando perrarum est, ut levior sit aliqua. Certior subtilitas, inter pares meliorem esse, quæ calefiat refrigereturque celerius. Quin exhaustam vasis ⁶ ne manus pendeant, depositisque in humum tepescere affirmant. Ex quonam ergo genere maxime probabilis continget? Puteis nimirum, ut in opidis constare video : sed his, quibus exercitationis ratio crebro haustu contingit, & illa tenuitas colante terra. Salubritati hæc satis sunt. Frigori & opacitas necessaria, utque cælum videant. Super omnia observatio una, eadem & ad perennitatem pertinet, ut illa vado exiliat vena, non è lateribus. Nam ut tactu gelida sit, etiam arte contingit, si etiam expressa in altum, aut è sublimi dejecta, verberatu corripiat aëra. In natando quidem spiritum continentibus frigidior sentitur eadem. Neronis principis inventum est, decoquere aquam, vitroque demissam in nives refrigerare : ita voluptas frigoris contingit sine vitiiis nivis. Omnem utique decoctam utiliore esse convenit : item calefactam magis refrigerari, subtilissimo invento. Viciosæ aquæ remedium est, si decoquatur ad di-

midias partes. Aqua frigida injecta sistitur sanguis: æstus in balneis arceretur, si quis ore teneat. Quæ sunt haustu frigidissimæ, non perinde & tactu esse, alternante hoc bono, multi familiari exemplo colligunt. Clarissima aquarum omnium in toto orbe, frigoris salubritatisque palma præconio urbis, Marcia est, inter reliqua Deum munere urbi tributa. Vocabatur hæc quondam Aufeïa, fons autem ipse Piconia: oritur in ultimis montibus Pelignorum: transit Marfos & Eucinum lacum, Romam non dubie petens: mox specu merfa, in Tiburtina se aperit 1x millia passuum fornicibus structis perducta. Primus eam in urbem ducere auspicatus est Ancus Marcius, unus è regibus: postea Q. Marcius Rex in Prætura: rursusque restituit M. Agrippa. Idem & Virginem adduxit ab octavi lapidis diverticulo duo millia passuum. Prænestina via: juxta est Herculaneus rivus, quem refugiens Virginis nomen obtinuit. Horum amnium comparatione differentia supra dicta deprehenditur, cum quantum virgo tactu, tantum præstet Marcia haustu: quanquam utriusque jampridem urbi perit voluptas, ambitione avaritiaque in villas ac suburbana decoquentibus publicam salutem. Non ab re sit, quærendi aquas junxisse rationem: reperiuntur in convallibus maxime, & quodam convexitatis cardine, aut montium radicibus. Multi septentrionales ubique partes aquosas existimare: qua in re varietatem naturæ aperuisse conveniat. In Hyrcanis montibus à meridiano latere non pluit: ideo sylvigeri ab Aquilonis tantum parte sunt: at Olympus, Ossa, Parnassus, Apenninus, Alpes undique vestiuntur, amnibusque perfunduntur. Aliqui ab Austro, sicut in Creta Albi

Albi montes : nihil ergo in his perpetuæ observationis judicabitur. Aquarum sunt notæ juncus aut harundo, aut herba, de qua dictum est : multumque aliqui loco pectore incubans rana. Salix enim erratica, & alnus, aut vitex, aut edera sponte proveniunt, & corrivatione aquæ pluvix in locum humiliorem è superioribus defluentis, augurio fallaci. Certior multo nebulosa exhalatio est, ante ortum Solis longius intuentibus : quod ex edito quidam speculantur, prout terram mento attingente. Est & peculiaris æstimatio peritis tantum nota, quam ferventissimo æstu sequuntur, dieique horis ardentissimis, qualis ex quoque loco repercussus splendeat : nam si terra sitiente humidior est ille, indubitata spes promittitur : sed tanta intentione oculorum opus est, ut indolescant : quod fugientes ad alia experimenta decurrunt, loco in altitudinem pedum quinque defossio, olisque è figlino opere crudis, aut peruncta pelvi ærea cooperto, lucernaque ardente concamerata frondibus, dein terra. Si figlinum humidum ruptumve, aut in ære sudor, vel lucerna sine defectu olei restincta, aut etiam vellus lanæ madidum reperiatur, non dubie promittunt aquas. Quidam & igne prius excoquunt locum, tanto efficaciore vasorum argumento. Terra vero ipsa promittit candicantibus maculis, aut tota glauci coloris : in nigra enim scaturigines non fere sunt perennes : figulari creta semper adimitur spes : nec amplius puteum fodiunt, coria terræ observantes, ut à nigra descendat ordo supra dictus. Aqua semper dulcis in argillosa terra, frigidior in topho : namque & hic probatur : dulces enim levesque facit, & colando continet sordes. Sabulum exiles limosasque promittit : glarea incertas venas, sed boni

saporis. Sabulum masculum & harena carbunculosa, certas stabilesque & salubres. Rubra saxa optimas speique certissimæ. Radices montium saxosæ, & flex, hoc amplius, rigentes. Oportet autem fodientibus humidiores assidue respondere glebas, faciliusque ferramenta descendere. Depressis puteis sulphurata vel aluminosa occurrentia putearios necant: experimentum hujus periculi est demissa ardens lucerna, si extinguatur. Tunc secundum puteum dextra ac sinistra fodiuntur æstuaria, quæ graviores illum halitum recipiant. Fit & sine his vitiis altitudine ipsa gravior aër, quem emendant assiduo linteorum jactatu eventilando. Cum ad aquam ventum est, sine harena opus surgit, ne venæ obstruantur. Quædam aquæ vere statim incipiente frigidiores sunt, quarum non in alto origo est: hybernis enim constant imbribus: quædam Canis ortu sicut in Macedonia Pella utrunque: ante oppidum enim incipiente æstate, frigida est palustris: dein maximo æstu in excelsioribus oppidi riget. Hoc & in Chio evenit, simili ratione portus & oppidi. Athenis Enneactunos nimbofa æstate frigidior est, quam puteus in Iovis horto: at ille siccitatibus riget.

C A P. IV, *Aquarum subito nascentium,
aut desinentium ratio.*

Maxime autem putei circa Arcturum. Nam ipsa æstate deficiunt, omnesque quarriduo eo subsident: jam verò multi hyeme tota: ut circa Olympum, vere primum aquis redeuntibus. In Sicilia quidem circa Messanam & Mylas hyeme in totum inarescunt fontes: æstate exundant, amnemque faciunt. Apolloniæ in Ponto fons juxta mare æstate tantum superfluit, & maxime circa Canis ortum, parcius, si frigidior sit æstas. Quædam

dam terræ imbris sicciore sunt, velut in Nar-
nienſi agro: quod admirandis ſuis inſeruit M. Ci-
cero, ſiccitate lutum fieri prodens, imbre pulve-
rem. Omnis aqua hyeme dulcior, æſtate autem
minus, autumnō minime: minusque per ſiccita-
tes. Neque æqualis amnium plerunque guſtus eſt,
magna alvei differentia: quippe tales ſunt aquæ,
qualis terra per quam fluunt, qualesq; herbarum,
quas lavant, ſucci: ergo iidem amnes parte aliqua
reperiuntur inſalubres. Mutant ſaporem & in-
fluentes rivi, ut Boryſthenem, viſtque diluuntur:
aliqui vero & imbre mutantur. Ter accidit in Bo-
ſphoro, ut ſaliſi deciderent, necarentque frumen-
ta: toties & Nili rigua pluviæ amara fecere, ma-
gna peſtilentia Ægypti. Nascuntur fontes decifis
plerunque ſylvis, quos arborum alimenta conſu-
mebant: ſicut in Hæmo obſidente Gallos Caſſan-
dro, cum valli gratia ſylvas cecidiſſent. Plerunque
vero damnoſi torrentes corrivantur detracta col-
libus ſylva, continere nimbos ac digerere conſue-
ta. Et coli moverique terram, callumque ſummæ
cutis ſolvi, aquarum intereſt. Proditur certe in
Creta expugnato oppido, quod vocabatur Arca-
dia, ceſſaſſe fontes, amnesque qui in eo ſitu multi
erant: rurfus condito poſt ſex annos emerſiſſe,
uti quæque cœpiſſent partes coli.

CAP. V. *Obſervatio hiſtorica.*

Terræ quoque motus profundunt, ſorbentque
aquas: ſicut circa Pheneum Arcadiæ quinquies
accidiſſe conſtat. Sic & in Coryco monte amnis
erupit, poſteaquam cœptus eſt coli. Illa mutatio
mira, ubi cauſa nulla evidens apparet: ſicut in
Magneſia calidas factas frigidas, alias non mutato
ſapore: & in Caria, ubi Nepruni templum eſt,
amnis qui fuerat ante dulcis, mutatus in ſalem eſt.

Et illa miraculi plena, Arethusam Syraculis famam redolere per Olympia: verique simile, quoniam Alpheus in eam insulam sub ima maria permeet. Rhodiorum fons in Chersoneso nono anno purgamenta egerit. Mutantur & colores aquarum: sicut Babylonix lacus æstate rubras habet diebus XI. Et Borysthenes ætatis temporibus cæruleus fertur, quanquam omnium aquarum tenuissimus: ideoque innatans Hypani: in quo & illud mirabile, Austris flantibus superiorem Hypanim fieri. Sed tenuitatis argumentum & aliud est, quod nulum halitum non modo nebulam emittat. Qui volunt diligentes circa hoc videri, dicunt aquas graves post brumam fieri.

CAP. VI. *Ratio aquæ ducendæ, & quomodo medicatis utendum: & quid profit navigatio, & medicina aquæ marinæ.*

Cæterum à fonte duci fistilibus tubis utilissimum est, crassitudine binum digitorum commissuris pyxidatis, ita ut superior intret, calce viva ex oleo lævigatis. Libramentum aquæ in centenos pedes sursum elici, minimum erit: si uno cuniculo veniet, in binos actus: laminæ esse debebunt, per quas surgere in sublime opus fuerit, è plumbo: subit altitudinem exortus sui: si longiore tractu veniet, subeat crebro descendatque, ne libramenta pereant. Fistulas denum pedum longitudinis esse legitimum est: & si quinarix erunt, sexagena pondopendere: si octonariæ centena: si denariæ, centena vicena, ac deinde ad has portiones. Denariæ appellantur, cujus laminæ latitudo antequam curvetur digitorum decem est, dimidioque ejus quinaria. In omni anfractu collis quinariam fieri, ubi dometur impetus, necessarium est: item castella, prout res exiger. Homerum calidorum fontium

men-

mentionem non fecisse demiror, cum alioquin lavari calida frequenter induceret: videlicet quia medicina tunc non erat hæc, quæ nunc aquarum perfusio utitur. Est autem utilis sulphurata nervis, aluminata paralyticis, aut simili morbo solutis: bituminata aut nitrosa, qualis Cutilia, utilis est bibendo atque purgationibus. Plerique in gloria ducunt, plurimis horis perpeti calorem earum: quod est inimicissimum: nanque paulo diutius, quam balineis, uti oportet, ac postea frigida dulci, nec sine oleo discedentis: quod vulgus alienum arbitratur, idcirco non alibi corporibus magis obnoxiiis. Quippe & vastitate odoris capita replentur, & frigore infestantur sudantia, reliqua corporum parte mersa. Similis error, quo quidam plurimo potu gloriantur: vidique jam turgidos bibendo, in tantum ut annuli integerentur cute, cum reddi non posset hausta multitudo aquæ: nec hoc ergo fieri convenit sine crebro salis gustu. Utuntur & cæno fontium ipsorum utiliter, sed ita, si illitum Sole inarescat. Nec vero omnes quæ sint calidæ, medicatas esse credendum, sicut in Egesta Siciliae, Larissa, Troade, Magnesia, Melo, Lipara. Nec decolor species æris argente (ut multi existimavere) medicaminum argumentum est, quando nihil eorum in Patavinis fontibus ne odoris quidem differentia aliqua deprehenditur. Medendi modus idem & in marinis erit, quæ calefiunt ad nervorum dolores, ferruminant & fracturas, ossaque contusa: item corpora ficcant, qua de causa & frigido mari utuntur. Præterea est alius usus multiplex, principalis vero navigandi phthisi affectis, ut diximus, aut sanguinem egerentibus: sicut proxime Anneum Gallionem fecisse post Consulatum meminimus: neque enim

Aegyptus propter se petitur, sed propter longinquitatem navigandi. Quin & vomitiones ipsæ instabili volutatione commotæ plurimis morbis capitis, oculorum, pectoris, medentur, omnibusque, propter quæ elleborum bibitur. Aquam vero maris per se efficaciorē discutiendis tumoribus putant Medici, si illa decoquatur hordeacea farina ad parotidas. Emplastris etiam, maxime albis, & malagmatis miscent: prodest & infusa⁸ crebro ictu. Bibitur quoque, quamvis non sine injuria stomachi, ad purganda corpora, bilemque atram, aut sanguinem concretum reddendum alterutra parte. Quidam & quartanis dedere eam bibendam, & in tenesmis articularibusque morbis aservatam, & in hoc vetustate virus deponentem: aliqui decoctam, omnes ex alto haustam, nullaque dulcium mistura corruptam, in quo usu præcedere vomitum volunt: tunc quoque acetum aut vinum aqua miscent. Qui parum dedere, rhapsanos supermandi ex mulso aceto jubent, ut ad vomitiones revocent. Clysteribus quoque marinam infundunt tepesactam. Testium quidem tumori fovendo non aliud præferunt. Item pernionum vitio ante hulcera, simili modo pruritibus, pforis, & lichenum curationi: lendes quoque & tetra capitis animalia hac curantur: & liventia reducit eadem ad colorem. In quibus curationibus post marinam aceto calido fovere plurimum prodest. Quin & ad ictus venenatos salutaris intelligitur, ut phalangiorum & scorpionum, & ⁹pyade aspidæ resperis: calida autem in his assumitur. Sufficit eadem cum aceto capitis doloribus. Tormina quoque & choleram calida infusa clysteribus sedat. Difficilius perfrigescunt marina calefacti. Mammæ sororiantes, præcordia, maciemque corporis piscinæ

piscinæ maris corrigunt. Aurium gravitatem, capitis dolores, cum aceto ferventium vapor. Rubiginem ferro marinæ celerrime exterunt. Pecorum quoque scabiem sanant, lanasque emolliunt. Nec ignoro, hæc mediterraneis supervacanea videri posse: verum & hoc cura providit, inventa ratione qua sibi quisque aquam maris faceret. Illud in ea ratione mirum, si plus quam sextarius salis cum quatuor aquæ sextariis mergatur, vinci aquam, saleque non liquari: cætero sextarius salis cum quatuor aquæ sextariis, salissimi maris vim & naturam implet. Moderatissimum autem putant, supradictam aquæ mensuram octonis cyathis salis temperari, quoniam ita & nervos calefaciat, & corpus non exasperet. Inveteratur, quod vocatur thalassomeli, æquis portionibus maris, mellis, imbris: ex alto & ad hunc usum advehunt, fictilique vase & picato condunt: prodest ad purgationes maxime sine stomachi vexatione, & sapore grato & odore. Hydromeli quoque ex imbre puro cum melle temperabatur, quondam, quod daretur appetentibus vinum ægris, veluti innocentiore potu, damnatum jam multis annis iisdem vitiis, quibus vinum, nec iisdem utilitatibus. Quia sæpe navigantes defectu aquæ dulcis laborant, hæc quoque subsidia demonstrabimus: expansa circa navim vellera madescunt accepto halitu maris, quibus humor dulcis exprimitur: item demissæ reticulis: in mare concavæ è cera pilæ, vel vasa inania obturata, dulcem intra se colligunt humorem: nam in terra, marina aqua argilla percolata dulcescit. Luxata hominum corpora & quadrupedum, natando in cujuslibet generis aqua, facillime in artus redeunt. Est & in metu peregrinantium, ut tentent valetudinem aquæ ignotæ: hoc cavent è balineis

balineis egressi statim frigidam suspectam hauriendo. Muscus, qui in aqua fuerit podagris illitus prodest: item oleo admisto, talorum dolori tumorigue. Spuma aquæ ¹⁰ affricu verrucas tollit. Necnon harena litorum maris, præcipue tenuis & solibus candens, in medicina est siccandis corporibus coopertis hydropicorum, aut rheumatismos sentientium. Et hætenus de aquis: nunc de aquatilibus. Ordinemur autem, ut in reliquis, à principalibus eorum, quæ sunt sal & spongia.

CAP. VII. *De generibus salis, & confecturis, & medicinis, & observationibus.*

Sal omnis aut fit, aut gignitur: utrumque pluribus modis, sed causa gemina, coacto humore, aut siccato. Siccatur in lacu Tarentino æstivis Solibus, totumque stagnum in salem abit, modicum alioquin, altitudine genua non excedens: item in Sicilia in lacu, qui Cocanicus vocatur, & alio juxta Gelam: horum extremitates tantum inarescunt, sicut in Phrygia, Cappadocia, Aspendi, ubi largius coquitur, & usque ad medium lacum. Aliud etiam in eo mirabile, quod tantundem noctu subvenit, quantum die auferas. Omnis est talis sal minutus, atque non gleba est. Aliud genus ex aquis maris sponte gignitur, spuma in extremis litoribus ac scopulis relicta: hic omnis rore densatur, & est acrior qui in scopulis invenitur. Sunt etiamnum naturales differentiæ tres: nanque in Bactris duo lacus vasti, alter ad Scythas versus, alter ad Arios, sale æstuant: sicut ad Cittium in Cypro, & circa Memphin, extrahunt lacu, dein Sole siccant. Sed & summa fluminum densantur in salem, amne reliquo veluti sub gelu fluente, ut apud Caspias portas, quæ salis flumina appellantur: item circa Mardos & Armenios. Præterea apud Bactros

Bactros amnis Ochus & Oxus, ex appositis montibus deferunt salis ramenta. Sunt & in Africa lacus, & quidem turbidi, salem ferentes. Ferunt quidem & calidi fontes, sicut Pegasæi. Et hætenus habent se genera ex aquis sponte provenientia. Sunt & montes nativi salis, ut in Indis Oromenus, in quo lapicidinarum modo cæditur renascens: majusque regum vectigal ex eo est, quam ex auto atque margaritis. Effoditur & è terra, ut palam est, humore densato, in Cappadocia: ibi quidem cæditur specularium lapidum modo: pondus magnum glebis, quas micas vulgus appellat. Carthis Arabiæ oppido muros domosque massis salis faciunt, aqua ferruminantes. Invenit & juxta Pelusium Ptolemæus rex, cum castra faceret: quo exemplo postea inter Ægyptum & Arabiam, etiam squalentibus locis, cæptus est inveniri, detractis harenis: qualiter & per Africæ sitientia usque ad Hammonis oraculum: is quidem crescens cum Luna noctibus. Nam Cyrenaici tractus nobilitantur Hammoniaco & ipso, quia sub harenis invenitur, appellato: similis est calore alumini, quod schiston vocant, longis glebis, neque perlucidis, ingratus sapore, sed medicinæ utilis: probatur quam maxime perspicuus, rectis scissuris. Insigne de eo proditur, quod levissimus intra specus suos, in lucem universam prolatus, vix credibili pondere ingravescat: causa evidens, cuniculorum spiritu madido sic adjuvante molientes, ut adjuvant aquæ: adulteratur Siculo, quem Cocanicum appellavimus, necnon & Cyprio mire simili. In Hispania quoque citeriore Egelastræ cæditur, glebis pene translucentibus, cui jampridem palma à plebisque Medicis inter omnia salis genera perhibetur. Omnis locus in quo reperitur sal, sterilis est, nihil-

nihilque gignit: & totum sponte nascens inter hæc est. Factitii varia genera: vulgaris plurimusque in salinis, mari adfuso, non sine aquæ dulcis riguis, sed imbre maxime iuvante, ac super omnia Sole multo, non aliter inarescens. Africa circa Vticam construit acervos salis ad collium speciem: qui ubi Sole Lunaque induruere, nullo humore liquefcunt, vixque etiam ferro cæduntur. Fit tamen & in Creta sine riguis, in salinas mare infundentibus & circa Ægyptum, ipso mari influente in solum (ut credo) Nilo succosum: fit & è puteis in salinas ingestis. Prima densatio Babylone in bitumen liquidum cogitur, oleo simile, quo & in lucernis utuntur: hoc detracto subest sal; & in Cappadocia è puteis ac fonte aquam in salinas ingerunt. In Chaonia excoquunt aquam ex fonte, refrigerandoque salem faciunt inertem, nec candidum. Galliæ, Germaniæque ardentibus lignis aquam salinam infundunt. Hispaniæ quadam sui parte puteis hauriunt, muriam appellant: & illi quidem etiam lignum referre arbitrantur; quercus optima, ut quæ per se cinere syncero vim salis reddat: alibi corylus laudatur: ita infuso liquore falso, carbo etiam in salem vertitur: quicumque ligno confit sal, niger est. Apud Theophrastum invenio, Imbrios harundinis & junci cinerem decoquere aqua solitos, donec exiguum superesset humoris. Quin & è muria salsamentorum recoquitur, iterumque consumpto liquore ad naturam suam redit: vulgo è mænis jucundissimus. Maritimum maxime laudatur Cyprius à Salamine: at è stagnis Tarentinus ac Phrygius, qui Tattæus vocatur: hi duo oculis utiles: à Cappadocia verò qui in laterculis affertur, cutis nitorem dicitur facere: magis tamen extendit is, quem Citri eum appell-

appellavimus: itaque à partu ventrem eo cum melanthio illinunt. Salsissimus sal siccissimus: suavissimus omnium Tarentinus, atque candidissimus: & de cætero fragilis, qui maxime candidus: pluvia dulcescit omnis: suaviorem tamen rores faciunt: sed copiosum Aquilonis flatus: austro non nascitur. Flos salis non fit, nisi Aquilonibus: in igne nec crepitat, nec exilit Tragasæus, neque Acanthius ab oppido appellatus: nec ullius spuma, aut ramentum, aut tenuis. Agrigentinus ignium patiens, ex aqua exilit. Sunt & colorum differentia: ruber Memphi, rufus est circa Oxum, Centuripis purpureus, circa Gelam in eadem Sicilia tanti splendoris, ut imaginem recipiat: in Cappadocia croceus effoditur, translucidus & odoratissimus. Ad medicinæ usus, antiqui Tarentinum maxime laudabant: ab hoc quencunque è marinis, ex eo genere spumeum præcipue: jumentorum verò & boum oculis, Tragasæum & Bæticum. Ad obsonium & cibum utilior, quisquis facile liquefcit: item humidior, minorem enim amaritudinem habent, ut Atticus & Euboicus: servandis carnibus aptior acer & siccus, ut Megaricus. Conditur etiam odoribus additis, & pulmentarii vicem implet, excitans aviditatem, invitansque in omnibus cibis, ita ut sit peculiaris ex eo intellectus inter innumera condimenta: ita est mandendo quæsitus garo. Quin & pecudes armentaque & jumenta sale maxime sollicitantur ad pastum, multo largiore lacte, multoque gratiore etiam in caseo dote. Ergo hercule vita humanior sine sale nequit degere: adeoque necessarium elementum est, ut transferit intellectus ad voluptates animi quoque: nam ita sales appellantur: omnisque vitæ lepos & summa hilaritas, laborum-

borumque requies non alio magis vocabulo constat. Honoribus etiam militiæque interponitur, salariis inde dictis, magna apud antiquos auctoritate, sicut apparet ex nomine Salariæ viæ, quoniam illa sal in Sabinos portari consuevit. Ancus Marcius rex, salis modia sex millia in congiario dedit populo, & salinas primus instituit. Varro etiam pulmentarii vice usos veteres, autor est: effrasse enim salem cum pane & caseo, ut proverbio apparet. Maxime tamen in sacris intelligitur autoritas, quando nulla conficiuntur sine mola falsa. Salinarum synceritas summam fecit suam differentiam quadam favilla salis, quæ levissima ex eo est & candidissima: appellatur & flos salis; in totum diversa ¹¹ ros, humidiorisque naturæ, & crocei coloris, aut rufi, veluti rubigo salis: odore quoque ingrato ceu gari, dissentiens à sale non modo à spuma: Ægyptus invenit, videturque Nilo deferri: & fontibus tamen quibusdam innatat: optimum ex eo, quod olei quandam pinguitudinem reddit (est enim etiam in sale pinguitudo, quod miremur) adulteratur autem tingiturque rubrica, aut plerunque testa trita: qui fucus aqua deprehenditur, diluente factitium colorem, cum verus ille non nisi oleo resolvatur, & unguentarii propter colorem eo maxime utantur. ¹² Canitia in vasis summa est: media verò pars humidior, ut diximus. Floris natura aspera, ex-calfactoria, stomacho inutilis: sudorem ciet, alvum solvit in vino & aqua, acopicis & smegmaticis utilis: detrahitis & ex palpebris pilos efficacissime: faeces imæ concutiuntur, ut color croci redeat. Præter hæc etiamnum appellatur in salinis falsugo, ab aliis falsilago, tota liquida, marina aqua salisior, vi distans. Aliud etiamnum liquoris exquisiti

quisiti genus, quod garon vocavere, intestinis piscium cæterisque quæ abjicienda essent, sale maceratis, ut sit illa putrescentium sanies: hoc olim conficiebatur ex pisce, quem Græci garon vocabant, capite ejus usto: suffitu extrahit secundas morantes.

CAP. VIII. De scombropisce, & muria, & alece.

Nunc è scombropisce laudatissimum in Carthaginis Spartariæ cetariis: sociorum id appellatur, singulis millibus nummum permutantibus congios pene binos. Nec liquor ullus pene præter unguenta majore in pretio esse cæpit, nobilitatis etiam gentibus: Scombro quidem, & Mauritania, Bæticaque, & Carteia ex Oceano intrantes capiunt, ad nihil aliud utiles. Laudantur & Clazomenæ garo, Pompeiique & Leptis, sicut muria Antipolis ac Thurii, jam vero & Dalmatia. Vitium hujus est alex, imperfecta nec colata fex: cæpit tamen & privatim ex inutili pisciculo, minimoque confici: Apuam nostri, aphyem Græci vocant, quoniam is pisciculus è pluvia nascitur. Forojulienses piscem ex quo faciunt, lupum appellant. Transiit deinde in luxuriam, creveruntque genera ad infinitum: sicuti garum ad colorem mulsi veteris, adeoque dilutam suavitatem, ut bibi possit. Aliud vero ad castimoniarum superstitionem, etiam sacris Iudæis ¹³ dicatum, quod sit è piscibus squama carentibus. Sic alex pervenit ad ostreas, echinos, urticas, cammaros, mullorum jocinora. innumerisque generibus ad saporem gulæ cæpit sal tabescere. Hæc obiter indicata sint desideriiis vitæ, & ipsa tamen nonnulli usus in medendo: nanque & alece scabies pecoris sanatur, infusa per cutem incisam: & contra canis morsus draconisque marini prodest: in linteolis autem conceptris im-

imponitur. Et garo ambusta recentia sanantur, si quis infundat ac non nominet garum: contra canum quoque morsus prodest, maximeque crocodili, & hulceribus quæ serpunt, aut sordidis: oris quoque & aurium hulceribus aut doloribus mirifice prodest. Muria quoque, sive illa falsugo, spissat, mordet, extenuat, ficit: dysentericis utilis est, etiam si nome intestina corripit. Ischiadicis, coeliacis veteribus infunditur: foru quoque apud mediterraneos aquæ marinæ vicem pensat.

CAP. IX. *De natura salis, & ejus medicinis.*

Salis natura est per se ignea, & inimica ignibus; fugiens eos, omnia erodens: corpora vero astringens, siccans, alligans: defuncta etiam à putrescendo vendicans, ut durent ita per secula. In medendo vero mordens, adurens, repurgans, extenuans, dissolvens: stomacho tantum inutilis, præterquam ad excitandam aviditatem: adversus serpentium morsus cum origano, melle, hyssopo: contra cerasten cum origano, aut cedria, aut pice, aut melle. Auxiliatur contra scolopendras ex aceto potus: adversus scorpionum ictus, cum quarta parte lini seminis, ex oleo vel aceto illitus: adversus crabrones vero vel vespas, similiaque, ex aceto. Ad heterocraneas, capitisque hulcera, & pustulas, papulasve, & incipientes verrucas, cum sevo vitulino: item oculorum remediis, & ad excrescentes ibi carnes totiusque corporis pterygia: sed in oculis peculiariter: ob id collyriis emplastrisque additur. Ad hæc maxime probatur Tartæus, aut Caurites. Ex ictu vero suffusus cruore oculis suggillatisque, cum myrtha pari pondere ac melle, aut cum ¹⁴ hyssopo ex aqua calida, utque foveantur falsugine: ad hæc Hispaniensis eligitur, contraque suffusiones oculorum cum lacte in coticulis teritur.

tur. Privatum suggillationibus in linteolo involutus, crebroque ex aqua ferventi impositus: huiusmodi oris manantibus in linteolo conserptus: gingivarum tumori infricatus: & contra scabritiem linguæ fractus comminutusque. Ajunt dentes non erodi neque putrescere, si quis quotidie mane jejunosalem contineat sub lingua, donec liquefcat. Lepras idem & furunculos, & lichenas, & psoras emendat cum passa uva exempto ejus ligno, & fevo bubulo atque origano ac fermento vel pane, maxime Thebaicus: hic & ad pruritus eligitur. Tonsillis & uvis cum melle prodest. Quicumque ad anginas, hoc amplius cum oleo & aceto eodem tempore extra faucibus illitus, cum pice liquida. Emollit & alvum in vino mistus. Idem noxia, & tinearum genera pellit in vino potus. Aestus balnearum convalescentes ut tolerare possint, linguæ subditus præstat. Nervorum dolorem, maxime usurpanda observatione, circa humeros & renes, in fassis aqua ferventi crebro madefactus, levat. Colum torminaque & coxarum dolores potus, & in iisdem fassis impositus candens. Podagras cum farina ex melle & oleo tritus, ibi maxime observanda usurpatione, qua quidem totis corporibus nihil esse utilius sale & Sole dicunt: itaque cornea videmus corpora piscatorum: sed hoc præcipuum dicatur in podagris. Tollit & clavos pedum: item perniones: ambustis ex oleo imponitur, aut comanducatus, pustulasque reprimat. Ignibus vero sacris huiusmodi ulceribusque quæ serpunt, ex aceto aut hyssopo: carcinomatis cum uva taminia: phagedænis huiusmodi ulcerum, tritus cum farina hordei, superimposito linteolo madente vino. Morbo regio laborantes, donec sudent ad ignem, contra pruritus quos sentiunt, ex oleo & aceto infricatus juvat:

var: & fatigatos ex oleo. Multi & hydropicos sale curavere, fervoresq; febrium cum oleo perunxere, & tussim veterem linctu ejus discutere: clysteribus infudere ischiadicis: hulceribus exerescentibus vel putrescentibus imposuere. Crocodilorum morsibus ex aceto in linteolis, ita ut batuerentur antehac hulcera. Bibitur & contra opium ex aceto mulso. Luxatis imponitur cum farina & melle: item extuberationibus, Dentium dolori cum aceto & foru; & illitus cum resina prodest. Ad omnia autem spuma salis jucundior utiliorque. Sed quicunque sal acopis additur ad excalfactiones: item sinegmaticis ad extendendam cutem lavandamque. Pecorum quoque scabiem & boum illitus tollit: daturque lingendis: & oculis jumentorum inspuitur. Hæc & de sale dicta sint.

*CAP. X. De nitri generibus & confecturis,
& medicinis, & observationibus.*

Non est differenda & nitri natura, non multum à sale distans, & eo diligentius dicenda, quia palam est & Medicos qui de eo scripsere, ignorasse naturam, nec quenquam Theophrasto diligentius tradidisse. Exiguum fit apud Medos, canescentibus siccitate convallibus, quod vocant halmirhaga: minus etiam in Thracia juxta Philippos, fordidum terra, quod appellant agrium: nam quercu cremata nunquam multum factitatum est, & jampridem in totum omisum. Aquæ vero nitrosæ pluribus locis reperiuntur, sed sine viribus densandi. Optimum copiosumq; in ¹⁵ Clytis Macedoniæ, quod vocant chalastricum, candidum, purumque, proximum sali. Lacus est nitrosus, exiliente è medio dulci fonticulo ibi fit nitrum circa Canis ortum novenis diebus, totidemque cessat, ac rursus innatat, & deinde cessat: quo apparet, soli

foli naturam esse quæ gignat: quoniam comper-
tum est, nec Soles proficere quicquam cum cesser,
nec imbres. Mirum est & illud, scatebra fonticulī
semper emicante, lacum nec augeri, nec effluere:
iis autem diebus, quibus gignitur, si fuere imbres,
falsius nitrū faciunt, Aquilones deterius, quia
validius commovent limum: & hoc quidem na-
scitur. In Ægypto autem conficitur multo abun-
dantius, sed deterius: nam fuscum lapidosumque
est. Fit pene eodem modo, quo sal, nisi quod sali-
nis mare infundunt, Nilum autem nitrariis: ex-
cedente Nilo siccantur, decedente madent succo
nitri XL diebus continuis, non (ut in Macedonia)
statis: si etiam imbres affuerint, minus de flumi-
ne addunt: statimque ut densari est cœptum, ra-
pitur ne resolvarur in nitrariis. Hic quoque olei
natura intervenit, ad scabiem animalium utilis:
ipsum autem conditum in acervis durat. Mirum,
in lacu Ascanio, & quibusdam circa Chalcida fon-
tibus, summas aquas dulces esse potarique, infe-
riores nitrosas. In nitro optimum, quod tenuissi-
mum, & ideo spuma melior: ad aliqua tamen for-
didum, tanquam ad inficiendas purpuras tinctū-
rasque omnes. Magnus & nitro usus, qui dicitur
suo loco. Nitrariæ egregiæ Ægyptiis: nam circa
Naucratis & Memphim tantum solebant esse,
circa Memphin deteriores: nam & lapidescit ibi
in acervis: multique sunt tumuli ea de causa saxei.
Faciunt ex his vasa, necnon frequenter liquatum
cum sulphure coquentes in carbonibus. Ad ea
quoque, quæ inveterari volunt, illo nitro utuntur.
Sunt ibi nitrariæ, in quibus & rufum exit à colore
terræ. Spumam nitri, quæ maxime laudatur, an-
tiqui negabant fieri, nisi cum ros cecidisset, præ-
gnantibus nitrariis, sed nondum parientibus: ita-
que

que non fieri incitatis, etiam si caderet: alii ¹⁶ operimentum fermento gigni existimavere. Proxima ætas Medicorum aphronitrum tradidit in Asia colligi, in speluncis, molibus distillans. Specus eos ¹⁷ colycas vocant: dein siccant Sole. Optimum putant Lydium: probatio, ut sit minime ponderosum, & maxime friabile, colore pene purpureo: hoc in pastillis affertur: Ægyptium in vasis picatis, ne lique scat: vasa quoque ea Sole inarescentia perficiuntur. ¹⁸ Nitri probatio, ut sit tenuissimum & quam maxime spongiosum fistulosumque: adulteratur in Ægypto calce: deprehenditur gustu: syncerum enim facile resolvitur: adulteratum pungit: calce aspersum reddit odorem vehementem: uritur in testa opertum ne exulet: alias igni non exilit nitrum: nihilque gignit aut alit, cum in salinis herbæ gignantur, & in mari tot animalia, tantum algæ. Sed maiorem esse acrimoniam nitro apparet, non hoc tantum argumento, sed & illo, quod nitrariæ calceamenta protinus consumunt, alias salubres, oculorumque claritati utiles: in nitrariis non lippiunt: hulcera allata eo celerrime sanantur: ibi facta, tarde. Ciet & sudorem cum oleo perunctis, corpusque emollit. In pane salis vice utuntur Chalastræ: ad raphanos Ægyptio: teneriores eos facit, sed obsonia alba & deteriora, olera viridiora. In medicina autem calfacit, extenuat, mordet, spissat, siccatur, exulcerat. Utile his, quæ evocanda sint aut discutienda, & lenius mordenda atque extenuanda, sicut in papulis pustulisque. Quidam in hoc usu accensum vino austero restinguunt, atque ita trito in balineis utuntur sine oleo: sudores nimios inhibet cū arida iride adjecto oleo viridi. Extenuat & cicatrices oculorum & scabritias genarum cum fico illi-

illitum, aut decoctum in passō ad dimidias partes:
item contra argema oculorum. Ungues decoctum
cum passō in mali Punici calice adjuvat nitrum:
claritatem visus cum melle inunctum: prodest den-
tium dolori ex vino, si cum pipere colluantur:
item cum porro decoctum. Nigrescentes dentes
crematum dentifricio ad calorem reducit. Capitis
animalia, & lendes necat, cum Samia terra illitum
ex oleo. Auribus purulentis vino liquatum infun-
ditur: sordes ejusdem partis erodit ex aceto: soni-
tus & tinnitus discutit siccum additum. Vitiligi-
nes albas cum Cimolia creta, æquo pondere ex
aceto, in Sole illitum emendat: furunculos admi-
stum resinæ extrahit, aut cum uva alba passa, nu-
cleis ejus simul tritis. Testium inflammationi oc-
currit: item eruptionibus pituitæ in toto corpore
cum axungia: contraque canis morsus, addita &
resina, initiis cum aceto illinitur. Sic & serpen-
tium morsibus, phagedænis, & hulceribus quæ
serpunt, aut putrescunt, cum calce ex aceto. Hy-
dropicis cum fico tusum datur illiniturque. Discu-
tit & tormina, si decoctū bibatur pondere drach-
mæ cum ruta, vel anetho, vel cumino: reficit las-
situdines cum oleo ex aceto perunctorum: & con-
tra algores horroresque prodest, manibus pedi-
busque conficatis cum oleo: comprimit & pru-
ritus suffusorum felle, maxime cum aceto datum.
Succurrit & venenis fungorum ex posca potum:
aut si buprestis ¹⁹ pasta sit, ex aqua, vomitionesque
evocat. His qui sanguinem tauri biberint, cum la-
sere datur. In facie quoque exhulcerationes sanat
cum melle & lacte bubulo. Ambustis tostis to-
stum, donec nigrescat, tritumque illinitur. Infun-
ditur ventris & renum doloribus, aut rigori cor-
porum, nervorumq; doloribus. Paralyti in lingua
cum

cum pane imponitur: suspiriosis in prisana sumitur. Tussim veterem sanat flore, misto galbano, resina terebinthina, pari pondere omnium, ita ut fabæ magnitudo devoretur. Coquitur, dilutumque postea cum pice liquida sorbendum in angina datur. Flos ejus cum oleo cyprino articulorum doloribus in Sole jucundus est. Regium quoque morbum in vino exterminat potum: & inflationes discutit, sanguinis profluvium è naribus sistit ex ferventi aqua vapore naribus raptò. Pruriginem alumine permisto tollit: alarum virus ex aqua quotidiano foru: hulcera ex pituita nata cera permistum: quo genere nervis quoque prodest: cœliacis infunditur. Perungi ante accessiones frigidas nitro & oleo multi præcepere: sic & adversus leptas, & lentigines. Podagricis in balineis uti folio nitri prodest, atrophis, opisthotonis, tetanis. Sal nitrum sulphuri concoctum in lapidem vertitur.

C A P. XI. *De spongiarum natura.*

Spongiarum genera diximus in naturis aquaticarum marinarum. Quidam eas ita distinguunt: alias ex his mares existimavere, tenui fistula, spissioresque, persorbentes, quæ & tinguntur in deliciis, aliquando & purpura: alias fœminas, majoribus fistulis ac perpetuis. E maribus duriores alias, quas appellant tragos, tenuissimis fistulis atque densissimis. Candidæ cura fiunt è mollissimis recentes, per æstatem tinctæ salis spuma, ad Lunam & pruinas sternuntur inversæ, hoc est, qua parte adhæsere, ut candorem bibant: animal esse docuimus, etiam cruore in hærente: aliqui narant & auditu regi eas, contrahique ad sonum, exprimentes abundantiam humoris, nec avelli petris posse, ideo abscindi ac saniem emittere. Quin & eas quæ ab Aquilone sint genitæ, præferunt

sunt cæteris: nec usquam diutius durare spiritum Medici affirmant. Sic & prodesse corporibus, quia nostro suum misceant, & ideo magis recentes, magisque humidas: sed minus in calida aqua minusque unctas, aut unctis corporibus impositas: & spissas minus adhærescere. Mollissimum genus earum penicilli, oculorum tumores levant ex mulso impositi: iidem abstergendæ lippitudini utilisimi: eosque tenuissimos & mollissimos esse oportet. Imponuntur & spongiæ ipsæ epiphoris ex posca: ex aceto calido ad capitis dolores: de cætero recentes discutiunt, molliunt, mitigant: veteres conglutinant vulnera. Vfus earum ad abstergenda, fovenda, operienda à foru, dum aliud imponatur: hulcera quoque humida & senilia impositæ siccant: fracturæ & vulnera spongiis utilissime foventur: sanguis rapitur in secando, ut curatio perspicui possit: & ipsæ vulnerum inflammationibus imponuntur, nunc siccæ, nunc ex aceto inspersæ, nunc è vino, nunc ex aqua frigida: ex aqua verò cælesti impositæ, secula recentia non patiuntur intumescere. Imponuntur & integris partibus, sed fluctuatione occulta laborantibus, quæ discutienda sūt, & iis quæ apostemata vocant, melle decocto perunctis: item articulis, alias aceto salso madidæ, alias è posca: si ferveat impetus, ex aqua. Eadem & callo, falsa madidæ: at contra scorpionum ictus ex aceto: in vulnerum curatione & succidæ lanæ vicem implent, nunc ex vino & oleo, nunc ex eadem. Differentia hæc, quod lanæ emolliunt, spongiæ coercent, rapiuntque vitia hulcerum. Circunligantur & hydropicis siccæ, vel ex aqua tepida poscave, utcumque blandioribus opus est, operirive aut siccari cutem. Imponuntur & his morbis, quos vaporari oporteat,

ferventi aqua perfusæ, expressæque inter duas tabulas: sic & impositæ stomacho profunt, & in febris contra nimios ardores: sed spleneticis è posca, ignibus sacris ex aceto, efficaciores quam aliud: imponi oportet sic, ut sanas quoque partes spatiose operiant. Sanguinis profluvium sistunt ex aceto, aut frigida: livorem ab ictu recentem, ex aqua salsa calida sæpius mutata tollunt, testium tumorem doloremque ex posca. Ad canum morsus utiliter concisæ imponuntur, ex aceto, aut frigida, aut melle, abunde subinde hemeclandæ. Africanæ cinis cum porri festivi succo, sanguinem rejicientibus, haustu, salis ex frigida prodest. Idem cinis vel cum oleo vel aceto fronti illitus, tertianas tollit: privatim Africanæ ex posca tumorem discutiunt: omnium autem cinis cum pice crematarum, sanguinem sistit vulnerum: aliqui raras tantum ad hoc cum pice urunt. Et oculorum causa comburuntur in cruda olla figulini operis, plurimum proficiente eo cinere contra scabritias genarum, excrecentesque carnes, & quicquid opus sit ibi distringere, spissare, explere: utilius in eo usu lavare cinerem. Præstant & strigilum vicem linteolorumque affectis corporibus: & contra Solem apte protegunt capita. Medici inscitia ad duo nomina eas redegere, Africanas, quarum firmitus sit robur; Rhodiacasque, ad fovendum molliores: nunc autem molliissimæ circa muros Antiphelli urbis reperiuntur. Trogus autor est, circa Lyciam penicillos molliissimos nasci in alto, unde ablata sint spongiæ. Polybius super ægrum suspensos quieriores facere noctes. Nunc revertemur ad marina animalia & aquatilia.

LIBER XXXII.

Proœmium.

Medicina ex aquatilibus.

VENTVM est ad summa naturæ exem-
plorumque, per rerum ordinem, &
ipsum sua sponte occurrit immensum
potentiæ occultæ documentum, &
prorsus nec aliud ultra quæri debeat,
nec par aut simile possit inveniri; ipsa se vincente
natura, & quidem numerosis modis. Quid enim
violentius mari ventisve, & turbinibus & procel-
lis? quo majore hominum ingenio in ulla sui par-
te adjuta est, quam velis remisque? Addatur his
& reciproci æstus inenarrabilis vis versumque
totum mare in flumen:

CAP. I. *De echeneide pisce, & mirabili ejus
proprietate, & torpedine, & marino lepore,
& mirabilia Rubri mari.*

Tamen omnia hæc, pariterque eodem impel-
lencia, unus ac parvus admodum pisciculus, eche-
neis appellatus, in se tenet: ruant venti licet, &
sæviant procellæ, imperat furori, viresque tantas
compescit, & cogit stare navigia: quod non vin-
cula ulla, non anchoræ pondere irrevocabili jactæ:
infrænata impetus, & domat mundi rabiem nullo
suo labore, non retinendo, aut alio modo, quam
adhærendo: hæc tantilla est satis contra tot impe-
tus, ut vetet ire navigia. Sed armatæ classes im-
ponunt sibi turrium propugnacula, ut in mari
quoque pugnetur velut è muris: heu vanitas hu-
mana, cum rostra illa ære ferroque ad ictus at-
mata, semipedalis inhibere possit, ac tenere de-
vincta pisciculus. Fertur Attiaco Marte tenuisse

prætoriam navim Antonii, properantis circum-
ire & exhortari suos, donec transiret in aliam:
ideoque Cæsariana classis impetu majore protinus
venit. Tenuit & nostra memoria Caii principis
ab Astura Antium remigantis. Et res est etiam au-
spicalis pisciculus: siquidem novissime tum in ur-
bem reversus ille Imperator, suis telis confossus
est: nec longa fuit illius moræ admiratio, statim
causa intellecta, cum è tota classe quinquere-
mis sola non proficeret, exilientibus protinus qui id
quærentes circa navim, invenere adhærentem
gubernaculo, ostenderuntq; Cajo, indignanti hoc
fuisse quod se revocaret, quadringentorumque
remigum obsequio, contra se intercederet. Con-
stabat peculiariter miratum quomodo adhærens
tenuisset, nec idem polleret in navigium receptus:
qui tunc posteaque videre, eum limaci magnæ si-
mitem esse dicunt. Nos plurium opiniones posui-
mus in natura aquatilium, cum de eo diceremus:
nec dubitamus idem valere omnia genera, cum
celebri & consecrato etiam exemplo apud Gni-
diam Venerem conchas quoque ejusdem poten-
tiæ credi necesse sit. E nostris quidam latinis re-
moram appellavere eum: mirumque, è Græcis
alii lubricos partus atque procindentes contineri
ad maturitatem alligato eo (ut diximus) prodide-
runt: alii sale adservatum adalligatumque gravidis
partus solvere, ob id alio nomine odinolyontem
appellari. Quocunque modo ista se habeant, quis
ab hoc tenendi navigia exemplo de ulla potentia
naturæ atque effectû, in remediis sponte nascen-
tium rerum dubitet? Quin & sine hoc exemplo,
per se satis esset ex eodem mari torpedo: etiam
procul & è longinquo, vel si hasta virgave attingatur, quamvis prævalidos lacertos torpescere,
quam-

quamlibet ad cursum veloces alligari pedes. Quod si necesse habemus fateri hoc exemplo esse vim aliquam, quæ odore tantum & quadam aura sui corporis afficiat membra, quid non de remedium omnium momentis sperandum est? Non sunt minus mira, quæ de lepore marino traduntur: venenū est aliis in potu, aut in cibo datus aliis etiam visus: siquidem gravidæ si omnino aspexerint, foeminam ex eo genere duntaxat, statim nausea & redundatione stomachi vitium fatentur, ac deinde abortum faciunt: remedio est mas, ob id induratus sale, ut in brachialibus habeant. Eadem res in mari & tactu quidem nocet: vescitur eo unum tantum animalium, ut non intereat, nullus piscis: ac tenerescit tantum, & ingrator viliorque fit. Homines quibus impactus est, piscem olent, hoc primo argumento veneficium idprehenditur. Cætero moriuntur totidē diebus, quot vixerit lepus: incertique temporis veneficium id esse, autor est Licinius Macer. In India affirmant non capi viventem: invicemque ibi hominem illi pro veneno esse, ac vel digito omnino in mari tactum mori: esse autem ampliores multo, sicut reliqua animalia. Iuba in his voluminibus, quæ scripsit ad C. Cæsarem Augusti filium de Arabia, tradit mitulos ternas heminas capere: Cetum sexcentorum pedum longitudinis, & trecentorum sexaginta latitudinis in flumen Arabiæ intrasse, pinguique ejus negotiatores (& omnium piscium adipe) camelos perungere in eo situ, ut asilos ab his fugent odore.

C A P. II. De ingeniis & mansuetudine quorundam piscium, & ubi ex manu edant, & ubi responsa dantur ex piscibus.

Mihi videntur mira & quæ Ovidius prodidit piscium ingenia, in eo volumine, quod Halieuticon

ticon inscribitur. Scarum inclusum nassis non fronte erumpere, nec infestis viminibus caput inferere, sed aversum caudæ ictibus crebris laxare fores, atque ita retrorsum erumpere: quem luctatum ejus si forte alius scarus extrinsecus videat, apprehensa mordicus cauda, adjuvare nixus erumpentis. Lupum reti circumdatum harenas arare cauda, atque ita conditum transire rete. Murænā maculas appetere ipsas, consciam teretis ac lubrici tergi, tum multiplici flexu laxare, donec evadat. Polypum hamos appetere, brachiisque complecti, non morsu: nec prius dimittere, quam escam circumroserit; aut harundine levatum extra aquam. Scit & mugil esse in esca hamum, insidiasque non ignorat: aviditas tamen tanta est, ut cauda verberando excutiat cibos. Minus in providendo lupo solertiæ habet, sed magnum robur in pœnitendo: nam ut hæsit in hamo, tumultuoso discursu laxat vulnera, donec excidant insidias. Murænæ amplius devorant, quam hamum, admoventque dentibus lineas, atque ita erodunt: Pytheas id tradit: idem infixam hamo invertere se, quoniam sit dorso cultellato, spinaque lineam præsecare. Licinius Macer murenas tantum foemini sexus esse tradit, & concipere è serpentinibus, ut diximus, ob id sibilo à piscatoribus, tanquam serpentibus, evocari & capi: pinguescere lactatu, fuste non interimi, easdem ferula protinus: animam in cauda habere certum est, eaque icta celerrime exanimari, at capitis ictu difficulter. Novacula pisce quæ tacta sunt, ferrum olent: durissimum esse piscium constat, qui orbis vocetur: rotundus est, & sine scamis, totusque capite constat. Miluago quoties cernatur extra aquam volitans, tempestates¹ mutari, Trebius Niger

auctor

autor est. Xiphiam, id est gladium, rostro mu-
 cronato esse: ab hoc naves perfossas mergi in
 Oceano ad locum Mauritaniae qui Gotta vocetur,
 non procul Lixo flumine: idem loligines evolare
 ex aqua tradit, tanta multitudine ut navigia de-
 mergant. E manu vescuntur pisces in pluribus
 quidem Caesaris villis: sed quas veteres prodidere
 in stagnis, non piscinis, admirati, in Eloro Siciliae
 castello, non procul Syracusis; item in Labradii
 Iovis fonte, anguillas: hæ & in aures additas ge-
 runt: similiter in Chio juxta senum delubrum: in
 Mesopotamiae quoque fonte Cabura, de quo di-
 ximus. Nam in Lyciae Myris in fonte Apollinis;
 quem Curium appellant, ter fistula evocati ve-
 niunt ad augurium: diripere eos carnes objectas,
 lætum est consultantibus: caudis abigere, dirum.
 Hierapoli Syriae in lacu Veneris ædituorum voci-
 bus parent vocati: exornati auro veniunt: adu-
 lantes scalpuntur: ora hiantia manibus inferendis
 præbent. In Stabiano Campaniae ad Herculis pe-
 tram, melanuri in mari panem abjectum rapiunt:
 iidem ad nullum cibum, in quo hamus sit, acce-
 dunt. Nec illa in novissimis mira, amaros esse
 pisces ad Pelen insulam, & ad Clazomenas: con-
 tra, ad scopulum ² Siciliae, ac Leptin Africae, &
 Eubœam, & Dyrrhachium. Rursus ita falsos, ut
 possint falsamenta existimari, circa Cephaleniam
 & Ampelon & Paron, & Deli petras: in portu
 ejusdem insulae, dulces: quam differentiam pabu-
 lo constare, non est dubium. Apion maximum
 piscium esse tradit porcum, quem Lacedæmonii
 orthoragoriscum vocant: grunnire eum, cum ca-
 piatur: esse vero illam naturæ accidentiam, quod
 magis miremur, etiam in locis quibusdam, ap-
 posito occurrit exemplo: siquidem falsamenta

omnium generum in Italia Beneventi recentia effici constat. Pisces marinos in usu fuisse protinus condita Roma, autor est Cassius Hemina: cujus verba de ea re hic subjiciam: Numa constituit, ut pisces qui squamosi non essent, ni polluerent³ patrimonia, commentus ut convivia publica & privata, cœnæque ad pulvinaria facilius compararentur: ni qui ad pollactum emerent, pretio minus parcerent, eaque præmercerentur. Quantum apud nos Indiciis margaritis pretium est, de quibus suo loco satis diximus, tantum apud Indos, in curalio: nanque ista persuasione gentium constant: gignitur quidem & in Rubro mari, sed nigrius: item in Persico, vocaturque Iace: laudatissimum in Gallico sinu circa Stœchadas insulas, & in Siculo circa 4 Heliam ac Drepanum. Nascitur & apud Gravisca, & ante Neapolin Campaniæ: maximeque rubens, sed molle, & ideo⁵ utilissimum Erythris. Forma est ei fruticis, color viridis; baccæ ejus candidæ sub aqua ac molles: exemptæ confestim durantur & rubescunt, quasi corna sativa specie atque magnitudine. Ajunt tactu protinus lapidescere, si vivat; itaque occupari, evellique retibus, aut acri ferramento præcidi: hac de causa curalium vocitatum interpretantur. Probatissimum quam maxime rubens, & quam ramosissimum, nec scabrosum, aut lapideum, vel rursus inane, aut concavum. Autoritas baccarum ejus non minus Indorum viris quoque pretiosa est, quam fœminis nostris uniones Indici: Aruspices eorum vatesque imprimis religiosum id gestamen amoliendis periculis arbitrantur: itaque & decore, & religione gaudent. Priusquam hoc notesceret, Galli gladios, scuta, galeas adornabant eo: nunc tanta penuria

penuria est vendibili merce, ut perquam raro cernatur in suo orbe. Surculi infantia adalligati, rutelam habere creduntur: contraque torminum ac vesicæ & calculorum mala in pulverem igne redacti, potique cum aqua auxiliantur: simili modo ex vino poti, aut si febris sit, ex aqua, somnum afferunt. Ignibus diu repugnant. Sed eodem medicamine sæpius poro tradunt lienem quoque absumi: sanguinem rejicientibus excreantibusve medentur. Cinis eorum miscetur oculorum medicamenti: spissat enim ac refrigerat: hulcerum cava explet: cicatrices extenuat. Quod ad repugnantiam rerum attinet, quam Græci antipathiam vocant, nihil est usquam venenatius, quam in mari pastinaca, utpote cum radio ejus arbores necari dixerimus: hanc tamen persequitur galeos: idem & alios quidem pisces, sed pastinacas præcipue, sicut in terra serpentes mustela: tanta est aviditas ipsius veneni: percussis vero ab ea medetur & hic quidem, sed & nullus ac laser.

CAP. III. *De his, quibus in terris & in aquis victus est: & de castoreis medicina, & observationes.*

Spectabilis naturæ potentia in his quoque, quibus & in terris & in aqua victus est, sicut & fibris, quos castores vocant, & castorea testes eorum. Amputari hos ab ipsis, cum capiantur, negat Sextius diligentissimus medicina: quinimo parvos esse subtriectosque, & adhærentes spinæ, nec adimi sine vita animalis posse: adulterari autem renibus ejusdem qui sint grandes, cum veri testes parvi admodum reperiantur: præterea ne vesicæ quidem esse, cum sint geminæ, quod nulli animalium: in his folliculis inveniri liquorem, & affervari sale: itaque inter probationes falsi esse folliculos geminos ex uno nexu dependentes, quod

ipsum corrumpi fraude, conijcientibus gummi cum sale Hammoniaco: quoniam Hammoniaci coloris esse debeant, tunicis circumdati, liquore veluti mellis cerosi, odoris gravis, gustu amaro & acri friabiles. Efficacissimi è Ponto Galatiæ, mox Africæ. Sternutamenta olfactu movent: somnum conciliant, cum rosaceo & peucedano peruncto capite: & per se poti in aqua: ob id phreneticis utiles: item lethargicos odoris suffitu excitant: vulvarumque exanimationes vel subditi: & mentes ac secundas cient, duabus drachmis ex aqua cum pulegio poti. Medentur & vertigini, opisthotonis, tremulis, spasticis, nervorum vitiis, ischiadicis, stomachicis, paralyticis, perunctis omnibus: vel triti ad crassitudinem mellis cum semine viticis, ex aceto rosaceo: sic & contra comitiales sumpti: poti vero contra inflationes, tormina, venena. Differentia tantum contra genera est misturæ: quippe adversus scorpiones ex vino bibuntur: adversus phalangia & araneos, ex mulso, ita ut vomitione reddantur, aut ut retineantur, cum ruta: adversus chalcidas, cum myrtite: adversus cerasten & præsteras, cum panace, aut ruta ex vino: adversus cæteras serpentes, cum vino. Dari binas drachmas satis est: eorum quæ adjiciantur, singulas. Auxiliantur privatim contra viscum ex aceto: adversus aconitum ex lacte, aut aqua: adversum elleborum album ex aqua mulsa nitroque. Medentur & dentibus, infusi cum oleo triti in aurem à cuius parte doleant: aurium doloribus melius, si cum meconio. Claritatem visus faciunt cum melle Attico inuncti. Cohibent singultus ex aceto. Urina quoque fibri resistit venenis, & ob id in antidota additur, adservatur autem optime in sua vesica, ut aliqui existimant.

CAP. IV. De testudine, & multorum piscium
medicina, & observationes.

Geminus similiter victus in aquis terraque, & testudinum; effectus quoque pari honore habendi, vel propter excellens in usu pretium, naturæque proprietatem. Sunt ergo testudinum genera, terrestres, marinæ, lutariæ, & quæ in dulci aqua vivunt: has quidam è Græcis emydas appellant. Terrestrium carnes suffitionibus propriæ, Magicisque artibus refutandis, & contra venena salutare produntur: plurimæ in Africa. Hæ ibi amputato capite pedibusque, pro antidoto dari dicuntur: & ex jure in cibo sumptæ, strumas discutere, ac lienes tollere: item comitiales morbos. Sanguis earum claritatem visus facit, suffusionesque oculorum tollit. Et contra serpentium omnium & araneorum ac similibum, & ranarum venena auxiliatur, servato sanguine in farina pilulis factis, & cum opus sit in vino datis. Felle testudinum cum Attico melle glaucomata inungi prodest: & scorpionum plagæ instillari. Tegumenti cinis vino & oleo subactus pedum rimas hulceraq; sanat: squamæ è summa parte derasæ, & in potu datæ, Venerem cohibent. Eo magis hoc mirum, quoniam totius tegumenti farina accendere traditur libidinem. Urinam earum aliter quam in vesica dissectarum, inveniri posse non arbitror: & inter ea hoc quoque esse, quæ portentosa Magi demonstrent: adversus aspidum ictus singulare, efficaciore tamen, ut ajunt, cimicibus admistis: ova durata illinuntur strumis, & hulceribus frigore aut adustione factis. Sorbentur in stomachi doloribus. Marinarum carnes admistæ ranarum carnibus contra salamandras præclare auxiliantur: neque est testudine aliud salamandræ adversus. Sanguine

guine alopeciarum inanitas & porrigo, omniaque capitis hulnera curantur: inarescere autem eum oportet, lenteque ablui. Instillatur & dolori aurium cum lacte mulierum. Adversus comitiales morbos manditur cum polline frumenti. Miscetur autem sanguis heminis tribus aceti, hemina vini addita his, & cum hordeacea farina: aceto quoque admisto, ut sit quod devoretur fabæ magnitudine. Hæc singula & matutina & vespertina dantur, dein post aliquot dies vespera. Comitialibus instillatur ore diducto, his qui modice corripiantur. Spasmo cum castoreo clystere infunditur. Quod si dentes⁶ per annos colluantur testudinum sanguine, immunes à dolore fiunt. Et anhelitus discutit, quasque orthopnœas vocant: ad has in polenta datur. Fel testudinum claritatem oculorum facit: cicatrices extenuat: tonsillas sedat & anginas, & omnia oris vitia. Privatim nomas ibi: item ardentium testium. Naribus illitum comitiales erigit, attollitque. Idem cum vernatione anguium aceto admisto, unice purulentis auribus prodest. Quidam bubulum fel admiscunt, decoctarumque carniū testitudinis succum, addita æque vernatione anguium: sed diu in vino testitudinem excoquunt. Oculorum quoque vitia omnia fel inunctum cum melle emendat: suffusiones etiam marinæ fel cum fluvialis sanguine & lacte mulierum. Capillus mulierum inficitur felle. Contra salamandas vel succum decoctum bibisse satis est. Testudinum est tertium genus in cœno & paludibus viventium: latitudo his in dorso pectori similis, nec convexo, incurva calice, ingrata visu: ex hac quoque tamen aliqua contingunt auxilia. Tres namque in succensa sarmenta coniectæ, dividenti-bus se tegumentis rapiuntur: tum evulsæ carnes

parum

earum coquuntur in aqua congio, sale modice addito: ita decoctarum, ad tertias partes succus, paralyfin & articulares morbos sentientibus bibitur. Detrahit item fel pituitas, sanguinemque vitiatum. Sistitur ab eo remedio alvus aqua frigida potu. Ex quarto genere testudinum, quæ sunt in animalibus, divulsarum pingui cum acizoo herba tuso, admisto unguento & semine lilii, ante accessiones si perungantur ægri, præter caput, mox convoluti calidam aquam bibant, quartanis liberari dicuntur. Hanc testudinem quintadecima Luna capi oportere, ut plus pinguium reperiatur: verum ægrum sexta decima Luna perungi tradunt. Ex eodem genere testudinum sanguis instillatus crebros capitis dolores sedat: item strumas. Sunt qui testudinum sanguinem cultro æreo supinarum capitibus præcisis, excipi novo fictili jubeant: ignem sacrum, cujuscunque generis sanguine illini: item capitis hulcera manantia, & verrucas. Idem promittunt testudinum omnium fimo pannos discuti. Et licet incredibile dictu sit, aliqui tradunt tardius ire navigia, testudinis pedem dextrum vehentia. Hinc deinde in morbos digere mus aquatilia, non quia ignoremus gratiorem esse universitatem animalium, majorisque miraculi: sed hoc utilius est vitæ, contributa habere remedia, cum aliud alii proffit, aliud alibi facilius inveniatur.

CAP. V. *De aquatilibus, remedia in morbos digesta: & primum contra venena & venenata animalia.*

Venenatum mel diximus ubi nasceretur: auxilio est piscis aurata in cibo: vel si ex melle syncero fastidium cruditasve, quæ sit gravissima, incidat: testudinem circumcisis pedibus, capite, cauda, decoctam,

decoctam, antidotum esse autor est Pelops, scincumque Apelles. Qui esset scincus, diximus: sæpius verò, quantum veneficium menstruis mulierum: contra omnia ea auxiliatur, ut diximus, nullus: item contra pastinacam & scorpiones terrestres marinosque, & dracones, & phalangia illitus sumptusve in cibo: ejusdem recentis è capite cinis contra omnia venena, privatim contra fungos. Mala medicamenta inferri negant posse, aut certe nocere, stella marina vulpino sanguine illita, & affixa limini superiori, aut clavo æreo januæ. Draconis marini scorpionumque ictus, carnibus earum impositis: item araneorum morsus sanantur. In summa, contra omnia venena, vel poru, vel ictu, vel morsu noxia, succus earum ex jure decoctarum, efficacissimus habetur. Sunt & servatis piscibus medicinæ, salsamentorumque cibus prodest à serpente percussis, & contra bestiarum ictus, mero subinde hausto, ita ut ad vesperam cibus vomitione reddatur. Peculiariter à chalcide, ceraste, aut quas sepas vocant, aut ⁷ elape dipsadeve percussis. Contra scorpiones largius sumi, sed non evomi salsamenta prodest, ita ut sitis toleretur: & imponere eadem plagis convenit. Contra crocodilorum quidem morsus non aliud præsentius habetur. Privatim contra presteris morsum sarda prodest. Imponuntur salsamenta & contra canis rabiosi vel si non sint ferro ustæ plagæ, corporaque clysteribus exinanita, hoc per se sufficit. Et contra draconem marinum ex aceto imponuntur: idem & cybii profectus. Draco quidem marinus ad spinæ suæ, quæ ferit, venenum ipse impositus, vel cerebro toto prodest. Ranarum marinarum ex vino & aceto decoctarum succus contra venena bibitur, & contra ranæ rubetæ venenum,

nenum, & contra salamandras: fluviatiles, si car-
 nes edantur jusve decoctarum sorbeatur, profunt
 & contra leporem marinum, & contra serpentes
 supra dictas: contra scorpiones ex vino. Demo-
 critus quidem tradit, si quis extrahat ranæ viventi
 linguam nulla alia corporis parte adhærente, ipsa-
 que dimissa in aquam, imponat supra cordis pal-
 pitationem mulieri dormienti, quæcunque inter-
 rogaveris, vera responsuram. Addunt etiamnum
 alia Magi, quæ si vera sunt, multo utiliores vitæ
 existimentur ranæ, quam leges: nanque harun-
 dine transfixa natura per os, si furculus in men-
 struis defigatur à marito, adulteriorum tædium
 fieri. Carnibus earum vel hamo additis, præcipuè
 purpuras certum est allici. Iecur ranæ geminum
 esse dicunt, objicique formicis oportere: eam
 partem, quam appetant, contra omnia venena
 esse pro antidoto. Sunt quæ in vepribus tantum
 vivunt, ob id rubetarum nomine, ut diximus,
 quas Græci phrynos vocant, grandissimæ cuncta-
 rum, geminis veluti cornibus, plenæ veneficio-
 rum. Mira de his certatim tradunt autores: illatis
 in populum silentium fieri: ossiculo, quod sit in
 dextro latere, in aquam ferventem dejecto, refri-
 gerari vas, nec postea fervere, nisi exempto. Id
 inveniri objecta rana formicis, carnibusque ero-
 sis, singula in solium addi. Et aliud esse in sinistro
 latere, quo dejecto fervere videatur, apocy non
 vocari. Canum impetus cohiberi, amorem con-
 citari; & jurgia addito in potionem: venerem
 adalligatum stimulare. Rursus à dextro latere re-
 frigerari ferventia. Hoc & quartanas sanari adal-
 ligato in pellicula agnina recenti, aliasque febres:
 amorem inhiberi eo. Item ex his ranis lien con-
 tra venena, quæ fiant ex ipsis, auxiliatur: cor verò
 etiam

etiam efficacius est. Coluber est in aqua vivens: hujus adipem & fel habentes qui crocodilos veniunt, mire adjuvari dicunt, nihil contra bellua audente: efficacius etiamnum, si herba potamogiton misceatur. Cancri fluviales triti porique ex aqua recentes, seu cinere adservato, contra venena omnia profunt, privatim contra scorpionum ictus cum lacte asinino: vel si non sit, caprino, vel quocunque: addi & vinum oportet. Necant eos triti cum ocimo admoti: eadem vis contra venenatorum omnium morsus, privatim, scytalen, & angues, & contra leporem marinum, ac ranam rubetam. Cinis eorum servatus prodest pavor potus periclitantibus ex canis rabiosi moribus: quidam adjiciunt gentianam, & dant in vino. Nam si jam pavor occupaverit, pastillos vino subactos devorandos ita præcipiunt. Decem verò cancris cum ocimi manipulo alligatis, omnes qui ibi sint scorpiones ad eum locum coituros Magi dicunt: & cum ocymo ipsos, cineremve eorum percussis imponunt. Minus in omnibus his marini profunt, ut Thrasyllus autor est: nihil autem æque adversari serpentibus, quam cancris, suesque percussas hoc pabulo sibi mederi: cum Sol sit in Cancro, torqueri serpentes. Ictibus scorpionum & carnes fluvialium cochlearum resistunt crudæ vel coctæ: quidam ob id salsas quoque adservant: imponunt & ipsis plagis. Coracini pisces Nilo quidem peculiare sunt: sed nos hæc omnibus terris demonstramus. Carnes eorum adversus scorpiones valent impositæ. Inter venena sunt piscium, porci marini spinæ in dorso, cruciatu magno læforum: remedio est limus ex reliquo piscium eorum corpore. Canis rabidi morsu potum expavescens, faciem perungunt adipe vituli marini:

rini : efficacius, si medulla hyænæ & oleum è len-
risco & cera misceatur. Murænæ morsus ipsarum
capitis cinere sanantur. Et pastinaca contra suum
ictum remedio est, cinere suo ex aceto illito, vel
alterius : cibi causâ extrahi debet è dorso ejus,
quicquid simile est croco, caputque totum : &
hanc autem, & omnia testacea modice collui in
cibis, quia saporis gratia perit. E lepore marino
veneficium restinguunt poti hippocampi. Contra
doryceium echini maxime profunt : & iis qui suc-
cum Carpathii biberint, præcipuè ejus jure sum-
pto. Et cancri marini decocti jus contra dory-
cniū efficax habetur.

C A P. VI. *De ostreis & purpuris, alga,
& eorum remedia.*

Peculiatiter verò contra leporis marini venena
& ostrea adversantur. Iam videtur, nec potest
videri, satis dictum esse de his, cum palma men-
sarum diu jam tribuatur illis. Gaudent dulcibus
aquis, & ubi plurimi influunt amnes : ideo pelagia
parva & rara sunt. Gignuntur tamen in petrosis,
carentibusque aquarum dulcium adventu, sicut
circa Grynium & Myrinam. Grandescunt fideris
quidem ratione maxime, ut in natura aquatiliū
diximus : sed privatim circa initia æstatis, multo
lacte prægnantia atque ubi Sol penetret in vada :
hæc videtur causa, quare minora in aliis locis re-
periantur : opacitas enim prohibet incrementū, &
tristitia minus appetunt cibos. Variant coloribus,
rufa in Hispania, fusca in Illyrico, nigra & carne
& testa Circeiis. Præcipua verò habentur, in qua-
cunque gente spissa, nec saliva sua lubrica, crassi-
tudine potius spectanda, quam latitudine : neque
in luto capta, neque in harenosis, sed solido vado,
spondylo brevi atque non carnoso, nec fibris laci-
nioso,

nioso, ac tota in alvo. Addunt peritiores notam, ambiente purpureo crine fibras, eoque argumento generosa interpretantur, calliblephara appellantes. Gaudent & peregrinatione, transferrique in ignotas aquas: sic Brundisiana in Ayerno compasta, & suum retinere succum, & à Lucrino adoptare creduntur. Hæc sint dicta de corpore. Dicemus & de nationibus, ne fraudentur gloria sua litora: sed dicemus aliena lingua, quæque peritissima hujus censuræ in nostro ævo fuit. Sunt ergo Mutiani verba, quæ subjiciam: Cyzicena majora Lucrinis, dulciora Britannicis, suaviora⁸ Edulis, acriora Lepticis, pleniora Lucensibus, sicciora Coryphanthenis, teneriora Istricis, candidiora Circeiensibus. Sed his neque dulciora, neque teneriora esse ulla compertum est. In Indico mari Alexandri rerum autores pedalia inveniri prodidere. Necnon inter nos nepotis cujusdam nomenclator tridacna appellavit: tantæ amplitudinis intelligi cupiens, ut ter mordenda essent. Dos eorum in medicina hoc in loco tota dicitur. Stomachum unice reficiunt: fastidiis medentur. Additque luxuria frigus obrutis nive, summa montium & maris ima miscens. Molliunt alvum leniter: eadem cocta cum mulso, tenesimo, qui sine exulceratione sit, liberant. Vesicarum hulcera quoque repurgant. In conchis suis uti clausa venerint, mire distillationibus profunt. Testæ ostreorum cinis uvam sedat, & tonsillas admisto melle. Eodem modo parotidas, panos, mammarumque duritias, capitum hulcera ex aqua: cutemque mulierum extendit: inspergitur & ambustis: & dentifricio placet. Pruritus quoque & eruptionibus pituitæ ex aceto medetur. Crudæ si tundantur, strumas sanant & perniones pedum. Purpuræ quoque

quoque contra venena profunt. Et algam maris theriacen esse, Nicander tradit. Plura ejus genera, uti diximus: longo folio & latiore, rubente, aliave crispo. Laudatissima, quæ in Creta insula juxta terram in petris nascitur: tingendis etiam lanis ita colorem alligans, ut elui postea non possit. E vino jubet eam dari.

CAP. VII. *Ad alopecias, & capillos, & oculorum, & aurium, & dentium, & faciei vitia.*

Alopecias replet hippocampi cinis nitro & adipe suillo mistus, aut syncerus ex aceto. Præparat cutem sepiarum crustæ farina medicamentis: cutem replet & muris marini cinis cum oleo: item echini cum carnibus suis cremati: fel scorpionis marini: ranarum quoque trium, si vivæ in olla concrementur, cinis cum melle: melius cum pice liquida. Capillum denigrant sanguisugæ, quæ in nigro vino diebus LX computruere: alii in aceti sextariis duobus sanguisugarum sextarium in vase plumbeo jubent putrescere toridem diebus, mox illini in Sole. ⁹ Sornatius tantam vim habere tradit, ut nisi oleum ore contineant qui tingunt, dentes quoque eorum denigrari dicat. Capitis h ulceribus, muricum vel purpurarum testæ cinis cum melle utiliter illinitur: conchyliorum, vel si non utantur, farina ex aqua doloribus. Castoreum cum peucedano & rosaceo. Omnium piscium fluviatilium marinorumq; adeps liquefactus oleo admisto melle, oculorum claritati plurimum confert: item castoreum cum melle. Callionymi fel cicatrices sanat, & carnes oculorum supervacuas consumit: nulli hoc piscium copiosius, ut existimavit Menander quoq; in Comædiis, idem piscis & vranoscopus vocatur ab ¹⁰ oculo quem in capite habet. Et coracini fel excitat visum: & marini

rini scorpionis rufi cum oleo vetere aut melle Attico incipientes suffusiones discutit : inungi ter oportet intermissis diebus : eadem ratio albugines oculorum tollit. Mullorum cibo aciem oculorum hebetari tradunt. Lepus marinus ipse quidem venenatus est, sed cinis ejus in palpebris pilos inutilis, evulsos cohibet : & ad hunc usum utilissimi minimi : item pectunculi falsi triti cum cedria : & ranæ quas diopetes & calamitas vocant, sanguis earum cum lachryma vitis si evulso pilo palpebris illinatur. Oculorum tumorem ruboremque sepiæ cortex cum lacte mulieris illitus sedat, & per se scabritias emendat. Invertunt itaq; genas id agentes, & medicamentum auferunt post paulum, rosaceoque inungunt, & pane imposito mitigant nocte. Eodem cortice & nyctalopes curantur in farinam trito & ex aceto illito. Extrahit & squamas ejus cinis. Cicatrices oculorum cum melle sanat, pterygia cum sale & cadmia singulis drachmis. Emendat & albugines oculorum jumentorum : adjiciunt & ossiculis ejus genas, si terantur, sanari. Echini ex aceto epinyctidas tollunt. Eisdem comburi cum viperinis pellibus ranisque, & cinerem aspergi porioni jubent Magi, claritatem visus promittentes. Ichthyocola appellatur piscis, cui glutinosum est corium : idemque nomen glutino ejus : hoc epinyctidas tollit. Quidam ex ventre, non è corio, fieri, dicunt ichthyocolam, ut glutinum taurinum. Laudatur Pontica candicans & carens venis squamisque, & quæ celerime liquefcit : madescere autem debet concisa in aqua, aut aceto nocte ac die : mox tundi marinis lapidibus, ut facilius liquefcant : utilem eam in capitis doloribus affirmant, & ¹¹ tetanothris. Ranæ dexter oculus dextro, sinistro lævus suspensi è collo

collo nativì coloris panno, lippitudines sanant. Quod si per coitum ranæ eruantur, albuginem quoque, alligati similiter in putamine ovi. Reliquæ carnes impositæ suggillationem rapiunt. Cancri etiam oculos adalligatos collo mederi lippitudini dicunt. Est parva rana in harudinetis & herbis maxime vivens, muta ac sine voce, viridis, si forte hauriatur, ventres boum distendens. Hujus corporis humorem specillis derasum claritatem oculis injunctis narrant afferre: ipsasque carnes doloribus oculorum superponunt. Ranas etiam quindecim conjectas in fistili novo juncis configunt quidam: succum earum, qui ita effluerit, admiscunt lacrymæ, quæ ex alba vite emanat, atque ita palpebras emendant inutilibus pilis exemptis acu, instillantes hunc succum in vestigia evulforum. Meges psilothrum palpebrarum faciebat in aceto enecans putrescentes, & ad hoc utebatur multis variisque per aquationes autumnî nascentibus. Idem præstare sanguisugarum cinis ex aceto illitus putatur: comburi eas oportet in novo vase. Idem tæniæ jecur siccatum pondere x. iv. cum oleo cedrino perunctis pilis ix mensibus. Auribus utilissimum bati piscis fel recens, sed & inveteratum vino: item ¹² banchi, quem quidam myxona vocant: item callionymi cum rosaceo infusum: vel castoreum cum papaveris succo. Vocant & in mari pedunculos, eosque tritos instillari ex aceto auribus jubent. Et per se conchylio infecta lana magnopere prodest: quidam aceto & nitro madefaciunt. Suntque qui præcipue contra omnia aurium vitia laudent gari excellentis sociorum cyathum, mellis dimidio amplius, aceti cyathum in calice novo lenta pruna decoquere, subinde spuma pennis detergenda, & postquam defuerit

spuma-

spumare, tepidum infundere. Si tumeant aures, coriandri succo prius mitigandas iidem præcipiunt. Ranarum adeps instillatus, statim dolores tollit. Cancrorum fluviatilium succus cum farina hordeacea aurium vulneribus efficacissime prodest. Parotides muricum testæ cinere cum melle, vel conchyliorum ex mulso curantur. Dentium dolores sedantur ossibus draconis marini scarificatis gingivis: cerebro caniculæ in oleo decocto adservatoque, ut ex eo dentes semel anno colluantur. Pastinacæ quoque radio scarificare gingivas, & in dolore utilissimum. Conteritur is, & cum elleboro albo, illitus dentes sine vexatione extrahit. Salsamentorum etiam fictili vase combustorum cinis, addita farina marmoris, inter remedia est. Et cybia vetera ¹³ eluta in novo vase, deinde trita prosunt doloribus. Æque prodesse dicuntur omnium salsamentorum spinæ combustæ tritæq; & illitæ. Decoquuntur & ranæ singulæ in aceti heminis, ut dentes ita colluantur, contineaturque in ore succus: si fastidium obstarer, suspendebat pedibus posterioribus eas Sallustius Dionysius, ut ex ore virus deflueret in acetum fervens, idque è pluribus tanis: fortioribus stomachis ex jure edendas dabat. Maxillaresq; ita sanari dentes præcipue putant, mobiles verò supra dicto aceto stabiliri. Ad hoc quidam ranarum corpora binarum præcis pedibus in vini hemina macerant, & ita collui dentes labantes jubent: aliqui totas adalligant maxillis: alii denas in aceti sextariis tribus decoxere ad tertias partes, ut mobiles dentium stabiliarent. Nec non xxxvi ranarum corda in olei veteris sextatio sub æreo testro discocere, ut infunderent per aurem dolentis maxillæ. Alii jecur ranæ decoctum & tritum cum melle imposuere dentibus.

tibus. Omnia supra scripta ex marina tanto efficaciora. Si cariosi & foetidi sunt, centum in furno arefieri per noctem præcipiunt : postea tantundem salis addi atque fricari. Enhydrys vocatur à Græcis coluber in aquis vivens : hujus quatuor dentium superioribus in dolore superiorum gingivas scarificant, inferiorum inferioribus : aliqui canino tantum earum contenti sunt. Utuntur & cancrorum cinere : nam muri cum cinis dentifricium est. Lichenas & lepras tollit adeps vituli marini : murænarum cinis cum mellis obolis ternis : jecur pastinacæ in oleo decoctum : hippocampi & delphini cinis ex aqua illitus : exulcerationem sequi debet curatio, quæ perducit ad cicatricem. Quidam delphini jecur in fistili torrent, donec pinguitudo similitudine olei fluat, ac perungunt. Muricum vel conchyliorum testæ cinis maculas in facie mulierum purgat cum melle illitus, cutemque erugat, extenditque septenis diebus illitus, ita ut octavo candido ovorum foveatur. Muricum generis sunt, quæ vocant Græci ¹⁴ colycia, alii corythia, turbinata æque, sed minora multo, efficaciora etiam, & oris halitum custodientia. Ichthyo colla erugat cutem, extenditque in aqua decocta horis quatuor, dein contusa, colluta & subacta ad liquorem usque mellis : ita præparata in vase novo conditur, & in usu quatuor drachmis ejus binæ sulphuris, & anchusæ totidem, octo spumæ argenteæ adduntur, aspersaque aqua teruntur una : sic i' lita facies post quatuor horas abluitur. Medetur & lentigini cæterisque vitis ex ossibus sepiarum cinis. Idem & carnes excrecentes tollit & humida hulcera.

Pforas tollit rana decocta in heminis quinque aquæ marinæ; excoqui debet, donec sit crassitudo mellis. Fit in mari & halcyoneum appellatum, ex nidis, ut aliqui existimant, halcyonum & ceycum: ut alii, è sordibus spumarum crassescentibus: alii è limo, vel quadam maris lanugine. Quatuor ejus genera: cinereum spissum, odoris asperi: alterum molle, lenius, odore ferè algæ: tertium candidioris vermiculi: quartum pumicosius, spongiæque putri simile, pene purpureum, quod optimum: hoc & Milesium vocatur: quo candidius autem, hoc minus probabile est. Vis eorum, ut exhulcerent, purgent: usus tostis & sine oleo: mirè lepras, lichenas, lentigines tollunt cum lupino, & sulphuris duobus obolis. Halcyoneo utuntur & ad oculorum cicatrices. Andreas ad lepras cancri cinere cum oleo usus est: Attalus thynni recentioris adipe ad hulcera. ¹⁵ Murænarum muria, & capitum cinis cum melle sanat strumas: pungi piscis ejus, qui rana in mari appellatur, officulo de cauda, ita ut von vulneret, prodest; id faciendum quotidie, donec percurentur. Eadem vis & pastinacæ radio, & lepori marino imposito, ita ut celeriter removeantur: echini testis contusis & ex aceto illitis: item scolopendræ marinæ è melle: cancro fluviali contrito vel cumbusto ex melle; mirifice prosunt & sepiæ ossa cum axungia vetere contusa & illita: sic & ad parotidas utuntur, & scari piscis marini jocinoribus: quin & testis cadi salsamentarii tusis cum axungia vetere, muricumque cinere ex oleo ad parotidas strumasque. Rigor cervicis mollitur cum marinis, qui pedunculi vocantur, drachmâ potâ: castoreo poro cum pipere ex mulso misto ranis decoctis ex oleo & sale,

ut sorbeatur succus: sic & opisthoronio medentur, & terano: spasticis vero pipere adjecto. Anginas manarum falsarunt ex capitibus cinis ex melle illitus abolet: ranarum decoctarum ex aceto succus: hic & contra tonsillas prodest. Cancris fluviatiles triti singuli in heminam aquæ anginis medentur gargarizati, aut è vino, aut calida aqua potati. Vvæ medetur garum cochlearibus subditum. Vocem siluri recentes, salivæ in cibo sumpti adjuvant. Vomitiones nulli inveterati tritici in portione concitant. Suspiriosis castoreum cum Hammoniæ exigua portione ex aceto mulso jejunis utilissime potatur: eadem potio spasmos stomachi sedat ex aceto mulso calido. Tussim sanare dicuntur piscium modo è jure decoctæ in patinis ranæ: suspensæ autem pedibus, cum destillaverit in patinam saliva earum, exenterari jubentur, abjectisque interaneis condiri. Est rana parva arborem scandens, & ex ea vociferans: in hujus os si quis expuat, ipsamque dimittat, tussi liberari narratur. Præcipiunt & cochleæ crudæ carnem tritam bibere ex aqua calida in tussi cruenta.

CAP. IX. *Ad iocinoris vitia laterumque, ad stomachi, alvi, & alia promiscua medicina.*

Iocinoris doloribus scorpio marinus in vino necatur, ut inde bibatur: Conchæ longæ carnes ex mulso potæ cum aqua pari modo, aut si febres sint ex aqua mulsa. Lateris dolores leniunt hippocampi tosti sumpti, tetheaque similis ostreo in cibo sumpta: ischiadicorum, muriæ siluri clystere infusâ. Dantur autem conchæ ternis obolis dilutæ in vini sextariis duobus per dies quindecim. Alvum emollit silurus è jure, & torpedo in cibo. Et olus marinum simile sativo, stomacho inimicum, alvum facillime purgat: sed propter acrimo-

niam cum pingui carne coquitur: & omnium piscium jus: idem & urinas ciet, è vino maxime: optimum è scorpionibus & julide, & saxatilibus, nec virus respicientibus: coqui debent cum anetho, apio, coriandro, porro, additis oleo & sale. Purgant & cybia vetera, privatimque cruditates; pituitas bilemque trahunt: purgant & myaces, quorum natura tota in hoc loco dicetur. Acervantur muricum modo, vivuntque in algosis, gratissimi autumno, & ubi multa dulcis aqua miscetur mari, ob id in Ægypto laudatissimi: procedente hyeme, amaritudinem trahunt, coloremque rubrum. Horum jus traditur alvum & vesicas exinanire, interanea destringere, omnia adaperire, renes purgare, sanguinem adipemque minuere: itaque utilissimi sunt hydropicis, mulierum purgationibus, morbo regio, articulari, inflationibus: item prodesse felli pituitæque pulmonis, jecinori, splenis vitiis, rheumatismis: fauces tantum vexant, vocemque obtundunt: hulnera quæ serpant, aut sint purganda, sanant: item carcinomata. Cremati autem, ut murices, & morsus canum hominumque: cum melle, lepras, lentigines. Cinis eorum potus emendat caligines, gingivarum & dentium vitia, eruptiones pituitæ: & contra dorycnium aut opocarpathon antidoti vicem obtinent. Degenerant in duas species, in mitulos, qui salem virusque respiciunt: & myscas, quæ rotunditate differunt, minores aliquanto atque hirtæ, tenuioribus testis, carne duriores. Mituli quoque, ut murices, cinere causticam vim habent, & ad lepras, lentigines, maculas. Lavantur quoq; plumbi modo ad genarum crassitudines, & oculorum albugines, caliginesque, atque in aliis partibus sordida hulnera, capitisque pustulas. Carnes vero eorum
ad

ad canis morsus imponuntur. Et pelorides emolliunt alvum: item castorea ex aqua mulsâ drachmis binis: qui vehementius volunt uti, addunt cucumeris sativi radice siccâ drachmam, & aphronitri duas. Tetheæ torminibus & inflationibus occurrunt: inveniuntur hæ in foliis marinis surgentes, fungorum verius generis, quam piscium: eadem & tenesimum dissolvunt, renumque vitia. Nasceitur & in mari absinthium, quod aliqui Seriphium vocant, circa Taposirin maxime Ægypti, exilius terrestri: alvum solvit, & noxiis animalibus intestina liberat. Solvunt & sepiæ: in cibo dantur cum oleo, & sale & farina decoctæ. Mænæ falsæ cum felle taurino illitæ umbilico, alvum solvunt. Ius piscium in patina coctorum cum lactucis tenesimum discuit. Cancri fluviales triti, ex aqua poti, alvum sistunt, urinam cient; in vino, ¹⁶ alvum. Ademptis brachiis calculos pellunt tribus obolis cum myrrha triti, singulis eorû drachmis. Ileos & inflationes castoreum cum dauci semine & petroselini quantum ternis digitis sumatur, ex mulsi calidi cyathis quatuor, tormina vero cum aceto vino misto. Erythini in cibo sumpti sistunt alvum. Dysentericis medentur ranæ cum scilla decoctæ, ita ut pastilli fiant: fel five cor earum cum melle tritum, ut tradit Niceratus. Morbo regio falsamentum cum pipere, ita ut reliqua carne abstineatur. Lieni medetur solea piscis impositus: item torpedo: item rhombus vivus: dein remittitur in mare. Scorpis marinus necatus in vino, vesicæ vitia & calculos sanat: lapis qui invenitur in scorpionis marini ¹⁷ cauda pondere oboli potus: enhydridis jecur: blenniorum cinis cum ruta. Inveniuntur & in banchi piscis capite ceu lapilli: hi poti ex aqua calculosis præclare medentur:

ajunt & urticam marinam in vino potam prodesse: item pulmonem marinum decoctum in aqua. Ova sepię urinam movent, renumque pituitas extrahunt. Rupta convulsa cancri fluviatiles triti in asinino lacte maxime sanant: echini vero cum spinis suis contusi in vino poti calculos: modus singulis hemina: bibitur donec proficit: & alias in cibis ad hoc proficiunt. Purgatur vesica & pectinum cibo: ex his mares alii donacas, alii aulos vocant: fœminas onychas: urinam mares movent: dulciores fœminæ sunt & unicolores. Sepiæ quoque ova urinam movent; renes purgant. Enterocelæ lepus illinitur tritus cum melle. Iecur quoq; aquatici colubri, item hydri tritum potumque calculosis prodest. Ischiadicos autem liberant fassamenta ex siluro infusa clystere, evacuata prius alvo. Sedis attritus cinis è capite mugilum mullorumque: comburuntur autem in fictili vase; illini cum melle debent. Item capitis mænarum cinis ad rhagadas, & ad condylomata utilis, sicut pelamidum fassarum caput cinis, vel cybiorum cum melle. Torpedo apposita procidentis interanei morbum ibi coërcet. Cancrorum fluviatilium cinis ex oleo & cera, rimas in eadem parte emendat: item & matini cancri polline. Panos fassamenta coracini discutiunt: sciænæ interanea & squamæ combustæ: scorpio in vino decoctus, ita ut foveantur ex illo. At echinorum testæ contusæ & ex aqua illitæ, incipientibus panis resistunt. Muricum vel purpurarum cinis utroque modo, sive discutere opus sit incipientes, sive concoctos emittere. Quidam ita componunt medicamentum; ceræ & thuris drachmas xx, spumæ argenti xl, cineris muricum x, olei veteris heminam. Profunt per se fassamenta cocta. Cancri fluviatiles triti verendorum pustulas

pustulas discutiant: cinis ex capite mænarum: item carnes decoctæ & impositæ: similiter per cæ falsæ è capite cinis melle addito: Pelamidum capitis cinis, aut squatinæ piscis cutis combusta: hæc est, qua diximus lignum poliri: quia & è mari fabriles usus exeunt. Profunt & smarides illitæ: item muricum vel purpurarum testæ cinis cum melle: efficacius crematarum cum carnibus suis. Carbunculos verendorum privatim balsamenta cocta cum melle restinguunt: at testem si descenderit, cochlearum spuma illini volunt. Vrinæ incontinentiam hippocampi tosti & in cibo sæpius sumpti emendant: item ophidion pisciculus congro similis cum lilii radice: pisciculi minuti, ex ventre ejus qui devoraverit exempti, & cremati, ita ut cinis eorum bibatur ex aqua. Iubent & cochleas Africanas cum sua carne comburi, cineremque ex vino Signino dari. Podagris articularibusque morbis utile est oleum, in quo decocta est rana, & ipsius intestina, & rubetæ cinis cum adipe vetere: quidam & hordei cinerem adjiciunt, trium generum æquo pondere. Iubent & lepore marino recenti podagram fricari: fibrinis quoque pellibus calceati, maxime Pontici fibri: item vituli marini: cujus & adeps prodest. Item & bryon, de quo diximus, lactucæ simile, rugolioribus foliis, sine caule: natura est ei styptica: impositum lenit impetus podagræ: item alga, de qua supra dictum est: observaturque in ea ne arida imponatur. Perniones emendat pulmo marinus, cancrique marini cinis ex oleo, item fluviatiles triti, sicque cinere & oleo subacti: & siluri adeps. Et in articulis morborum impetus sedant ranæ subinde recentes impositæ: quas quidam dissectas jubent imponi. Corpus auget jus mytulorum, & concharum. Comi-

tiales, ut diximus, coagulum vituli marini bibunt cum lacte equino, asininove, aut cum Punici succo: quidam ex aceto mulso: nec non aliqui per se pilulas devorant. Castoreum in aceti mulsi cyathis tribus jejunis datur: his verò, qui sæpius corripuntur, clystere infusum mirifice prodest: Castorei drachmæ duæ esse debebunt, mellis & olei sextarius, & aquæ tantundè. Ad præsens verò correptis olfactu subvenit cum aceto. Datur & mustelæ marinæ jecur: item muris vel testudinum sanguis.

CAP. X. *Ad febres omnium generum, & contra diversas infirmitates.*

Februm circuitus tollit jecur delphini gustatum ante accessiones. Hippocampi necantur in rosaceo, ut perungantur ægri in frigidis febribus: & ipsi adalligantur ægris. Item ex asello pisce lapilli qui plena Luna inveniuntur in capite, alligantur in linteolo. Pagri fluviatilis longissimus dens capillo adalligatus, ita ut quinque diebus eum qui alligaverit, non cernat æger: ranæ verò in trivio decoctæ oleo adjectis carnibus, percunctos liberant quartanis: sunt qui strangulatas in oleo, ipsas clam adalligent, oleoque eo perungant. Cor earum adalligatum frigora febrium minuit: & oleum, in quo intestina decocta sint. Maxime autem quartanis liberant, ablatis unguibus ranæ adalligatæ, & rubetæ: jecur ejus vel cor adalligatur in panno leucophæo. Cancræ fluviatiles triti in oleo & aqua, perunctis ante accessiones in febribus prosunt: aliqui & piper addunt: alii decoctos ad quartas in vino è balineo egressis bibere suadent in quartanis: aliqui verò sinistrum oculum devorari jubent. Magi quoque oculis earum ante Solis ortum adalligatis ægto, ita ut cæcas dimittant in aquam, tertianas abigi promittunt:

tunt : eosdem oculos cum carnibus lusciniæ in pelle cervina adalligatos, præstare vigiliam somno fugato tradunt. In lethargumque vergentibus coagulo balænæ, aut vituli marini ad olfactum utuntur : aliqui sanguinem testudinum lethargicis illinunt. Tertianis mederi dicitur & spondylus per se adalligatus : quartanis cochleæ fluviatiles in cibo recentes : quidam ob id asservant sale, ut dent tritas in potu. Strombi in aceto putrefacti, lethargicos excitant odore : profunt & cardiacis : Cachecticis, quorum corpus macie conficitur, tethæ utiles sunt cum ruta ac melle. Hydropicis medetur adeps delphini liquatus, & cum vino potus : gravitati¹⁸ saporis occurritur tactis naribus unguento, aut odoribus, vel quoquo modo obturatis. Strombi quoque carnes tritæ, & in multis tribus heminis pari modo aquæ, aut si febres sint, ex aqua mulsæ datæ proficiunt : item succus cancerum fluviatilium cum melle. Ranæ quoque aquaticæ in vino vetere cum farre decoctæ, ac pro cibo sumptæ, ita ut bibatur ex eodem vase : vel testudo decisis pedibus, capite, cauda, & intestinis exemptis, reliqua carne ita condita, ut citra fastidium sumi possit. Cancris fluviatiles ex jure sumpti, & phthisicis prodesse traduntur. Adusta sanantur cancri marini vel fluviatilis cinere : & ea quæ ferventi aqua combusta sunt : hæc curatio etiam pilos restituit, cum cancerorum fluviatilium cinere : putantque utendum cum cera & adipe urfino. Prodest & feбри ranarum fellis cinis. Ignēs sacros restinguunt ranarum viventium ventres impositi : pedibus posterioribus pronas adalligari jubent, ut crebriore anhelitu profint. Utuntur & silurorum capitum cinere, salsamentorum ex aceto. Pruritus scabiemque non hominum modo,

sed & quadrupedum efficacissime sedat jecur passinacæ decoctum in oleo. Nervos vel præcisos purpurarum callum, quo se operiunt, tusum glutinat. Lethargicos coagulum vituli adjuvat in vino potum oboli pondere: item ichthyocolla. Tremulos juvat castoreum, si ex oleo perungantur. Mullos in cibo inutiles nervis invenio. Sanguinem cieri piscium cibo putant, fisti polypo tuso illitoque. De quo & hæc traduntur: muriam ipsum ex sese emitte, & ideo non debere addi in coquendo: secari harundine: ferro enim infici, vitiumque trahere, natura desinente. Ad sanguinem sistendum & ranarum illinunt cinerem, vel sanguiné inarefactum. Quidam ex ea rana, quam Græci calamiten vocant, quoniam inter harundines fruticesq; vivat, minima omnium & viridissima, cinerem fieri jubent: aliqui & nascentium ranarum in aqua, quibus adhuc cauda est, in calice novo combustarū cinerem, si per nares fluat, injiciendum. Diversus hirudinum, quas sanguisugas vocant, ad extrahendum sanguinem usus est: quippe eadem ratio earum, quæ cucurbitarum medicinalium, ad corpora levanda sanguine, spiramenta laxanda, judicatur: sed vitium, quod admittæ semel desiderium faciunt circa eadem tempora anni semper ejusdem medicinæ: multi podagris quoque admitterendas censuere: decidunt facietate, & pondere ipso sanguinis detractæ, aut sale aspersæ. Aliquando tamen affixa relinquunt capita, quæ causa vulnera insanabilia facit, & multos interimit, sicut Messalinum è Consularibus patriciis, cum ad genua admisisset: invehunt virus remedio verso: maximeque rusæ ita formidantur: ergo ¹⁹ sugentium inferiora forficibus præcidunt: ac veluti siphonibus defluit sanguis: paula-

paulatimque morientium capita se contrahunt : nec relinquuntur. Natura earum adversatur cimicibus, & suffitu necat eos. Fibrinarum pellium cum pice liquida combustarum cinis, narium profluvia sistit, succo porri molitus. Extrahunt tela corpori inhærentia sepiarum testæ ex aqua, salsamentorum carnes, cancri fluviales triti, siluri fluvialis, qui & alibi quam in Nilo nascitur, carnes impositæ recentes sive salsæ: ejusdem cinis extrahit, & adeps: & cinis spinæ ejus vicem spodi præbet. Hulcera quæ serpunt, & quæ ex iis excrescunt, ex capite mænarum cinis vel siluri coercent. Carcinomata percarum capita salsarum, efficacius si cineri earum misceatur sal, & cunila capitata, oleoque subigantur. Cancro marini cinis usti cum plumbo, carcinomata compefcit: ad hoc & fluvialis sufficit cum melle, lineaque lanugine: aliqui majunt alumen melque miscere cineri. Phagedænæ siluro inveterato, & cum sandaracha trito: cacoethe & nomæ & putrescentia cybio veterere sanantur. Vermes verò innati ranarum felle tolluntur: fistulæ aperiuntur, siccanturque salsamenti cum linteolo immixtis: intraque alterum diem callum omnem auferunt, & putrescentia hulcerum, quæque serpunt, emplastri modo subacta & illita. Et salpe expurgat hulcera in linteolis conceptis: item echinorum testæ cinis. Carbunculos coracinorum salsamenta illita discutunt: item mullorum salsamenti cinis: quidam capite tantum utuntur cum melle, vel coracinorum carne. Muricum cinis cum oleo tumorem tollit: cicatrices fel scorpionis marini. Verrucas tollit glani jecur illitum: capitis mænarum cinis cum ^{2o} alio tritus, ad thymia crudis utuntur: fel scorpionis marini rufi: smarides tritæ illitæ. Alex deserv-

facta unguium scabritiam, cinis, que è capite mænarum extenuat. Mulieribus lactis copiam facit glauciscus è jure sumptus, & smarides cum prifana sumpti, vel cum fœniculo decoctæ. Mammæ ipsas muricum vel purpuræ testarum cinis cum melle efficaciter sanat. Cancri fluviatiles illiti vel marini pilos in mamma, vel muricum carnes appositæ tollunt. Squatinæ illitæ crescere mammæ non patiuntur. Delphini adipe linamenta accensa excitant vulvæ strangulatu oppressas: item scombri in aceto putrefacti. Percarum vel mænarum capitis cinis admisto sale & cunila oleoque, vulvæ medetur: suffitione quoque secundas, extrahit. Item vituli marini adeps instillatur igni naribus intermortuarum vulvæ vitio: & cum coagulo ejusdem in vellere imponitur. Pulmonis marini cinis adalligatus, egregie profluvia purgat: echini viventes triti & in vino dulci poti. Sistunt & cancri fluviatiles triti in vino potique: item siluri suffitu, præcipue Africi, faciliores partus fieri dicuntur: Cancræ ex aqua poti profluvia sistere: ex ²¹ hyssopo purgare: & si partus stranguletur, similiter poti auxiliantur: eosdem recentes vel aridos bibunt ad partus continendos. Hippocrates ad purgationes mortuosq; partus utitur illis, cum quinis lapathi radicibus, cum ruta & fuligine tritis, & in mulso datis potui. Item in jure cocti cum lapathio & apio, menstruas purgationes expediunt: lactique ubertatem faciunt: item in febris quæ sit cum capitis doloribus & oculorum palpitatione, mulieribus in vino austero poti prodesse dicuntur. Castoreum ex mulso potum purgationibus prodest: contraque vulvam olfactum cum aceto & pice, aut subditum pastillis. Ad secundas etiam uti eodem prodest cum panace in iv cyathis vini:

& à

& à frigore laborantibus ternis obolis. Sed si castoreum fibrumve supergrediatur gravida, abortum facere dicitur, & periclitari partus, si superferatur. Mirum & quod de torpedine invenio: si capiatur, cum Luna in Libra fuerit, triduoque asservetur sub dio, faciles partus facere postea, quoties inferatur. Adjuvare & pastinacæ radius adalligatus umbilico æstimatur, si viventi ablatus sit, ipsaque denuo in mare dimissa. Invenio apud quosdam ostracium vocari, quod aliqui onychem vocant: hoc suffitum vulvæ pœnis mire resistere: odorem esse castorei, meliusque cum eo ustum proficere: vetera quoque hucera & cacoethe ejusdem cinere sanari. Nam carbunculos & carcinomota in mulierum parte præsentissimo remedio sanari tradunt cancro foemina, cum salis flore contuso post plenam Lunam, & ex aqua illito. Psilothrum est thynni sanguis, fel, jecur, sive recentia, sive servata: jecur etiam tritum, mixtaque cedria plumbea pyxide asservatum: ita pueros mangonizavit Salpe obstetrix. Eadem vis est pulmonis marini: leporis marini, sanguine & felle: vel si in oleo lepus hic necetur. Cancri, scolopendræ, marini cinis cum oleo: urtica marina trita ex aceto scillite: torpedinis cerebrum cum alumine illitum XVI Luna. Ranæ parvæ, quam in oculorum curatione descripsimus, sanies efficacissimum psilothrum est, si recens illinatur: & ipsa arefacta ac tusa, mox decocta tribus heminis ad tertias, vel in oleo decocta æreis vasis. Eadem mensura alii ex quindecim ranis conficiunt psilothrum, sicut in oculis diximus. Sanguisuga quoque tostæ in vase fictili, & ex aceto illitæ, eundem contra pilos habent effectum. Et suffitus urentium eas necat cimices inductus. Castoreo quoque cum melle

melle pro pilothro usi pluribus diebus reperitur. In omni autem pilothro vellendi prius sunt pili. Infantium gingivis dentitionibusque multum confert delphini cum melle dentium cinis, & si ipso dente gingivæ tangantur: adalligatusque idem pavores repentinos tollit: idem effectus & caniculæ dentis. Hulcera verò, quæ in auribus, aut ulla corporis parte fiant, cancrorum fluvatilium succus cum farina hordeacea sanat: & ad reliquos morbos triti in oleo perunctis profunt. Sirtases infantium spongia frigida crebro humefacta, rana inversa adalligata efficacissime sanat, quam aridam inveniri affirmant. Mullus in vino necatus, vel pisces rubellio, vel anguillæ duæ, item uva marina in vino putrefacta, iis qui inde biberint, tadium vini affert. Venerem inhibet echeneis & hippopotami frontis è sinistra parte pellis in linteolo adalligata, felve torpedinis vivæ genitalibus illitum. Concitant cochlearum fluvatilium carnes sale adservatæ, & in potu ex vino datæ: erythini in cibo sumpti: jecur ranae diopetis vel calamitæ in pelticula gruis adalligatum, vel dens crocodili maxillaris annexus brachio, vel hippocampus, vel nervi rubetæ dextro lacerto adalligati. Amorem finit in pecoris recenti corio rubeta alligata. Equorum scabiem ranae decoctæ in aqua extenuant, donec illiniri possit: ajuntque ita curatos non repeti posse. Et Salpe negar canes latrare, quibus in ossa rana viva data sit. Inter aquatilia dici debet & calamochnus, Latine adarca appellata. Nascitur circa harundines tenues è spuma aquæ dulcis ac marinæ, ubi se miscent. Vim habet causticam: ideo acopis additur contra perfrictionum vitia: tollit & mulierum lentigines in facie. Et calami simul dici debent: Phragmitis radix recens tusa luxatis mede-

medetur, & spinæ doloribus ex aceto illita: Cyprii verò, qui & donax vocatur, cortex alopecii medetur uestus, & hulceribus veteratis: folia extrahendis quæ infixæ sint corpori, & igni sacro. Paniculæ flos si aures intraverit, exsurdar. Sepiæ atramæto tanta vis est, ut in lucerna addito Æthiops videri ablato priore lumine, Anaxilaus tradat. Rubeta decocta, & in aqua potu data, suum morbis medetur: vel cuiuscunque ranæ cinis. Pulmone marino si confricetur lignum, ardere videtur, adeo ut baculum ita præluceat.

CAP. XI. *Animalium omnium in mari viventium, centum septuaginta sex genera esse.*

Peracta aquatiliū dote, non alienum videtur indicare per tot maria, tam vasta, & tot millibus passuum terræ infusa, extraque circumdata, mensura pene ipsius mundi, quæ intelligantur animalia, centum ²² septuaginta sex omnino generum esse, eaque nominatim complecti: quod in terrestribus volucrisque fieri non quit. Neque enim omnis Indiæ Æthiopięque aut Scythiæ desertorumve novimus seras. aut volucres, cum hominum ipsorum multo plurimæ sint differentiæ, quas invenire potuimus. Accedat his Taprobane, insulæque aliæ Oceani fabulose narratæ. Profecto conveniet, non posse omnia genera in contemplationem universam vocari: at hercule in tanto mari Oceano quæcunque nascuntur, certa sunt; notioraque, quod miremur, quæ profundo natura merfit. Ut à belluis ordiamur, arbores, phœteres, balænæ, priestes, Tritones, Nereides, elephanti, homines qui marini vocantur, rotæ, orcæ, arietes, muscoli, & alii piscium forma arietes, delphini, celebresque Homero vituli: luxuriæ vero testudines, & Medicis fibri, quorum è genere

genere lustras nusquam mari accepimus mergi,
 tantum marina dicentes. Iam caniculæ, dromo-
 nes, cornutæ, gladii, serræ: communesque mari,
 terræ, amni, hippopotami, crocodili: & amni
 tantum ac mari, thynni, thynnides, siluri, cora-
 cini, percæ. Peculiares autem mari acipenser, au-
 rata, asellus, acarne, aphyæ, alopecias, anguilla,
 araneus: ²³ box, batis, banchus barrachus, belo-
 ne, quos aculeatos vocamus, balanus: corvus,
 cytharus, ²⁴ Chromborū genera, cyprinus, chal-
 cis, cobio, Callarias (asellorum generis, ni minor
 esset) Colias sive parianus, sive ²⁵ saxitanus à pa-
 tria Bætica, lacertorum minimus: ab iis Mæotici:
 cybium: (ita vocatur concisa pelamis, quæ post
 XL dies à Ponto in Mæotin revertitur:) Cordyla
 (& hæc pelamis pusilla, cum in Pontum è Mæo-
 tide exit, hoc nomen habet) cantharus, calliony-
 mus, sive uranoscopus, cinædi soli piscium lutei:
 cnide, quam nos urticam vocamus: canctorum
 genera, chametrachea, chameleos, chamæpelo-
 rides generis varietate distantes & rotunditate,
 chamæglycymetides, quæ sunt majores, quam
 pelorides: ²⁶ colycia sive corophia, concharum
 genera, inter quæ & margaritifera: cochleæ qua-
 rum generis pentadactyles, melicembales, echino-
 phoræ dicuntur quibus cantant: extra has sunt
 rotundæ in oleatio usu cochleæ, cucumis, cyno-
 pus, cammarus, cynosdextra: draco: (quidam
 aliud volunt esse dracunculum) est autem graculo
 similis: aculeos in branchiis habet ad caudam spe-
 ctantes, sic ut scorpio lædit, dum manu tollitur;
 erythinus, echinus; elephantii locustarum generis
 nigri, pedibus quaternis, bisulcis; præterea bra-
 chia duo binis articulis, singulisque forciculis den-
 ticularis. Faber sive zeus: glaucisci, glanis, gon-
 ger,

ger, getres, galeos, garus: hippos, hippuros, hiru-
 rundo, halipleumon, hippocampus, hepar, helacathenes: sunt lacertorum genera, loligo volitans,
 locustæ, lucernæ, liparis, lamyrus, lepus, leones,
 (quorum brachia cancris similia sunt, reliqua pars locustæ) mullus, merula inter saxatiles laudata,
 mugil, melanurus, mæna, meryx, myræna, mys, miculus, myscus, murex, oculata, ophidion,
 ostrea, otia, orcynus: (hic est pelamidum generis maximus, ²⁷ neque redit in Mæotin, similis tritoni, vetustate melior) Orbis, orthagoriscus, phager, phycis saxatiliū, pelamis: earum generis maxima apolectos vocatur, durior tritone: phorcus, phitharus, passer, pastinaca: polyporum genera: pectines maximi & nigerrimi æstate, laudatissimi Mitylenis, Tyndaride, Salonis, Alkini, Antii, in insula Alexandria in Ægypto, pectunculi, purpuræ, percides, pinna, pinnothæ, rhina (quem squatum vocamus) Rhombus, scarus principalis hodie: solea, sargus, scylla, sarda (ita vocatur pelamis longa, ex Oceano veniens) Scomber, salpa, sparus, scorpæna, scorpios, sciadeus, sciæna, scolopendra, smyrus, ²⁸ scepini, strombus, solen (sive aulos, sive donax, sive onyx, sive dactylus) spondylus, smarides, stella, spongia. Turdus inter saxatiles nobilis, Tomus thurianus (quem alii xiphiam vocant) Thefla, torpedo, thetea: Triton, pelamidum generis magni: ex eorum, cybia fiunt: ²⁹ Vrenæ, uva, xiphia. His adjiciemus apud Ovidium posita nomina, quæ apud neminem alium reperiuntur: sed fortassis in Ponto nascuntur, ubi id volumen supremis suis temporibus inchoavit: ³⁰ Bopgyrum in scopulis viventem orphum rubentem, rhacinumque pul- lum, pictas mormyras, aureique coloris chryson.

Præ-

Præterea parvum teragum, & placentem cauda labrum: epodas lati generis. Præter hæc insignia piscium tradit, channem ex seipsa concipere, glaucum æstate nunquam apparere, pompilum qui semper comiterur navigiorum cursus, chromin qui nidificet in aquis. Helopen quoque dicit esse nostris incognitum undis: ex quo apparet falli eos, qui eundem acipenserem existimaverunt: Helopi palmam saporis inter pisces multi dedere. Sunt præterea à nullo autore nominati, sudis Latine appellata, à Græcis sphyræna rostro similis nomine, magnitudine inter amplissimos, rarus, sed tamen non degener. Appellatur & perne concharum generis, circa Pontias insulas frequentissima: stant velut suillo crure longo in harena defixæ, hiantesque, qua limpitudo est, pedali non minus spatio, cibum venantur: dentes in circuitu marginum habent pectinatim spissatos: intus pro spondylo grandis caro est. Et hyænam piscem vidi in Ænaria insula captum, caput exerentem. Præter hæc purgamenta aliqua relatu indigna, & algis potius annumeranda, quam animalibus.

LIBER XXXIII.

Metallorum naturæ.

Proœmium.

METALLA nunc, ipsæque opes, & rerum pretia dicuntur, tellurem intus inquirente cura, multiplici modo: quippe alibi divitiis foditur, quærente vita aurum, argentum, electrum, æs: alibi deliciis gemmas, & parietum digitorumque pigmenta: alibi temeritati ferrum, auro etiam gratius inter bella cædes-

cædesque. Persequimur omnes ejus fibras, vivimusque super excavatam, mirantes dehiscere aliquando, aut intremiscere illam; ceu vero non hoc etiam indignatione sacræ parenti exprimi possit. Imus in viscera ejus, & in sede Manium opes quærimus, tanquam parum benigna fertilique, quaquâ calcatur. Inter hæc minimum remediorum gratia scrutamur: quoto enim cuique fodiendi causa medicina est? Quanquam & hæc summa sui parte tribuit, ut minime parca, facilisque in omnibus quæ profunt. Illa nos premunt, illa nos ad inferos agunt, quæ occultavit atque demersit, illa quæ non nascuntur: ut repente mens ad inane evolans reputet, ¹ quæ deinde futura sit finis, seculis omnibus exhaustiendi eam quousque penetret avaritia. Quam innocens, quam beata, imo vero & delicata esset vita, si nihil aliud, quam supra terras, concupisceret, breviterque nisi quod secum est? Eruitur aurum & chrysocola juxta, ut pretiosior videatur nomen ex auro custodiens. Parum enim erat unam vitæ invenisse pestem, nisi in pretio esset auri etiam sanies. Quærebat argentum avaritia: boni consuluit interim invenisse minium, rubentisque terræ excogitavit usum. Heu prodigiosa ingenia, quot modis auximus pretia rerum? Accessit ars picturæ, & aurum argentumque cælando carius fecimus: didicit homo naturam provocare. Auxere & artem vitiorum irritamenta: in poculis libidines cælare juvit, ac per obscœnitates bibere. Abjecta deinde sunt hæc, & sordere cœpere: & auri argentique nimium fuit: Murrhina & crystallina ex eadem terra effodimus, quibus pretium faceret ipsa fragilitas. Hoc argumentum opum, hæc vera luxuriæ gloria existimata est, habere quod posset statim totum perire. Nec hoc fuit
fatis,

fatis, turbagemmarum potamus, & sinaragdis teximus calices: ac temulentia causa tenere Indiam iuvat: & aurum jam accessio est.

CAP. I. *Quæ prima commendatio metallorum auri, & de origine anulorum aureorum, & modo auri apud antiquos, & equestri ordine, & de iure anulorum aureorum.*

Vtinamque posset è vita in torum abdicari ² aurum, sacra fames, ut celeberrimi auctores dixerent, profissum conviciis ab optimis quibusque, & ad perniciem vitæ repertum: quantum feliciore ævo, cum res ipsæ permutabantur inter se, sicut & Trojanis temporibus factitatum, Homero credi convenit. Ita enim (ut opinor) commercia victus gratia inventa: alios coriis boum, alios ferro captivisque rebus emptitasse tradit: quanquam & ipse miratus aurum, æstimationes rerum ita fecit, ut centum boum arma aurea permutasse Glaucum diceret cum Diomedis armis novem boum. Ex qua consuetudine multa legum antiquarum pecore constat, etiam Romæ. Pessimum vitæ scelus fecit, qui anulum primus induit digitis: nec hoc quis fecerit traditur: nam de Prometheo omnia fabulosa arbitror, quanquam illi quoque ferreum anulum dederit antiquitas: vinculumque id, non gestamen, intelligi voluerit. Midæ quidem anulum, quo circumactio habentem fateatur? manus & prorsus sinistra maximam auctoritatem conciliavere auro, non quidem Romanæ, quorum more ferreum erat & bellicæ virtutis insigne. De regibus Romanis non facile dixerim: nullum habet Romuli in Capitolio statua, nec præter Numæ Serviique Tullii alia, ac ne L. quidem Bruti. Hoc in Tarquinii maxime miror, quorum è Græcia

è Græcia fuit origo, unde hic anulorum usus venit, quanquam etiam nunc Lacedæmone ferreo utantur. Sed à Prisco Tarquinio omnium primo filium, cum in prætextæ annis occidisset hostem, bulla aurea donatum constat: unde mos bullæ duravit, ut eorum qui equo meruissent filii, insigne id haberent, cæteri lorum: & ideo miror Tarquinii ejus statuam sine anulo esse. Quanquam & de nomine ipso ambigi video: Græci à digitis appellare: apud nos prisca ungulum vocabant: postea & Græci & nostri symbolum. Longo certe tempore ne Senatum quidem Romanum habuisse aureos, manifestum est: siquidem his tantum qui legati ad exterarum gentes ituri essent, anuli publice dabantur: credo, quoniam ita exterarum honoratissimi intelligebantur. Neque aliis uti mos fuit, quam qui ex ea causa publice acceperant: vulgoque sic triumphabant: & cum corona ex auro Hetrusca sustineretur à tergo, anulus tamen in digito ferreus erat, æque triumphantis, & servi fortasse coronam sustinentis. Sic triumphavit de Iugurtha C. Marius: aureumque non ante tertium Consulatam sumpsisse traditur. Hi quoque, qui ob legationem acceperant aureos, in publico tantum utebantur eis, intra domos vero ferreis: quo argumento etiam nunc sponse anulus ferreus mittitur, isque sine gemma. Nec Iliacis temporibus ullos fuisse anulos video: nusquam certe Homerus dicit, cum & codicillos missitatos epistolarum gratia indicet, & conditas arcis vestes, ac vasa aurea argenteaque, & ea colligata nodi, non anuli, nota. Sortiri quoque contra provocationem duces, non anulis, tradit. Fabricam etiam Deum fibulas, & alia muliebris cultus, sicut in aures, in primordio fecit, sine mentione anulorum. Et quis-

quisquis primus instituit, cunctanter id fecit, lævisq; manibus ac latentibus induit, cum, si honos securus fuisset, dextra fuerit ostentandus. Quod si impedimentum potuit in eo aliquod intelligi, etiam consertoris usu; argumentum est, majus in læva fuisse, qua scutum capitur. Est quidem apud eundem Homerum virorum crinibus aurum implexum: ideo nescio an prius usus à sceminis coeperit. Romæ quidem non fuit aurum, nisi admodum exiguum, longo tempore: certe cum à Gallis capta urbe pax emeretur, non plus quam mille pondo effici potuerit. Nec ignoro duo millia pondo auri perisse, Pompeii tertio Consulatu, è Capitolini Iovis folio, à Camillo ibi condita, & ideo à plerisque existimari duo millia pondo collata: sed quod accessit, Gallorum præda fuit, detractumque ab his in parte capte urbis delubris. Gallos autem cum auro pugnare solitos, Torquatus indicio est. Apparet ergo Gallorum templorumque tantundem, nec amplius fuisse: quod quidem in augurio intellectum est, cum Capitolinus duplum reddidisset. Illud quoq; obiter indicari convenit, quoniam de anulis sermonem repetimus, æditum custodiæ ejus comprehensum, fracta in ore anuli gemma, statim expirasse, & indicium ita extinctum. Ergo ut maxime duo tantum millia pondo, cum capta est Roma anno trecentesimo Lxiv fuere, cum jam capitum liberorum censa essent clxii millia quingenti lxxx. In eadem post annos ccvii, quod ex Capitolinæ ædis incendio cæterisq; omnibus delubris C. Marius filius Præneste detulerat, tredecim millia pondo: quæ sub eo titulo in triumpho transtulit Sylla, & argenti vii i millia. Idem ex reliqua omni victoria pridie transtulerat auri pondo xv millia, argenti pondo centum

centum & quindécim millia. Frequentior autem
usus annulorum non ante Cn. Flavium Annii fi-
liumprehenditur: hic nanque publicatis diebus
fastis, quos populus à paucis principum quotidie
petebat, tantam gratiam plebis adeptus est, (alio-
quin libertino patre genitus, & ipse Appii Cæci
scriba, cujus hortatu exceperat eos dies, consul-
tando assidue sagaci ingenio, promulgaveratque:)
ut Ædilis curulis crearetur cum Q. Anicio Præ-
nestino, qui paucis ante annis hostis fuisset, præ-
teritis C. Petilio & Domitio, quorum patres Con-
sules fuerant: additum Flavio, ut simul & Tribu-
nus plebis esset. Quo factò tanta Senatus indigna-
tione exarsit, ut anulos ab eo abjectos fuisse, in
antiquissimis reperiat Annalibus. Fallit pleros-
que, quod tum & equestrem ordinem id fecisse
arbitrantur: est enim adjectum hoc quoque: sed
& phaleræ positæ, propter ³ quæ nomen Equitum
adjectum est: anulos quoque depositos à nobili-
tate, in Annales relatum est, non à Senatu univer-
so: hoc actum P. Sempronio Longo, L. Sulpitio
Coss: Flavius vovit ædem Concordiæ, si populo
reconciliasset ordines: & cum ad id pecunia pu-
blica non decerneretur, ex multatitia fœneratori-
bus condemnatis ædiculam æream fecit in Græ-
costasi, quæ tunc supra comitium erat: inciditque
in tabella ærea eam ædem, ⁴ c quatuor annis post
Capitolinam dedicatam. Ita cccc XLVIII à con-
dita urbe gestum est: & primum annulorum vesti-
gium extat: promiscui autem usus alterum secun-
do Punico bello: neque enim aliter potuissent tri-
modia illa annulorum Carthaginem ab Annibale
mitti. Inter Cepionem quoque & Drusum ex
anulo in auctione vœnali, inimicitia cœpere: un-
de origo socialis belli, & exitia rerum. Ne tum
quidem

quidem omnes Senatores habuerunt: utpote cum memoria avorum multi Prætura quoque functi, in ferro consenuerint: sicut Calphurnium & Manilium, qui legatus C. Marii fuerat Iugurthino bello, Feneftella tradit: & multi L. Fufidium illum, ad quem Scavrus de vita sua scripsit: in Quin-
tiorum vero familia aurum ne fœminas quidem habere mōs fuerit: nullosque omnino anulos major pars gentium hominumque, etiam qui sub imperio nostro degunt, hodieque habeat. Non signat Oriens aut Ægyptus etiam nunc, literis contenta solis. Multis hoc modis, ut cætera omnia, luxuria variavit, gemmas addendo exquisiti fulgoris, censuque opimo digitos onerando, sicut dicemus in gemmarum volumine: mox & effigies varias cælando, ut alibi ars, alibi materia esset in pretio. Alias deinde gemmas violari nefas putavit: ac ne quis signandi causam in annulis esse intelligeret, solidas induit. Quasdam vero neque ab ea parte quæ digito occultatur, auro clusit, aurumque millibus lapillorum vilius fecit. Contra vero multi nullas admittunt gemmas, auroque ipso signant: id Claudii Cæsaris principatu repertum. Necnon & servitia jam ferrum auro cingunt: alia per sese mero auro decorant: cuius licentiæ origo nomine ipso in Samothrace id institutum declarat. Singulis primo digitis geri mos fuerat, qui sunt minimis proximi: sic in Numæ & Servii Tullii statuis videmus. Postea pollicis proximo induere, etiam Deorum simulacris: dein iuvit & minimo dare. Galliæ Britannique in medio dicuntur usæ: hic nunc solus excipitur: cæteri omnes onerantur atque etiam privatim articuli minoribus aliis. Sunt qui tres uni minimo congerant: alii vero & huic unum tantum, quo signantem signent. Conditus ille,

ille, ut res rara, & injuria usus iudigna, velut è sacratio promitur: & unum in minimo digito habuisse, pretiosioris in recondito suppellectilis ostentatio est. Iam alii pondera eorum ostentant: alii plures quam unum, gestare labor est: alii bracteas infarcire leviori materia propter casum tutius gemmarum sollicitudini putant. Alii sub gemmis venena cludunt, sicut Demosthenes summus oratorum Græciæ, anulosque mortis gratia habent. Denique ut plurimum opum scelera anulis fiunt. Quæ fuit illa priscorum vita, qualis innocentia, in qua nihil signabatur? At nunc cibi quoque ac potus anulo vindicantur à rapina: hoc profecere mancipiorum legiones, & in domo turba externa, ac servorum quoque causa nomenclator adhibendus. Aliter apud antiquos, singuli Marcipores Luciporesve dominorum gentiles, omnem victum in promiscuo habebant: nec ulla domi custodia à domesticis opus erat. Nunc rapiendæ comparantur epulæ, pariterque qui rapiant eas, & claves quoque ipsas signasse non est satis: gravatis somno aut morientibus anuli detrahuntur: majorque vitæ ratio circa hoc instrumentum esse cœpit, incertum à quo tempore. Videmur tamen posse in externis auctoritatem ejus rei intelligere circa Polycratem Sami tyrannum, cui dilectus ille anulus in mare abjectus, capto relatus est pisce, ipso circiter ccc xxx. annum urbis nostræ interfecto. Celebratior quidem usus cum fœnore cœpisse debet: argumento est consuetudo vulgi, ad sponsones etiamnum anulo exiliente, tracta ab eo tempore, quo nondum erat arrha velocior: ut plane affirmare possimus, nummos ante apud nos, mox cœpisse annulos. De nummis paulo post dicetur. Anuli distinxere alterum ordinem à plebe,

ut semel cœperant esse celebres, sicut tunica ab anulis Senatum tantum: quanquam & hoc sero: vulgoque purpura latiore tunicæ usos invenimus etiam præcones, sicut patrem L. Ælii Stilonis, Præconini ob id cognominati. Sed anuli plane medium ordinem, tertiumque plebi & patribus inferuere: quod antea militares equi nomen dederant, hoc nunc pecuniæ iudices tribuunt. Nec pridem id factum: Divo Augusto decurias ordinante, major pars iudicum in ferreo anulo fuit: iique non equites, sed iudices vocabantur. Equitum nomen subsistebat in turmis equorum publicorum. Iudicum quoque, non nisi quatuor decuriæ fuere primo: vixque singula millia in decuriis inventa sunt, nondum provinciis ad hoc munus admissis: servatumque in hodiernum est, ne quis è novis civibus in iis iudicaret.

CAP. II. *De decuriis iudicum, & quoties nomina equestris ordinis immutata, & donis militaribus, & quando primum corona aurea.*

Decuriæ quoque ipsæ pluribus discretæ nominibus fuere, Tribunorum æris, & Selectorum, & Iudicum. Præter hos etiamnum Nongenti vocabantur ex omnibus selecti, ad custodiendas cistas suffragiorum in comitiis. Et divisus hic quoque ordo erat superba usurpatione nominum, cum aliis se Nongentum, alius Selectum, alius Tribunum appellaret. Tiberii demum principatus nono anno in unitatem venit equester ordo: annulorumque auctoritati forma constituta est, C. Asinio Pollione, C. Antistio Vetere Coss. anno urbis conditæ DCC LXXV. quod miremur, futili pene de causa, cum C. Sulpitius Galba, dum juvenilem famam apud principem popinarum pœnis aucupatur,

patur, questus esset in Senatu, vulgo inuito-
 ejus culpæ defendi annulis. Hac de causa consti-
 tutum, ne cui jus id esset, nisi cui ingenuo ipsi,
 patri avoque paterno sestertia ccc. census fuis-
 set, & lege Julia theatri in xiv ordinibus seden-
 di. Postea gregatim insigne id appeti cœptum.
 Propterque hæc discrimina Cajus princeps decu-
 riam quintam adjecit: tantumque natum est fa-
 ctus, ut quæ sub divo Augusto impleri non potue-
 rant decuriæ, non capiant eum ordinem, passim-
 que ad ornamenta ea etiam servitute liberati tran-
 siliant: quod antea nunquam erat factum, quo-
 niam in ferreo anulo equites judicesque intellige-
 bantur: adeoque promiscuum id esse cœpit, ut
 apud Claudium Cæsarem in censura ejus unus ex
 equitibus Flavius Proculus ccc. ex ea causa reos
 postularet. Ita dum separatur ordo ab ingenuis,
 communicatus est cum servitiis. Iudicum autem
 appellatione separari eum ordinem, primi om-
 nium instituere Gracchi, discordi popularitate in
 contumeliam Senatus, mox ea debellata, autori-
 tas nominis vario seditionum eventu circa publi-
 canos substitit: & aliquandiu tertiæ vires publi-
 cani fuere. M. Cicero demum stabilivit equestre
 nomen in Consulatu suo, ei Senatum concilians,
 ex eo se ordine profectum esse celebrans, ejusque
 vires peculiari popularitate quærens. Ab illo tem-
 pore plane hoc tertium corpus in republica factum
 est, cœpitque adjici Senatui populoque Romano
 & equester ordo. Qua de causa & nunc post po-
 pulum scribitur, quia novissime cœptus est adjici.
 Quinetiam ipsum equitum nomen sæpe variatum
 est, in his quoque qui ad equitatum trahebantur.
 Celeres sub Romulo regibusque appellati sunt: de-
 inde flexumines: postea trofili, cum oppidum

in Thuscis citra Volsinios passuum ix milliura, sine ullo peditum adjumento cepissent ejus vocabuli : idque duravit ultra C. Gracchum. Iunius certe, qui ab amicitia ejus Gracchanus appellatus est, scriptum reliquit his verbis : Quod ad equestrem ordinem attinet, antea trosculos vocabant, nunc equites vocant : ideo quia non intelligunt trosculus nomen quid valeat, multos pudet eo nomine appellari : & causam, quæ supra indicata est, exponit : invitosque etiamnum tamen trosculos vocari. Sunt adhuc aliquæ non omittendæ in auro differentiæ. Auxiliares quippe & externos torquibus aureis donavere, at cives non nisi argenteis. Præterque atmillas civibus dedere, quas non habent externi. Idem (quod magis miremur) coronas ex auro dedere civibus. Quis primus donatus sit ea, non inveni, sed quis primum donaverit, à L. Pisone traditur. A. Posthumius Dictator apud lacum Regillum castris Latinorum expugnatis, ei cujus maxime opera capta essent, hanc coronam ex præda dedit. Item L. Lentulus c. o. s. Serg. Cornelio Merendæ, Samnitum oppido capto. Sed quinque librarum corona Piso Frugi filium ex privata pecunia donavit : eamque coronam testamento reipublicæ legavit.

CAP. III. *De reliquo usu auri in viris & mulieribus, & de nummo aureo : & quando primum signatum est as, argentum, & aurum, & antequam signaretur qui mos in are, & quæ maxima pecunia primo censu, & quoties & quibus temporibus auctoritas auri.*

Deorum vero honori in sacris nihil aliud exco-
gitatum est, quam ut auratis cornibus hostiæ, majores duntaxat, immolarentur. Sed in militia quoq;
in

in tantū adolevit hæc luxuria, ut M. Bruti in Philippicis campis epistolæ reperiantur frementes, fibulas tribunitias ex auro geri: at Hercules idem tu Brute mulierum pedibus aurum gestari tacuisti: cujus sceleris nos coarguimus illum primum, qui auro dignitatem per anulos fecit, ut habeant in la-certis jampridem & viri, quod è Dardanis venit, itaque & Dardanium vocabatur. Viriæ Celticæ dicuntur: viriles Celtibericæ. Habeant fœminæ in armillis digitisque totis, collo, auribus, spiris: discurrant catenæ circa latera, & inserta margaritarū pondera è collo dominarum auro pendeant, ut in somno quoque unionum conscientia adsit: etiamne pedibus induitur, atque inter stolam plebemq; hunc medium fœminarum equestrem ordinem facit? Honestius viri pædagogis id damus: ⁶ balineasque dives puerorum forma convertit. Iam vero etiam Harpocratem, statuasque Ægyptiorum numinum, in digitis viri quoque portare incipiunt. Fuit & alia Claudii principatu differentia, in solis his, quibus admissionem liberti ejus dedissent, imaginem Principis in anulo ex auro gerendi, magna criminum occasione: quæ omnia salutaris exortus Vespasiani Principis abolevit, æqualiter publicando Principem. De anulis aureis eorumque usu hætenus dictum sit. Proximum scelus fecit, qui primus ex auro denarium signavit: quod & ipsum latet autore incerto. Populus Romanus ne argento quidem signato ante Pyrrhum regem devictum usus est. Libralis, unde etiam nunc libella dicitur, & dipondius appendebatur assis: quare æris gravis pœna dicta: & adhuc expensa in rationibus dicuntur: item impendia & dependere. Quin & militum stipendiorum, hoc est stipis ponderandæ pensatores, libripendes dicuntur:

cuntur: qua consuetudine in his emptionibus quæ mancipii sunt, etiam nunc libra interponitur. Servius rex primus signavit æs: antea rudi usos Romanæ. Remeus tradit: signatum est nota pecudum: unde & pecunia appellata. Maximus census ex millium assium fuit illo rege: & ideo hæc prima classis. Argentum signatum est anno urbis IOLXXXV. Q. Fabio cos. quinque annis ante primum bellum Punicum: & placuit denarius pro x libris æris, quinarius pro quinque, sestertium pro dipondio ac semisse. Libræ autem pondus æris imminutum bello Punico primo, cum impensis resp. non sufficeret, constitutumque ut asses sextantario pondere ferirentur: ita quinque partes factæ lucris, dissolutumque æs alienum. Nota æris fuit ex altera parte Ianus geminus, ex altera rostrum navis: in triente vero & quadrante rates. Quadrans antea triuncis vocatus à III uncis. Postea Annibale urgente, Q. Fabio Maximo Dictatore, asses unciales facti: placuitque denarium xvi assibus permutari, quinarium octonis, sestertium quaternis: ita resp. dimidium lucrata est. In militari tamen stipendio semper denarius pro x assibus datus. Nota argenti fuere bigæ atque quadrigæ: & inde bigati quadrigatique dicti. Mox lege Papyria semunciales asses facti. Livius Drusus in Tribunatu plebis octavam partem æris argento miscuit. Qui nunc victorivus appellatur, lege Clodia percussus est: antea enim hic nummus ex Illyrico advectus, mercis loco habebatur: est autem signatus Victoria, & inde nomen. Aureus nummus post annum LXII percussus est, quam argenteus, ita ut scrupulum valeret sestertiis vicens, quod efficit in libras ratione sestertiorum, qui tunc erant, sestertios Iocccc. Post hæc placuit

cuit XL millia signari ex auri libris, paulatimque principes imminuere pondus ⁸ minutissimus verò ad XLV millium. Sed à nummo prima est origo avaritiæ, excogitata scœnore quæstuosa segnitia. Hæc paulatim exarsit rabie quadam, non jam avaritia, sed fames auri: utpote cum Septimuleius C. Gracchi familiaris auro repensum caput ejus excisum ad Opimum tulerit; plumboque in os addito parricidio suo rempublicam etiam circumscripterit, nec jam Quiritium aliquo, sed universo nomine Romano infami, rex Mithridates Aquilio duci capto aurum in os infudit: hæc parit habendi cupido. Pudet intuentem tantum nomina ista, quæ subinde nova Græco sermone excogitantur, expresso argenteis vasis auro, aut incluso, quibus deliciis vaneunt tam aurea quam aurata, cum sciamus interdixisse castris suis Spartacum, ne quis aurum haberet aut argentum; tanto fuit plus animi fugitivis nostris. Messala Orator prodidit, Antonium Triumvirum aureis usum in omnibus obscœnis desideriis, pudendo crimine etiam Cleopatræ. Summæ apud externos licentiæ fuerat, poculo aureo pulvino subdito, Philippum regem dormire solitum: Agnonem Teium Alexandri Magni præfectum aureis clavis suffigere crepidas: Antonius in contumeliam naturæ utilitatem auro fecit, opus proscriptione dignum. Sed præter alia equidem miror populum Romanum victis gentibus in tributo semper argentum imperitasse, non aurum: sicut Carthagini cum Annibale victæ argenti pondo annua in quinquaginta annos, nihil auri. Nec potest videri penuria mundi id venisse: nam Midas & Cræsus infinitum possederant. Iam Cyrus devicta Asia pondo xxxiv millia invenerat præter vasa aurea, aurumque fa-

ctum, & in eo folia ac platanum vitemque: qua victoria argenti quingenta millia talentorum reportavit, & craterem Semiramidis, cujus pondus quindecim talenta colligebat. (Talentum autem Ægyptium pondo LXXX capere Varro tradit.) Iam regnaverat in Colchis Salauces & Esubopes, qui terram virginem nactus, plurimum argenti aurique eruisse dicitur in Samnorum gente, & alioquin velleribus aureis inclyto regno. Sed & illius aureæ camera; & argentæ trabes narrantur, & columnæ atque parastatæ, victo Sesoistre Ægypti rege, tam superbo, ut prodatur annis quibusq; forte reges singulos è subjectis jungere ad currum solitus, sicque triumphare. Et nos fecimus, quæ posteri fabulosa arbitrentur: Cæsar qui postea Dictator fuit, primus in Ædilitate munere patris funebri, omni apparatu harenæ argenteo usus est: ferasque argenteis⁹ vasis incescere, tum primum visum. Mox (quod etiam in municipiis æmulantur) C. Antonius ludos scena argentea fecit: item L. Muræna, & Cæjus princeps in Circo pegma duxit, in quo fuere argenti pondo cxxiv. Claudius successor ejus, cum de Britannia triumpharet, inter coronas aureas unam vii pondo habuit, quam contulisset Hispania citerior, alteram ix quam Gallia Comata, sicut titulus indicavit. Hujus deinde successor Nero, Pompeii theatrum operuit auro in unum diem, quod Tyridati regi Armeniæ ostenderet: & quota pars ea apparatus fuit aureæ domus ambientis urbem? Auri in ærario populi Romani fuere, Sex. Iulio, L. Aurelio coss. septem annis ante bellum Punicum tertium¹⁰ pondo ccxxvii argenti nonagintaduo millia; & extra numerum ccc & Lxxxv. Item Sex. Iulio, L. Marcio coss. hoc est, belli socialis initio,

Iccccxvi

Iccccxvi auri pondo. C. Cæsar primo introitu
 urbis, in civili bello, suo ex ærario protulit late-
 rum aureorum xxvi millia, & in numerato pon-
 do ccc: nec fuit aliis temporibus respublica locu-
 pletior. Intulit & Æmilius Paulus, Perseo rege
 Macedonico devicto, prædam pondo trium mil-
 lium: à quo tempore populus Romanus tributum
 pendere desiit. Laquearia, quæ nunc & in privatis
 domibus auro teguntur, post Carthaginem ever-
 sam primo inaurata sunt in Capitolio, Censura
 L. Mummi. Inde transiere in cameras: in parie-
 tes quoque, qui jam & ipsi tanquam vasa inauran-
 tur: cum sua ætas varia de Catulo existimaverit,
 quod tegulas æreas Capitolii inaurasset primus.
 Inventores auri, sicut metallorum fere omnium
 septimo volumine diximus. Præcipuam gratiam
 huic materiæ fuisse arbitror, non colore, qui in
 argento clarius est, magisque diei similis, & ideo
 militaribus signis familiarior, quoniam is longius
 fulget: manifesto errore eorum, qui colorem si-
 derum placuisse in auro arbitrantur, cum in gem-
 mis aliisque rebus non sit præcipuus. Nec pon-
 dere aut facilitate materiæ prælatum est cæteris
 metallis, cum cedat per utrumque plumbo: sed
 quia rerum uni nihil igne deperit, tuto etiam in
 incendiis rogisque durante materia: quinimo quo
 sæpius arsit, proficit ad bonitatem. Aurique ex-
 perimentum ignis est, ut simili colore rubeat, quo
 ignis: atque ipsum obryzum vocant. Primum au-
 tem bonitatis argumentum est, quam difficilime
 accendi: præterea mirum, prunæ violentissime
 igni indomitum, palea citissime ardescere: at-
 que ut purgetur, cum plumbo coqui. Altera cau-
 sa pretii major, quam minimum usu deteri, cum
 argento, ære, plumbo, lineæ producantur, ma-

nusque fordescant decidua materia. Nec aliud laxius dilatatur, aut numerosius dividitur, utpote cujus uncia in septingenas & quinquagenas pluresque bracteas, quaternum utrobique digitorum spargantur. Crassissima ex his Præneltina vocantur, etiamnum retinentes nomen, Fortunæ inaurato ibi fidelissime simulacro: proxima bractea quaestoria appellatur. Hispania strigiles vocat auri parvulas massas, quod super omnia solum in massa aut ramento capitur: cum cætera metallis repleta igni perficiantur, hoc statim aurum est, consummatamque materiam proinus habet, cum ita invenitur, hæc enim inventio ejus naturalis est: alia quam dicemus, coacta. Super cætera non rubigo ulla, non ærugo, non aliud ex ipso quod consumat bonitatem, minuatve pondus: jam contra salis & aceti succos, domitores rerum, constantia: superque omnia netur, ac textitur lanæ modo, & sine lana. Tunica aurea triumphasse Tarquinium Priscum Verrius tradit. Nos vidimus Agrippinam Claudii principis, edente eo navalis prælii spectaculum, assidentem ei, indutam paludamento, ex auro textili sine alia materie. Attalicis verò jam pridem intexitur, invento regum Asiæ. Marmor & iis quæ candesceri non possunt, ovi candido illinitur: ligno glutini ratione composita, leucophoron vocant: quid sit hoc, aut quemadmodum fiat, suo loco docebimus. Aes inaurari argento vivo, aut certe hydrargyro legitimum erat: de quibus, ut dicemus illorum naturam reddentes, excogitata fraus est: nanque æs cruciatur in primis, accensumque restinguitur sale, aceto, alumine: postea exarenatur; an satis recoctum sit, splendore deprehendente; iterumque exhalatur igni, ut possit edomitum, mistis pumice, alumine,

mine, argento vivo, inductas accipere bracteas. Alumen in purgando vim habet talem, qualem esse diximus plumbo.

CAP. IV. *Ratio naturalis inveniendi auri, & quando primum aurea statua, & medicina ex auro.*

Aurum invenitur in nostro orbe : ut omittamus Indicum, atque à formicis, aut gryphibus apud Scythas erutum. Apud nos tribus modis, fluminum ramentis, ut in Tago Hispaniæ, Pado Italiæ, Hebro Thraciæ, Pactolo Asiæ, Gange Indiæ : nec ullum absolutius aurum est, cursu ipso trituque perpolitum : alio modo puteorum scrobibus effoditur, aut in ruina montium : quare utraque ratio dicetur. Aurum qui quærent, ante omnia segullum tollunt : ita vocatur indicium : alveus, ubi id est, arenæque lavantur, atque ex eo quod resedit, conjectura capitur ; ut inveniatur aliquando in summa tellure protinus rara felicitate, ut nuper in Dalmatia principatu Neronis, singulis diebus etiam quinquagenas libras fundens, cum jam inventum in summo cespite. Alutationem vocant, si & auro ea tellus subest. Cæterum montes Hispaniæ aridi sterilesque, & in quibus nihil aliud gignatur, huic bono coguntur fertiles esse. Quod puteis foditur, canalicium vocant, alii canalienfe, marmoris glareæ inhærens, non illo modo, quo in Oriente sapphiro atque Thebaico, aliisque in gemmis scintillat, sed ¹² micas amplexum marmoris. Hi venarum canales per marmor vagantur, & latera puteorum, & huc illuc, inde nomine invento, tellusque ligneis columnis suspenditur. Quod effossum est, tunditur, lavatur, uritur, molitur in farinam. Nam quod ad pilas cudent, apilascudem vocant : argentum, quod exit

à fornacis sudore: quæ è catino jactatur spurcitia, in omni metallo vocatur scoria: hæc in auro coquitur iterum & tunditur. Catini fiunt ex tasconio: hæc est terra alba similis argillæ: neque enim alia afflatum ignemque & ardentem materiam tolerat. Tertia ratio operà vicerit Gigantum: cuniculis per magna spatia actis, cavantur montes ad lucernarum lumina: eadem mensura vigiliarum est, multisq; mensibus non cernitur dies: Arrugas id genus vocant: siduntque rimæ subito, & opprimunt operarios, ut jam minus temerarium videatur è profundo maris petere margaritas: tanto nocentiores fecimus terras. Relinquuntur ita fornices crebri mōtibus sustinendis. Occursant in utroque genere silices: hos igni & aceto rumpunt: sæpius verò, quoniam in cuniculis vapor & fumus strangulat, cædunt fracturis; cL libras ferri terram agentibus: egeruntq; humeris noctibus ac diebus per tenebras proximis tradentes: lucem novissimi cernunt. Si longior videtur filex, ²³ latus sequitur: fossam ambit quiete. Tamen in silice facilius existimatur opera: est nanq; terra ex quodam argillæ genere glareæ mista (candidam vocant) prope inexpugnabilis: cuneis eam ferreis aggrediuntur, & iisdem malleis: nihilque durius putant, nisi quod inter omnia auri fames durissima est. Peraçto opere, cervices fornicum ab ultimo cædunt, dantque signum ruinæ, eamque solus intelligit in cacumine montis ejus pervigil: hic voce ictuve repente operarios revocari jubet, pariterq; ipse devolat: mons fractus cadit à sese longo fragore, qui concipi humana mente non possit, & flatu incredibili: spectant victores ruinam naturæ: nec tamen adhuc aurum est: nec sciere esse, cum fodere: tantaque ad pericula evincenda fuit satis causæ, sperare quod cupe-

cuperent. Alius par est labor, vel hoc majoris impendii, flumina ad lavandum hanc ruinam jugis montium ducere obiter à centesimo plerunque lapide: corrugos vocant, à corrivatione, credo: nimirum & hic labor est. Præcepisse libramento oportet, ut fruaris quando influat: itaque altissimis partibus ducitur. Convallis & intervalla substructis canalibus junguntur. Alibi rupes inviæ cæduntur, sedemque trabibus cavatæ præbere coguntur: is qui cædit, funibus pendet, ut procul intuentibus species nefaria quidem, sed alitum fiat. Pendentes majore ex parte librant, & lineas itineri præfigunt: itaque insistentis vestigiis hominis locus non est. Manes trahuntur ad homines, ut vitium importent: id genus terræ urion vocant: ergo per silices calculosve ducuntur, & urium evitant. Ad capita dejectus in superciliis montium piscinæ cavantur, ducenos pedes in quasque partes, & in altitudinem denos: emissaria in his quina pedum quadratorum ternum fere linquuntur, & repleto stagno excussis obturamentis erumpit torrens tanta vi, ut saxa pervolvat. Alius etiamnum in plano labor: fossæ, in quas profluat, cavantur: agogas vocant: cæ sternuntur gradatim. Frutex est ulex roris marini similis, asper aurumque retinens; latera cluduntur tabulis, ac per prærupta suspenduntur, canali ita profluente: de terra in mare: his de causis jam promovit Hispania in priore genere, aquæ exhauriuntur immenso labore, ne occupent puteos; in hoc rigantur. Aurum arrugia quæsitum non coquitur, sed statim suum est. Inveniuntur ita massæ, nechon in puteis etiam, denas excedentes libras: Palacras Hispani, alii palacranas: iidem quod minutum est, balucem vocant. Vlex siccatus uritur, & cinis ejus lavatur substrato cæspite herboso, ut
fidat

fidat aurum. Vicena millia pondo ad hunc modum annis singulis Asturiam atque Gallæciam & Lusitaniam præstare quidam tradiderunt, ita ut plurimum Asturia gignat: neque in alia parte terrarum tot seculis hæc fertilitas. Italiæ parcitum est vetere interdicto patrum, ut diximus: alioquin nulla fecundior metallorum quoque erat tellus. Extat lex censoria Ictimulorum aurifodinæ, qua in Vercellenfi agro cavebatur, ne plus quinque M. hominum in opere publicani haberent. Aurum faciendi est etiam una ratio & auripigmento, quod in Syria foditur pictoribus, in summa tellure, auri colore, sed fragile lapidum specularium modo. Invitaveratque spes Cajum principem avidissimū auri, quamobrem iussit excoqui magnum pondus: & plane fecit aurum excellens, sed ita parvi ponderis, ut detrimentū sentiret, illud propter avaritiam expertus, quanquam auripigmenti libræ xiv permutarentur: nec postea tentatum ab ullo est. Omni auro inest argentum vario pondere, alibi dena, alibi nona, alibi octava parte. In uno tantum Galliæ metallo, quod vocant Albicrarense, xxxvi portio invenitur: ideo cæteris præest. Vbi-
cunque quinta argenti portio est, electrum vocatur. Scrobes eæ reperiuntur in Canaliensi. Fit & cura electrum argento addito: quod si quintam portionem excessit, incudibus non resistit. Et electro autoritas, Homero teste, qui Menelai regiam auro, electro, argento, ebore fulgere tradit. Minervæ templum habet Lindos, insulæ Rhodiorum, in quo Helena sacra vit calicem ex electro: adjicit historia, mammæ suæ mensura. Electri natura est, ad lucernarum lumina clarius argento splendere: quod est nativum, & venena deprehendit: nanque discurrunt in calicibus arguis cælestibus similes,

cum

cum igneo stridore, & gemina ratione prædicunt. Aurea statua prima omnium nulla inanitate, & antequam ex ære aliqua illo modo fieret, quam vocant holosphyraton, in templo Anaitidis posita dicitur, quod in situ terrarum nomine hoc significavimus, numine gentibus illis sacratissimo: direpta est Antonii Parthicis rebus. Scitumque narratur dictum unius veteranorum Bononiæ, hospitali Divi Augusti cœna, cum interrogaretur, essetne verum, eum qui primus violasset hoc numen, oculis membrisque captum expirasse? Respondit enim, tum maxime Augustum de crure ejus cœnare, seque illum esse, totumque sibi censum ex ea rapina esse. Hominum primus & auream statuem & solidam Gorgias Leontinus Delphis in templo sibi posuit, LXX circiter Olympiade: tantus erat docendæ oratoriæ artis quæstus. Aurum plurimis modis pollet in remediis: vulneratisque & infantibus applicatur, ut minus noceant, quæ inferantur, veneficia. Est & ipsi superlato vis malefica, gallinarum quoque & pecorum fœturis: remedium est abluere illarum, & spargere eos, quibus mederi velis. Torretur & cum salis grumo, pondere triplici misso, & rursus cum duabus salis portionibus, & una lapidis, quem schiston vocant: ita virus tradit rebus una crematis in fictili vase, ipsum purum & incorruptum. Reliquis cinis servatus in fictili & ex aqua illitus, lichenas in facie sanat: lomento eum convenit ablui. Fistulas etiam sanat, & quæ vocantur hæmorroides. Quod si trito spuma adjiciatur, putria hucera & tetri odoris emendat. Ex melle verò decoctum cum melanthio, & illitum umbilico, leviter solvit alvum. Verrucas curari eo M. Varro est auctor.

CAP. V. *De chrysocolle, & medicina ex chrysocolle vi, & mirabilis natura ejus glutinantis inter se perficiendis que metallis.*

Chrysocolle humor est in puteis, quos diximus, per venam auri defluens crassescente limo rigoribus hybernis usque in duritiam pumicis. Laudatorem eandem in ærariis metallis, & proximam in argentariis fieri compertum est. Invenitur & in plumbariis, vilior etiam auraria. In omnibus autem iis metallis fit & cura multum infra naturalem illam, immixtis in venam aquis leviter hyemata usque in Iunium mensem, dein siccatis in Iunio & Iulio, ut plane intelligatur nihil aliud chrysocolle, quam vena putris: nativa duritia maxime distat, luteam vocant. Et tamen illa quoque herba, quam luteam appellant, tingitur. Natura est, quæ lino lanæve, ad succum bibendum. Tunditur in pila, deinde tenui cribro secernitur: postea molitur, ac deinde tenuius sic cribatur. Quicquid non transmeat, repetitur in pila, dein molitur. Pulvis semper in catinos digeritur, & ex aceto maceratur, ut omnis duritia solvatur: ac rursus tunditur, dein lavatur in conchis, siccaturque. Tunc tingitur alumine schisto & herba supra dicta, pingiturque, antequam pingat. Refert, quam bibula docilisque sit: nam nisi rapuit colorem, adduntur & schytanum atque turbystum: ita vocant medicamenta sorbere cogentia. Cum tinxere pictores, orobitin vocant, ejusque duo genera faciunt: luteam, quæ servatur in lomentum, & liquidam globulis sudore resolutis: hæc utraque genera in Cypro fiunt: laudatissima in Armenia, secunda in Macedonia: largissima in Hispania. Summa commendationis est, ut colorem herbæ segetis læte virentis quam simillime reddat. Visumque jam

jam est Neronis principis spectaculis harenam circi chryfocolla sterni, cum ipse concolori panno aurigaturus esset, introducta opificum turba. Tribus eam generibus distinguunt: asperam, quæ taxatur in libras xvii mediam, quæ denariis quinque: attritam, quam & herbaceam vocant, quæ x. iiii. sublinunt autem harenosam, priusquam inducant, atramento & Parætonio: hæc sunt tenacia ejus & colori blanda. Parætonium, quoniam est natura pinguißimum, & propter lævorem tenacißimum, atramento aspergitur, ne Parætonii candor pallorem chryfocollæ afferat. Luteam putant à lutea herba dictam, quam ipsam cæruleo subtritam, pro chryfocolla inducunt, villißimo genere atque fallacißimo. Vñus chryfocollæ & in medicina est ad purganda vulnera cum cera & oleo: eadem per se arida siccatur & contrahit. Datur & in angina, orthopnœave, miscenda cum melle: concitat vomitiones: miscetur & collyriis ad cicatrices oculorum: ac viridibus emplastris, ad dolores mitigandos, & cicatrices trahendas. Hanc chryfocollam Medici acēsin appellant, quæ non est orobitis. Chryfocollam & aurifices sibi vendicant agglutinando auro: & inde omnes appellatam similiter utentes dicunt. Temperatur autem ea Cypria ærugine, & pueri impubis urina, addito nitro: teritur Cyprio in ære in Cypriis mortariis: santernam vocant nostri. Ita ferruminatur aurum, quod argentosum vocant: signumque est, si addita santerna nitescit: e diverso ærosus contrahit se hebetaturque, & difficulter ferruminatur. Ad id glutinum fit, auro, & septima parte argenti ad supra dicta additis, unaque contritis. Contexti par est reliqua circa hoc, ut universa naturæ contingat admiratio: auri glutinum

tinum est tale : argilla ferro , cadmia æris massis , alumen laminis , resina plumbo & marmori : sed plumbum nigrum albo jungitur , ipsumque album sibi oleo : item stannum aramentis , stanno argentum . Pineis optime lignis æs ferrumque funditur ; sed & Ægyptia papyro ; paleis aurum . Calx aqua accenditur , & Thracius lapis , idemque oleo restinguitur . Ignis autem aceto maxime , & visco , & ovo : terra minime flagrat . Carboni major vis exusto , iterumque flagranti .

CAP. VI. *De argento , & argento vivo , & stibio , sive alabastro , & scorïa argenti , & de spuma argenti .*

Ab his argenti metalla dicantur , quæ sequens insania est . Non nisi in puteis reperitur , nullaque sui spe nascitur , nullis , ut in auro , lucentibus scintillis . Terra est alia rufa , alia cineracea : excoqui non potest , nisi cum plumbo nigro , aut cum vena plumbi : Galenam vocant , quæ juxta argenti venas plerumque reperitur . Et eodem opere ignium descendit pars in plumbum , argentum autem sperne innatat , ut oleum aquis . Reperitur in omnibus pene provinciis , sed in Hispania pulcherrimum : id quoque in sterili solo , atque etiam montibus : & ubicunque una inventa vena est , non procul invenitur alia : hoc quidem & in omni ferè materia : unde metalla Græci videntur dixisse . Mirum , adhuc per Hispanias ab Annibale inchoatos puteos durare , sua ab inventoribus nomina habentes . Ex quæis Bebelo appellatur hodieque , qui ccc pondo Annibali subministravit in dies , ad mille quingentos jam passus cavato monte , per quod spatium Aquitani stantes diebus noctibusque egerunt aquas , lucernarum mensura , amnemque faciunt . Argenti vena , quæ in summo reperta est ,

est, crudaria appellatur. Finis antiquis fodiendi solebat esse alumen inventum: ultra nihil quærebatur. Nuper inventa ætis vena infra alumen alba, nullum finem spei fecit. Odor ex argenti fodinis inimicus omnibus animalibus, sed maxime canibus. Aurum argentumque quo mollius, eo pulchrius. Lineas ex argento nigras produci plerique mirantur. Est & lapis in his venis, cujus vomica liquoris æterni argentum vivum appellatur, venenum rerum omnium. Exest ac perumpit vasa, permanens tabe dira: omnia ei innatant, præter aurum: id unum ad se trahit: ideo & optime purgat, cæteras ejus sordes expuens crebro jactatu fictilibus in vasis, ita vitis abjectis, ut ipsum ab auro discedat: in pelles subactas effunditur, per quas sudoris vice defluens, purum relinquit aurum. Ergo & cum æra inaurantur, sublitum bracteis pertinacissime retinet: verum pallore detegit simplices aut prætenues bracteas: quapropter id furtum quærentes, ovi liquore candido usum eum adulteravere: mox & hydrargyro, de quo suo dicemus loco. Et aliàs argentum vivum non largum inventum est. In iisdem argenti metallis invenitur, ut proprie dicamus, spumæ lapidis candidæ nitentisque, non tamen translucens, stimmi appellant, alii stibium, alii alabastrum, alii¹⁴ larbason. Duo ejus genera, mas & fœmina: magis probant fœminam: horridior est mas, scabriorque & minus ponderosus, minusq; radians, & harenosior: fœmina contra nitet, friabilis, fissurisq; non globis, dehiscens. Vis ejus adstringere & refrigerare, principalis autem circa oculos: nanque ideo etiam plerique platyophthalmon id appellavere, quoniam in callibrepharis mulierum dilatat oculos. Et fluxiones inhibet oculorum
exhul-

exulcerationesque farina ejus ac thuris, gummi admisto. Sistit & sanguinem è cerebro defluentem. Efficacior & contra recentia vulnera, & contra veteres canum morsus inspersa farina: & contra ambusta igni, cum adipe ac spuma argenti cerussaque & cera. Vritur autem offis bubuli fimi circumlitum in clibanis: restinguitur mulierum lacte, teriturque in mortariis, admista aqua pluviali: ac subinde turbida transfunditur in æreum vas, & mundatur nitro: sæx ejus intelligitur plumbosissima, quæque subsidit in mortario abjiciturque. Dein vas, in quo turbida transfusa sunt, operum linteo per noctem relinquitur, & postero die, quod innatat, effunditur, spongiæque tollitur: Quod ibi subsidit, flos intelligitur, ac linteolo interposito in Sole siccatur, non ut perarescat: iterumque in mortario teritur, & in pastillos dividitur. Ante omnia autem utendi modus necessarius est, ne plumbū fiat. Quidam non fimo utuntur coquentes, sed adipe: alii tritum in aqua triplici linteo saccant, sæcemque abjiciunt, idque quod defluxit, transfundunt, quicquid subsidat colligentes, emplastris quoque & collyriis miscent: Scoriam in argento Græci vocant helcysma: vis ejus adstringere & refrigerare corpora: additur emplastris ut molybdæna, de qua dicemus in plumbo, cicatricibus maxime glutinandis, & contra tenesmos, dysenteriasque, infusa clysteribus cum myrteo oleo. Addunt & in medicamenta; quæ vocant liparas, ad excrescentia hulcerum, aut ex attritu facta, aut in capite manantia. Fit in istis metallis & quæ vocatur spuma argenti: genera ejus tria: optima, quam chrysitin vocant: secunda, quam argiritin: tertia, quam molybdi-
tin: & plerunque omnes hi colores in eisdem tubulis

bulis inveniuntur: probatissima est Attica, proxima Hispaniensis. Chrysis ex vena ipsa fit, argyritis ex argento, molybditis plumbi ipsius fusura, quæ fit Puteolis, & inde habet nomen. Omnis autem fit excocta sua materia ex superiori catino defluens in inferiorem, & ex eo sublata veruculis ferreis, atque in ipsa flamma convoluta veruculo, ut sit modici ponderis. Est autem, ut ex nomine ipso intelligi potest, fervescens & futuræ materiæ spuma. Distat à scoria, quo potest spuma à fæce distare. Alterum purgantis se materiæ, alterum purgatæ vitium est. Quidam duo genera faciunt spumæ, quæ vocant¹⁵ sterelytida & peumenem: tertium molybdænam, in plumbo dicendam. Spuma ut sit utilis, iterum coquitur, confractis tubulis ad magnitudinem¹⁶ anulorum: ita accensa foliis, ad separandos carbones cineremque abluitur aceto aut vino, simulque restinguitur. Quod si sit argyritis, ut candor ei detur, magnitudine fabæ confracta, in fictili coqui iubetur ex aqua, addito in linteolis tritico & hordeo novis, donec ea purgentur. Postea sex diebus terunt in mortariis, ter die abluentes aqua frigida: & cum desinant, calida, addito sale fossili, in libram spumæ obolo: novissimo die condunt in plumbeo vase. Alii cum faba candida ac prisana coquant, & in Sole siccant: alii in lana candida cum faba, donec lanam non denigrent: tunc salem fossilem adjiciunt, subinde aqua mutata, siccantque diebus xl calidissimis æstatis. Necnon in ventre suillo in aqua coquant, exemptamque nitro fricant, & ut supra, terunt in mortariis cum sale. Sunt qui non coquant, sed cum sale terant, & adjecta aqua abluant. Vfus ejus ad collyria, & litu ad muliebriam cicatricum foeditates tollendas maculasque, & abluen-

& abluendum capillum. Vis autem ficcare, molli-
re, refrigerare, temperare, purgare, explere hul-
cera, tumores lenire. Talibusque emplastris supra
dictis ignes etiam sacros tollit cum ruta myrtoque
& aceto. Itemq; perniones cum ¹⁷ myrtis & cera.

CAP. VII. *De minio, quanta auctoritatis fuerit
apud Romanos, ac inventione ejus, & cin-
nabaris ratione in picturis & medici-
na: de generibus minii, & ra-
tione ejus in picturis.*

Invenitur in argentariis metallis minium quo-
que, & nunc inter pigmenta magnæ auctoritatis,
& quondam apud Romanos non solum maximę,
sed etiam sacrę. Enumerat autores Verrius, qui-
bus credere sit necesse, Iovis ipsius simulacri fa-
ciem diebus festis minio illini solitam, triumphan-
tumq; corpora: sic Camillum triumphasse: hac re-
ligione etiam nunc addi in unguenta cęnę trium-
phalis, & à Censoribus in primis Iovem minian-
dum locari. Cujus rei quidem causam miror:
quanquam & hodie id experti constat Æthiopum
populis, totosque eo tingi procetes, huncque ibi
Deorum simulacris colorem esse. Quapropter di-
ligentius persequemur omnia de eo. Theophrastus
xe annis ante Praxibulum Atheniensium magi-
stratum (quod tempus exit in urbis nostrę cccLix
annum) tradit inventum minium à Callia Athe-
niense, initio sperante aurum posse excoqui hare-
na rubente in metallis argenti: hanc fuisse origi-
nem ejus. Reperiri autem jam tum in Hispaniis,
sed durum & harenosum: item apud Colchos in
rupe quadam inaccessiblei, ex qua jaculantes decute-
rent: id esse adulterum: optimum vero supra Ephe-
sum Cilbianis agris. Harenam cocci colorem ha-
bere: hanc teri, dein lavari, farinam, & quod sub-
fidat,

fidat, iterum lavati. Differentiam artis esse, quod
 alii minium faciunt prima lotura: apud alios id
 esse dilutius, sequentis autem loturæ optimum.
 Autoritatem colori fuisse non miror: jam enim
 Trojanis temporibus rubrica in honore erat, Ho-
 mero teste, qui naveis ea commendat, alias circa
 picturas pigmentaque rarus. Milton vocant Græci
 minium, quidam cinnabari: unde natus error,
 Indico cinnabaris nomine: sic enim appellant illi
 saniem draconis elisi elephantorum morientium
 pondere, permisto utriusque animalis sanguine,
 ut diximus. Neque alius est color, qui in picturis
 proprie sanguinem reddat: illa cinnabaris antido-
 tis medicamentisque utilissima est: at hercule Me-
 dici quia cinnabarin vocant, pro ea utuntur hoc
 minio, quod venenum esse paulo mox docebi-
 mus. Cinnabari veteres, quæ etiam nunc vocant
 monochromata, pingebant: pinxerunt & Ephesio
 minio, quod derelictum est, quia curatio magni
 operis erat: præterea utrunque nimis acre exiliti-
 matur: ideo transire ad rubricam, & sinopidem,
 de quibus suis locis dicam. Cinnabaris adultera-
 tur sanguine caprino, aut sorbis tritis: pretium
 synceræ nummi quinquaginta. Iuba minium nasci
 & in Carmania tradit: Hermogenes & in Æthio-
 pia: sed neutro ex loco invehitur ad nos, nec ferè
 aliunde, quam ex Hispania. Celeberrimum ex
 Sisaponensi regione in Bætica, miniario metallo
 vestigal populi Romani, nullius rei diligentiore
 custodia: non licet id ibi perficere, excoquique:
 Romam perfertur vena signata, ad dena millia
 ferè pondo annua: Romæ autem lavatur, in ven-
 dendo pretio statuta lege, ne modum excederet
 LXX in libras. Sed adulteratur multis modis, unde
 præda societati: nanq; est alterum genus in omni-
 bus

bus ferè argentariis, itemque plumbariis metallis quod sit exusto lapide venis permisto, non ex illo, cujus vomicam argentum vivum appellavimus (is enim & ipse in argentum excoquitur) sed ex aliis simul repertis. Steriles etiam plumbi deprehenduntur, suo colore, nec nisi in fornacibus rubescentes, exustiq; tunduntur in farinam: & hoc est secundarium minium, perquam paucis notum, multum infra naturales illas harenas. Hoc ergo adulteratur minium in officinis sociorum: item Scyrico: quonam modo Scyricum fiat, suo loco dicemus. Sublini autem Scyrico nimium compendii ratio demonstrat. Et alio modo pingentium furto opportunum est, plenos subinde abluentium penicillos: sedit autem in aqua, constatque furantibus. Syncero cocci nitor esse debet: secundarii autem splendor in parietibus sentit uliginem: quanquam hoc rubigo quædam metalli est. Sifaponensibus autem miniariis suæ venæ arena sine argento excoquitur. Auri modo probatur: auro candente fucatum nigrescit: syncerum retinet colorem. Invenio & calce adulterari: ac simili ratione ferri candentis lamina, si non sit aurum, deprehendi illico. Solis atque Lunæ contactus inimicus: remedium, ut parieti siccato cera Punica cum oleo liquefacta candens fetis inducatur, iterumque admotis gallæ carbonibus aduratur ad sudorem usque: postea candelis subigatur: ac deinde lineis puris, sicut & marmora nitescent. Qui minium in officinis poliunt, faciem laxis vesicis illigant, ne in respirando perniciosam pulverem trahant, & tamen ut per illas spectent. Minium in voluminibus quoque scriptura usurpatur, clarioresque literas, vel in auro, vel in marmore etiam in sepulcris facit.

CAP. VIII. De hydrargyro, de argento inaurando, de coticulis in argenti generibus, & experimentis.

Ex secundo inveniuntur vita & hydrargyrum in vicem argenti vivi, paulo ante dilatum. Fit autem duobus modis: æreis mortariis pistillisque trito minio ex aceto: aut patinis fictilibus impositum ferrea concha, calice coopertum, argilla superlita: dein sub patinis accensum follibus continuo igni, atque ita calicis sudore deterfo, qui fit argenti colore & aquæ liquore: idem guttis dividi facilis, & lubrico humore confluere. Quod cum venenum esse conveniat, omnia quæ de minio in medicinæ usu traduntur, temeraria arbitror: præterquam fortasse, quod illitum capiti ventrive, sanguinem sistit, dum ne quid penetret in viscera, ac vulnus attingat: aliter utendum non equidem censeam. Hydrargyro argentum inauratur solum nunc prope, cum & in æra simili modo duci debeat. Sed eadem fraus, quæ in omni vitæ parte ingeniosissima est, viliores excogitavit materiam, ut docuimus. Auri argenti que mentionem comitatur lapis, quem coticulam appellant, quondam non solitus inveniri, nisi in flumine Tmolo, ut auctor est Theophrastus: nunc vero passim, quem alii Heraclium, alii Lydium vocant. Sunt autem modici, quaternas uncias longitudinis, binasque latitudinis non excedentes. Quod à Sole fuit in his, melius, quam quod à terra. His coticulis periti, cum è vena ut lima rapuerint experimentum, protinus dicunt quantum auri sit in ea, quantum argenti vel æris, scrupulari differentia, mirabili ratione, non fallente. Argenti duæ differentiæ: batillis ferreis candentibus ramento imposito, quod candidum permaneat, probatur: proxima bonitas

bonitas rufo, nulla nigro. Sed experimento quoque fraus intervenit: servatis in virorum urina battillis, inficitur ita ramentum obiter dum uritur, candoremque mentitur. Est aliud experimentum politi, & in halitu hominis, si sudet protinus, nubemque discutiat.

CAP. IX. De speculis & Ægyptio argento.

Laminas duci, & specula fieri non nisi ex optimo posse creditum fuerat: id quoque jam fraude corrumpitur. Sed natura mira est imagines reddendi, quod repercussio aëre atque in oculos regeſto fieri convenit. Eadem vi in speculis usu polita crassitudine, paulumque propulsa dilatur in immensum magnitudo imaginum: tantum interest, repercussum illum respuat, an excipiat. Quinetiam pocula ita figurantur, ¹⁸ expulsis intus crebris ceu speculis, ut vel uno intuente, populus totidem imaginum fiat. Excogitantur & monstrifica, ut in templo Smyrnæ dicata: id evenit figura materiæ. Plurimumque refert concava sint & poculi modo, an parmæ Threcidicæ, media depressa an elata, transversa an obliqua, supina an recta, qualitate excipientis figuræ torquente venientes umbras. Nec enim est aliud illa imago, quam ¹⁹ digesta claritas materiæ excipientis umbram. Atque ut omnia de speculis peragantur hoc loco, optima apud majores fuerant Brundisina, stanño & ære mistis. Prælata sunt argentea: primus fecit Praxiteles Mag. Pompeii ætate. Nuper credi cœptum, certio rem imaginem reddi, auro appposito averſis. Tingit & Ægyptus argentum, ut in vasis Anubem suum spectet, pingitque, non cælat, argentum. Transit inde materia & ad triumphales statuas, mirumque crescit pretium fulgoris excæcati. Id autem fit hoc modo: miscentur argento,

tertia

tertia pars æris Cyprii tenuissimi, quod coronarium vocant, & sulphuris vivi, quantum argenti: conflantur ita in fictili circumlito argilla: modus coquendi, donec seipſa opercula aperiant. Nigrescit & ovi indurati luteo, ut tamen aceto & creta deteratur. Miscuit denario Triumvir Antonius ferrum: miscuit æri falsæ monetæ. Alii è pondere subtrahunt; cum sit justum LXXXIV è libris signari. Igitur ars facta denarios probare, tam jucunda lege plebi, ut Mario Gravidiano vicatim togatas statuas dicaverit. Mirumque, in hac artium sola vitia discuntur, & falsi denarii spectatur exemplar, pluribusque veris denariis adulterinus emitur.

CAP. X. *De immodica pecunia, & quorum maxima opes fuerint, & quando primum populus Romanus stipem sparserit.*

Non erat apud antiquos numerus ultra centum millia: itaque & hodie multiplicantur hæc, ut decies centena millia, aut sæpius dicantur. Fœnus hoc fecit, nummusque percussus: & sic quoq; æs alienum etiamnum appellatur. Postea Divites cognominati. dum modo notum sit, eum qui primus acceperit hoc cognomen, decoxisse creditoribus suis. Ex eadem gente M. Crassus negabat locupletem esse, nisi qui redditu annuo legionem tueri posset. In agris suis sestertiûm M M. possedit, Quiritium post Syllam ditissimus: nec fuit satis, nisi totum Parthorum esurisset aurum: atq; ut nomen quidem ²¹ optimi occupaverit (juvat enim insectari inexplabilem istam habendi cupidinem) multos postea cognovimus servitute liberatos opulentiores, pariterque tres Claudii principatu, Pallantem, Callistum, & Narcisum. Atque ut hi omittantur, tanquam adhuc rerum potiantur, C. Asinio Gallo, C. Marcio Censorino Coss.

ad VI Kalend. Februar. C. Cæcilius Claudius Isidorus testamento suo edixit, quamvis multa civili bello perdidisset, tamen relinquere fervorum quatuor millia centum XVI juga bouum tria millia sexcenta, reliqui pecoris CC quinquaginta septem millia: in numerato H. S. DC. Funerari se iussit H. S. XI. Congerant excedentes numerum opes, quota tamen portio erunt Ptolëmæi? quem Varro tradit Pompeio res gerente circa Iudæam, octona millia equitum sua pecunia toleravisse: mille convivas, totidem aureis potoriis, mutantem vasa cum ferculis, saginasse. Quoto verò ille ipse (neque enim de regibus loquor) portio fuit Pythii Bithyni, qui platanum auream, vitemque nobilem illam Dario regi donavit: Xerxis copias, hoc est septies centena LXXXVIII millia hominum exceperit epulo, stipendium quinque mensium frumentumque pollicitus, ut è quinque liberis, senectuti suæ in delectu unus saltem concederetur. Hunc quoque ipsum aliquis comparet Cræso regi. Quæ (malum) amentia est, id in vita cupere, quod aut etiam servis contigerit, aut ne in regibus quidem inveniit finem? Populus Romanus stipem spargere cœpit, Sp. Posthumio, Q. Marcio Coss. tanta abundantia pecuniæ erat, ut eam conferret L. Scipioni, ex qua is ludos fecit. Nam quod Agrippæ Menenio sextantes æris in funus contulit, honoris id necessitatisque propter paupertatem Agrippæ, non largitionis esse dixerim.

CAP. XI. *De luxuria & frugalitate in vasis, & lectis argenteis, & quando lances immodica fiant.*

Vasa ex argento mira inconstantia humani ingenii variat, nullum genus officinæ diu probando, nunc Furniana, nunc Clodiana, nunc Gratiana (etenim

(etenim tabernæ mensis adoptavimus) nunc anaglypta, in asperitatemque excisa, circa linearum picturas quarimus. Iam verò & mensas repositoriis imponimus, & ad sustinenda obsonia interradimus latera, & interest quamplurimum lima perdidit. Vasa coquinaria ex argento Calvus Orator fieri queritur? at nos carrucas ex argento cælare invenimus. Nostraque ætate Poppæa conjunx Neronis principis delicatioribus jumentis suis soleas ex auro quoque induere solebat. Libras xxxi i argenti Africanus sequens hæredi reliquit: idemque cum de Pœnis triumpharet, quater milies cccclxx millia pondo transtulit. Hoc argenti tota Carthago habuit, illa terrarum æmula, quod nunc in mensurum est apparatus. Postea viستا Numantia & deleta, idem Africanus in triumpho militibus xvii millia pondo dedit. O viros illo imperatore dignos, quibus hoc satis fuit. Frater ejus Allobrogicus primus omnium mille pondo habuit. At Livius Drusus in Tribunatu plebis xi millia. Nam propter quinque pondo notatum à Censoribus triumphalem senem, fabulosum jam videtur. Item Catum Ælium, cum legati Ætolorum in Consulatu prandentem in fistilibus adissent, missa ab his vasa argentea non accepisse, neque aliud habuisse argenti ad supremum vitæ diem, quam duo pocula, quæ L. Paulus socer ei ob virtutem devicto Perseo rege donasset. Invenimus legatos Carthaginensium dixisse, nullos hominum inter se benignius vivere, quam Romanos: eodem enim argento apud omnes cœniravisse ipsos. At Hercules Pompeium Paulinum Arelatensis equitis Romani filium, paterna quoque gente pulsum, quod xi i pondo argenti habuisset apud exercitum, ferocissimis genibus op-

positum scimus. Lectos verò mulierum jam pridem totos operiri argento, & triclinia quædam, quibus argentum addidisse primus traditur Carvilius Pollio eques Romanus, non ut operiret, aut Deliacæ specie faceret, sed Punica: idem & aureos fecit. Nec multo post argentei Deliacos imitari sunt. Quæ omnia expiavit bellum civile Syllanum: paulo enim antè hæc facta sunt, lancesque è centenis libris argenti, quas tunc super quingentas numero Romæ fuisse constat, multosque ob eas proscriptos dolo concupiscentium. Erubescant Annales, qui bellum civile illud talibus vitiis imputare: nostra ætas fortior fuit: Claudii principatu servus ejus Drusillanus cognomine Rotundus, dispensator Hispaniæ citerioris quingenariam lancem habuit, cui fabricandæ officina prius exædificata fuerat: & comites ejus octo quinquaginta librarum: quæso ut quam multi eas conservi ejus inferrent, aut quibus cœnantibus? Cornelius Nepos tradit ante Syllæ victoriam duo tantum triclinia Romæ fuisse argentea: repositoriis argentum addi sua memoria cœptum Fenestella dicit, qui obiit novissimo Tiberii Cæsaris principatu: sed & testudinea tum in usum venisse: ante se autem paulo lignea rotunda solida: nec multo majora, quam mensas fuisse: se quidem puero, quadrata, & compacta, aut acere operata, aut citro cœpisse: mox additum argentum in angulis, lineasque per commissuras: tympana verò se juvene appellata stateras, & lances, quas antiqui magidas appellaverant. Nec copia tantum argenti fuerit vitæ, sed validius pene manupretium: idque jam pridem, ut ignoscamus nobis: Delphinos quinis millibus sestertiis in libras emptos C. Gracchus habuit. L. verò Crassus Orator duos scyphos Mentoris artifi-

artificis manu cælatos festeriis c. Confessus tamen est, nunquam se his uti propter verecundiam ausum: constat eundem VI millibus festeriis in singulas libras vasa empta habuisse. Asia primum devicta luxuriam misit in Italiam: siquidē L. Scipio transtulit in triumpho argenti cælati pondo millia quadringenta L. Et vasorum aureorum pondo centum millia, anno conditæ urbis quingentesimo sexagesimo quinto. Eadem Asia domita multo etiam gravius afflixit mores, inutilliorque victoria illa hæreditas Attalo rege mortuo fuit: tum enim hæc emendi Romæ in auctionibus regiis verecundia exempta est, urbis anno Iocxxvi mediis Lvi annis erudita civitate amare etiam, non solum admirari, opulentiam externam: immenso & Achaicæ victoriæ momento ad impellendos mores, quæ & ipsa hoc intervallo, anno urbis Iocviii parta, signa & tabulas pictas invexit, ne quid deesset. Pariterque luxuria nata est, & Carthago sublata, ita congruentibus fatis, ut liberet amplecti vitia, & liceret peccare, & dignatione hinc alicui veterum: C. Marius post victoriam Cimbricam cantharis potasse Liberi patris exemplo traditur, ille arator Arpinas, & manipularis Imperator.

CAP. XII. *De statuâ argenteâ, & calatura argenti, & cæteris quibusdam.*

Argenti usum in statuas primum ad honorem Divi Augusti adulatione temporum transisse, falso existimatur. Iam enim triumpho Magni Pompeii reperimus translatam Pharnacis, qui primus regnavit in Ponto, argenteam statuam: item Mithridatis Eupatoris & currus aureos argenteosque. Argentum succedit ex re aliquando & auro, luxu sceminarû plebis compedes sibi ex eo facientium,

quas induere aureas mos tritior vetat. Vidimus
 & ipsi Arellium Fuscum motum equestri ordine
 ob insignem calumniam, cum celebritate affecta-
 rentur adulescentium scholæ, ex argento annulos
 habentem. Et quid hæc attinet colligere, cum ca-
 puli militum, ebore etiam fastidio, cælentur ar-
 gento, vaginæ barillis, balthæi laminis crepitent.
 Iam verò pædagogia ad transitum virilitatis cu-
 stodiantur argento; fœminæ laventur, & nisi ar-
 gentea folia fastidiant; eademque materia & cibus
 & probris serviat. Videret hæc Fabricius, & strata
 argento mulierum balineas, ita ut vestigio lo-
 cus non sit, cum viris lavantium: Fabricius, in-
 quam, qui bellicosos Imperatores plus quam pa-
 teram & salinum ex argento habere vetabat: vi-
 deret hinc dona fortium fieri, aut in hæc frangi.
 Heu mores, Fabricii nos pudet. Mirum, in auro
 cælando inclaruissè neminem, argento multos:
 maxime tamen laudatus est Mentor, de quo supra
 diximus. Quatuor paria denique ab eo omnino
 facta sunt: ac jam nullum extare dicitur: Ephesiæ
 Dianæ templum jacet, Capitolium incendiis. Var-
 ro & æreum signum ejus habuissè scripsit. Proxi-
 mi ab eo in admiratione Acragas, & Boethus, &
 Mys fuere: extant hodie omnium opera in insula
 Rhodiorum: Boethi apud Lyndiam Minerva:
 Acragantis in templo Liberi patris in ipsa Rhodo,
 Bacchæ Centaurique cælati in scyphis: Myos in
 eadem æde & Silenus, & Cupidines: Acragantis
 & venatio in scyphis magnam famam habuit. Post
 hos celebratus est Calamis & Antipater, quique
 Satyrum in phiala gravatum somno collocavissè
 verius, quam cælasse dictus est, Stratonicus. Mox
 Cyzicenus Tauriscus. Item Ariston & Euniceus
 Mitylenæi laudantur, & Hecatæus: & circa Ma-
 gni

gni Pompeii ætatem Praxiteles, Posidonius Ephesus, Lædus Stratiates, qui prælia armatosque cælavit: Zopirus, qui Areopagitas & iudicium Orestis in duobus scyphis, H. S. XII æstimatis. Fuit dein Pytheas, cujus binæ uncia viginti vānierunt: Vlyxes & Diomedes erant in phialæ emblemate, Palladium surripientes. Fecit idem & cocos magiriscia appellatos, parvulis potoriis, sed è quibus ne exempla quidem liceret exprimere, tam opportuna injuriæ subtilitas erat. Habuit & Teucer crustarius famam: subitoque ars hæc ita exolevit, ut sola jam vetustate censeatur, usque adeo attritis cælaturis, ne figura discerni possit, autoritas constet. Argentum medicatis aquis inficitur, atque etiam afflatu falso, sicut in mediterraneis Hispaniæ. In argenti & auri metallis nascuntur etiamnum pigmenta, sil & cæruleum. Sil propriè limus est: optimum ex eo, quod Atticum vocatur. Pretium in libras xxx i i: proximum marmorosum sub dimidio Attici pretio. Tertium genus est pressum, quod alii Scyricum vocant ex insula Scyro. Iam quidem & ex Achaia, quo utuntur ad picturæ umbras. Pretium in libras hujus H. S. bini. Dipondiis vero detractis, quod lucidum vocant, è Gallia veniens. Hoc autem & Attico ad lumina utuntur: ad abacos, non nisi marmoroso, quoniam marmor in eo resistit amaritudini calcis. Effoditur & ad xx ab urbe lapidem in montibus: postea uritur, pressum appellantibus qui adulterant. Sed esse falsum exustumque amaritudine apparet, quoniam resolutum in pulverem est.

CAP. XIII. *De sile, & cæruleo, & Nestoriano: & cælo, & quod non omni anno aequaliter species vendantur.*

Sile pingere instituire primi Polygnotus & My-

con, Attico duntaxat : hoc secuta ætas ad lumina
 usa est : ad umbras autem Scyrico & Lydio. Ly-
 dium Sardibus emebatur, quod nunc obmutuit.
 Cæruleum harena est : hujus genera tria fuere an-
 tiquitus : Ægyptium, quod maxime probatur :
 Scythicum, hoc diluitur facile : cumque teritur,
 in iv colores mutatur, candidiorem nigrioremve,
 crassio rem tenuioremve : præfertur huic etiam-
 num Cyprium. Accessit his Puteolanum & Hi-
 spaniense, harena ibi confici cœpta : tingitur au-
 tem omne, & in sua coquitur herba, bibitque suc-
 cum : reliqua confectura eadem quæ chrysocollæ.
 Ex cæruleo fit quod vocatur lomentum : perfici-
 tur id lavando terendoque, & hoc est cæruleo can-
 didius. Pretia ejus, xx i i i in libras cærulei xv i i i.
 Vfus in creta, calcis impatiens : nuper accessit &
 Nestorianum ab autore appellatum : fit ex Ægy-
 ptii levissima parte : pretium ejus xl in libras.
 Idem & Puteolani usuf, præterquam ad fenestras:
 vocant cælon. Non pridem apportari & Indicum
 est cœptum, cujus pretium xv i i in libras : ratio
 in pictura ad incisuras, hoc est, umbras dividen-
 das ab lumine. Est & vilissimum genus lomenti,
 quidam tritum vocant, quinis assibus æstimatum.
 Cærulei synceri experimentum in carbone ut fla-
 gret : fraus viola arida decocta in aqua, succoque
 per linteam expresso in cretam Eretriam. Vis ejus
 in medicina, ut purget hulcera : itaque & empla-
 stris adjiciunt : item causticis. Teritur difficillime
 fil : in medendo leviter mordet, astringitque &
 explet hulcera : uritur in fictilibus, ut prosit. Pre-
 tia rerum, quæ usquam posuimus, non ignora-
 mus alia in aliis locis esse, & omnibus pene annis
 mutari, prout navigationes constiterint, aut ut
 quisque mercatus sit, aut aliquis prævalens man-
 cept

ceps annonam flagellet, non oblitum Demetrium à tota Seplasia Neronis principatu accusatum apud Consules: poni tamen necessarium fuit, quæ plerunque erant Romæ, ut exprimeretur auctoritas rerum.

LIBER XXXIV.

Proœmium.

CAP. I. *Æris metalla.*

PROXIME dicantur æris metalla, cui & in usu proximum est pretium, imo vero ante argentum, ac pene etiam ante aurum, Corinthio. Stipis quoque auctoritas, ut diximus: hinc æra militum, Tribuni ærarii, & ærarium, & obæratum ab ære dictum. Docuimus, quandiu populus Romanus ære tantum signato usus esset, & alia, quæ vetustas tradidit, cum æqualem urbi auctoritatem ejus declararet, à rege Numa collegio tertio ærariorum fabrum instituto. Vena quo dictum est modo effoditur, ignique perficitur: fit & è lapide æroso, quem vocant cadmiam. Celebritas in Asia, & quondam in Campania, nunc in Bergomatium agro, extrema parte Italiæ: feruntque nuper etiam in Germania provincia repertum.

CAP. II. *Genera æris, quæ Corinthia, quæ Delia, quæ Aginetica.*

Fit & ex alio lapide, quem chalcitem vocant in Cypro, ubi prima fuit æris inventio: mox vilitas præcipua, reperto in aliis terris præstantiore, maxime orichalco, quod præcipuam bonitatem admirationemque diu obtinuit: nec reperitur longo jam tempore, effœta tellure. Primum bonitate

fuit Sallustianum in Centronum Alpino tractu, non longi & ipsum ævi: successitque ei Livianum in Gallia: utrunque à metallorum dominis appellatum, illud ab amico Divi Augusti, hoc è conjugē, velocis defectus: Livianum quippe certe admodum exiguum invenitur. Summa gloria nunc in Marianum conversa, quod & Cordubense dicitur: hoc à Liviano cadmiam maxime sorbet, & orichalci bonitatem imitatur in sestertiis dupondariisque, Cyprio suo assibus contentis. Et hætenus nobilitas in ære naturalis se habet: reliqua genera artificio constant, quæ suis locis reddentur, summa claritate ante omnia indicata. Quondam æs confusum auto argentoque miscebatur, & tamen ars pretiosior erat: nunc incertum est pejor hæc sit, an materia. Mirumque, cum ad infinitum operum pretia creverint, autoritas artis extincta est: quæstus causa enim, ut omnia, exerceri cœpta est, quæ gloriæ solebat. Ideo etiam Deorum adscripta operi, cum procures gentium claritatem & hac via quærerent: adeoque exolevit fundendi æris pretiosi ratio, ut jamdiu ne fortuna quidem in ære jus artis habeat. Ex illa autem antiqua gloria Corinthium maxime laudatur: hoc casus miscuit, Corintho, cum caperetur, incensa: miraque circa id multorum affectatio fuit: quippe cum tradatur, non alia de causa Verrem, quem Cicero damnaverat, proscriptum cum eo ab Antonio, quam quod Corinthiis se ei cessurum negavisset. At mihi major pars eorum simulare eam scientiam videtur, ad segregandos se à cæteris magis, quam intelligere aliquid ibi subtilius: & hoc paucis docebo. Corinthus capta est Olympiadis clvii anno tertio, nostræ urbis dcviii cum ante seculo fictores nobiles esse desissent, quorum isti omnia

omnia signa hodie Corinthia appellant : quapropter ad coarguendos eos ponemus artificum ætates : nam urbis nostræ annos ex supra dicta comparatione Olympiadum colligere facile erit. Sunt ergo vasa tantum Corinthia, quæ isti elegantiores modo in esculenta transferunt, modo in lucernas aut ² trulleos, nullo munditiarum respectu. Ejus tria genera : candidum, argento nitore quam proxime accedens, in quo illa mixtura prævaluit : alterum, in quo auri fulva natura : tertium, in quo æqualis omnium temperies fuit. Præter hæc est, cujus ratio non potest reddi, quanquam hominis manu facta dederit Fortuna temperamentum simulacro signisque, illud suo colore pretiosum ad jocinoris imaginem vergens, quod ideo hepatisation appellant, procul à Corinthio : longe tamen ante Ægineticum atque Deliacum, quæ diu obtinere principatum. Antiquissima æris gloria Deliaci fuit, mercatus in Delo concelebante toto orbe, & ideo cura officinis tricliniorum pedibus fulcrisque : ibi prima nobilitas æris : pervenit deinde ad Deum simulacra, effigiemque hominum, & aliorum animalium. Proxima laus Æginetico fuit : insula & ipsa, nec æs gignens, sed officinarum temperatura nobilitata. Bos æreus inde captus in foro boario est Romæ : hic est exemplar Æginetici æris : Deliaci autem Jupiter in Capitolio in Iovis Tonantis æde : illoque ære Myron usus est, hoc Polyclethus, æquales atque condiscipuli : æmulatio autem & in materia fuit.

CAP. III. De candelabris, & templorum ornamentis.

Privatim Ægina candelabrorum superficiem duntaxat elaboravit, sicut Tarentum scapos. In his ergo juncta commendatio officinarum est.

Nec

Nec pudet Tribunorum militarium salariis emere, cum ipsum nomen à candelarum lumine impositum appareat. Accessio candelabri talis fuit: Theonis iussu præconis Clesippus fullo, gibber, præterea & alio sædus aspectu, emente id Gegania sestertiis L. eademq; ostentante convivio emptum, ludibrii causa nudatus, atque impotentia libidinis receptus in torum, mox in testamentum, prædives numinum vice illud candelabrum coluit, & hanc Corinthiis fabulam adjecit: vindicatis tamen moribus nobili sepulcro, per quod æterna supra terras Geganiæ decoris memoria duraret. Sed cum esse nulla Corinthia candelabra constet, nomen id præcipuè in his celebratur, quoniam Mummi victoria Corinthum quidem diruit, sed compluribus Achaïæ oppidis simul æra disperfit. Prisci limina etiam ac valvas ex ære in templis factitavere. Invenio & à Cn. Octavio, qui de Perseo rege navalem triumphum egit, factam porticum duplicem ad circum Flaminium, quæ Corinthia sit appellata à capitulis æreis columnarum. Vestæ quoque ædem ipsam Syracusana superficie tegi placuisse: syracusana sunt in Pantheo capita columnarum à M. Agrippa posita: quinetiam privata opulentia eo modo usurpata est. Camillo inter crimina objecit Sp. Carvilius Quæstor, quod ærata ostia haberet in domo. Nam triclinia ærata abacosque & monopodia Cn. Manlium Asia devicta primum invenisse triumpho suo, quem duxit urbis anno IOLXVII. L. Piso autor est. Antias quidem L. Crassum hæredem L. Crassi Oratoris, multa etiam triclinia ærata vendidisse. Ex ære factitavere & cortinas tripodum, nomine Delphicas, quoniam donis maxime Apollinis Delphici dicabantur. Placueret & lychnuchi penfiles in delubris,

lubris, aut arborum modo mala ferentium lucentes: qualis est in templo Apollinis Palatini, quod Alexander Magnus Thebarum expugnatione captum in Cyme dicaverat eidem Deo. Transiit deinde ars ubique vulgo ad effigies Deorum.

CAP. IV. *Quando primum simulacrum Romæ factum, & de origine statuarum, & honore statuarum, & generibus, & figuris.*

Romæ simulacrum ex ære factum Cereri primum reperio ex peculio Sp. Cassii, quem regnum affectantem pater ipsius interemerat. Transiit & ab Diis ad hominum statuas atque imagines multis modis. Antiqui pingebant eas bitumine, quo magis mirum est placuisse auro integere: hoc nescio an Romanum fuit inventum: certæ etiam Romæ non habet vetustatem. Effigies hominum non solebant exprimi, nisi aliqua illustri causâ perpetuitatem merentium, primo sacrorum certaminum victoria, maximeque Olympiæ: ubi omnium qui vicissent, statuas dicari mos erat: eorum vero, qui ter ibi superavissent, ex membris ipsorum similitudine expressa, quas iconicas vocant. Athenienses nescio an primi omnium Harmodio & Aristogitoni tyrannicidis publice posuerint statuas: hoc actum est eodem anno, quo & reges Romæ pulsi. Excepta deinde res est à toto orbe terrarum humanissima ambitione. Et jam omnium municipiorum foris statuæ ornamentum esse cœpere, prorogarique memoria hominum, & honores legendi ævo basibus inscribi, ne in sepulcris tantum legerentur. Mox forum & in domibus privatis factum atque in atriis: honos clientum instituit sic colere patronos:

*CAP. V. De statuis togatis, & quibusdam aliis,
& quibus primum in columna, & quando
primum publice, & quæ primum
statua Romæ.*

Togata effigies antiquitus ita dicabantur. Placuere & nudæ tenentes hastam, ab epheborum è gymnasiis exemplaribus, quas Achilleas vocant, Græca res est, nihil velare: at contra Romana ac militaris, thoracas addere. Cæsar quidem Dictator lorica tam sibi dicari in foro suo passus est. Nam lupercorum habitu factæ, tam novitiæ sunt, quam quæ nuper prodire penulis indutæ. Mancinus eodem habitu sibi statuit, quo deditus est. Notatum ab autoribus, & L. Actium Poëtanx in Camænarum æde maxima forma statuam sibi posuisse, cum brevis admodum fuisset. Equestres utique statua Romanam celebrationem habent, orto sine dubio à Græcis exemplo. Sed illi cælatas tantum dicabant in sacris victores: postea vero & qui bigis vel quadrigis vicissent: unde & nostris currus, in his, qui triumphavissent. Serum hoc, & in his non nisi à Divo Augusto sejuges, sicut & elephantis. Non vetus & bigarum celebratio in his qui Prætura functi curru vecti essent per Circum. Antiquior columnarum, sicut C. Menio, qui devicerat priscos Latinos, quibus ex fœdere tertias prædæ Rom. pop. præstabat, eodemque in consularu in suggestu rostra devictis. Antiatibus fixerat anno urbis cccc xvi. Item C. Duellio, qui primus navalem triumphum egit de Pœnis, quæ est etiam nunc in foro. Item P. Minutio præfecto annonæ extra portam Trigeminam unciaria stipe collata, nescio an primo honore tali à populo, antea enim à senatu erat: præclara res, nisi frivolis cœpisset initiis. Nanque & Actii Navii statuta fuit

fuit ante Curiam, cujus basis conflagravit Curia incensa P. Clodii funere: fuit & Hermodori Ephesii in comitio, legum, quas Decemviri scribebant, interpretis, publice dicata. Alia causa & alia auctoritas major in Horatii Coclitis statua, quæ durat hodieque, cum hostes à ponte sublicio solus arcuisset. Equidem & Sibyllæ juxta rostra esse non miror, tres sint licet: una, quam Sex. Pacuvius Taurus Ædilis plebis restituit: duæ, quas M. Messala. Primas putarem has, & Actii Navii, positas ætate Tarquinii Prisci, nisi regum antecedentium essent in Capitolio.

CAP. VI. *De statuis sine tunicis, & quibusdam aliis, & qua prima Romæ statua equestris, & quando omnes statuas privatim & publice sublata, & quibus Roma mulieribus, quæ primæ ab exteris publice posita.*

Ex his Romuli est sine tunica, sicut & Camilli in Rostris, & ante ædem Castorum fuit Q. Marci Tremuli equestris togata, qui Samnites bis devicerat, captaque Anagnia, populum stipendio liberaverat. Inter antiquissimas sunt & Tullii Cælii, L. Roscii, Sp. Nautii, C. Fulcinii in Rostris, à Fidenatibus in legatione interfectorum: hoc à Romano populo tribui solebat injuria cæsis; sicut & P. Junio, & T. Coruncano, qui ab Teuca Illyriorum regina interfecti erant. Non omittendum videtur, quod Annales annotavere, tripedaneas his statuas in foro statutas: hæc videlicet mensura honorata tunc erat. Non præteribo C. Octavium ob unum verbum: hic regem Antiochum, datum se responsum dicentem, virga, quam tenebat forte, circumscripsit, & prius quam egrederetur circulo illo responsum dare coëgit: in qua legatione interfecto, Senatus statuam poni jussit quàm ocula-

oculatissimo loco in Rostris. Invenitur statua decreta & Taracię Caję sive Suffetię virgini Vestali, ut poneretur ubi veller: quod adjectum non minus honoris habet, quam fœminę esse decretam: meritum ejus in ipsis ponam Annalium verbis: quod campum Tiberinum gratificata esset ea populo. Invenio & Pythagorę & Alcibiadi in cornibus Comitii positas, cum bello Samniti Apollo Pythius fortissimo Gręcorum gentis jussisset, & alteri sapientissimo, simulacra celebri loco dicari, donec Sylla Dictator ibi Curiam faceret. Mirumque est, illos patres Socrati cunctis ab eodem Deo sapientia pręlato Pythagoram prętulisse, aut tot aliis virtute Alcibiadem, aut quenquam utroque Themistocli, Columnarum ratio erat, attolli supra ceteros mortales: quod & arcus significant novitio invento: primus tamen honos cœpit à Gręcis: nullique arbitror plures statuas dicatas, quam Phalereo Demetrio Athenis: siquidem ccc LX statuere, quas mox laceraverunt, nondum anno hunc numerum dierum excedente. Statuerant Romę etiam in omnibus vicis C. Mario Gratidianis tribus, ut diximus, easdemque subvertere Syllę introitu. Pedestres sine dubio Romę fuere in autoritate longo tempore: equestrium tamen origo perquam vetus est, cum fœminis etiam honore communicato. Clęlię enim statua est equestris, ceu parum esset toga eam cingi: cum nec Lucretię, nec Bruto, qui expulerant reges, propter quos Clęlia inter obsides fuerat, decernerentur: hanc primam & Horatii Coclitis publice dicatam crediderim: ante enim sibi ac Sibyllę Tarquinium, & reges sibi ipsos posuisse verisimile est: nisi Clęlię Piso traderet ab his positam, qui una obsides fuerant, redditis à Porsena in honorem ejus. E diverso

verso Annii Fœcialis, equestrem, quæ fuerit contra Iovis Statoris ædem in vestibulo Superbi domus, Valeriæ fuisse Publicolæ Consulis filiæ: eamque solam refugisse, Tiberimque tranavisse, cæteris obsidibus, quæ Porsenæ mittebantur, interemptis Tarquinii insidiis. L. Piso prodidit, M. Emilio, C. Popilio I I, Coss. à Censoribus P. Cornelio Scipione, M. Popilio, statuas circa forum eorum qui magistratum gesserunt, sublatas omnes, præter eas quæ populi aut Senatus sententia statuatæ essent: eam vero, quam apud ædem Telluris statuisset sibi Sp. Cassius qui regnum affectaverat, etiam conflata à Censoribus. Nimirum in ea quoque re ambitioni providebant illi viri: extant Catonis in Censura vociferationes, mulieribus Romanis in provinciis statuas poni: nec tamen potuit inhibere, quo minus Romæ quoque ponerentur, sicut Cornelie Gracchorum matri, quæ fuit Africani prioris filia. Sedens huic posita, soleisque sine amento insignis, in Metelli publica porticu: quæ statua nunc est in Octaviæ operibus. Publice autem ab exteris posita est Romæ C. Ælio Tribuno plebis, lege perlata in Stennium Statilium Lucanum, qui Thurinos bis infestaverat: ob id Ælium Thurini statua & corona aurea donaverunt: iidem postea Fabricium donavere statua, liberati obsidione. Passimque ³ clientes in clientelas ita recepti: & adeo discrimen omne sublatum, ut Annibalis etiam statuar tribus locis visantur in urbe, cujus intra muros solus hostium emiserit hastam.

CAP. VII. *De antiquis statuariis, & pretiis signorum immodicis, & colossu in urbe celeberrimis.*

Fuisse autem statuariam artem familiarem Italiæ

liæ quoque & verustam, indicant, Hercules ab Eyandro sacratus, ut ferunt, in foro boario, qui triumphalis vocatur, atque per triumphos vestitur habitu triumphali: præterea Ianus geminus à Numa rege dicatus, qui pacis bellicque argumento colitur, digitis ita figuratis, ut trecentorum sexaginta quinque dierum nota, per significationem anni temporis & ævi se Deum indicaret: signa quoque Thuscanica per terras dispersa, quæ in Hetruria factitata non est dubium. Deorum tantum putare ea fuisse, ni Metrodorus Scepsius, cui cognomen à Romani nominis odio inditum est, propter duo millia statuarum Volsinios expugnatos objiceret. Mirumque mihi videtur, cum statuarum origo tam vetus in Italia sit, lignea potius aut fictilia Deorum simulacra in delubris dicata, usque ad devictam Asiam, unde luxuria. Similitudines exprimendi quæ prima fuerit origo, in ea quam plastice Græci vocant, dici convenientius erit: etenim prior, quam statuaria, fuit. Sed hæc ad infinitum effloruit, multorum voluminum opere, si quis plura persequi velit: omnia enim quis possit? In M. Scauri Ædilitate tria millia signorum in scena tantum fuere temporario theatro. Mummius devicta Achaia replevit urbem: ipse excessit non relicturus filiæ dotem: cur enim non cum excusatione ponatur? Multa & Luculli invexere. Rhodi etiamnum tria millia signorum esse, Murianus ter Consul prodidit, nec pauciora Athenis, Olympiæ, Delphis superesse creduntur. Quis ista mortalium persequi possit? aut quis usus noscendi intelligatur? Insignia tamen maxime, & aliqua de causa notata, voluptarium sit attigisse, artificesque celebratos nominavisse, singulorum quoque inexplorabili multitudine, cum Lyfippus ad sexcenta x. opera

opera fecisse prodatur, tantæ omnia artis, ut claritatem possent dare vel singula: numerum apparuisse defuncto eo, cum thesaurum effregisset hæres: solitum enim ex manipretio cuiusque signi denarios deponere aureos singulos. Evecta supra humanam fidem ars est successu, mox & audacia: in argumentum successus unum exemplum afferam, nec Deorum hominumve similitudinis expressæ. Ætas nostra vidit in Capitolio, prius quam id novissime conflagravat à Vitellianis incensum, in cella Iunonis, canem ex ære, vulnus suum lamentem: cuius eximium miraculum & indiscreta veri similitudo, non eo solum intelligitur, quod ibi dicata fuerat: verum & nova satisfactione: nam summa nulla par videbatur: capite tutelarios cavere pro ea, instituti publici fuit. Audaciæ innumera sunt exempla: moles quippe excogitatas videmus statuarum, quas colossos vocant, turribus pares. Talis est in Capitolio Apollo, translatus à M. Lucullo ex Apollonia Ponti urbe xxx cubitorum, cL talentis factus: talis in campo Martio Iupiter à Claudio Cæsare dicatus, qui vocatur Pompejanus à vicinitate theatri: talis & Tarenti factus à Lysippo xL cubitorum. Mirum in eo, quod manu, ut ferunt, mobilis (ea ratio libramenti est) nullis convellatur procellis: Id quidem providisse & artifex dicitur, modico intervallo, unde maxime & flatum opus erat frangi, opposita columna: itaq; propter magnitudinem difficultatemq; molliendi, non attigit eum Fabius Verrucosus, cum Herculem qui est in Copitolio inde transferret. Ante omnes autem in admiratione fuit Solis colossus Rhodi, quem fecerat Chares Lyndius, Lysippi supra dicti discipulus. Septuaginta cubitorum altitudinis fuit: hoc simulacrum post quinquagesimum

simum sextum annum terræmotu prostratum, sed jacens quoque miraculo est: pauci pollicem ejus amplectuntur: majores sunt digiti, quam ple-
ræque statuæ: vasti specus hiant de fractis mem-
bris: spectantur intus magnæ molis saxa, quorum
pondere stabiliverat constituens: duodecim annis
tradunt effectum c c c talentis, quæ contrulerant,
ex apparatu regis Demetrii, relicto moræ tædio.
Sunt alii minores hoc in eadem urbe colossi cen-
tum numero, sed ubicunque singuli fuissent nobi-
lituri locum: præterque hos Deorum quinque,
quos fecit Bryaxis, Facitavit colossos & Italia: vi-
demus certè Apollinem in bibliotheca templi Au-
gusti Tuscanicum & pedum à pollice, dubium ære
mirabiliorem, an pulchritudine. Fecit & Sp. Car-
vilius Iovem, qui est in Capitolio, victis Samniti-
bus sacrata lege pugnantibus, è pectoralibus eo-
rum ocreisque & galeis: amplitudo tanta est, ut
conspiciatur à Latiario Iove. Reliquiis limæ suam
statuam fecit, quæ est ante pedes simulacri ejus.
Habent in eodem Capitolio admirationem & ca-
pita duo, quæ P. Lentulus Consul dicavit: alteram
à Charere supra dicto factum: alterum fecit De-
cius, comparatione in tantum victus, ut artifi-
cium minime probabilis artificis videatur. Verum
omnem amplitudinem statuarum ejus generis vi-
cit ætate nostra Zenodorus, Mercurio facto in ci-
vitate Galliæ Arvernus, per annos decem, H-S cccc.
manipretio: postquam satis ibi artem approbave-
rat, Romam accitus est à Nerone, ubi destinatum
illius principis simulacrum colossum fecit c x pe-
dum longitudine, qui dicatus Solis venerationi est,
damnatis sceleribus illius principis. Mirabamur in
officina non modo ex argilla similitudinem infi-
gnem, verum & ex parvis admodum surculis,
quod

quod primum operis instar fuit. Ea statua indicavit interisse fundendi æris scientiam, cum & Nero largiri aurum argentumque paratus esset, & Zenodorus scientia fingendi cælandiq; nulli veterum postponeretur. Statuam Arvernorum cum faceret, provinciæ Vibio Avito præsidente, duo pocola Calamidis manu cælata, quæ Cassio Syllano avunculo ejus præceptoris suo Germanicus Cæsar adamata donaverat, æmulatus est, ut vix ulla differentia esset artis. Quantoque major in Zenodoro præstantia fuit, tanto magis deprehendi æris obliteratio potest.

CAP. VIII. *Nobilitates ex ære operum & artificum ccc lxxvi.*

Signis, quæ vocant Corinthia, plerique in tantum capiuntur, ut secum circumferant, sicut Hortensius Orator sphingem Verri reo ablatam: propter quam Cicero illo judicio, in altercatione neganti ei se ænigmata intelligere, respondit debere, quoniam sphingem domi haberet. Circutulit & Nero princeps Amazonem, de qua dicemus: & paulo ante C. Cestius Consularis signum, quod secum etiam in prælio habuit. Alexandri quoque Magni tabernaculum sustinere traduntur solitæ statux, ex quibus duæ ante Martis Vltoris ædem dicatæ sunt, totidem ante regiam. Minoribus simulacris signisque innumera prope artificum multitudo nobilitata est: ante omnes tamen Phidias Athenientis, Iove Olympiæ facto, ex ebore quidem & auro: sed & ex ære signa fecit: floruit autem Olympiade lxxxiii circiter ccc nostræ urbis anno. Quo eodem tempore æmuli ejus fuere Alcámenes, Critias, Nestocles, Hægias: & deinde Olympiade lxxxvii. Agelades, Callon, Polycle-tus, Phragmon, Gorgias, Lacon, Myron, Pythagoras,

goras, Scopas, Perelius. Ex his Polycletus, discipulos habuit Argium, Asopodorum, Alexim, Aristidem, Phrynonem, Dinonem. Athenodorum, Dameam Clitorium, Myronem Lycium. Nona-gesima Olympiade florere Naucydes, Dinomedes, Canachus, Patrocles. Centesima secunda Polycles, Cephissodorus, Leochares, Hypatodorus. Centesima quarta Praxiteles, Euphranor. Centesima septima Echion, Therimachus. Centesima quartadecima Lysippus fuit, & cum eo Alexander Magnus: item Lysistratus, & frater ejus Sthenis, Euphronides, Sostratus, Ion, Silanion: in hoc mirabile, quod nullo doctore nobilis fuit: ipse discipulos habuit Zeuxim & Iadem. Centesima vicesima Eutychides, Euthycrates, Lahippus, Cephissodorus, Timarchus, Pyromachus. Cessavit deinde ars, ac rursus Olympiade centesima quinquagesima quinta revixit, cum fuere longè quidem infra prædictos, probati tamen, Antheus, Callistratus, Polycles, Athenæus, Calixenus, Pythocles, Pythias, Timocles. Ita distinctis celeberrimorum ætatibus, insignes raptim transcurram, reliqua multitudine passim dispersa. Venere autem & in certamen laudatissimi, quanquam diversis ætatibus geniti, quoniam fecerant Amazonas: quæ cum in templo Ephesiæ Dianæ dicarentur, placuit eligi probatissimam, ipsorum artificum, qui præsentem erant, iudicio, cum apparuit eam esse, quam omnes secundam à sua quisque judicassent: hæc est Polycleti, proxima ab ea Phidias, tertia Ctesila, quarta Cydonis, quinta Phragmonis. Phidias, præter Iovem Olympium, quem nemo æmulatur, fecit & ex ebore æque Minervam Athenis, quæ est in Parthenone adstans: ex ære vero, præter Amazonem supra dictam, Mi-

nervam tam eximiæ pulchritudinis, ut à forma cognomen acceperit: fecit & Cliduchum & aliam Minervam, quam Romæ Æmilius Paulus ad ædem Fortunæ dedicavit: item duo signa, quæ Catulus in eadem æde posuit palliata: & alterum collossicon nudum: primusq; artem toreuticen aperuisse atque demonstrasse merito judicatur. Polycletus Sicyonius Ageladis discipulus, Diadumenum fecit molliter juvenem c talentis nobilitatum: idem & Doryphorum viriliter puerum: fecit & quem canona artifices vocant, lineamenta artis ex eo petentes, velut à lege quadam: solusque hominum artem ipse fecisse, artis opere judicatur. Fecit & distringentem, & nudum talo incessentem: duosque pueros, item talis nudos ludentes, qui vocantur Astragalizontes: & sunt in Titi Imperatoris atrio: quo opere nullum absolutius plerique judicant: item Mercurium, qui fuit Lysimachiae: Herculem, qui Romæ, Antæum à terra sustinentem: Artemona, qui Periphoretos appellatus est. Hic consummassse hanc scientiam judicatur, & toreuticen sic erudisse, ut Phidias aperuisse: proprium ejusdem, ut uno crure insisterent signa, excogitasse: quadrata tamen ea esse tradit Varro, & pene ad unum exemplum. Myronem Eleutheris natum, & ipsum Ageladis discipulum, bucula maxime nobilitavit, celebratis versibus laudata, quando alieno plerique ingenio magis, quam suo, commendantur: fecit & canem, & discobolon, & Persea, & Priistas, & Satyrum admirantem tibias, & Minervam, Delphicum pentathlos, Pancratiastias: Herculem etiam, qui est apud Circum maximum in æde Pompeii Magni: fecisse & cicadæ monumentum ac locustæ, carminibus suis Erinna significat: Fecit & Apollinem, quem à Triumviro

Antonio

Antonio sublatum restituit Ephesiis Divus Augustus, admonitus in quiete. Primus hic multiplicasse varietatem videtur, numerosior in arte, quam Polycletus, & symmetria diligentior: & ipse tamen corporum tenuis curiosus, animi sensus non expressisse, capillum quoque & pubem non emendatius fecisse, quam rudis antiquitas instituisset. Vicit eum Pythagoras Rheginus ex Italia, pancratiaste Delphis posito. Eundem vicit & Leontius, qui fecit stadiodromon Astylon, qui Olympiæ ostenditur, & Libyn puerum tenentem tabellam eodem loco, & mala ferentem nudum: Syracusis autem claudicantem: cujus hulceris dolorem sentire eam spectantes videntur: item Apollinem citharædum, serpentemq; ejus sagittis confici, qui Dicæus appellatus est, quod cum Thebæ ab Alexandro caperentur, aurum à fugiente conditum, sinu ejus celatum esset. Hic primus nervos & venas expressit, capillumque diligentius. Fuit & alius Pythagoras Samius, initio pictor, cujus signa ad ædem Fortunæ hujusce⁸ Deæ septem nuda, & senis unum, laudata sunt: hic supra dicto facie quoq; indiscreta similis fuisse traditur: Rhegini autem discipulus & filius sororis fuisse Sostратus. Lysippum Sicyonium Duris negat, Tullius fuisse discipulum affirmat, sed primo ætarium fabrum, audendi ratione cœpisse pictoris Eupompi responso: eam enim interrogatum, quem sequeretur antecedentium, dixisse demonstrata hominum multitudine, naturam ipsam imitandam esse, non artificem. Plurima ex omnibus signa fecit, ut diximus, fecundissimæ artis, inter quæ distringentem se, quem M. Agrippa ante thermas suas dicavit, mirè gratū Tiberio principi: qui non quivit temperare sibi in eo, quanquam imperiosus sui inter initia
princi-

principatus, transtulitque in cubiculum, alio ibi signo substituto: cum quidem tanta populi Romani contumacia fuit, ut magnis theatri clamoribus reponi Apoxyomenon flagitaverit, princepsq; quamquam adamatum, reposuerit. Nobilitatur Lysippus & temulenta tibicina, & canibus ac venatione: in primis verò quadriga cum Sole Rhodiorum. Fecit & Alexandrum Magnum multis operibus, à pueritia ejus orsus: quam statuam inaurari jussit Nero princeps, delectatus admodum illa: dein cum pretio perisset gratia artis, detractum est aurum: pretiosiorque talis existimatur, etiam cicatricibus operis atq; conscissuris, in quibus aurum hæserat, remanentibus: idem fecit Hephæstionem Alexandri Magni amicum (quidam Polycleto adscribunt, cum is centum prope annis ante fuerit) idem Alexandri venationem: quæ Delphis sacrata est: Athenis Satyrorum turmam: Alexandrum amicorumque ejus imagines summa omnium similitudine expressit: has Metellus Macedonia subacta transtulit Romam: fecit & quadrigas multorum. Statuariæ arti plurimum traditur contulisse, capillum exprimendo, capita minora faciendo, quam antiqui, corpora graciliora siccioraque, per quæ proceritas signorum major videtur. Non habet Latinum nomen symmetria, quam diligentissime custodivit, nova intactaque ratione quadratas veterum staturas permutando: vulgoque dicebat, ab illis factos, quales essent, homines: à se, quales viderentur esse. Propriæ hujus videntur esse argutiæ operum, custoditæ in minimis quoque rebus. Filios & discipulos reliquit laudatos artifices, Lahippum & Bedam, sed ante omnes Euthycratem: quanquam is constantiam patris potius æmulatus, quam elegantiam, austero ma-

luit genere, quam jucundo, placere. Itaque optime expressit Herculem Delphis & Alexandrum, Thespin venatorem, & Thespiadas: prælium equestre, ad Trophonii oraculum: quadrigas Medæ complures: equum cum fiscinis: canes venantium. Hujus porro discipulus fuit Tisicrates, & ipse Sicyonius, sed Lysippi sectæ propior, ut vix discernantur complura signa; ceu senex Thebanus, Demetrius rex, Peucestes Alexandri Magni servator, dignus tanta gloria. Artifices, qui compositis voluminibus condidere hæc, miris laudibus celebrant, & Telephanem Phocæum, ignotum alias, quoniam in Thessalia, ubi habitaverat, latuerint opera ejus: alioquin suffragiis ipsorum æquatur Polycleto, Myroni, Pythagoræ. Laudant ejus Larissam, & Spinarum pentathlon, & Apollinem: alii non hanc ignobilitatis fuisse causam, sed quoniam se regum Xerxis atque Darii officinis dederit, existimant. Praxiteles quoque marmore felicior: ideo & clarior fuit: fecit tamen ex ære pulcherrima opera: Proserpinæ raptum: item Catagusam, & Ebrietatem, & Liberum patrem, nobilemque una Satyrum, quem Græci periboeton cognominant. Signa etiam, quæ ante Felicitatis ædem fuere, Veneremque, quæ cum ipsa æde incendio cremata est Claudii principatu, marmoreæ illi suæ per terras inclytæ parem: item Stephusam, Spilumenem, Oenophorum: Harmodium & Aristogitonē tyrannicidas, quos à Xerxe Persarum rege captos, victa Perside Atheniensibus remisit Magnus Alexander. Fecit & puberem subrepenti lacertæ cominus sagitta insidiantem, quem Sauroctonon vocant. Spectantur & duo signa ejus diversos affectus exprimentia, flentis matronæ, & meretricis gaudentis: hanc putant

putant Phrynen fuisse, deprehenduntque in ea amorem artificis, & mercedem in vultu meretricis habet simulachrum & benignitas ejus. Calamidis enim quadrigæ aurigam suum imposuit, ne melior in equorum effigie defecisset in homine crederetur: ipse Calamis & alias quadrigas bigasque fecit, equis semper sine æmulo expressis. Sed ne videatur in hominum effigie inferior, Alcmena nullius est nobilior. Alcámenes Phidiæ discipulus & marmorea fecit, & æreum pentathlon, qui vocatur encrinomenos. At Polycleti discipulus Aristides quadrigas bigasque. Et Iphicratis Leæna laudatur: scortum hæc lyræ cantu familiare Harmodio & Aristogitoni, consilia eorum de tyrannicidio, usque & ad mortem excruciat, tyrannis non prodidit: quamobrem Athenienses & honorem habere ei volentes, nec tamen scortum celebrasse, animal nominis ejus facere: atque ut intelligeretur causa honoris, in opere linguam addi ab artifice vetuerunt. Bryaxis Æsculapium & Seleucum fecit. Bedas adorantem Batton Apollinem, & Iunonem, qui sunt Romæ in Concordiæ templo. Cresilas vulneratum deficientem, in quo possit intelligi, quantum restet animæ: & Olympium Periclem dignum cognomine. Mirumque in hac arte est, quod nobiles viros nobiliores fecit. Cephissodorus Minervam mirabilem in portu Atheniensium, & aram ad templum Iovis Servatoris in eodem portu, qui pauca comparantur. Canachus Appollinem nudum, qui Philesius cognominatur in Didymæo, Æginetica æris temperatura: cervumque una ita vestigiis suspendit, ut linum subter pedes trahatur, alterno morsu digitis calceque retinentibus solum, ita vertebrato dente utrisque in partibus, ut à repulso per vices

refiliat: idem Celetizontas pueros fecit. Chæreas Alexandrum Magnum & Philippum patrem ejus fecit. Ctesilaus Doryphoron, & Amazonem vulneratam. Demetrius Lyfimachen, quæ sacerdos Minervæ fuit annis LXIV: idem & Minervam, quæ Musica appellatur, quoniam dracones in Gorgone ejus ad ictus citharæ tinnitu resonant. Idem equitem Sarmenem, qui primus de equitatu scripsit. Dædalus & ipse inter fictores laudatus, pueros duos distringentes se fecit. Dinomenes Protefilaum & Pythodenum luctatorem. Euphranoris Alexander Paris est: in quo laudatur, quod omnia simul intelligantur, judex Dearum, amator Helenæ, & tamen Achillis interfector: hujus est Minerva Romæ, quæ dicitur Catuliana, infra Capitolium à Q. Lucretio Catulo dicata, & simulacrum Boni eventus, dextra pateram, sinistra spicam ac papaver tenens: item Latona puerpera, Apollinem & Dianam infantes sustinens, in æde Concordiæ. Fecit & quadrigas bigasque, & Cliduchon eximia forma: & Virtutem & Græciam, utrasque colossæas: mulierem ministrantem & adorantem: item Alexandrum & Philippum in quadrigis. Eutyichides Eurotam, in quo artem ipso amne liquidiorum plurimi dixerunt. Hegiæ Minerva, Pyrrhusque rex laudatur, & Celetizontes pueri, & Castor ac Pollux ante ædem Iovis Tonantis. In Pario colonia Hercules Isidori. Buthyreus Lycius Myronis discipulus fuit, qui fecit dignum præceptore puerum sufflantem languidos ignes, & Argonautas. Leocras aquilam, sentientem quid rapiat in Ganymede, & cui ferat, parcentem ungibus etiam per vestem: puerum Autolycon pancratio victorem, propter quem Xenophon Symposium scripsit: Jovemque illum Tonantem

in

in Capitolio, ante cuncta laudabilem: item Appollinem diadematum. Lyciscus Lagonem puerum subdolæ ac fucatæ vernilitatis. Lycus & ipse puerum suffitorem. Menæchmi vitulus genu premitur, replicata cervice: ipseque Menæchmus scripsit de sua arte. Naucydes Mercurio & Dioscobolo & immolante arietem censetur. Nauceus luctatorem anhelantem fecit. Nicerates Æsculapium & Hygiam, qui sunt in Concordiæ templo Romæ. Pyromachi quadriga regitur ab Alcibiade. Policles Hermaphroditum nobilem fecit. Pyrrhus Hygiam & Minervam: Phœnix Lyssippi discipulus Epithersem. Stipax Cyprius uno celebratur signo, Splachnopte: Periclis Olympii vernula hic fuit, exta torrens, ignem oris pleni spiritu accendens. Silanion Appollodorum fecit, fictorem & ipsum, sed inter cunctos diligentissimum artis, & inimicum sui iudicem, crebro perfecta signa frangentem, dum satiare cupiditatem nequit artis, & ideo insanum cognominatum. Hoc in eo expressit, nec hominem ex ære fecit, sed iracundiam: & Achillem nobilem: item Epistatem exercentem athletas: Strongylion Amazonem, quam ab excellentia crurum Eucnemon appellant, ob id in comitatu Neronis principis circumlatam: item fecit puerum, quem amando Brutus Philippenfis cognomine suo illustravit. Theodorus, qui labyrinthum fecit Sami, ipse se ex ære fudit, præter similitudinem mirabilem fama magnæ subtilitatis celebratus: dextra limam tenet, læva tribus digitis quadrigulam tenuit translata Præneste, tantæ parvitat, ut totam eam currumque & aurigam integeret alis simul facta musca. Xenocrates Tificratis discipulus: aut ut alii, Euthycratis, vicit utrosque copia signorum,

& de sua arte composuit volumina. Plures artifices fecere Attali & Eumenis adversus Gallos prælia, Ifigonus, Pyromachus, Stratonicus, Antigonius, qui condidit volumina de sua arte. Boethi, quanquam argento melioris, infans eximiè anserem strangulat. Atque ex omnibus, quæ retuli, clarissima quæque in urbe jam sunt dicata à Vespasiano Principe in templo Pacis, aliisque ejus operibus, violentia Neronis in urbem convecta, & in sellariis domus aureæ disposita. Præterea sunt æqualitate celebrati artifices, sed nullis operum suorum præcipui, Ariston, qui & argentum cælare solitus est, Callias, Clesias, Cantharus Sicyonius, Dionysodorus Critiæ discipulus, Deliades, Euphorion, Eunicus, & Hecataeus. Argenti cælatores, Lesbocles, Prodorus, Pythodicus, Polygnotus: iidem pictores nobilissimi. Item ex cælatoribus Stratonicus, Scymnus qui fuit Critiæ discipulus. Nunc percensebo eos, qui ejusdem generis opera fecerunt, ut Apollodorus, Androbulus, Asclepiodorus, Alevas philosophos: Apellas & adorantes fœminas: Antigonius & Perixyomenon, tyrannicidasque supra dictos: Antimachus, Athenodorus fœminas nobiles: Aristodemus & luctatores, bigasque cum auriga, philosophos, anus, Seleucum regem. Habet gratiam suam hujus quoque Doryphorus. Cephissodori duo fuerunt: prioris est Mercurius, Liberum patrem in infantia nutriens: fecit & concionantem manu elata: persona in incerto est: sequens philosophos fecit. Colothas, qui cum Phidia Iovem Olympium fecerat, philosophos. Item Cleon & Cenchramis, & Callicles, & Cephis: Chalcothesenes & comædos & athletas. Dahippus Perixyomenon, Daiphoron, & Democritus; & Dæmon philo-

philosophos. Epigonus omnia fere prædicta imitatus præcessit in tubicine, & matri interfectæ infante miserabiliter blandiente. Eubolidis digitis computans: Mycon athleticis spectatus, Menogenes quadrigis. Nec minus Niceratus omnia, quæ cæteri, aggressus, repræsentavit Alcibiadem, lampadeque accensa matrem ejus Demaraten sacrificantem. Pisicrates bigæ Pitho mulierem imposuit: idemque fecit Martem & Mercurium, qui sunt in Concordiæ templo Romæ. Perillum nemo laudat sæviorem Phalaride tyranno, qui taurum fecit, mugitus hominis pollicitus igne subdito, & primus eum expertus cruciatum justiore sævitia: in hoc à simulacris Deum hominumque devocaverat humanissimam artem: ideone tot conditores ejus elaboraverant, ut ex ea tormenta fierent? Itaque una de causâ servantur opera ejus, ut quisquis illa videat, oderit manus. Sthenis Cererem, Iovem, Minervam fecit, qui sunt Romæ in Concordiæ templo: idem flentes matronas, & adorantes sacrificantesque. Simon canem & sagittarium fecit. Stratonicus cælator ille philosophos: Scopas uterque. Athletas autem & armatos, & venatores, sacrificantesque Batton, Euchir, Glaucides, Heliodorus, Hicanus, Leophon, Lyson, Leon, Menodorus, Polycrates, Polydorus, Pythocritus, Protogenes (idem pictura clarissimus, ut dicemus) Patrocles, Polis, Posidonius (qui & argentum cælavit nobiliter, natione Ephesius) Periclymenus, Philon, Simenus, Timocheus, Theomnestus, Timarchides, Timon, Tisias, Thrafon. Ex omnibus autem maxime cognomine insignis est Callimachus, semper calumniator sui, nec finem habens diligentiae, ob id Cacizotechnos appellatus, memorabilis exemplo adhibendi

bendi curæ modum: hujus sunt saltantes Lacæna, emendatum opus, sed in quo gratiam omnem diligentia abstulerit. Hunc quidam & pictoré fuisse tradunt. Non ære captus, nec arte, unam solummodo Zenonis statuam Cypria in expeditione non vendidit Cato, sed quia philosophi erat, ut obiter hoc quoque noscatur tam ? inane exemplum. In mentione statuarum est & una non prætereunda, licet auctoris incerti, juxta nostra Herculis tunicati, Eleo habitu Romæ, torva facie, sentienteque suprema in tunica. In hac tres sunt tituli: L. Luulli Imperatoris, de manubiis: alter, pupillum Luculli filium ex S. C. dedicasse: tertius, T. Seprimum Sabinum Ædilem curulem ex privato in publicum restituisse: tot certaminum tantæque dignationis simulachrum id fuit. Nunc revertemur ad differentias æris & misturas: in Cyprio coronarium & regulare est, utrumque ductile: coronarium tenuatur in laminas, taurorumque felle tinctum, speciem auri coronis histrionum præbet: idemque in uncias additis auri scrupulis senis, prætenui pyropybraætea ignescit. Regulare & in aliis fit metallis, itemque caldarium: differentia, quod caldarium funditur tantum malleis fragile, quibus regulare obsequitur, ab aliis ductile appellatum, quale omne Cyprium est. Sed & in cæteris metallis, cura distat à caldario: omne enim purgatis diligentius igni vitiiis, excoctisque, regulare est: in reliquis generibus palma Campano: simile in multis partibus Italiæ provinciisque. Sed octonas plumbi libras addunt, & lene recoquunt propter inopiam ligni: quantum ea res differentia afferrat, in Gallia maxime sentitur, ubi inter lapides candefactos funditur: exurente enim coctura, nigrum atque fragile conficitur. Præterea semel reco-

recoquunt: quod sæpius fecisse, bonitati plurimum confert.

CAP. IX. *Differentia æris & mixtura, & de servando ære.*

Id quoque notasse non ab re est, æs omne frigore magno melius fundi. Sequens temperatura statuaria est, eademque tabularis, hoc modo: Massa proflatur in primis, mox in proflatum additur tertia portio æris collectanei, hoc est, ex usu coempti: peculiare in eo condimentum attritu domiti, & consuetudine nitoris veluti mansuefacti. Miscentur & plumbi argentarii pondo duodena ac selibræ, centenis proflati. Appellatur etiamnum & formalis temperatura æris tenerrimi, quoniam nigri plumbi decima portio additur, & argentarii vigesima: maximeque ita colorem bibit, quem Græcicum vocant. Novissima est, quæ vocatur ollaria, vase nomen hoc dante ternis aut quaternis libris plumbi argentarii in centenas æris additis: Cyprio si addatur plumbum, colos purpuræ fit in statuarum prætextis. Æra externa rubiginem celerius trahunt, quam neglecta, nisi oleo purungantur: servari ea optime in liquida pice tradunt. Vfus æris ad perpetuitatem monumentorū jam pridem translatus est, tabulis æreis, in quibus publicæ constitutiones inciduntur.

CAP. X. *De cadmia medicina.*

Metalla æris multis modis instruunt medicinam, utpote cum hucera omnia ibi ocyssime fiunt. Maxime tamen prodest cadmia: fit sine dubio hæc & in argenti fornacibus, candidior ac minus ponderosa, sed nequaquam comparanda ærariæ. Plura autem genera sunt: nanque ipse lapis, ex quo fit æs, cadmia vocatur, fusuris necessarius, medicinæ inutilis. Hic rursus in fornaci-

bus existit, aliamque nominis sui originem recipit: fit autem egesta flammis atque flatu tenuissima parte materiæ, & cameris lateribusve fornacum? pro quantitate levitatis applicata: tenuissima est in ipso fornacum ore, qua flammæ eluctantur, appellata capnitis, exusta, & nimia levitate similis favillæ: interior optima, cameris dependens, & ab eo argumento botrytis cognominata: ponderosior hæc priore, levior porro secuturis. Duo ejus colores: deterior cinereus, puniceus melior, friabilis, oculorumque medicamentis utilissima. Tertia est in lateribus fornacum, quæ propter gravitatem ad cameras pervenire non potuit: hæc dicitur placitis, & ipsa ab argumento; crusta verius, quam pumex, intus varia, ad psoras utilior, & ad cicatrices trahendas. Fluunt & ex ea duo alia genera: onychitis extra pene cærulea, intus onychis maculis similis: ostracitis tota nigra, & cæterarum sordidissima, vulneribus maxime utilis. Omnis autem cadmia in Cypri fornacibus optima: iterumque à Medicis coquitur carbone puro, atque ubi in cinerem rediit, extinguitur vino ammineo, quæ ad emplastra præparatur: quæ verò ad psoras, aceto. Quidam in ollis fictilibus tusam urunt, ac lavant in mortariis, postea siccant. Nymphodorus lapidem ipsum quam gravissimum spississimumque urit pruna, & exustum Chio vino restinguit tunditque, mox linteo cribrat, atque in mortario terit, mox aqua pluvia macerat, iterumque terit quod subsidit, donec cerussæ similis fiat nulla dentium offensa: eadem Iollæ actio: sed quam purissimum lapidem eligit. Cadmiæ effectus siccare, per sanare, sistere fluxiones, pterygia & sordes oculorum purgare, scabritiem extenuare, & quicquid in plumbi effectui dicemus.

cemus. Et æs ipsum ad omnia eadem uritur, præterque albugines oculorum & cicatrices. Hulcera quoque oculorum cum lacte sanat, idque Ægyptii collyrii modo terunt in coticulis: facit & vomitiones è melle sumptum. Vritur autem Cyprum in fistilibus crudis cum sulphuris pari pondere, circumlito spiramento in caminis, donec vasa ipsa percoquantur: quidam & salem addunt, alii alumen pro sulphure, alii nihil, sed aceto tantum aspergunt. Vstum teritur mortario Thebaico, aqua pluvia lavatur, minore effectu, iterumque adjecta largiore teritur, & dum confidat, relinquitur: hoc sæpius, donec ad speciem minii redeat: tunc siccatum in Sole, in ærea pyxide servatur.

CAP. XI. De scoria, & flore, & squama æris, & stomomate, & ærugine, & hieracio.

Et scoria æris simili modo lavatur, minore effectu, quam æs ipsum. Sed & æris flos medicinæ utilis est: fit ære fuso, & in alias fornaces translato: ibi flatu crebriore excutuntur velut milii squamæ, quas vocant florem: cadunt autem, cum panes æris aqua refrigerantur rubentque. Similiter ex eis fit, quam vocant lepida, & sic adulteratur flos, ut squama vaneat pro eo. Est autem squama hæc decussa vi clavis, per quos panes ærei feruntur: in Cypriis maxime officinis omnia. Differentia hæc est, quod squama excutitur iëibus iisdem panibus: flos cadit sponte. Squamæ est alterum genus subtilius, ex summa scilicet lanugine decussum, quod vocant stomoma. Atque hæc omnia Medici (quod pace eorum dixisse liceat) ignorant, pars maior & nominibus, in tantum à conficiendis medicaminibus absunt, quod esse proprium medicinæ solebat. Nunc quoties incidere in libellos, componere ex his volentes aliqua,

qua, hoc est, impendio miserorum experiri com-
mentaria, credunt seplasiæ, ea omnibus quidem
fraudibus corrumpenti, factaque jampridem em-
plastra & collyria mercantur, tabesque mercium:
fraus seplasiæ sic exteritur. Et squama autem &
flos uruntur in patinis fictilibus aut æreis, deinde
lavantur, ut supra, ad eisdem usus: & amplius ad
narium carnosâ vitia, itemque sedis & gravitates
aurium, per fistulas in eas flatu impulsâ, & hulce-
ra oris farina admota: tollit & tonsillas cum mel-
le. Fit & ex candido ære squama, Cypria longe
efficacior: necnon urina pueri prius mâcerant cla-
vos panesque: quidam verò excuslam squamam
terunt, & aqua pluvia lavant. Dant & hydropicis
eam duabus drachmis in mulsi hemina, & illinunt
cum polline. Æruginis quoque magnus usus: sed
pluribus sit ea modis: namque & è lapide, ex quo
coquitur æs, deraditur, & ære candido perforato,
atque in cadis super acetum suspenso, æreo obtu-
ratis operculo, multo probatiore, quam si hoc
idem squamis fiat. Quidam vasa ipsa candidi æris
fictilibus condunt in aceto, raduntque x die: alii
vinaceis contegunt, totidemque post dies radunt:
alii delimatam æris scobem aceto spargunt, ver-
santque spathis sæpius die, donec absumatur: ean-
demque scobem alii terere in mortariis æreis ex
aceto malunt. Ocyssime verò contrahit corona-
rium æruginem, recisamentis in acetum additis.
Adulterant marmore trito maxime Rhodiam
æruginem: alii pumice aut gummi: præcipue au-
tem fallit atramento sutorio adulterata: cætera
enim dente deprehenduntur, stridentia in fren-
dendo: experimentum in batillo ferreo: nam quæ
syncera est, suum colorem retinet: quæ mista
atramento, rubescit. Deprehenditur & papyro,
galla

galla prius macerato : nigrescit enim statim ærugine illita : deprehenditur & visu, maligne virens. Sed siue synceram siue adulteratam, aptissimum est siccatam in patina nova utri & versari, donec favilla fiat : postea teritur & reconditur : aliqui in crudis fistilibus urunt, donec figlinum percoquatur : nonnulli & thus masculum admiscunt. Lavatur autem ærugo, sicut cadmia : vis ejus collyriis oculorum aptissima, delacrymationibus, mordendo proficiens : sed ablui necessarium penicillis calidis, donec rodere desinat. Hieracium vocatur collyrium, quod illa maxime constat : temperatur autem id Hammoniæ unciis quatuor, æruginis Cypriæ duabus, atramenti furorii, quod chalcanthum vocant, totidem, misyos verò una, croci sex : hæc omnia trita aceto Thasio colliguntur in pilulas, excellentis remedii contra initia glaucumatum & suffusionum, contra caligines & scabritias & albugines ac genarum vitia. Cruda autem ærugo vulnerariis emplastris miscetur : oris etiam gingivarumque hucerationem mirifice emendat, & labiorum hucera cum oleo : quod si & cera addatur, purgat, & ad cicatricem perducit. Ærugo & callum fistularum erodit, vitiorumque quæ circa sedem, siue cum Hammoniaco illita, vel collyrii modo in fistulas adacta. Eademque cum resinæ terebinthinæ tertia parte subacta, lepras tollit.

CAP. XII. De scolecia, & chalciti, & misy, & sory, & chalcantho.

Est & alterum genus æruginis, quam vocant scoleciam, in Cyprio ære; hoc trito alumine & sale, aut nitro pari pondere, cum aceto albo quam acerrimo : non fit hoc nisi æstuosissimis diebus circa Canis ortum : teritur autem, donec viride fiat, contraharque se vermiculorum specie, unde
& no-

& nomen: quod vitium ut emenderetur, duæ partes quæ fuere aceti, miscentur urina pueri impubis. Idem autem in medicamentis & santerna efficit, qua diximus aurum ferruminari, ususque utriusque, qui æruginis. Scolecia fit & per se, de-rasa ab ærario lapide, de quo nunc dicemus. Chalcitim vocant lapidem, ex quo & ipsum æs coquitur: distat à cadmia, quod illa super terram ex subdialibus petris cæditur, hæc ex obrutis: Item, quod chalcitis friat se statim mollis natura, ut videatur lanugo concreta. Est & alia distinctio, quod chalcitis tria genera continet, æris, & misyos & soryos, de quibus singulis dicemus suis locis. Habet autem æris venas oblongas: probatur mellei coloris, gracili venarum discursu, friabilis, nec lapidosa: putant & recentem utiliorem esse, quoniam inveterata sory fiat. Vis ejus ad excrescentia in hinculceribus, sanguinem sistere, gingivas, uvam, tonsillas farina compescere: vulvæ quoque vitiis in vellere imponitur: cum succo verò porri, vèrendorum additur emplastris. Maceratur autem in fictili ex aceto circunlito fimo diebus xli & colorem croci trahit: tunc admisto cadmiæ pari pondere, medicamentum efficit, pforicon dictum. Quod si duæ partes chalcitidis, tertia cadmiæ, temperentur, acrius hoc idem fiet: acrius etiam-num & vehementius, si aceto, quam vino, temperentur: tosta verò efficacior fit ad eadem omnia. Sory Ægyptium maxime laudatur, multum superato Cyprio, Hispaniensi & Africo: quanquam oculorum quoque curationi quidam utilius Cyprium putant: sed in quacunque natione optimum, cui maximum virus, in olfactu trituque pinguius nigrescens & spongiosum. Stomacho res contraria in tantum, ut quibusdam olfactu modo

modo vomitiones moveat: & Ægyptium quidem tale: alterius nationis contritum splendet. Et misy est lapidosius: prodest autem & dentium dolori, si contineatur atque colluat: & oris h ulceribus gravibus, quæque serpunt. Vritur carbonibus, ut chalcitis. Misy aliqui tradiderunt fieri exusto lapide in scrobibus, flori ejus luteo miscente se ligni pinei favilla: revera autem è supra dicto fit lapide, concretum natura discretumque, & optimum in Cypriorum officinis: cujus notæ sunt friati aureæ scintillæ, & cum teratur, harenosa natura, sive terrea, chalcitidi similis: hoc admiscēt, qui aurum purgant. Utilitas ejus infusi cum rosaceo auribus purulentis, & in lana impositi capitis h ulceribus: extenuat etiam scabritias oculorum inveteratas: præcipuè utile consillis, contraque anginas & suppurata: ratio, ut xvi drachmæ in hemina aceti coquantur addito melle, donec lentescat: sic ad supra dicta utile est: quoties opus fit molliri vim ejus, mel aspergitur. Erodit & calum fistularum ex aceto foveantium: & collyriis additur: sistit & sanguinem, h ulceraque quæ serpant, quæve putrescant: absomit & excrecentes carnes: peculiariter virilitatis vitiiis utile: & foeminarum profluvium sistit. Græci cognationem æris nomine fecerunt & atramento sutorio: appellant enim Chalcanthum: nec ullius æque mira natura est. Fit & in Hispania è puteis stagnisve, id genus aquæ habentibus: decoquitur ea, admista dulci pari mensura & in piscinas ligneas funditur: immobilibus super has transtris dependent testes lapillis extentæ, quibus adhærescens limus vitreis acinis imaginem quandam uvæ reddit: exemptum ita siccatur diebus xxx: color est cæruleus, perquam spectabili nitore, vitrumque esse creditur: diluen-

diluendo fit atramentum tingendis coriis. Fit & pluribus modis, genere terræ eo in scrobes cavato : quarum è lateribus distillantes hyberno gelu sturias, stalagmian vocant: neque est purius aliud: ^{ro} sed ex eo candidum colorem sentientem violam, leucoion appellant. Fit & in saxorum catinis, pluvia aqua, corrivato limo, gelante: fit & salis modo, flagrantissimo Sole admixtas dulces aquas cogente. Ideo duplici quidam differentia, fossile aut factitium appellant: hoc pallidius, & quantum colore, tantum bonitate deterius. Probant maxime Cyprium in medicinæ usu: sumitur ad depellenda ventris animalia drachmæ pondere cum melle: purgat & caput dilutum, ac naribus instillatum: item stomachum, cum melle aut aqua mulsâ sumptum: medetur & oculorum scabritiei dolorique, necnon & caligini, & oris hulceribus: sistit & sanguinem narium: item hæmorrhoidum: extrahit ossa fracta cum semine hyoscyami: suspendit epiphoras, penicillo fronti impositum; efficac & in emplastris ad purganda vulnera, & excrecentia hulcerum: tollit & uvas, vel si decocto tangantur. Cum lini quoque semine superponitur emplastris ad dolores tollendos: (quodque ex eo candicat, in eo usu præfertur violaceis:) & gravitati aurium per fistulas inspiratur. Vulnera etiam per se illitum sanat, sed stringit cicatrices. Nuperque inventum, urforum in harena & leonum ora inspargere illo: tantaque est vis in adstringendo, ut non queant mordere.

CAP. XIII. De pompholyge, & spodo, & antispodo, & diphryge, & triente Servilio.

Etiannum in ærariis reperiunt, quem vocant pompholygem & spodon. Differentia, quod pompholyx lotura paratur, spodos illota est. Aliqui id quod

quod sit candidum levissimumque, pompholygem dixere, & esse æris & cadmiæ favillam: Spodon nigriorem ponderosioresque esse, derafam parietibus fornacum, mistis scintillis, aliquando & carbonibus. Hæc aceto accepto odorem æris præstat, & si tangatur lingua, saporem horridum: convenitque oculorum medicamentis, quibuscunque vitis occurrens, & ad omnia, quæ spodos: hoc solum distat, quod hujus elutior vis est. Additur & in emplastra, quibus lenis quæritur refrigeratio & siccatio: utilior ad omnia, quæ vino lota est. Spodos Cypria optima: fit autem liquefcentibus cadmia & ærario lapide: levissime hæc efflatur & ocyus, evolatque e fornacibus & tectis adhærescit, à fuligine distans candore: quod minus candidum ex ea, immaturæ fornacis argumentum est: hoc quidam pompholygem vocant. Quod vero rubicundius ex iis invenitur, acriorem vim habet, exulceratque adeo, ut cum lavatur, si oculos attingat, excæcet. Est & mellei coloris spodos, in qua plurimum æris intelligitur: sed quodcunque genus lavando fit utilius: purgatur ante pinna, dein crassiore lotura: digitis scabritiem exterunt. Media vis ejus est, quæ vino lavatur: est aliqua & in genere vini differentia: leni enim lota collyriis oculorum nimium vigiliis fatigantium apta putatur: eadem efficacior hulceribus quæ manant, vel oris quæ madent, & omnibus medicamentis, quæ parantur contra gangrænas. Fit & in argenti fornacibus spodos, quam vocant lauriotin: utilissima autem oculis affirmatur, quæ fiat in aurariis: nec in alia parte magis est vitæ ingenia mirari: quippe ne inquirenda essent metalla, vilissimis rebus utilitates easdem excogitavit: Antispodon vocant cinerem fici arboris vel capri-

caprifici, vel myrti foliorum cum tenerimis ramorum partibus, vel oleastri vel cydoniæ mali vel lentisci: item ex moris immaturis, id est candidis, in Sole arefactis: vel è buxi coma, vel pseudocyperis, aut rubi, aut terebinthi, vel ænanthes. Taurini quoque glutinis, aut linteorum cinerem, similiter pollere inventum est. Vruntur omnia ea crudo fictili in fornacibus, donec figlina percoquantur. In ærariis officinis & pſegma fit, jam liquato ære atque percocto, additis etiamnum carbonibus, flatuque accensis: ac repente vehementiori flatu expuitur æris palea quædam. Solum, quo excipitur, stratum esse debet. Facile ab ea discernitur, quam in iisdem officinis diphrygem vocant Græci, ab eo quod bis torreatur. Cujus origo triplex: fieri enim traditur ex lapide pyrite cremato in caminis, donec excoquatur in rubricam: fit & in Cypro ex luto cujusdam specus arefacto prius, mox paulatim circumdatis sarmentis: tertio fit modo in fornacibus æris fæce subsidente. Differentia est quidem, quod æs ipsum in catino defluit, scoria extra fornaces, flos supernatat, diphryges remanet. Quidam tradunt in fornacibus globos lapidis qui coquantur, ferruminari, circa hunc æs fervere, ipsum vero non percoqui, nisi translatum in alias fornaces, & esse nodum quendam materiæ: id quod excocto supersit, diphryges vocati. Ratio ejus in medicina similis supra dictis, siccare, & excrescentia consumere, & perpurigare. Probatur lingua, ut eam siccet tactu statim, saporemque æris reddat. Vnum etiamnum æris miraculum non omittemus: Servilia familia illustis in Fastis, trientem æreum pascit auro & argento, consumentem utrunque: origo atque natura ejus incomperta est mihi: verba ipsa de ea re

Messala

Messalæ senis ponam : serviliorum familia habet trientem sacrum , cui summa cum cura magnificentiaque sacra quotannis faciunt : quem ferunt alias crevisse , alias decrevisse videri , & ex eo aut honorem aut diminutionem familiæ significari.

CAP. XIV. *De ferro , & ferreis metallis ,
& differentia ferri.*

Proxime indicari debent metalla ferri , optimo pessimoque vitæ instrumento : siquidem hoc telurem scindimus , serimus arbusta , ponimus pomaria , vites squalore deciso annis omnibus cogimus juvenescere : hoc extruimus testæ , cædimus saxa , omnesque ad alios usus ferro utimur. Sed eodemad bella , cædes , latrocinia non cominus solum , sed etiam missili volucrique , nunc tormentis excusso , nunc lacertis , nunc vero pennato : quam sceleratissimam humani ingenii fraudem arbitror : siquidem , ut ocys mors perveniret ad hominem , alitem illam fecimus , pennasque ferro dedimus. Quamobrem culpa ejus non naturæ fiat accepta : aliquot experimentis probatum est , posse innocens esse ferrum. In fœdere , quod expulsis regibus populo Romano dedit Porsena , nominatim comprehensum invenimus , ne ferro nisi in agricultura uterentur : & stilo scribere ¹¹ intutum est , ut vetustissimi autores prodiderunt. Magni Pompeii in tertio Consulatu extat edictum , in tumultu necis Clodianæ , prohibentis ullum telum esse in urbe : & tamen vita ipsa non desit honorem mitiorem habere ferro quoque : Aristonidas artifex cum exprimere vellet Athamantis furorem Learcho filio præcipitato residentem , pœnitentiamque , ferrum & æs miscuit , ut rubigine ejus per nitorem æris relucente , exprimeretur verecundiæ rubor : hoc signum extat Thebis hodie.

Est

Est in eadem urbe & ferreus Hercules, quem fecit Alcon, laborum Dei patientia inductus. Videmus & Romæ scyphos è ferro dicatos in templo Martis Ultoris, Obsistit eadem naturæ benignitas, exigentis à ferro ipso pœnas rubigine, eademque providentia nihil in rebus mortalibus faciente, quam quod infestissimum mortalitati. Ferri metalla ubique propemodum reperiuntur, quippe insula etiam Italiæ Ilua gignente: minimaque difficultate cognoscuntur ipso colore terræ manifesto. Sed ratio eadem excoquendis venis: In Cappadocia tantum quæstio est, aquæ an terræ fiat acceptum, quoniam perfusa, certo fluvio terra, neque aliter, ferrum è fornacibus reddit. Differentia ferri numerosa: prima in genere terræ cælive: Aliæ molle tantum, plumboque vicinior subministrant: aliæ fragile & ærosum, rotarumque usibus & clavis maxime fugiendum, cui prior ratio convenit. Aliud brevitate sola placet, clavisque caligariis: aliud rubiginem celerius sentit, striaturæque vocantur eæ omnes, quod non in aliis metallis, à¹² stringenda acie vocabulo imposito. Et fornacum maxima differentia est: in iis equidem nucleus ferri excoquitur ad indurandam aciem, alioque modo ad densandas incudes, malleorumve rostra. Summa autem differentia in aqua est, cui subinde candens immergitur. Hæc alibi atque alibi utilior nobilitavit loca gloria ferri, sicuti Bilbilin in Hispania & Turiaßonem, Comum in Italia, cum ferraria metalla in his locis non sint. Ex omnibus autem generibus palma Serico ferro est: Seres hoc cum vestibus suis pellibusque mittunt: secunda Parthico: neque alia genera ferri ex mera acie temperantur: cæteris enim admiscetur mollior complexus. In nostro orbe, aliubi vena bonitatem

tatem

tatem hanc præstant, ut in Noricis: aliubi factura, ut Sulmone aqua, uti diximus: quippe cum in exacuendo oleares cotes aquariæque differant, & oleo delicatior fiat acies. Mirumque, cum excoquatur vena, aquæ modo liquari ferrum, postea in spongiæ frangi: tenuiora ferramenta oleo restingui mos est, ne aqua in fragilitatem durentur. A ferro sanguis humanus se ulciscitur: contactum nanque eo, celerius subinde rubiginem trahit. De magnete lapide suo loco dicemus, concordiaque quam cum ferro habet: sola hæc materia vires ab eo lapide accipit, retinetque longo tempore, aliud apprehendens ferrum, ut annulorum catena spectetur interdum: quod imperitum vulgus appellat ferrum vivum; vulneraque tali asperiora fiunt. Lapis hic & in Cantabria nascitur, non ille magnes verus caute continua, sed sparsa bubbarione, ita appellant: nescio an vitro fundendo perinde utilis: nondum enim expertus est quisquam: ferri utique inficit aciem, ut magnes. Eodem lapidem¹³ Dinocrates architectus Alexandriæ Arsinoes templum concamerare inchoaverat, ut in eo simulachrum ejus è ferro pendere in aëre videretur: intercessit mors & ipsius & Ptolemæi, qui id sorori suæ jussérat fieri. Metallorum omnium vena ferri largissima est. Cantabriæ maritimæ parte, quam Oceanus alluit, mons prærupte altus, incredibile dictu, totus ex ea materie est, ut in ambitu Oceani diximus.

CAP. XV. De temperatura ferri, & medicina ex ferro, & arugine, & rubigine, & squama ferri, & hygremplastro.

Ferrum accensum igni, nisi duretur ictibus, corrumpitur: rubens non est habile tundendo, neque antequam albescere incipiat. Aceto aut alumine

mine illitum fit æri simile : à rubigine vindicatur cerussa & gypso , & liquida pice : hæc est temperatura à Græcis antipathia dicta. Ferunt quidam & religione quadam id fieri : & extare ferream catenam apud Euphratem amnem, in urbe quæ Zeugma appellatur , qua Alexander Magnus ibi vinxerat pontem; cuius annulos, qui resecti sunt, rubigine infestari, carentibus ea prioribus. Medicina è ferro est & alia, quam secandi: nanque circumscribi circulo , terve circumlato mucrone , & adultis & infantibus prodest contra noxia medicamenta : præfixisse in limine è sepulchro evulsos clavos adversus nocturnas lymphationes. Pungique leviter mucrone, quo percussus homo sit, contra dolores laterum pectorumque subitos, qui punctiorem afferant. Quædam ustione sanantur: privatim vero canis rabidi morsus : quippe etiam prævalente morbo, expavescentesque potum, usta plaga illico liberantur. Calefit etiam ferro candente aqua, in multis vitiis, privatim vero dysentericis. Est & rubigo ipsa in remediis: & sic Telephum proditur sanasse Achilles, sive id ærea, sive ferrea cuspide fecit : ita certè pingitur eam decutiens gladio. Sed rubigo ferri, deraditur humido ferro clavus veteribus. Vis ejus ligare, siccare, restringere : emendat alopecias illita. Utuntur & ad scabritias genarum pustulasque totius corporis, cum cera & oleo myrteo : ad ignes vero sacros ex aceto : item ad scabiem, paronychia digitorum & pterygia in linteolis : sistit & sceminarum profluvia imposita velleribus. Plagis quoque recentibus vino diluta , & cum myrrha subacta : & condylomatis ex aceto prodest : podagras quoque illita lenit. Squama quoque ferri in usu est ex acie aut mucronibus, maxime simili, sed acriore, quam rubigo:

bigō: quamobrem & contra epiphoras oculorum assumitur: sanguinemq; sistit, cum vulnera maxime ferro fiant: sistit & sceminarum profluvia. Imponitur & contra lienum vitia: Hæmorrhoidas compescit, hulcerumque serpentina: & genis prodest, farinæ modo aspersa paulisper: præcipua tamen commendatio ejus in hygremplastro ad purganda vulnera fistulasque, & omnem callum erodendum, & rasis ossibus carnes recreandas. Componitur hoc modo: obolis ex Cimolia creta duobus, drachmis sex ex ære, totidem ex squama ferri, totidem ceræ, ex olei sextatio: his adjicitur, cum sunt repurganda vulnera aut replenda, ceratum.

CAP. XVI. *De plumbi metallis, & albo plumbo, & nigro.*

Sequitur natura plumbi: cujus duo genera, nigrum, atque candidum. Pretiosissimum candidum, à Græcis appellatum cassiteron, fabuloseque narratum in insulas Atlantici maris peti, vitilibusque navigiis circumfusus corio advehi. Nunc certum est in Lusitania gigni & in Gallæcia, summa tellure harenosa, & coloris nigri: pondere tantum ea deprehenditur: interveniunt & minuti calculi, maxime torrentibus siccatis: lavant eas harenas metallici, & quod subsidit, coquunt in fornacibus. Invenitur & in aurariis metallis (quæ elutia vocant) aqua immissa eluente calculos nigras paulum candore variatos, quibus eadem gravitas quæ auro: & ideo in calathis, in quibus aurum colligitur, remanent cum eo, postea caminis separantur, conflatique in album plumbum resolvuntur. Non fit in Gallæcia nigrum, cum vicina Cantabria nigro tantum abundet: nec ex albo argento, cum fiat ex nigro. Iungi inter se plumbum nigrum

nigrum sine albo non potest, nec hoc ei sine oleo: ac ne album quidem secum sine nigro. Album habuit auctoritatem & Iliacis temporibus, teste Homero castiteron ab illo dictum. Plumbo nigro origo duplex est: aut enim sua provenit vena, nec quicquam aliud ex se parit: aut cum argento nascitur, mistisque venis conflatur. Ejus qui primus fuit in fornacibus liquor, stannum appellatur: qui secundus, argentum: quod remansit in fornacibus, galæna: quæ portio est tertia addita venæ, hæc rursus conflata, dat nigrum plumbum, deductis partibus duabus.

CAP. XVII. *De stanno, plumbo-argentario, & quibusdam aliis.*

Stannum illitum æneis vasis, saporem gratiorem facit, & compescit æruginis virus; mirumque, pondus non auget. Specula quoque ex eo laudatissima, ut diximus, Brundisii temperabantur, donec argenteis uti cœpere & ancillæ: nunc adulteratur stannum addita æris tertia portione candidi, in plumbum album: fit & alio modo mistis albi plumbi nigrique libris: hoc nunc aliqui argentarium appellant: iidem & tertiarium vocant, in quo duæ nigri portiones sunt, & tertia albi. Pretium ejus in libras xxx hoc fistulæ solidantur. Improbiores ad tertiarium additis æquis partibus albi, argentarium vocant, & eo quæ volunt incoquant: pretia hujus faciunt in pondo centum triginta: in libras, albo per se sincero pretia sunt triginta, nigro sexdecim. Albi natura plura aridi habet: contraque nigri tota humida est: ideo album nulli rei sine mistura utile est: neque argentum ex eo plumbatur, quoniam prius liquefcit argentum¹⁴. Album incoquitur æreis operibus, Galliarum invento, ita ut vix discerni queat ab argento, eaque

eaque incoctilia vocant: deinde & argentum incoquere simili modo cœpere, equorum maxime ornamentis, jumentorumque jugis in Alexia oppido: reliqua gloria Biturigum fuit. Cœpere deinde & esleda, & vehicula, & petorita exornare: similique modo ad aurea quoque, non modo, argentea, stacula inanis luxuria pervenit: quæque in scyphis cerni prodigium erat, hæc in vehiculis atteri, cultus vocatur. Plumbi albi experimentum in charta est, ut liquefactum pondere videatur, non calore, rupisse. India neque æs neque plumbum habet, gemmisque suis ac margaritis hæc permutat. Nigro plumbo ad fistulas laminasque utimur, laboriosius in Hispania eruto, totasque per Gallias: sed in Britannia summo terræ corio adeo large, ut lex ultro dicatur, ne plus certo modo fiat. Nigri generibus hæc sunt nomina: Iove-tanum, Caprariense, Oleastrense. Nec differentia ulla scoriarum, modo sit excocta diligenter. Mirumque in his solis metallis, quod derelicta fertilius reviviscunt: hoc videtur facere relaxatis spiramentis ad satietatem infusus aër, æque ut scæminas quasdam fecundiores abortus fecere. Nuper id compertum in Bætica Santarenfi metallo, quod locari solitum x libris per c c ante annos, postquam obliteratum erat, lv locatum est. Simili modo Antonianum in eadem provincia pari locatione pervenit ad pondo c c c c vestigalis. Et mirum, aqua addita non liquefcere vasa è plumbo: constat eadem in aqua calculus æreusve quadrans si addatur, vas peruri.

CAP. XVIII. *Medicina de plumbo, & scorïa plumbi, de molybdana sive galena, de psimmythio, & sandaracha.*

In medicina, per se plumbi usus est cicatrices
tom. 3. S repri-

reprimere: adalligatisque lumborum & renum parti laminis frigidior natura inhibere impetus Veneris: visaque in quiete venerea sponte naturæ erumpentia, usque in morbi genus, his laminis Calvus Orator cohibuisse traditur, viresque corporis studiorum labori custodisse. Nero (quoniam ita diis placuit) princeps, lamina pectori imposita, sub ea cantica exclamans, alendis vocibus demonstravit rationem. Coquitur ad medicinæ usus patinis fictilibus substrato sulphure minuto, laminis impositis tenuibus, operisque sulphure & ferro mistis: cum coquitur, munienda in eo opere foramina spiritus convenit: alioquin plumbi è fornacibus halitus noxius sentitur, & pestilens, & canibus ocysime: omnium vero metallorum, muscis & culicibus: quamobrem non sunt ea cædia in metallis. Quidā in coquendo scobem plumbi lima quæsitam sulphuri miscent: alii cerussam potius, quam sulphur. Fit & lotura plurimi usus in medicina, cum se ipso teritur in mortariis plumbeis addita aqua cælesti, donec crassescat: postea supernatans aqua tollitur spongiis: quod crassissimum fuit, siccatum dividitur in pastillos. Quidam limatum plumbum sicerunt: quidam etiam plumbaginem admiscunt: alii vero acetum, alii vinum, alii adipem, alii rosam: quidam in mortario lapideo, & maxime Thebaico, plumbeo pistillo terere malunt: candidiusque fit ita medicamentum. Id autem quod ustum est plumbum, lavatur, ut stibi & cadmia. Potest adstringere, sistere, contrahere cicatrices. Vsus enim ex eodem & in oculorum medicamentis, & maxime contra procidentiam eorum & inanitatem, & hulcerum excrementia, rimasque sedis aut hæmorrhoidas, aut condylomata: ad hæc maxime lotura plumbi facit:

facit: cinis autem usti ad hulcera serpentia, aut
fordida: eademque, quæ chartis, ratio profectus.
Vritur autem in patinis per laminas minutas cum
sulphure, versatum rudibus ferreis aut ferulaceis,
donec liquor mutetur in cinerem: dein refrigera-
tum teritur in farinam. Alii elimatam scobem in
fictili crudo coquunt in caminis, donec percoqua-
tur figlinum: aliqui cerussam miscent pari mensu-
ra, aut hordeum, teruntque, ut in crudo dictum
est, & præferunt sic tritum plumbum spodio Cy-
prio. Scoria quoque plumbi in usu est; optima-
que, quæ ad luteum maxime colorem accedit sine
plumbi reliquiis, aut sulphuris specie, & terra ca-
rens: lavatur hæc in mortariis minutim fracta,
donec aqua luteum colorem trahat, & transfun-
ditur in vas purum, idque sæpius, usque dum sub-
sidat, quod utilissimum est: eosdemque effectus
habet, quos plumbum, sed acriores. Mirari suc-
currit experientiam vitæ, ne face quidem rerum,
excrementorumque sceditate intentata tot modis.
Fit & spodium ex plumbo eodem modo, quo ex
Cyprio ære diximus: lavatur in lineis raris in aqua
cælesti, separaturque terrenum transfusione, cri-
bratumq; teritur. Quidam pulverem pennis deter-
gere malunt, ac terere in vino adorato. Est & mo-
lybdæna, quam alibi galenam vocavimus, plumbi
& argenti vena communis: melior hæc, quanto
magis aurei coloris, quantoque minus plumbosa,
friabilis, & modice gravis. Cocta cum oleo, joci-
noris colorem trahit: adhærescit & auri & argenti
fornacibus: & hanc metallicam vocant. Laudatissi-
ma, quæ in Zephyrio fiat: probantur minimè
terrænæ, minimeque lapidosæ: coquuntur lavan-
turque scorix modo. Vfus in liparas ad linienda
refrigerendaque hulcera: emplastrisque, quæ non

alligantur, sed illita ad cicatricem perducunt, in teneris corporibus molliissimisque partibus. Compositio ejus est, libris tribus, & ceræ libra una, olei tribus heminis, quod in senili corpore cum fratribus additur. Temperatur & cum spuma argenti, & scoria plumbi, ad dysenteriam & tenesimum, fovendo calida. Psimmythium quoque, hoc est cerussam, plumbariæ dant officinæ: laudatissimum in Rhodo. Fit autem ramentis plumbi tenuissimis super vas aceti asperrimi impositis, atque ita distillantibus: quod ex eo cecidit in ipsum acetum, arefactum molitur & cribatur, iterumque aceto misto in pastillos dividitur, & in Sole siccatur æstate. Fit & alio modo, addito in urceos aceti plumbo, obturatos per dies x derafoque ceu situ, ac rursus dejecto, donec deficiat materia: quod derafum est, teritur & cribatur, & coquitur in patinis, misceturque rudiculis, donec rufescat, & simile sandarachæ fiat: dein lavatur dulci aqua, donec nubesculæ omnes eluantur: siccatur similiter postea, & in pastillos dividitur. Vis ejus eadem, quæ supra dictis, levissima tantum ex omnibus: præterque ad candorem feminarum. Est autem letalis potu, sicut spumæ argenti: postea cerussa ipsa si coquatur, rufescit. Sandarachæ quoque propemodum dicta natura est: invenitur autem & in aurariis & in argentariis metallis, melior quo magis rufa, quoque magis virus redolens, ac pura friabilisque. Valet purgare, sistere, excalfacere, perrodere: Summa ejus dos septica. Explet alopecias ex aceto illita: additur oculorum medicamentis: fauces purgat cum melle sumpta: vocem lymphidam ac canoram facit: suspiriosis tussientibusque jucunde medetur, cum resina terebinthina in

na in cibo sumptâ: suffita quoque cum cedro, ipso
 nidore itidem medetur. Et ¹⁵ arsenicum ex ea-
 dem est materia, quod optimum; coloris etiam
 in auro, excellentius: quod vero pallidius aut san-
 darachæ similis est, deterius existimatur. Est &
 tertium genus, quo miscetur aureus color sanda-
 rachæ. Vtraque hæc squamosa: illud vero siccum
 purumque gracili venarum discursu fissile. Vis ea-
 dem, quæ supra, sed acrior. Itaque & causticis
 additur, & psilothris: tollit & pterygia digitorum,
 carnesque narium, & condylomata, & quicquid
 excrescit: torretur, ut validius proficit, in nova testa,
 donec mutet colorem.

LIBER XXXV.

Proœmium.

METALLORVM, quibus opes constant,
 annascentium quoque eis natura indica-
 ta propemodum est, ita connexis rebus,
 ut immensa medicinæ sylvæ, officinarumque
 tenebræ, & morosa cælandi pingendique
 ac tingendi subtilitas simul dicerentur. Restant
 terræ ipsius genera lapidumque, vel numerosiore
 serie, plurimis singula à Græcis præcipue volumi-
 nibus tractata. Nos in iis brevitatem sequemur
 utilem instituti modo, nihil necessarium aut na-
 turale omittentes.

CAP. I. *Honos pictura.*

Primumque dicemus quæ restant de pictura,
 arte quondam nobili, tunc cum expereretur à Re-
 gibus populisque, & illos nobilitante, quos esset
 dignata posteris tradere: nunc vero in totum mar-

moribus pulsa, jam quidem & auro, nec tantum ut parietes toti operiantur, verum & interrasso marmore, vermicularis ad effigies rerum & animalium crustis. Non placent jam abaci, nec spatia montis in cubiculo¹ delitescencia: cœpimus & lapidem pingere. Hoc Claudii principatu inventum: Neronis verò, maculas, quæ non essent, in crustis inferendo unitatem variare, ut ovatus esset Numidicus, ut purpura distingueretur Sinnadicus, qualiter illos nasci optarent deliciæ. Montium hæc subsidia deficientium: nec cessat luxuria id agere, ut quam plurimum incendiis perdat.

C A P. II. *Honos imaginum.*

Imaginum quidem pictura quam maxime similes in ævum propagabantur figuræ: quod in totum exolevit. Ærei ponuntur clypei, argenteæ facies surdo figurarum discrimine, statuarum capita permutantur, vulgatis jam pridem salibus etiam carminum. Adeo materiam malunt conspici omnes, quam se nosci. Et inter hæc pinacothecas veteribus tabulis consuunt, alienasque effigies colunt, ipsi honorem non nisi pretio ducentes, ut frangat hæres, furis detrahat laqueus. Itaque nullius effigie vivente, imagines pecuniæ, non suas, relinquunt. Iidem palæstras athletarum imaginibus & ceromata sua exornant, & vultus Epicuri per cubicula gestant, ac circumferunt secum. Natali ejus vicesima Luna sacrificant, feriasque omni mense custodiunt, quas icadas vocant, hi maxime, qui se ne viventes quidem nosci volunt. Ita est profecto, artes desidia perdidit: & quoniam animorum imagines non sunt, negliguntur etiam corporum. Aliter apud majores in atriiis hæ erant, quæ sperarentur, non signa externorum artificum, nec æra, aut marmora. Expressi cera vultus
singul-

singulis disponebantur armariis, ut essent imagi-
 nes, quæ comitarentur gentilitia funera, semper-
 que defuncto aliquo, totus aderat familiæ ejus,
 qui unquam fuerat, populus: stemmata vero li-
 neis discurrebant ad imagines pictas. Tablina co-
 dicibus implebantur, & monumentis rerum in
 magistratu gestarum. Aliæ foris & circa limina
 animorum ingentium imagines erant, affixis ho-
 stium spoliis, quæ nec emptori refringere liceret:
 triumphabantque etiam dominis ipsæ do-
 mus: & erat hæc stimulatio ingens, exprobranti-
 bus testis, quotidie imbellem dominum intrare
 in alienum triumphum. Extat Messalæ Oratoris
 indignatio, qua prohibuit inferi genti suæ Levi-
 norum alienam imaginem. Similis causa Messalæ
 seni expressit volumina illa, quæ de familiis con-
 didit, cum Scipionis Africani transisset atrium
 vidissetque adoptione testamentaria Salutionis (hoc
 enim ei fuerat cognomen) Africanorum dedecore
 notam irrepentem Scipionum nomini. Sed pace
 Messalarum dixisse liceat, etiam mentiri claro-
 rum imagines, erat aliquis virtutum amor: mul-
 toque honestius, quam mereri, ne quis suas ex-
 peteret. Non est prætereundum & novitium in-
 ventum: siquidem non solum ex auro argenteve,
 aut certe ex ære in bibliothecis dicantur illi, quo-
 rum immortales animæ in iisdem locis ibi loquun-
 tur: quinimo etiam quæ non sunt, finguntur, pa-
 riuntque desideria non traditi vultus, sicut in Ho-
 mero evenit. Quo majus (ut equidem arbitror)
 nullum est felicitatis specimen, quam semper om-
 nes scire cupere, qualis fuerit aliquis. Asinii Pol-
 lionis hoc Romæ inventum, qui primus biblio-
 thecam dicando, ingenia hominum rem publi-
 cam fecit. An priores cœperint Alexandriæ &

Pergami reges, qui bibliothecas magno certamine instituere, non facile dixerim. Imaginum amorem flagrasse quondam, testes sunt, & Atticus ille Ciceronis edito de his volumine, & M. Varro benignissimo invento insertis voluminum suorum fecunditati, non nominibus tantum septingentorum illustrium, sed & aliquo modo imaginibus, non passus intercidere figuras, aut vetustatem ævi contra homines valere, inventione muneris etiam Diis invidiosus, quando immortalitatem non solum dedit, verumetiam in omnes terras misit, ut præsentem esse ubique & claudi possent.

CAP. III. *Quando primum clypei imaginem publice, quando in domibus positi, & de pictura initium, & monochromato, & primis pictoribus, & antiquitate picturarum in Italia.*

Et hoc quidem alienis ille præstitit. Suorum verò clypeos in sacro vel publico privatim dicere primus instituit (ut reperio) Ap. Claudius, qui Consul cum Servilio fuit anno urbis cclix. Posuit enim in Bellonæ æde majores suos, placuitque in excelsis spectari, & titulos honorum legi. Decora res, utique si liberorum turba parvulis imaginibus ceu nidum aliquem sobolis pariter ostendat: quales clypeos nemo non gaudens favensque aspicit. Post eum M. Æmilius, collega in Consulatu Q. Lutatii, non in basilica modo Æmilia, verum & domi suæ posuit, id quoque Martio exemplo: scutis enim, qualibus apud Trojam pugnatum est, continebantur imagines: unde & nomen habuere clypeorum, non, ut perversa Grammaticorum, subtilitas voluit, à cluendo. Origo plena virtutis, faciem reddi in scuto cujusque, qui fuerit

fuerit usus illo. Pœni ex auro factitavere & clypeos, & imagines, secumque in castris tulere: certe captis eis talem Asdrubalis invenit Q. Marcius, Scipionum in Hispania ultor: isque clypeus supra fores Capitolinæ ædis usque ad incendium primum fuit. Majorum quidem nostrorum tanta securitas in ea re annotatur, ut L. Manlio, Q. Fulvio Coss. anno urbis quingentesimo septuagesimo quinto M. Aufidius tutelæ Capitolii redemptor, docuerit patres argenteos esse clypeos, qui pro æreis per aliquot jam lustra assignabantur. De picturæ initiis incerta, nec instituti operis quæstio est: Ægyptii sex millibus annorum apud ipsos inventam, prius quam in Græciam transiret, affirmant, vana prædicatione, ut palam est: Græci autem alii Sicyone, alii apud Corinthios repperant: omnes umbra hominis lineis circumducta: itaque talem primam fuisse: secundam singulis coloribus, & monochromaton dictam, postquam operosior inventa erat: duratque talis etiam nunc. Inventam linearem dicunt à Philocle Ægyptio, vel Cleanthe Corinthio. Primi exercuere Ardicæ Corinthius & Telephanes Sicyonius, sine ullo etiamnum colore, jam tamen spargentes lineas intus: ideo & quos pingerent, adscribere institutum. Primus invenit eas colorate, testa (ut ferunt) trita, Cleophantus Corinthius: hunc, aut eodem nomine alium fuisse, quem tradit Cornelius Nepos secutum in Italiam Demaratum, Tarquinii Prisci Romani regis patrem, fugientem à Corintho injurias Cypseli tyranni, mox docebimus: jam enim absoluta erat pictura etiam in Italia: extant certe hodieque antiquiores urbe picturæ Ardeæ in ædibus sacris, quibus equidem nullas æque demiror tam longo ævo durantes in orbi-

tate recti, veluti recentes: similiter Lanuvii, ubi Atalanta & Helena cominus pictæ sunt nudæ ab eodem artifice, utraque excellentissima forma, sed altera, ut virgo; ne ruinis quidem templi concussæ. Pontius legatus Caii principis eas tollere conatus est, libidine accensus, si tectorii natura permisisset: durant & Cære, antiquiores & ipsæ. Fatebiturque, quisquis eas diligenter æstimaverit, nullam artium celerius consummatam, cum Iliacis temporibus non fuisse eam appareat.

CAP. IV. *De pictoribus Romanis, & quando primum dignitas pictura, & qui victorias suas pictura proposuerunt, & quando externis picturis dignitas Roma.*

Apud Romanos quoque honos mature huic arti contigit: siquidem cognomina ex ea Pictorum traxerunt Fabii clarissimę gentis, princepsque ejus cognominis ipse ædem Salutis pinxit anno urbis conditæ ccccl, quæ pictura duravit ad nostram memoriam, æde Claudii principatu exusta. Proxime celebrata est in foro boario æde Herculis Pacuvii Poëtæ pictura: Ennii sorore genitus hic fuit: clarioremque eam artem Romæ fecit gloria scenæ. Postea non est ² spectata honestis manibus nisi forte quis Turpiliū equitem Romanum è Venetia nostræ ætatis velit referre, hodieque pulchris ejus operibus Veronæ extantibus. Læva is manu pinxit, quod de nullo ante memoratur: parvis gloriabatur tabellis, extinctus nuper in longa senecta, Aterius Labeo Prætorius, etiam Proconsulata provinciæ Narbonensis functus. Sed ea res in risu & jam contumelia erat. Fuit & principum virorum non omittendum de pictura celebre consilium: Q. Pedius, nepos Q. Pedii Consularis triumphalisque, à Cæsare Dictatore cohæredis

Augu-

Augusto dati, cum natura mutus esset, eum Messala Orator, ex cuius familia pueri avia erat, picturam docendum censuit, idque etiam Divus Augustus comprobavit: puer magni profectus in ea arte obiit. Dignatio autem præcipua Romæ increvit (ut existimo) à M. Valerio Max. Messala, qui princeps tabulam picturæ prælii, quo Carthaginenses & Hieronem in Sicilia devicerat, proposuit in latere Curia Hostilia, anno ab urbe condita quadringentesimo nonagesimo. Fecit hoc quidem & L. Scipio, tabulamque victoriæ suæ Asiaticæ in Capitolio posuit: idque ægre tulisse fratrem Africanum tradunt, iratum haud immerito, quoniam filius ejus in illo prælio captus fuerat. Non dissimilem offensionem & Æmiliani subijt L. Hostilius Mancinus, qui primus Carthaginem irruperat, situm ejus expugnationesque depictas proponendo in foro, & ipse assistens populo spectanti singula enarrando: qua comitate proximis comitiis Consularum adeptus est. Habuit & scena ludis Claudii Pulchri magnam admirationem picturæ, cum ad regularum similitudinem corvi decepti imagine advolarent. Tabulis autem externis auctoritatem Romæ publice fecit primus omnium L. Mummius, cui cognomen Achaici victoriæ dedit. Nanque cum in præda vendenda rex Attalus vi millibus sestertium emisset Aristidis tabulam, Liberum patrem continentem, pretium miratus, suspicatusque aliquid in ea virtutis, quod ipse nesciret, revocavit tabulam Attalo multum querente, & in Cereris delubro posuit: quam primam arbitror picturam externam Romæ publicatam. Deinde video, & in foro posita vulgo. Hinc enim ille Crassi oratoris lepos agentis sub Veteribus, cum testis compellatus instaret:

staret: Dic ergo Crasse, qualem me reris? Talem, inquit, ostendens in tabula pictum inficetissime Gallum exerentem linguam. In foro fuit & illa pastoris senis cum baculo, de qua Teutonorum legatus, interrogatus, quanti eum existimaret, respondit, sibi donari nolle talem vivum verumque. Sed præcipuam auctoritatem fecit publice tabulis Cæsar Dictator, Ajace & Medea ante Veneris Genitricis ædem dicatis. Post eum M. Agrippa vir rusticitati propior, quam deliciis: extat certe ejus oratio magnifica, & maximo civium digna de tabulis omnibus signisque publicandis: quod fieri satius fuisset, quam in villarum exilia pelli: verum eadem illa torvitas tabulas duas Ajacis & Veneris mercata est à Cyzicenis HS XII millia. In thermarum quoque calidissima parte marmoribus incluserat parvas tabellas, paulo ante cum reficerentur, sublatas. Super omnes Divus Augustus in foro suo, celeberrima in parte, posuit tabulas duas, quæ belli pictam faciem habent & triumphum. Idem Castores ac Victoriæ posuit, & quas dicemus sub artificum mentione in templo Cæsaris patris. Idem in Curia quoque, quam in Comitio consecrabat, duas tabulas impressit parieti: Nemeam sedentem supra leonem, palmigeram ipsam, adstante cum baculo sene, cujus supra caput tabula bigæ dependet. Nicias scripsit se inussisse: tali enim usus est verbo. Alterius tabulæ admiratio est, puberem filium seni patri similem esse, salva ætatis differentia, supervolante aquila draconem complexa. Philochares hoc suum opus esse testatus est. Immensa, vel unam si quis tantum hanc tabulam æstimet, potentia artis, cum propter Philocharem ignobilissimos alioquin Glaucionem filiumque ejus Aristippum, Senatus popu-

populusque Romanus tot seculis spectet. Posuit & Tiberius Cæsar minime comis Imperator, in templo ipsius Augusti, quas mox indicabimus.

CAP. V. *Ratio pingendi, de pigmentis.*

Hactenus dictum sit de dignitate artis morientis. Quibus coloribus singulis primi pinxissent, diximus, cum de pigmentis traderemus in metallis. Qui monochromateæ genera picturæ vocaverint, qui deinde, & quæ, & quibus temporibus invenerint, dicemus in mentione artificum, quoniam indicare naturas colorum, causa instituti operis prior est. Tandem se ars ipsa distinxit, & invenit lumen atque umbras, differentia colorum alterna vice sese excitante. Deinde adjectus est splendor, alius hic quam lumen: quem quia inter hoc & umbram esset, appellarunt tonon: comisuras verò colorum & transitus, armogen.

CAP. VI. *De coloribus nativis & factitiis.*

Sunt autem colores austeri aut floridi: utrumque natura, aut mistura evenit. Floridi sunt, quos dominus pingenti præstat, minium, Armenium, cinnabaris, chrysocola, Indicum, purpurissum: cæteri austeri. Ex omnibus alii nascuntur, alii fiunt: nascuntur sinopis, rubrica, parætonium, melinum, Eretria, auripigmentum: cæteri finguntur, primumque quos in metallis diximus: præterea è vilioribus ochra, cerussa usta, sandaracha, sandix, Scyricum, atramentum. Sinopis inventa est primum in Ponto: inde nomen à Sinope urbe: nascitur & in Ægypto, Balearibus, Africa: sed optima in Lemno & in Cappadocia, effossa è speluncis: quæ saxi adhæsit, excellit. Glebis suis collos, extra maculosus: hacque usi sunt veteres ad splendorem. Species sinopidis tres, rubra, & minus rubens, & inter has media, Pretium optimæ in

in libras XIII denarii. Vfus ad penicillum, aut si lignum colorare libeat. Ejus, quæ ex Africa venit, octoni asses: cicerculum appellant. Quæ magis cæteris rubet, utilior abacis. Idem pretium ejus quæ pressior vocatur, & est maxime fusca: usuf ejus ad bases abacorum: in medicina vero blandus, emplastrisque & malagmatis, siue sicca compositione ejus, siue liquida, facilis; contra hulcera in humore sita, veluti oris, sedis. Alvum sistit infusa: foeminarum profluvia pota denarii pondere: eadem adusta siccatur scabritias oculorum, è vino maxime. Rubricæ genus in ea voluere intelligi quidam secundæ autoritatis: palmam enim Lemniæ dabant, ³ minio proximam. Hæc est multum antiquis celebrata, cum insula, in qua nascitur: nec nisi signata venundabatur: unde & sphragidem appellavere: hac minium sublinunt adulterantque. In medicina præclara res habetur: epiphoras enim oculorum mitigat & dolores circumlita: ægilopas manare prohibet: sanguinem rejicientibus ex aceto datur bibenda: bibitur & contra lienum renumque vitia, & purgationes foeminarum: item & contra venena, & serpentium i&us terrestrium marinorumque, omnibus ideo antidotis familiaris. Ex reliquis rubricæ generibus, fabris utilissima Ægyptia & Africana, quoniam maxime sorbentur: picturis autem apta nascitur & in ferrariis metallis. Ex ea fit ochra, exusta rubrica in ollis novis luto circumlitis: quo magis arsit in caminis, hoc melior. Omnis autem rubrica siccatur, ideoque & emplastris convenit, igni etiam sacro. Sinopidis Ponticæ ⁴ selibra, filis lucidi libris x & melini Græciensis duabus mistis tritisque una per dies XII leucophorum fit, hoc est, glutinum auri, cum inducitur ligno. Parætonion

nion nomen loci habet ex Ægypto : spumam maris esse dicunt solidatam cum limo : & ideo conchæ minutæ inveniuntur in eo : fit & in Creta insula atque Cyrenis : adulteratur Romæ creta Cimolia decocta conspissataque. Pretium optimo in pondo sex x. è candidis coloribus pinguißimum, & testoriis tenacissimum propter lævorem. Melinum candidum & ipsum est, optimum in Melo insula : in Samo quoque nascitur : sed eo non utuntur pictores propter nimiam pinguitudinem : acubantes effodiunt ibi inter saxa venas scrutantes. In medicina eundem usum habet, quem Eretria creta : præterea linguam tactu siccat : pilos detrahit & mitigat. Pretium in libras sestertii singuli. Est & colos tertius è candidis cerussæ, cujus rationem in plumbi metallis diximus. Fuit & terra per se in Theodoti fundo inventa Smyrnæ, qua veteres ad navium picturas utebantur : nunc omnis ex plumbo & aceto fit, ut diximus. Vsta casu reperta incendio Piræei, cerussa in orcis cremata : hac primus usus est Nicias supra dictus : optima nunc Asiatica habetur, quæ & purpurea appellatur. Pretium ejus in libras ^s æris quinque. Fit & Romæ cremato file marmoroso & restincto aceto : sine usta non fiunt umbræ. Eretria terræ suæ habet nomen : hac Nicomachus & Parafius usi. Refrigerat emollitque : explet vulnera, si coquatur, ad siccanda præcipuè utilis, & capitis doloribus, & ad depræhendenda pura : subesse enim ea intelligitur, si ex aqua illita non arefcat. Sandaracham & ochram Iuba tradit in insula Rubri maris Topazo nasci : sed inde non pervehuntur ad nos : sandaracha quomodo fieret, diximus. Fit & adulterina ex cerussa in fornace cocta : colos esse debet flammeus : pretium in libras asses quini. Hæc si torrea-

torreatur, aqua parte rubrica admista sandycem facit: quanquam animadverto Virgilium existimasse herbam id esse, illo versu,

Sponte sua sandyx pascentes vestiet agnos.

Pretium in libras dimidium ejus, quod sandarachæ: nec sunt alii colores majoris ponderis. Interfactitios est & Scyricum, quo minium sublini diximus: fit autem sinopide & sandyce mistis. Atramentum quoque inter factitios erit, quanquam est & terra, geminæ originis: aut enim falsuginis modo emanat, aut terra ipsa sulphurei coloris ad hoc probatur. Inveni sunt pictores, qui è sepulchris carbones infectos effoderent: sed importuna hæc omnia ac novitia: fit enim ex fuligine pluribus modis, resina vel pice exustis: propter quod officinas etiam ædificavere, fumum eum non emittentes: laudatissimum eodem modo fit è tedis: adulteratur fornacum balinearumque fuligine, quo ad volumina scribenda utuntur. Sunt qui & vini sæcem siccata excoquant: affirmantque, si ex bono vino sæx fuerit, Indici speciem id atramentum præbere. Polygnotus & Mycon celeberrimi pictores Athenis, è vinaceis fecere, trigynon appellant. Apelles commentus est ex ebore combusto facere, quod elephantinum vocant: apportatur & Indicum ex India, inexplorata adhuc inventionis mihi. Fit etiam apud infectores ex flore nigro, qui adhærescit æreis cortinis: fit & è tedis ligno combusto, tritisque in mortario carbonibus. Mira in hoc sepiarum natura: sed ex his non fit. Omne autem atramentum Sole perficitur, libratium gummi, tectorium glutino admisto: quod autem aceto liquefactum est, ægè eluitur. E reliquis coloribus, quos à dominis dari diximus propter magnitudinem pretii, ante omnes est purissimum

purissimum est creta argentaria: cum purpuris pariter tingitur, bibitque eum colorem celerius lanis. Principium est primum, fervente aheni rudibus medicamentis inebriatum: proximum egesto eo addita creta in jus idem: & quoties id factum est, levatur bonitas pro numero dilutiori sanie. Quare Puteolanum potius laudatur, quam Tyrium aut Gæulicum, vel Laconicum, unde pretiosissimæ purpuræ: causa est, quod hyssigino maximè inficitur, rubiamque cogitur sorbere: vilissimum à Canusio. Pretium huic à singulis denariis in libras ad triginta. Pingentes sandyce sublita mox ovo inducentes purpurissimum, fulgorem minii faciunt: si purpuram facere malunt, cæruleum sublinunt, mox purpurissimum ex ovo inducunt. Ab hoc maxima autoritas Indico: ex India venit, harundinum spumæ adhærescente limo, cum teritur, nigrum: at in diluendo misturam purpuræ cæruleique mirabilem reddit. Alterum genus ejus est in purpurariis officinis innatans cortinis: & est purpuræ spuma⁶. Qui adulterant, vero Indico stercora columbina, aut cretam Selinusiam, vel annulariam ultro inficiunt: probatur carbone: reddit enim, quod syncerum est, flammam excellentis purpuræ: & dum fumat, odorem maris olet: ob id quidam est scopulis id colligi putant. Pretium Indico denarii viginti in libras. In medicina Indicum rigores & impetus sedat, siccaturque hucera. Armenia mittit, quod ejus nomine appellatur: lapis est hic quoque chrysocollæ modo infectus; optimumque est, quod maximè viret, communicato colore cum cæruleo: solebant libræ ejus trecentis nummis taxari. Inventa per Hispanias harena est, similem curam recipiens: itaque ad denarios senos⁷ utilitas rediit. Distat à cæruleo candore modico,

modico, qui teneriorem hunc efficit colorem. Vsum in medicina ad pilos tantum alendos habet, maximeque in palpebris. Sunt etiamnum novitii duo colores è vilissimis, viride quod Appianum vocatur, & quod chrysocollam luteam mentitur, ceu parum multa sint mendacia ejus. Fit & ex creta viridi æstimatum sestertiis in libras. Anulare quod vocant, candidum est, quo muliebres picturæ illuminantur: fit & ipsum ex creta admistis vitreis gemmis, ex vulgi annulis, unde & annulare dictum.

CAP. VII. *Qui colores non inducantur, & quibus coloribus antiqui pinxerunt, & quando primum gladiatorum pugna proposita sunt.*

Ex omnibus coloribus cretulam amare, udoque illini recusant, purpurissum, Indicum caruleum, melinum, auripigmentum, Appianum, cerussa. Cerae tinguntur iisdem his coloribus ad eas picturas, quæ inuruntur, alieno parietibus genere, sed classibus familiari, jam vero & onerariis navibus: quoniam & pericula expingimus, ne quis mireretur & rogos pingi: juvatque pugnatuos ad mortem aut certe cædem, speciose vehi. Qua contemplatione tot colorum, tanta varietate, subit antiquitatem mirari: quatuor coloribus solis immortalia illa opera fecere, ex albis melino, ex filaceis Attico, ex rubris sinopide Pontica, ex nigris atramento, Apelles, Echion, Melanthius, Nicomachus, clarissimi pictores, cum tabulæ eorum singulæ oppidorum vænirent opibus. Nunc & purpuris in parietes migrantibus & India conferentè fluminum suorum limum, & draconum & elephantorum saniem, nulla nobilis pictura est. Omnia ergo tunc fuere, cum minor copia: Ita est, quoniam, ut supra

pra diximus, rerum non animi pretiis excubatur. Et nostræ ætatis insaniam ex pictura non omit- tam: Nero princeps jussèrat colosseum se pingi cxx pedum in linteo, incognitum ad hoc tem- pus: ea pictura cum peracta esset in Lamianis hor- tis accensa fulmine cum optima hortorum parte conflagravit. Libertus ejus cum daret Antii mu- nus gladiatorium, publicas porticus investivit pi- ctura, ut constat, gladiatorum ministrorumque omnium veris imaginibus redditis. Hic multis jam seculis summus animus in pictura. Pingi au- tem gladiatoria munera, atque in publico exponi cœpta à C. Terentio Lucano. Is avo suo, à quo adoptatus fuerat, triginta paria in foro per tri- duum dedit, tabulamque pictam in nemore Dia- næ posuit.

CAP. VIII. *De ætate pictura, operum & arti-
ficum indicatura, nobilitates ccc v.*

Nunc celebres in ea arte quam maxima brevi- tate percurram: neque enim instituti operis est ta- lis executio: itaque quosdam vel in transcurso, & in aliorum mentione obiter nominasse satis erit, exceptis operum claritatibus, quæ & ipsa conve- nient attingi, siue extant, siue interciderè. Non constat sibi in hac parte Græcorum diligentia, multas post Olympiadas celebrando tam pictores, quam statuarios autores: primumque Olympiade nonagesima, cum & Phidiam ipsum initio picto- rem fuisse tradatur, clypeumque Athenis ab eo pictum: præterea in confesso sit, octogesima ter- tia fuisse Panæum fratrem ejus, qui clypeum intus pinxit, & in Ægide Minervæ, quam fecerat Colo- tes Phidiæ discipulus, & in faciendo Iove Olym- pio adiutor. Quid? quod in confesso perinde est, Bularchi pictoris tabulam, in qua erat Magnetum prælium,

prælium, à Candaule rege Lydiæ Heraclidarum novissimo, qui & Myrsilus vocitatus est, repensam auro: tanta jam dignatio picturæ erat: id circa ætatem Romuli acciderit necesse est: duo enim de vicesima Olympiade interiit, Candaules: aut (ut quidam tradunt) eodem anno, quo Romulus, nisi fallor: manifesta jam tum claritate artis atque absolutione. Quod si recipi necesse est, simul apparet multo vetustiora principia esse, eosque qui monochromata pinxerint, (quorum ætas non traditur) aliquanto ante fuisse, Hygiænonem, Diniam, Charmam, & qui primus in pictura marem foeminamque discreverit, Eumarum Atheniensem, figuras omnes imitari ausum, quique inventa ejus excoluerit, Cimoneum Cleonæum. Hic catagrapha invênit, hoc est, obliquas imagines, & variè formare vultus, respicientes suspicientesve & despicientes: articulis etiam membra distinxit: venas protulit, præterque in veste & rugas & sinus invenit. Panæus quidem frater Phidiæ, etiam prælium Atheniensium adversus Persas apud Marathonæ factum pinxit: adeo jam colorum usus percrebuerat, adeoque ars perfecta erat, ut in eo prælio iconicos duces pinxisse tradatur; Atheniensium Milciadem, Callimachum, Cynegyrum: Barbarorum Datim, Artaphernem.

CAP. IX. *Primum picturæ certamen, & qui primi penicillo pinxerunt.*

Quinimo certamen picturæ etiam florebat institutum est Corinthi ac Delphis: primusque omnium certavit cum Timagora Chalcidense, superatus ab eo Pythiis, quod & ipsius Timagoræ carmine vetusto apparet, chronicorū errore non dubio. Alii quoque post hos clari fuere ante nonagesimam Olympiadem, sicut Polygnotus Thasius, qui

qui primus mulieres lucida veste pinxit, capita earum mitris verficoloribus operuit, plurimumque picturæ primus contulit: siquidem instituit os adaperire, dentes ostendere, vultum ab antiquo rigore variare. Hujus est tabula in porticu Pompeii, quæ ante curiam ejus fuerat: in qua dubitatur, ascendentem cum clypeo pinxerit, an descendentem. Hic Delphis ædem pinxit: hic & Athenis porticum, quæ Pœcilé vocatur, gratuito, cum partem ejus Mycon mercede pingeret: unde major huic autoritas: siquidem Amphictyones, quod est publicum Græciæ concilium, hospitia ei gratuita decrevere. Fuit & alius Mycon, qui minoris cognomine distinguitur: cujus filia Timarete & ipsa pinxit. Nonagesima auté Olympiade fuere Aglaophon, Cephissodorus, Phrylus, Evenor pater Parasii & præceptor maximi pictoris, de quo suis annis dicemus: omnes jam illustres, non tamen, in quibus hæreere expositio debeat, festinans ad lumina artis, in quibus primus refulsit Apollodorus Atheniensis nonagesimatertia Olympiade: hic primus species exprimere instituit, primusque gloriam penicillo jure contulit. Ejus est sacerdos adorans, & Ajax fulmine incensus, qui Pergami spectatur hodie: neque ante eum tabula ullius ostenditur, quæ teneat oculos. Ab hoc artis fores apertas Zeuxis Heracleotes intravit, Olympiadis nonagesimæ quintæ anno quartæ, audentemque jam aliquid penicillum (de hoc enim adhuc loquimur) ad magnam gloriam perduxit, à quibusdam falso in octogesimanona Olympiade positus, cum fuisset necesse est Demophilum Himeræum, & Neseam Thasium, quoniam utrius eorum discipulus fuerit, ambigitur. In eum Apollodorus supra dictus versus fecit, artem ipsis ablatam Zeuxim ferre secum:

secum: opes quoque tantas acquisivit, ut in ostentatione earum, Olympiæ aureis literis in palliorum tessè ris intextum nomen suum ostentaret. Postea donare opera sua instituit, quod ea nullo satis digno pretio permutari posse diceret, sicuti Alcmenam Agrigentinis, Pana Archelao: fecit & Penelopen, in qua pinxisse mores videtur: & athletam. Adeoque sibi in illo placuit, ut versum subscriberet, celebrem ex eo, invisurum aliquem facilius, quam imitaturum: magnificus est Iupiter ejus in throno, adstantibus Diis: & Hercules infans dracones strangulans, Alcmena matre coram pavente & Amphitryone. Deprehenditur tamen Zeuxis grandior in capitibus articulisque: alioquin tantus diligentia, ut Agrigentinis facturæ tabulam, quam in templo Iunonis Lacinia publice dicarent, inspexerit virgines eorum nudas, & quinque elegerit, ut quod in quaque laudatissimum esset, pictura redderet. Pinxit & monochromata ex albo. Equales ejus & æmuli fuere Timanthes, Androcydes, Eupompus, Parasius.

C A P. X. *De avibus per picturam deceptis: & quid difficillimum in pictura.*

Descendisse hic in certamen cum Zeuxide traditur: & cum ille detulisset uvas pictas tanto successu, ut in scenam aves advolarent, ipse detulisset lineum pictū, ita veritate repræsentata, ut Zeuxis, alium judicio tumens, flagitaret tandem remoto lineo ostendi picturam, atque intellecto errore concederet palmam ingenuo pudore, quoniam ipse volucres fefellisset, Parasius autem se artificē. Fertur & postea Zeuxis pinxisse puerum uvas ferentem, ad quas cum advolassent aves, eadem ingenuitate processit iratus operi, & dixit: uvas meus pinxi, quam puerum: nam si & hunc consummassem,

massem, aves timere debuerant. Fecit & figlina opera, quæ sola in Ambracia relicta sunt, cum inde Mufas Fulvius Nobilior Romam transferret. Zeuxidis manu Romæ Helena est in Philippi porticibus, & in Concordiæ delubro Marsyas religatus. Parafius Ephesi natus, & ipse multa constituit: primus symmetriam picturæ dedit, primus argutias vultus, elegantiam capilli, venustatem oris, confessione artificum in lineis extremis palmam adeptus: hæc est in pictura summa subtilitas. Corpora enim pingere & media rerum, est quidem magni operis, sed in quo multi gloriam tulerint: extrema corporum facere, & desinentis picturæ modum includere, rarum in successu artis invenitur: ambire enim debet se extremitas ipsa, & sic desinere, ut promittat alia post se: ostendatque etiam quæ occultat. Hanc ei gloriam concessere Antigonus & Xenocrates, qui de pictura scripsere, prædicantes quoque, non solum confitentes. Alia multa graphidis vestigia extant in tabulis ac membranis ejus, ex quibus proficere dicuntur artifices: minor tamen videtur sibi comparatus in mediis corporibus exprimendis: pinxit & Demon Atheniensium, argumento quoque ingenioso: volebat nanque varium, iracundum, injustum, inconstantem: eundem exorabilem, clementem, misericordem, excelsum, gloriosum, humilem, ferocem, fugacemque, & omnia pariter ostendere. Idem pinxit & Thesea, qui Romæ in Capitolio fuit: & Navarchum thoracatum: & in una tabula, quæ est Rhodi, Meleagrum, Herculem, Persea: hæc ibi ter fulmine ambusta, neque oblitterata, hoc ipso miraculum auget: pinxit & Archigallum: quam picturam amavit Tiberius princeps: atque ut autor est Decius Eculeo, LX festertius æstima-

æstimatam, cubiculo suo inclusit: pinxit & Cres-
sam nutricem, infantemque in manibus ejus: &
Philiscum & Liberum patrem adstante Virtute:
& pueros duos, in quibus spectatur securitas &
ætatis simplicitas: item sacerdotem adstante pue-
ro cum acerra & corona. Sunt & duæ picturæ ejus
nobilissimæ, Hoplitides: alter in certamine ita de-
currens, ut suadere videatur: alter arma deponens,
ut anhelare sentiatur. Laudantur & Æneas Castor-
que ac Pollux in eadem tabula: item Telephus,
Achilles, Agamemnon, Vlyxes. Fœcundus arti-
fex, sed quo nemo insolentius & arrigantius sit
usus gloria artis: nanque & cognomina usurpavit,
Abrodiærum se appellando, aliisque verbis prin-
cipem artis, & eam ab se consummatam: super
omnia Apollinis se radice ortum: & Herculem,
qui est Lyndi, talem à se pictum, qualem sæpe in
quiete vidisset. Ergo magnis suffragiis superatus à
Timanthe Sami in Ajace armorumque judicio,
herois nomine se moleste ferre dicebat, quod ite-
rum ab indigno victus esset. Pinxit & minoribus
tabellis libidines, eo genere petulantis joci se refi-
ciens. Nam Timanthi vel plurimum affuit ingenii:
ejus enim est Iphigenia, oratorum laudibus cele-
brata, qua stante ad aras peritura, cum mœstos
pinxisset omnes, præcipue patrum, cum tristitiæ
omnem imaginem consumpisset, patris ipsius
vultum velavit, quem digne non poterat ostende-
re. Sunt & alia ingenii ejus exemplaria, veluti Cy-
clops dormiens in parvula tabella: cujus & sic ma-
gnitudinem exprimere cupiens, pinxit juxta Saty-
ros, thyrso pollicem ejus metientes: atque in om-
nibus ejus operibus intelligitur plus semper, quam
pingitur: & cum ars summa sit, ingenium tamen
ultra artem est. Pinxit & Heroa absolutissimi
operis,

operis, artem ipsam complexus viros pingendi :
 quod opus nunc Romæ in templo pacis est. Euxe-
 nidas hac ætate docuit Aristidem præclarum arti-
 ficem, Eupompus Pamphilum Apellis præcepto-
 rem. Est Eupompi victor certamine gymnico pal-
 mam tenens : ipsius autoritas tanta fuit, ut divise-
 rit picturam in genera tria, quæ ante eum duo fue-
 re, Helladicum, & quod Asiaticum appellabant :
 propter hunc qui erat Sycyonius, diviso Helladico
 tria facta sunt, Ionicum, Sicyonium, Atticum.
 Pamphili pictura est cognatio, & prælium ad
 Phliuntem, & victoria Atheniensium: item Vlixes
 in rate: ipse Macedo natione, sed primus in pictu-
 ra omnibus literis eruditus, præcipuè Arithmetice
 & Geometrice, sine quibus negabat artem perficere
 posse : docuit neminem minoris talento annis de-
 cem : quam mercedem & Apelles & Melanthius
 ei dedere : & hujus autoritate effectum est Sicyo-
 ne primum, deinde & in tota Græcia, ut pueri in-
 genui ante omnia diagraphicen, hoc est picturam
 in buxo docerentur, recipereturque ars ea in pri-
 mum gradum liberalium : semper quidem honos
 ei fuit, ut ingenui eam exercerent, mox ut hone-
 sti, perpetuo interdicto ne servitia docerentur :
 ideo neque in hac, neque in toreutice, ullius quàm
 servierit opera celebrantur. Clari etiam c v i i
 Olympiade extitere Echion & Therimachus.
 Echionis sunt nobiles picturæ, Liber pater, item
 Tragedia & Comædia; Semiramis ex ancilla ad-
 ipiscens regnum, anus lampadas præferens, &
 nova nupta verecundia notabilis. Verum omnes
 prius genitos futurosque postea superavit Apelles,
 eousque Olympiade c x i i in pictura provectus,
 ut plura solus prope, quam cæteri omnes, contu-
 lerit, voluminibus etiam editis quæ doctrinam

eam continent. Præcipua ejus in arte venustas, fuit cum eadem ætate maximi pictores essent: quorum opera cum admiraretur, collaudatis omnibus, deesse iis unam illam Venerem dicebat, quam Græci Charita vocant: cætera omnia contigisse, sed hac soli sibi neminem parem. Et aliam gloriam usurpavit, cum Protogenis opus immensi laboris ac curæ supra modum anxie miraretur: dixit enim, omnia sibi cum illo paria esse, aut illi meliora, sed uno se præstare, quod manum ille de tabula nesciret tollere: memorabili præcepto, nocere sæpe nimiam diligentiam. Fuit autem non minoris simplicitatis, quam artis: nam cedebar Amphioni de dispositione, Asclepiodoro de mensuris, hoc est, quanto quid à quo distare deberet: scitum est, inter Protogenem & eum quod accidit: ille Rhodi vivebat: quo cum Apelles adnavigasset, avidus cognoscendi opera ejus, fama tantum sibi cogniti, continuo officinam petiit: aberat ipse, sed tabulam magnæ amplitudinis in machina aptatam picturæ, anus una custodiebat: hæc Protogenem foris esse respondit, interrogavitque, à quo quæsitum diceret: ab hoc, inquit Apelles: arreptoq; penicillo lineam ex colore duxit summæ tenuitatis per tabulam. Reverso Protogeni, quæ gesta erant, anus indicavit: ferunt artificem protinus contemplatum subtilitatem, dixisse Apellem venisse: non enim cadere in alium tam absolutum opus: ipsumque alio colore tenuiorem lineam in illa ipsa duxisse, præcepisseque abeuntem, si redisset ille, ostenderet, adjiceretque hunc esse quem quæreret: atque ita evenit: revertitur enim Apelles, sed vinci erubescens, tertio colore lineas secuit, nullum relinquens amplius subtilitati locum: at Protogenes victum se confessus, in por-

rum

rum devolavit, hospitem quærens. Placuitque, sic
eam tabulam posteris tradi, omnium quidem, sed
artificum præcipuo miraculo. Consumptam eam
constat priore incendio domus Cæsaris in palatio,
avide ante à nobis spectatam, spatiosiore amplitu-
dine nihil aliud continentem, quam lineas visum
effugientes, inter egregia multorum opera inani
similem, & eo ipso allicientem omnique opere no-
biliorem. Apelli fuit alioquin perpetua consuetu-
do, nunquam tam occupatam diem agendi, ut
non lineam ducendo exerceret artem: quod ab eo
in proverbium venit. Idem perfecta opera propo-
nebat in pergula transeuntibus, atque post ipsam
tabulam latens, vitia quæ notarentur auscultabat,
vulgum diligentiorum judicem, quam se præfe-
rens: feruntque à sutore reprehensum, quod in
crepidis una intus pauciores fecisset ansas, eodem
postero die, superbo emendatione pristinae admo-
nitionis, cavillante circa crus, indignatum pro-
spexisse, denuntiantem, ne supra crepidam sutor
judicaret, quod & ipsum in proverbium venit.
Fuit enim & comitas illi, propter quam gratior
Alexandro Magno erat, frequenter in officinam
ventitanti: nam ut diximus, ab alio pingi se ve-
tuit edicto. Sed & in officina imperite multa dis-
ferenti silentium comiter suadebat, rideri eum di-
cens à pueris qui colores tererent: tantum erat au-
toritati juris in regem, alioquin iracundum. Quan-
quam Alexander ei honorem clarissimo præbuit
exemplo: nanque cum dilectam sibi ex pallacis suis
præcipuè nomine Campasphem nudam pingi ob
admirationem formæ ab Apelle jussisset, eumque
tum pari captum amore sensisset, dono eam de-
dit: Magnus animo, major imperio sui, nec minor
hoc facto, quam victoria aliqua: quippe se vicit,

nec torum tantum suum, sed etiam affectum donavit artifice: ne dilectæ quidem respectu motus, ut quæ modo regis fuisset, modo pictoris esset: sunt qui Venerê Anadyomenen illo pictam exemplari putant. Apelles & in æmulis benignus, Protogeni dignationem primus Rhodi constituit: fordebat ille suis, ut plerunque domestica: percontantique quanti licitaretur opera effecta, parvum nescio quid dixerat: at ille quinquagenis talentis poposcit: famamque dispersit, se emere, ut pro suis venderet: ea res concitavit Rhodios ad intelligendum artificem, nec nisi argentibus pretium, cessit imaginem. Adeo similitudinis indiscretæ pinxit, ut incredibile dictu Apion Grammaticus scriptum reliquerit, quendam ex facie hominum addivinantem (quos Metoposcopos vocant) ex iis dixisse aut futuræ mortis annos, aut præteritæ? Non fuerat ei gratia in comitatu Alexandri cum Ptolemæo, quo regnante, Alexandriam vi tempestatis expulsus, subornato fraude æmulorum plano regio invitatus, ad regis cœnam venit: indignantique Ptolemæo, & vocatores suos ostendenti, ut diceret à quo eorum invitatus esset, arrepto carbone extincto è foculo, imaginem in pariete delineavit, agnoscente vultum plani rege ex inchoato protinus. Pinxit & Antigoni regis imaginem altero lumine orbam, primus excogitata ratione vitia condendi: obliquam nanque fecit, ut quod corpori deerat, picturæ potius deesse videretur: tantumque eam partem è facie ostendit, quam totam poterat ostendere. Sunt inter opera ejus & expirantium imagines: quæ autem nobilissima sunt, non est facile dictu. Venerem ex euntem è mari Divus Augustus dicavit in delubro patris Cæsaris, quæ Anadyomene vocatur, versibus

Græcis

Græcis tali opere, dum laudatur, victo, sed illustrato. Hujus inferiorem partem corruptam qui resciret, non potuit reperiri: verum ipsa injuria cessit in gloriam artificis: consenuit hæc tabula carie: aliamque pro ea Nero principatu substituit suo, Dorothei manu. Apelles inchoaverat aliam Venerem Cois, superaturus etiam suam illam priorem: invidit mors peracta parte: nec qui succederet operi ad præscripta lineamenta inventus est: pinxit & Alexandrum Magnum, fulmen tenentem in templo Ephesiæ Dianæ viginti talentis auri: digiti eminere videntur, & fulmen extra tabulam esse. Sed legentes meminerint, omnia ea quatuor coloribus facta: manipretium ejus tabulæ in nummo aureo mensura accepit, non numero. Pinxit & Megabyzi sacerdotis Dianæ Ephesiæ pompam: Clytū equo ad bellum festinantem, & ei galeam poscenti armigerum porrigentem: Alexandrum & Philippum quoties pinxerit, enumerare supervacuum est. Mirantur ejus Abrohem Samii, & Menandrum regem Cariæ Rhodii: item Ancæum: Alexandria Gorgosthenem tragedum: Romæ Castorem & Pollucem, cum Victoria & Alexandro Magno: item belli imaginem, restrictis ad terga manibus, Alexandro in curru triumphante. Quas utrasque tabulas Divus Augustus in fori sui partibus celeberrimis dicaverat simplicitate moderata: Divus Claudius plaris existimavit, in utrisque excisa facie Alexandri Divi Augusti imaginem subdere. Eiusdem arbitrantur manu esse & in Antonia templo Herculem aversum, ut (quod est difficillimum) faciem ejus ostendat verius pictura, quam promittat. Pinxit & heroa nudum: eaque pictura naturam ipsam provocavit. Est & equus ejus, sive fuit, pictus in certamine: quod

judicium ad mutas quadrupedes provocavit ab hominibus : nanque ambitu æmulos prævalere sentiens, singulorum picturas inductis equis ostendit : Apellis tantum equo adlinnivere : idque postea semper illius experimentum artis ostentatur. Fecit & Neoptolemum ex equo adversus Persas ; Archelaum cum uxore & filia ; Antigonum thoracatum cum equo incedentem. Peritiores artis præferunt omnibus ejus operibus eundem regem sedentem in equo : Dianam sacrificantium virginum choro mistam , quibus vicisse Homeri versus videtur idipsum describentis. Pinxit & quæ pingi non possunt, tonitrua, fulgetra, fulguraque : Bronten , Alstrapen , Ceraunubolon appellant. Inventa ejus & cæteris profuere in arte : unum imitari nemo potuit, quod absoluta opera atramento illinebat ita tenui, ut idipsum repercussu claritates colorum excitarer , custodireq; à pulvere & sordibus , ad manum intuenti demum appareret : sed & tum ratione magna , ne colorum claritas oculorum aciem offenderet , veluti per lapidem specularem intuentibus è longinquo : & eadem res nimis floridis coloribus austeritatem occulte daret. Æqualis ejus fuit Aristides Thebanus : is omnium primus animum pinxit , & sensus omnes expressit, quos vocant Græci ethe : item perturbationes : durior paulo in coloribus. Hujus pictura est , oppido capto ad matris morientis è vulnere mammam adrepens infans : intelligiturque sentire mater , & timere ne emortuo lacte sanguinem infans lambat : quam tabulam Alexander Magnus transtulerat Pellam in patriam suam. Idem pinxit prælium cum Persis, centum homines ea tabula complexus, pactusque in singulos minas denas à tyranno Elatensium Mnafone. Pinxit & currentes quadrigas,

drigas, & supplicantem pene cum voce: & venatores cum captura, & Leontionem pictorem, & Anapavomenem propter fratris amorem morientem: item Liberum patrem & Ariadnen, spectatos Romæ in æde Cereris: Tragœdum & puerum, in Apollinis: cujus tabulæ gratia interiit pictoris inscitia, cui tergendam eam mandaverat M. Iunius Prætor sub die ludorum Apollinarium. Spectata est & in æde Fidei in Capitolio imago senis cum lyra puerum docentis: pinxit & ægrum sine fine laudatum: qua in arte tantum valuit, ut Attalus rex unam tabulam ejus centum talentis emisse tradatur. Simul, ut dictum est, & Protogenes floruit: patria ei Caunus, gentis Rhodiis subjæctæ: summa ejus paupertas initio, artisque summa intentio, & ideo minor fertilitas: quis eum docuerit, non putant constare: quidam & naves pinxisse usque ad annum quinquagesimum argumentum esse, quod cum Athenis celeberrimo loco Minervæ delubri propylæon pingeret, ubi fecit nobilem Paralum & Hemionida, quam quidam Nausicaam vocant, adjecerit parvulas naves longas in iis, quæ pictores parerga appellant, ut appareret, à quibus initiis ad arcem ostentationis opera sua pervenissent. Palmam habet tabularum ejus Ialysus, qui est Romæ, dicatus in templo Pacis: quem cum pingeret, traditur madidis lupinis vixisse, quoniam simul famem sustinerent & sitim, ne sensus nimia dulcedine obstrueret: huic picturæ quater colorem induxit subsidio injuriæ & vetustatis, ut decedente superiore inferior succederet. Est in eacanis mire factus, ut quæ pariter casus & ars pinxerint: non judicabat se exprimere in eo spumam anhelantis posse, cum in reliqua omni parte (quod difficillimum erat) sibi ipse satisfecisset: displicebat

autem ars ipsa, nec minui poterat, & videbatur nimia, ac longius à veritate discedere, spumaque illa pingi, non ex ore nasci, anxio animi cruciatur, cum in pictura verum esse, non verisimile vellet: absterferat sæpius mutaveratque penicillum, nullo modo sibi approbans: postremo iratus arti, quod intelligeretur, spongiam eam impegit in viso loco: tabule, & illarèposuit ablatos colores qualiter cura optabat: fecitque in pictura fortuna naturam. Hoc exemplo similis & Nealcem successus in spuma equi similiter spongia impacta secutus dicitur, cum pingeret poppyzonta retinentem equum. Canem ita Protogenes monstravit & fortuna. Propter hunc Ialysum, ne cremaret tabulas, Demetrius rex, cum ab ea parte sola posset Rhodum capere, non incendit: parcentemque picturæ fugit occasio victoriæ: erat tunc Protogenes in suburbano hortulo suo, hoc est, Demetrii castris: neque inrerpellatus piciis inchoata opera intermisit omnino, sed accitus à rege interrogatusque, qua fiducia extra muros ageret, respondit, scire se illi cum Rhodiis bellum esse, non cum artibus. Disposuit ergo rex in tutelam ejus stationes, gaudens quod posset manus servare, quibus jam pepercerat: & ne sæpius avocaret, ultro ad eum venit hostis: relictisque victoriæ suæ votis, inter arma & murorum istus spectavit artificem: sequiturque tabulam ejus temporis hæc fama, quod eam Protogenes sub gladio pinxerit: Satyrus hic est, quem Anapavomenon vocant, ne quid desit temporis ejus securitati, tibias tenens. Fecit & Cydippen, Tlepolemon, Philiscum Tragœdiarum scriptorem meditantem, & athletam, & Antigonum regem, & imaginem matris Aristotelis Philosophi: qui etiam suadebat ut Alexandri Magni opera pingeret,

ret, propter æternitatem rerum. Imperus animi & quædam artis libido in hæc potius eum tulere: novissime pinxit Alexandrum, ac Pana. Fecit & signa ex ære, ut diximus. Eadem ætate fuit Afclepiodorus, quem in symmetria mirabatur Apelles: huic Mnafon tyrannus pro duodecim Diis dedit in singulos minas trecenas: idemque Theomnesto in singulos heroas minas centenas. His annumerari debet Nicomachus, Aristodemi filius ac discipulus: pinxit hic raptum Proserpinæ: quæ tabula in Capitolio in Minervæ delubro supra ædiculam Iuventutis: & in eodem Capitolio alia, quam Plancus Imperator posuerat, Victoria quadrigam in sublime rapiens. Hic primus Vlyxi addidit pileum: pinxit & Apollinem & Dianam, Deumque matrem in leone sedentem: item nobiles Bacchas arreptantibus Satyris: Scyllamque, quæ nunc est Romæ in templo Pacis: nec fuit alius in ea arte velocior: tradunt nanque conduxisse pingendum ab Aristrato Sicyoniorum tyranno, quod is faciebat Telesti poëtæ monumentum, præfinito die, intra quem perageretur, nec multo ante venisse, tyranno in pœnam accenso: paucisque diebus absolvisse celeritate & arte mira. Discipulos habuit Aristidem fratrem, & Aristoclem filium, & Philoxenum Eretrium, cujus tabula nullis postferenda, Cassandro regi picta, continuit Alexandri prælium cum Dario: idem pinxit & lasciviam, in qua tres Sileni comessantur. Hic celeritatem præceptoris secutus, breviores etiamnum quasdam picturæ vias & compendiaras invenit. Annumeratur his & Nicophanes, elegans & concinnus, ita ut vetusta opera pingeret propter æternitatem rerum, impetuosi animi, & cui pauci comparentur: cothurnus ei & gravitas artis. Multum à Zeuxide &

Apelle abest Apellis discipulus Perseus, ad quem de hac arte scripsit, qui hujus fuit ætatis Aristidis Thebani discipuli fuerunt & filii, Niceros, & Aristippus, cujus est Satyrus cum scypho coronatus: discipuli ejus fuerunt Antorides & Euphranor, de quibus mox dicemus. Namque subrexi par est minoris picturæ celebres in penicillo, è quibuis fuit Pyreicus arte paucis postferendus: proposito nescio an destruxerit se, quoniam humilia quidem secutus, humilitatis tamen summam adeptus est gloriam: constrinas sutrinæque pinxit, & asellos & obsonia ac similia, ob hoc cognominatus Rhyparographos, in iis consummatæ voluptatis: quippe eæ pluris vāniere, quam maximæ multorum. E diverso meniana, inquit Varro, omnia operiebat Serapionis tabula sub Veteribus: hic scenas optime pinxit, sed hominem pingere non potuit: contra Dionysius nihil aliud, quam homines pinxit, ob id Anthropographus cognominatus. Parva & Callicles fecit: item Calaces comicis tabellis: utraque Antiphilus; nam & Hesionam nobilem pinxit, & Alexandrum ac Philippum cum Minerva, qui sunt in schola in Octaviæ porticibus; & in Philippi, Liberum patrem, Alexandrum puerum, Hippolytum tauro emissio expavescentē: in Pompeia verò Cadmum & Europen: idem jocofo nomine Gryllum ridiculi habitus pinxit: unde hoc genus picturæ grylli vocatur: ipse in Ægypto natus didicit à Ctesidemo. Decet non sileri & Ardeatis templi pictorem, præsertim civitate donatum ibi & carmine, quod est in ipsa pictura his versibus:

*Dignis digna loca picturis condecoravit,
Regina Iunonis suprema conjugis templum,
Marcus Ludius Elotas Ætolia oriundus,
Quem nunc & post semper ob artem hanc Ardea
laudat.* Ea

Ea sunt scripta antiquis literis Latinis. Non fraudando & Ludio Divi Augusti ætate, qui primus instituit amœnissimam parietum picturam, villas, & porticus, ac topiaria opera, lucos, nemora, colles, piscinas, euripos, amnes, litora, qualia quis optarat, varias ibi obambulantium species, aut navigantium, terraque villas adeuntium asellis aut vehiculis: jam piscantes aucupantesque, aut venantes, aut etiam vindemiantes. Sunt in ejus exemplaribus nobiles palustria accessu villæ: succollantium specie mulieres labentes trepidæque feruntur: plurimæ præterea tales argutiæ, & facerissimi sales. Idemque subdialibus maritimas urbes pingere instituit, blandissimo aspectu minimoque impendio: sed nulla gloria artificum est, nisi eorum qui tabulas pinxere: eoque venerabilior apparet antiquitas: non enim parietes excolebant dominis tantum, nec domos uno in loco mansuras, quæ ex incendiis rapi non possent: casula Protogenes contentus erat in hortulo suo: nulla in Apellis tectoriis pictura erat: nondum libebat parietes totos pingere: omnis eorum ars urbibus excubabat: pictorque res communis terrarum erat. Fuit & Arellius Romæ celeberrimus, paulo ante Divum Augustum, nisi flagitio insigni corrupisset artem, semper alicujus sceminae amore flagrans, & ob id Deas pingens, sed dilectarum imagine: itaque in pictura ejus scorta numerabantur. Fuit & nuper gravis ac severus, idemque floridus, humilis rei pictor Amulius: hujus erat Minerva, spectantem aspectans, quacunque aspiceretur: paucis diei horis pingebat, id quoque cum gravitate, quod semper rogatus, quanquam in machinis. Carcer ejus artis domus aurea fuit: & ideo non extant exempla alia magnopere. Post
cum

eum fuere in autoritate Cornelius Pinus & Actius Priscus, qui Honoris & Virtutis ædes Imperatori Vespasiano Augusto restituenti pinxerunt: sed Priscus antiquis similior.

CAP. XI. *De avium cantu compeſcendo, & qui encauſto & penicillo primus lacunaria & cameras pinxerit, ſparſimque pretia mirabilia picturarum.*

Non eſt omittenda in picturæ mentione celebris circa Lepidum fabula: ſiquidem in Triumphatu quodam loco deductus à magiſtratibus in nemoroſum hoſpitiū, minaciter cum iis poſtero die expoſtulavit, ſomnum adeptum ſibi volucrum concentu: at illi draconem in longiſſima membrana depictum circundedere loco: eoque terrore aves tum ſiluiffe narratur, & poſtea cognitum eſt ita poſſe compeſci. Ceris pingere, ac picturam inurere quis primus excogitaverit, non conſtat: quidam Ariſtidis inventum putant, poſtea conſummatum à Praxitele: ſed aliquanto vetuſtiores encauſticæ picturæ extitere, ut Polygnoti & Nicanoris & Arceſilai Pariorum. Lyſippus quoque Æginæ picturæ ſuæ inſcripſit ΕΥΕΓΧΥΟΕΥ, quod poſſe non feciſſet, niſi encauſtica inventa: Pamphilus quoque Apellis præceptor non pinxiſſe tantum encauſtica, ſed etiam docuiſſe traditur Pauſiam Sicyonium primum in hoc genere nobilem: Brietis filius hic fuit, ejuſdemque primo diſcipulus. Pinxit & ipſe penicillo parietes Theſpiis, cum reſcicerentur, quondam à Polygnoto picti, multumque comparatione ſuperatus exiſtimabatur, quoniam non ſuo genere certaviſſet. Idem & lacunaria primus pingere inſtituit: nec cameras ante eum taliter adornari mos fuit: parvas pingebat tabellas, maximeque pueros: hoc æmuli

æmuli eum interpretabantur facere, quoniam tarda picturæ ratio esset illa: quamobrem arti daturus & celeritatis famam, absolvit uno die tabellam, quæ vocata est hemeresios, puero picto. Amavit in juvenia Glyceram municipem suam, inventricem coronarum, certandoque imitatione ejus, ad numerosissimam florum varietatem perduxit artem illam: postremo pinxit illam sedentem cum corona, quæ è nobilissimis ejus tabula appellata est stephanoplocos, ab aliis stephanopolis, quoniam Glycera venditando coronas sustentaverat paupertatem. Hujus tabulæ exemplar, quod apographon vocant, L. Lucullus duobus talentis emit à Dionysio Athenis. Pausias autem fecit & grandes tabulas, sicut spectatam in Pompeii porticibus boum immolationem: eam enim picturam primus invenit, quam postea imitati sunt multi, æquavit nemo. Ante omnia cum longitudinem bovis ostendere veller, adversum eum pinxit, non transversum: unde & abunde intelligitur amplitudo. Dein cum omnes, quæ volunt eminentia videri, candicantia faciant, coloremque condiant nigro: hic totum bovem attri coloris fecit, umbræque corpus ex ipso dedit, magna prorsus arte in æquo extantia ostendens, & in confractio solida omnia. Sicyone & hic vitam egit, diuque fuit illa patria picturæ: tabulas inde è publico omnes propter æs alienum civitatis addictas, Scauri Ædilitas Romam transtulit. Post eum eminuit longe ante omnes Euphranor Isthmius, Olympiade centesima quarta, idem qui inter fictores dictus est à nobis: fecit & colossos & marmora, ac scyphos scalpsit: docilis ac laboriosus ante omnes, & in quocunque genere excellens ac sibi æqualis. Hic primus videtur expressisse dignitates heroum, & usur-

usurpasse symmetriam : sed fuit universitate corporum exilior, capitibus articulisque grandior. Volumina quoque composuit de symmetria & coloribus. Opera ejus sunt, equestre prælium, duodecim Dii : Theseus, in quo dixit, eundem apud Parasium rosa pastum esse, suum verò carne. Nobiles ejus tabulæ Ephesi, Vlixes simulata vesania bovem cum equo jungens, & palliati cogitantes, dux gladium condens. Eodem tempore fuit & Cydias, cujus tabulam Argonautas H-S CXLIV. Hortensius Orator mercatus est, eique ædem fecit in Tusculano suo. Euphranoris autem discipulus fuit Antidorus : hujus est clypeo dimicans Athenis, & luctator, tibicenque inter pauca laudatus : ipse diligentior, quam numerosior, & in coloribus severus, maxime inclaruit discipulo Nicia Atheniensi, qui diligentissime mulieres pinxit : lumen & umbras custodivit, atque ut eminent è tabulis picturæ, maxime curavit. Opera ejus, Nemea advecta ex Asia Romam à Syllano, quam in Curia diximus positam : item Liber pater in æde Concordiæ : Hyacinthus, quem Cæsar Augustus delectatus eo secum deportavit Alexandria capta : & ob id Tiberius Cæsar in templo ejus dicavit hanc tabulam : & Diana, Ephesi verò est Megabyzi sacerdotis Ephesiæ Dianæ sepulchrum : Athenis Necromantia Homeri. Hanc vendere noluit Attalo regi talentis sexaginta, potiusque patriæ suæ donavit, abundans opibus. Fecit & grandes picturas, in quibus sunt Calypso, & Io, & Andromeda : Alexander quoque in Pompeii porticibus præcellens, & Calypso sedens : huic quidem adscribuntur quadrupedes, prosperrime canes expressit. Hic est Nicias de quo dicebat Praxiteles interrogatus quæ maxime opera sua probaret, in marmo-

marmoribus quibus Nicias manum admovisset: tantum ¹⁰ circuncisioni ejus tribuebat. Non satis discernitur, alium eodem nomine, an hunc eundem quidam faciant Olympiade centesima duodecima. Niciæ comparatur, & aliquanto præfertur Athenion Maronites Glaucionis Corinthii discipulus, & austerior colore, & in austeritate jucundior, ut in ipsa pictura eruditio eluceat. Pinxit in templo Eleusine Phylarchum, Athenis frequentiam, quam vocavere polygynæcon: item Achillem virginis habitu occultatum Vlixæ deprehendente: & in una tabula, quaq; maxime inclauit, agasem cum equo: quod nisi in juventa obiisset, nemo ei compararetur. Est nomen & Heraclidi Macedoni: initio naves pinxit: captoque rege Perseo Athenas commigravit, ubi eodem tempore erat Metrodorus pictor, idemque philosophus, magnæ in utraque scientia autoritatis: itaque cum L. Paulus devicto Perseo petisset ab Atheniensibus, ut sibi quam probatissimum philosophum mitterent ad erudiendos liberos, itemque pictorem ad triumphum excolendum, Athenienses Metrodorum elegerunt, professi eundem in utroq; desiderio præstantissimum: quod ita quoque Paulus judicavit. Timomachus Byzantius Cæsaris Dictatoris ætate Ajacem ei pinxit & Medeam, ab eo in Veneris Genitricis æde positas octoginta talentis venundatas. Talentum Atticum ¹¹ XVI taxat M. Varro. Timomachi æque laudantur Orestes, Iphigenia in Tauris, Lecythion agilitatis exercitator, cognatio nobilium: palliati, quos dicturos pinxit, alterum stantem, alterum sedentem: præcipuè tamen ars ei favisse in Gorgone visa est. Pausiæ filius & discipulus Aristolaus è severissimis pictoribus fuit: cujus sunt Epaminondas,

nondas, Pericles, Medea, Virtus, Theseus : imago Atticæ plebis, boum immolatio. Sunt quibus & Mechopanes ejusdem Pauliæ discipulus placeat diligentia, quam intelligant soli artifices, alias durus in coloribus, sed & multus: nam Socrates jure omnibus placet: talesque sunt ejus picturæ, cum Æsculapio filiæ Hygia, Ægle, Panacea, Iaso, & piger qui appellatur Ocnos spartum torquens, quod asellus arrodit. Hactenus indicatis in genere utroque proceribus, non silebuntur & primis proximi: Aristocles, qui pinxit ædem Apollinis Delphis: Antiphilus puero ignem confluente laudatus, ac pulchra alias domo splendente, ipsiusque pueri ore: item lanificio, in quo properant omnium mulierum pensa: Ptolemæo venante: sed & nobilissimo Satyro cum pelle pantherina, quem Aposcoponta appellant. Aristophon Ancæo vulnerato ab apro cum socia doloris Astypale: numerosaque tabula, in qua sunt Priamus, Helena, Credulitas, Vlixes, Deiphobus, Dolon. Androbios pinxit Scyllin ancoras Persicæ classis præcedentem. Artemon Danaen, mirantibus eam prædonibus: reginam Stratonicen, Herculem & Deianiram: Nobilissimis autem, quæ sunt in porticibus Octaviæ, operibus: Herculem ab Oeta monte Doridos exuta mortalitate consensu Deorum in cælum euntem: Laomedontis circa Herculem & Neprunum historiam. Alcimachus Dioxippum qui pancratio Olympiæ citra pulveris ¹² jactum (quod vocant aconiti) vicit. Cænus ¹³ stemmata: Ctesilochus Apellis discipulus petulanti pictura innotuit, Iove Liberum parturiente depicto mitrato, & muliebriter ingemiscente inter obstetricia Dearum: Cleon Admeto: Ctesidemus Oechaliæ expugnatione & Laodamia: Ctesides reginæ Stratonices

tonices injuria: nullo enim honore exceptus ab ea, pinxit volutantem cum piscatore, quem reginam amare sermo erat: eamque tabulam in portu Ephesi proposuit: ipse velis raptus est Regina: tolli vetuit, utriusque similitudine mire expressa. Craterus comædus Athenis in Pompeio pinxit: Eurychides bigam: regit Victoria. Eudorus scena spectatur: idem & ex ære signa fecit. Iphis Neptuno & Victoria. Abron Amicitiam & Concordiam pinxit, & Deorum simulacra. Leontiscus Aratum victorem cum trophæo, psalteriam. Leon Sappho. Nicearchus Venerem inter Gratias & Cupidines: Herculem tristem insanix pœnitentia. Ne alces Venerem, ingeniosus & solers in arte: siquidem cum prælium navale Ægyptiorum & Persarum pinxisset, quod in Nilo, cujus aqua est mari similis, factum volebat intelligi, argumento declaravit, quod arte non poterat: asellum enim in litore bibentem pinxit, & crocodilum insidiantem ei. Oenias Syngenicon. Philiscus officinam pictoris, ignem conflante puero. Phalerion Scyllam. Simonides Agatharchum & Mnemosynen. Simus juvenem requiescentem in officina fullo-nis, Quinquartus celebrantem: idemque Nemesin egregiam. Theodorus verò emungentem: idem ab Oreste matrem & Ægisthum interfici: bellumque Iliacum pluribus tabulis, quod est Romæ in Philippi porticibus: & Cassandram, quæ est in Concordiæ delubro: Leontium Epicuri cogitantem: Demetrium regem. Theon Orestis insaniam, Thamyram citharædum. Tauriscus Discobolum, Clytæmnestram, Paniscum, Polynicem regnum repetentem, & Capanea. Non omit-tetur inter hoc insigne exemplum: nanque Erigonus tritor colorum Nealcæ pictoris in tantum ipse pro-

profecit, ut celebrem etiam discipulum reliquerit
 Pasiā, fratrem Æginetæ fictoris. Illud verò per-
 quam rarum ac memoria dignum, etiam suprema
 opera artificum imperfectasque tabulas, sicut Irin
 Aristidis, Tyndaridas Nicomachi, Medeam Ti-
 momachi, & quam diximus Venerem Apellis, in
 maiori admiratione esse, quam perfecta: quippe
 in iis lineamenta reliqua, ipsæque cogitationes ar-
 tificum spectantur: atque id lenocinio commen-
 dationis dolor est: manus, cum id agerent, ex-
 tinctæ desiderantur. Sunt etiamnum non ignobi-
 les quidem, in transcurso tamen dicendi, Ariston-
 nides, Anaxander, Aristobulus Syrus, Arcesilas
 Tificratis filius, Corybas Nicomachi discipulus,
 Carmanides Euphranoris, Dionysodorus Colo-
 phonius, Diogenes qui cum Demetrio rege vixit,
 Euthymedes, Heraclides Macedo, Mydon Soleus
 Pyromachi statuarii discipulus, Mnastheus Si-
 cyonius, Mnastimus Aristonidis filius & disci-
 pulus, Nessus Abronis filius, Polemon Alexan-
 drinus, Theodorus Samius, & Stadius Nicosthe-
 nis discipuli, Xenon Neoclis discipulus Sicyonius.
 Pinxere & mulieres, Timarete Niconis filia Dia-
 nam in tabula, quæ Ephesi est antiquissimæ pictu-
 ræ: Irene Cratini pictoris filia & discipula puel-
 lam quæ est Eleusine: Calypso senem & præsti-
 giatorem Theodorum: Alcisthene saltatorem:
 Aristarete Nearchi filia, & discipula Æsculapium:
 Lala Cyzicena perpetua virgo Marci Varronis ju-
 venta Romæ & penicillo pinxit, & cestro in ebo-
 re, imagines mulierum maxime, & Neapolita-
 num in grandi tabula: suam quoque imaginem ad
 speculum. Nec ullius velocior in pictura manus
 fuit: artis verò tantum, ut multum¹⁴ manipretio
 antecederet, celeberrimos eadem ætate imaginum
 picto-

pietores Sopylon & Dionysium, quorum tabulæ pinacothecas implent. Pinxit & quædam Olympias: de qua hoc solum memoratur, discipulum ejus fuisse Autobulum. Encausto pingendi duo fuisse antiquitus genera constat, cera, & in ebore cestro, id est, verunculo, donec classes pingi cœpere: hoc tertium accessit, resolutis igni ceris penicillo utendi, quæ pictura in navibus nec sole nec sale ventisque corrumpitur. Pingunt & vestes in Ægypto inter pauca mirabili genere, candida vela postquam attrivere illinentes non coloribus, sed colorem sorbentibus medicamentis: hoc cum fecere, non apparet in velis: sed in cortinam pigmenti ferventis mersa, post momentum extrahuntur picta. Mirumque, cum sit unus in cortina color, ex illo alius atque alius sit in veste, accipientis medicamenti qualitate mutatus: nec postea ablui potest: ita cortina non dubiè confusura colores si pictos acciperet, digerit eos ex ¹⁵ vino, pingitque dum coquit: & adustæ vestes firmiores fiunt, quam si non uterentur.

CAP. XII. *Plastices primi inventores, de simulacris, de vasis fictilibus, & pretio eorum.*

De pictura satis superque: contextuisse his & plasticen conveniat, ejusdem opera terræ. Fingere ex argilla similitudines, Dibutades Sicyonius figulus primus invenit Corinthi filiæ opera: quæ capta amore juvenis, illo abeunte peregre, umbram ex facie ejus ad lucernam in pariete lineis circumscripsit: quibus pater ejus impressa argilla typum fecit, & cum cæteris fictilibus induratum igni proposuit: eunque servatum in nymphæo, donec Corinthum Mummius everteret, tradunt. Sunt, qui in Samo primos omnium plasticen invenisse Rhœcum & Theodorum tradant multo

ante Battidas Corincho pulsos. Demaratum vero ex eadem urbe profugum, qui in Hetruria Tarquinium Priscum regem populi Romani genuit, comitatos fictores Euchira & Eugrammum: ab iis Italiæ traditam plasticen. Dibutadis inventum est, rubricam addere, aut ex rubrica cretam ¹⁶ fingere: primusque personas regularum extremis imbricibus imposuit, quæ inter initia prostypa vocavit: postea idem eÿtpa fecit. Hinc & fastigia templorum orta, propter hunc plastæ appellati. Hominis autem imaginem gypso è facie ipsa primus omnium expressit, ceraque in eam formam gypsi infusa emendare instituit Lysistratus, Sicyonius frater Lysippi, de quo diximus: hic & similitudinem reddere instituit: ante eum quam pulcherrimas facere studebant. Idem & de signis effigiem exprimere invenit: crevitque res in tantum, ut nulla signa statuæve sine argilla fierent: quo apparet antiquiorem hanc fuisse scientiam, quam fundendi ætis. Plastæ laudatissimi fuere Damophilus & Gorgasus, iidemque pictores: qui Cereis ædem Romæ ad Circum maximum utroque genere artis suæ excoluerunt, versibus inscriptis Græcè, quibus significarunt, à dextra opera Damophili esse, à parte læva Gorgasi. Ante hanc ædem Tuscanicâ omnia in ædibus fuisse, autor est. M. Varro: ex hac, cum reficeretur, crustas parietum excisas tabulis marginatis inclusas esse: Item signa ex fastigiis dispersa. Fecit & Chalcoſthenes cruda opera Athenis, qui locus ab officina ejus Ceramicos appellatur. M. Varro tradit sibi cognitum Romæ Posim nomine, à quo factas Romæ uvas, item pisces, ita ut non sit aspectu discernere à veris. Idem magnificat Arcesilaum L. Luculli familiarem, cujus proplasmata pluris vānire

venire solita artificibus ipsis, quam aliorum opera. Ab hoc factam Venerem Genitricem in foro Cæsaris, & priusquam absolveretur, festinatione dedicandi positam: deinde eidem à Lucullo H. S. LX signum Felicitatis locatum, cui mors utriusque inviderit. Octavio equiti Romano cratera facere volenti, exemplar è gypso factum talento. Laudat & Pasitelem, qui plasticem matrem statuariæ sculpturæque & cælaturæ esse dixit, & cum esset in omnibus his summus, nihil unquam fecit, antequam finxit. Præterea elaboratam hanc artem Italiæ, & maxime Etruriæ: Turianumque à Fregellis accitum, cui locaret Tarquinius Priscus effigiem Iovis in Capitolio dicendam: fictilem eum fuisse, & ideo miniari solitum: fictiles in fastigio templi ejus quadrigas, de quibus sæpe diximus. Ab hoc eodem factum Herculem, qui hodieque materiæ nomen in urbe retinet: hæ enim tum effigies Deum erant laudatissimæ: nec poenitet nos illorum, qui tales coluere: aurum enim & argentum ne Diis quidem conficiebant. Durant etiam nunc plerisque in locis talia simulacra. Fastigia quidem templorum etiam in urbe crebra & municipiis mira cælatura, & arte ævique firmitate certiora auro, certè innocentiora: in sacris quidem etiam inter has opes hodie non murrhinis crystalinisve, sed fictilibus prolibatur¹⁷ sumptuosis: innarrabili terræ benignitate, si quis singula æstimet, etiam ut omittantur in frugum, vini, pomorum, herbarum, fruticum, medicamentorum, metallorum generibus, beneficia ejus, quæque adhuc diximus, vel quæ assiduitate faciant figlinarum opera imbricibus, tubulis, regulisque ad balineas hamatis, vel ad tecta costilibus laterculis frontatisque, aut quæ rota fiunt, etiam fictilibus doliis
ad

ad vina excogitatis, & ad aquas. Propter quæ Numma rex septimum collegium figulorum instituit. Quin & defunctos sese multi fictilibus ¹⁸ dolis condi maluerunt, sicut M. Varro, Pythagorico modo in myrti & oleæ atque populi nigrae foliis. Major quoque pars hominum terrenis utitur vasibus: Samia etiamnum in esculentis laudantur. Retinet hanc nobilitatem & Aretium in Italia: at calicum tantum: Surrentum, Asta, Pollentia: in Hispania Saguntum, in Asia Pergamum: habent & Tralleis opera sua, & Mutina in Italia: quoniam & sic gentes nobilitantur. Hæc quoque per maria terrasque ultro citroque portantur, insignibus rotæ officinis. Erythris hodieque in templo ostenduntur amphoræ duæ propter tenuitatem consecratæ, discipuli magistrique certamine, uter tenuiorem humum duceret. Cois laus maxima, Hadrianis firmitas, nonnullis circa hoc severitatis quoque exemplis: Q. Coponium invenimus ambitus damnatum, quia vini amphoram dedisset dono ei, cuius suffragii latio erat. Atque ut luxu quoque aliqua contingat autoritas figlinis, tripatinum, inquit Fenestella, appellabatur summa cœnarum lautitia: una erat murænarum, altera luporum, tertia ¹⁹ myxonis piscis, inclinatis jam scilicet moribus, ut tamen eos præferre Græciæ etiam Philosophis possimus. Siquidem in Aristotelis hæredum auctione LX patinas venisse traditur. Nam nos cum unam Æsopi tragœdiarum histrionis in natura avium diceremus sestertiis c. steterisse, non dubito indignatos legentes. At Hercules, Vitellius in principatu suo c c sestertiis condidit patinam, cui faciendæ fornax in campis exædificata erat: quoniam eo pervenit luxuria, ut etiam fictilia pluris constent, quam murrhina. Propter hanc Mur-

tianus

tianus altero Consulatu suo in 20^o conquisitione exprobravit patinarum paludes Vitellii memoriæ, non illa scdiores, cujus veneno Asprenati reo. Cassius Severus accusator objiciebat, interisse c c xxx convivas. Nobilitantur iis oppida quoque, ut Rhegium, & Cumæ. Samia testa Matris Deüm sacerdotes, qui Galli vocantur, virilitatem amputant, nec aliter citra perniciem, si M. Cælio credamus, qui linguam sic amputandam objecit gravi probro, tanquam & ipse jam tunc eidem Vitellio malediceret. Quid non excogitavit ars? fractis etiam testis utendo sic, ut firmitus durent tuis calce addita, quæ vocant Signina: quo genere etiam pavimenta excogitavit.

C A P. XIII. *Terræ varietates, & de pulvere Puteolano, & aliis terræ generibus, quæ in lapidem vertuntur.*

Verum & ipsius terræ sunt alia segmenta: quis enim satis miretur, pessimam ejus partem, ideoque pulverem appellatum in Puteolanis collibus, opponi maris fluctibus, mersumque protinus fieri lapidem unum inexpugnabilem undis, & fortiorum quotidie, utique si Cumano misceatur cæmento. Eadem est terræ natura & in Cyzicena regione: sed ibi non pulvis, verum ipsa terra qualibet magnitudine excisa & demersa in mare lapidea extrahitur. Hoc idem circa Cassandriam produnt fieri: & in fonte Gnidio dulci intra octo menses terram lapidescere. Ab Oropo quidem Aulidem usque quicquid terræ attingitur mari, mutatur in saxa. Non multum à pulvere Puteolano distat à Nilo harena tenuissima sui parte, non ad sustinenda maria fluctusque frangendos, sed ad debellanda corpora palæstræ studiis: inde certè Patrobio, Neronis principis liberto, advehebatur.

Quin

Quin & Leonato & Cratero ac Meleagro Alexandri Magni ducibus fabulum hoc portari cum reliquis militaribus ²¹ commerciis reperio. Plura de hac parte non sum dicturus, non Hercules magis, quam de terræ usu in ceromatis, quibus exercendo juventus nostra corpora, vires animorum perdidit.

CAP. XVI. *De parietibus formaceis, & lateritiis, & eorum ratione.*

Quid? non in Africa Hispaniaque ex terra parietes, quos appellant, ²² formaceos, quoniam in forma circundatis utrinque duabus tabulis inferciuntur verius, quam instruuntur; ævis durant, incorrupti imbribus, ventis, ignibus, omnique cæmento firmiores? Spectat etiam nunc speculas Annibalis Hispania, terrenasque turres jugis montium impositas. Hinc & cæspitum natura, castorum vallis accommodata; contra fluminum imperus aggeribus. Illini quidem crates parietum luto, & lateribus crudis extrui, quis ignorat? Lateres non sunt è sabuloso, neque harenoso, multoque minus calculoso ducendi solo, sed è cretoso & albicante, aut ex rubrica, vel si jam ex sabuloso, è masculino certè. Finguntur optimè vèrè: nam solstitio timosi sunt: ædificiis non nisi bimos probant: quin & intritam ipsam eorum, prius quam fingantur, macerari oportet. Genera eorum tria: didoron, quo utimur, longum sesquipede, latum pede: alterum tetradoron: tertium pentadoron: Græci enim antiqui doron palmum vocabant, & ideo dora munera, quia manu darentur: ergo à quatuor & quinque palmis, prout sunt, nominantur: eadem est latitudo. Minore in privatis operibus, majore in publicis utuntur in Græcia. Pitænæ in Asia, & in ulterioris Hispaniæ civitatibus

Massia

Massia & Calento fiunt lateres, qui siccati non merguntur in aqua; sunt enim è terra pumicosa, cum subigi potest, utilissima. Græci, præterquam ubi è silice fieri poterat structura, parietes lateritios prætulere: sunt enim æterni, si ad perpendicularum fiant: ideo & in publica opera & regias domos adduntur. Sic struxere murum Athenis, qui ad montem Hymettum spectat: sic Patris ædes Iovis & Hercules quamvis lapideas columnas & epistylia circumdarent: domum Trallibus regiam Attali: item Sardibus Cræsi, quam gerusian fecere: Halicarnassi Mausoli: quæ etiam nunc durant. Lacedæmone quidem excisum lateritiis parietibus opus testorium propter excellentiam picturæ ligneis formis inclusum, Romam deportavere in Ædilitate ad comitium exornandum Muræna & Varro: quod opus cum per se mirum esset, translaturum tamen magis mirabantur. In Italia quoque lateritius murus Aretii & Mevanix est: Romæ non sunt talia ædificia, quia sesquipedalis paries non plus quam unam contignationem tolerat: cautumque est, ne communis crassior fiat, nec intergerinorum ratio patitur.

CAP. XV. De sulphure, alumine, & generibus eorum, & medicina.

Hæc sint dicta de lateribus. In terræ autem reliquis generibus vel maximè mira natura est sulphuris, quo plurima domantur: nascitur in insulis Æoliis inter Siciliam & Italiam, quas ardere diximus: sed nobilissimum in Melo insula. In Italia quoque invenitur, in Neapolitano Campanoque agro, collibus qui vocantur Leucogæi. Quod est cuniculis effossum, perficitur igni. Genera quatuor: vivum, quod Græci apyron vocant, nascitur solidum, hoc est glebosum: eo solo ex omnibus

generibus Medici utuntur : cætera enim liquore constant , & conficiuntur oleo incocta : vivum autem effoditur, translucetque, & viret. Alterum genus appellant glebam, fullonum tantum officinis familiare. Tertio quoque generi unus tantum est usus ad suffiendas lanas, quoniam candorem tantum molliemque confert : egula vocatur hoc genus. Quarto autem ad ellychnia maxime conficienda. Cætero tanta vis est, ut morbos comitiales deprehendat nidore, impositum igni. Lusit & Anaxilaus eo, candens in calice novo, prunaque subdita circumferens, exardescens reperculsu pallorem dirum, velut defunctorum, offundente conviviis. Natura ejus calfacit, concoquit : sed & discutit collectiones corporum : ob hoc talibus emplastris malagmatisque miscetur : renibus quoque & lumbis in dolore cum adipe, mirè prodest impositum : aufert & lichenas à facie cum terebinthi resina, & lepras : Harpasticon vocatur à celeritate avellendi : avelli enim subinde debet. Prodest & suspiriosis linctum : purulenta quoque extussentibus : & contra scorpionum ictus. Vitilignes vivum nitro mistum, atque ex aceto tritum & illitum tollit : item lendes in palpebris, aceto sandarachato admisto. Habet & in religionibus locum ad expiandas suffitu domos. Sentitur vis ejus & in aquis ferventibus : neque alia res facilius accenditur : quo apparet ignium vim magnam etiam ei inesse. Fulmina & fulgura quoque sulphuris odorem habent : ac lux ipsa eorum sulphurea est. Et bituminis vicina est natura, alibi limus, alibi terra : limus è Iudææ lacu, ut diximus, emergens : terra in Syria circa Sidonem oppidum maritimum : spissantur hæc utraque, & in densitatem coeunt. Est vero liquidum bitumen, sicut Zacynthium, & quod

quod à Babylone invehitur : ibi quidem & candidum gignitur : liquidum est & Apolloniaticum, quæ omnia Græci pissasphalton appellant ex argumento picis & bituminis . Gignitur & pingue liquorisque oleacei in Sicilia Agragantino fonte inficiens rivum : incolæ id harundinum paniculis colligunt, citissime sic adhærescens: utuntur eo ad lucernarum lumina olei vice : item ad scabiem jumentorum. Sunt qui & naphtham , de qua in secundo diximus volumine , bituminis generi ascribant : verum ardens ejus vis ignium naturæ cognata,procul ab omni usu abest. Bituminis probatio, ut quam maximè splendeat , sitque ponderosum ac grave : leve autem modice , quoniam adulteratur pice . Vis, quæ sulphuris, sistit, discutit, contrahit, glutinat : serpentes nidore fugat accensum : ad suffusiones oculorum & albugines Babylonium efficax traditur: item ad lepras,lichenas, pruritusque corporum: illinitur & podagris. Omnia autem ejus genera incommodos oculorum pilos replicant: dentium doloribus medentur simul cum nitro illita : tussim veterem & anhelitus cum vino potum emendat: dysentericis etiam datur eodem modo , sistitque alvum. Cum aceto vero potum discutit concretum sanguinem;& detrahit: mitigat lumborum dolores, item articulorum ; cum farina hordeacea impositum , emplastrum peculiare facit sui nominis:sanguinem sistit:vulnera colligat : glutinat nervos . Utuntur etiam ad quartanas bituminis drachma, & ²³ nedyosmi pari pondere cum myrrhæ obolo subacti. Comitiales morbos ustum deprehendit: vulvarû strangulationes olfactum discutit cum vino & castoreo: procidentia sedis suffitu reprimi: purgationes fœminarum in vino potum elicit: in reliquo usu ar-

mentis illinitur, firmatque ea contra ignes. Diximus & tingi solitas ex eo statuas & illini: calcis quoque usum præbuit, ita ferruminatis Babylonis muris. Placet & ferrariis fabrorum officinis tingendo ferro, clavorumq; capitibus, & multis aliis usibus. Nec minor aut ab eo dissimilis est aluminis opera, quod intelligitur falsugo terræ. Plura & ejus genera: in Cypro candidum & nigrum, exigua coloris differentia, cum sit usus magna: quoniam inficiendis claro colore lanis candidum liquidumque utilissimum est, contraque fuscis aut obscuris nigrum: & aurum nigro purgatur. Fit autem omne ex aqua limoque, hoc est, terræ exudantis natura: corrivatum hyeme æstivis solibus maturatur: quod fuerit ex eo præcox, candidius fit. Gignitur autem in Hispania, Ægypto, Armenia, Macedonia, Ponto, Africa: insulis Sardinia, Melo, Lipara, Strongyle: laudatissimum in Ægypto, proximum in Melo. Hujus quoque duæ species, liquidum spissumque: liquidi probatio, ut sit lymphidum lacteumque, sine offensis fricantium, cum quodam igniculo caloris: hoc phorimon vocant: an sit adulteratum, deprehenditur succo Punici mali: syncerum enim mistura ea nigrescit. Alterum genus est pallidæ & scabræ naturæ, & quod inficitur galla: ideoque hoc vocant paraphoron. Vis liquidi aluminis adstringere, indurare, rodere: melle admisto sanat oris hucera, papulas, pruritusque: hæc curatio fit in balineis duabus mellis partibus, tertia aluminis. Virus alarum sudoresque sedat. Sumitur pilulis contra lienis vitia, pellendumq; pruritum ac per urinam sanguinem: emendat & scabiem nitro ac melanthio admistis. Concreti aluminis unum genus schiston appellant Græci, in capillamenta quædam canescentia dehiscens: unde

unde quidam trichitin potius appellavere. Hoc fit
 è lapide, ²⁴ ex quo & chalcitin vocant: ut sit su-
 dor quidam ejus lapidis in spumam coagulatus.
 Hoc genus aluminis siccatur, minusque sistit humo-
 rem inutilem corporibus: sed auribus magnopere
 prodest infusum, vel illitum, vel oris hulceribus
 dentibusque, si saliva cum eo contineatur: & oculo-
 rum medicamentis inseritur aptè, verendisque
 utriusque sexus: coquitur in patinis, donec liquari
 desinat. ²⁵ Interioris est alterum generis, quod
 strongylen vocant: duæ ejus species, fungosum at-
 que omni humore dilui facile: quod in totum
 damnatur: melius pumicosum, & foraminum
 fistulis spongiæ simile, rotundumque natura, can-
 dido propius, cum quadam pinguitudine sine
 harenis friabile, nec inficiens nigritia: hoc co-
 quitur per se carbonibus puris, donec cinis fiat.
 Optimum ex omnibus quod melinum vocant ab
 insula Melo, ut diximus: nulli vis major neque
 adstringendi, neque denigrandi, neque indurandi:
 nullum spissius: oculorum scabritias extenuat:
 combustum utilius epiphoris inhibendis: sic & ad
 pruritus corporis: sanguinem quoque sistit in to-
 tum foris illitum: vulsis pilis ex aceto illitum, re-
 nascentem mollit lanuginem summam. Omnium
 generum vis in adstringendo: unde nomen Græ-
 cis: ob id oculorum vitiis aptissima sunt: sangui-
 nis fluxiones inhibet cum adipe: sic & infantium
 hulcera: putrescentia hulcerum compescit cum
 adipe, & hydropicorum eruptiones siccatur: & au-
 rium vitia cum succo Punici mali: & unguium
 scabritias, cicatricumque duritias & pterygia, ac per-
 niones: phagedænas hulcerum ex aceto, aut cum
 gallia pari pondere cremata: lepras cum succo ole-
 rum: cum salis verò duabus partibus, vitia quæ

serpunt: lendes & alia capillorum animalia, permistum aquæ: sic & ambustis prodest, & fursuribus corporum cum sero & pice. Infunditur & dysentericis: uvam quoque in ore comprimit, ac tonsillas. Ad omnia quæ in cæteris generibus diximus, efficacius intelligitur ex Melo advectum: nam ad reliquos usus vitæ in coriis lanisque perficiendis, quanti sit momenti, significatum est: ab his per se omnia ad medicinas pertinentia terræ genera tractabimus.

CAP. XVI. *De terra Samia, & Eretria, & Chia, & Selinusia, & pigniti, & ampeliti medicina.*

Samia duæ sunt, quæ syropicon, & quæ aster appellantur: prioris laus, ut recens sit & levis, linguæque glutinosa: altera glebosior, candida: utraque uritur, ac lavatur: sunt qui præferant priorem. Profunt sanguinem expuentibus: emplastrisque quæ siccandi causa componuntur, oculorum quoque medicamentis miscentur. Eretria totidem differentias habet: nanque & alba est, & cinerea, quæ præfertur in medicina: probatur molitie, & quod si æra præducantur, violaceum reddit colorem: vis & ratio ejus in medendo dicta est inter pigmenta. Lavatur omnis terra (in hoc enim loco dicemus) perfusa aqua siccataque solibus, iterum ex aqua trita ac reposita, donec confidat, & digeri possit in pastillos: coquitur in calicibus crebro concussu. Est in medicaminibus & Chia terra candicans, effectus ejus, qui Samiæ: usus ad mulierum maxime cutem: idem & Selinusia: lactei coloris est hæc, & aqua dilui celerissima: eademque lacte diluta, & tectoriorum albaria interpolantur.²⁶ Pignitis Eretriæ simillima est, grandioribus tantum glebis & glutinosa, cui effectus

effectus idem qui Cimoliæ, infirmior tamen. Bitumini simillima est ampelitis : experimentum ejus, si ceræ modo accepto oleo lique scat, & si nigricans colos maneat tostæ : usus ad molliendum discutiendumque : ad hæc medicamentis additur, præcipueque in calliblepharis & inficiendis capillis.

CAP. XVII. *Cretæ genera ad vestium usus, Cimolia, Sarda, Umbrica, saxum, argentaria.*

Cretæ plura genera: ex iis Cimoliæ duo ad Medicos pertinentia, candidum, & ad purpurissum inclinans : vis utrique ad discutiendos tumores, & sistendas fluxiones aceto assumpto: Panos quoque & parotidas cohibet : & lichenas illita, pustulasque : si verò aphronitrum ²⁷ & nitrum adjiciatur & acetum, & pedum tumores sanat, ita ut in Sole curatio hæc fiat, ut post sex horas aqua salsa abluatur : testium tumoribus Cypria cera addita prodest. Et refrigerandi quoque natura cretæ est : sudoresque immodicos sistit illita : atque ita papulas cohibet ex vino sumpta in balineis. Laudatur maxime Theslatica : nascitur & in Lycia circa Bubonem. Est & alius Cimoliæ usus in vestibus: nam Sarda, quæ affertur è Sardinia, candidis tantum assumitur, inutilis versicoloribus : & est vilissima omnium Cimoliæ generum : pretiosior Umbrica, & quam vocant saxum : proprietatesque saxi, quod crescit in macerando : atque pondere emitur, illa mensura. Umbrica non nisi poliendis vestibus assumitur: neque enim pigebit hanc quoque partem attingere, cum lex Metella extet fulionibus dicta, quam C. Flaminius, L. Æmilius Censores dedere ad populum ferendam : adeo omnia majoribus curæ fuere. Ergo ordo hic est :

primum abluitur vestis Sarda: dein sulphure sufficitur: mox desquamatur Cimolia, quæ est coloris veri: fucatus enim deprehenditur, nigrescitque, & ²⁸ effunditur sulphure. Veros autem & pretiosos colores emollit Cimolia, & quodam nitore exhilarat contristatos sulphure. Candidis vestibus saxum utilius à sulphure, inimicum coloribus, Græcia pro Cimolia Tymphaico utitur gypso. Alia creta argentaria appellatur nitorem argento reddens. Est & vilissima, qua Circum præducere ad victoriæ notam, pedesq; vernalium trans mare advectorum denotare instituerunt majores. Talemque Publium mimicæ scenæ conditorem, & Astrologiæ consobrinum ejus ²⁹ Manlium Antiochum, item Grammaticæ Taberium Erotem, eadem nave advectos videre proavi.

CAP. XVIII. *Qui & quorum liberti præpotentes.*

Sed quid hos refero aliquo literarum honore commendatos? Talem in catasta videre Chrysgonum Syllæ, Amphionem Q. Catuli, Heronem L. Luculli, Demetrium Pompeii, Augenque Demetrii, quanquam & ipsa Pompeii credita est: Hipparchum M. Antonii, Menam & Menecratem Sex. Pompeii, aliosque deinceps, quos enumerare jam non est, è sanguine Quiritium & proscriptionum licentia ditatos. Hoc est insigne vernalitiis gregibus, opprobriumque insolentis fortunæ: quod & nos adeo potiri rerum vidimus, ut Prætoria quoque ornamenta decerni à Senatu jubente Agrippina Cl. Cæsaris viderimus libertis: tantumq; non cum laureatis fascibus remitti illo, unde cretatis pedibus advenissent.

CAP. XIX. *De terra ex Galata, terra Clupea,
terra Balearica, terra Ebusitana.*

Præterea sunt genera terræ proprietatis suæ, de quibus jam diximus : sed & hoc loco reddenda natura : ex Galata insula, & circa Clupeam Africæ, scorpiones necat : Balearis & Ebusitana serpentes.

LIBER XXXVI.

Proœmium.

CAP. I. *Natura lapidum, ac marmorum luxuria.*

LAPIDVM natura restat, hoc est, præcipua morum insania, etiam ut gemmæ cum succinis, atque crysalli cum murrhinis sileantur. Omnia nanque, quæ usque ad hoc volumen tractavimus, hominum causa genita videri possunt. Montes natura sibi fecerat ad quasdam compages telluris visceribus densandas, simul ad impetus fluminum domandos, fluctusque frangendos, ac minime quietas partes coercendas durissima sui materia. Cædimus hos, trahimusque nulla alia, quam deliciarum, causa, quos transcendisse quoque mirum fuit. In portento prope majores habuere Alpeis ab Annibale exuperatas, & postea à Cimbris: nunc ipsæ cæduntur in mille genera marmorum: promontoria aperiantur mari, & rerum natura agitur in planum. Evehimus ea, quæ separandis gentibus pro terminis constituta erant: navesque marmorum causa fiunt, ac per fluctus, sævissimam rerum naturæ partem, huc illucque portantur juga montium, majore etiamnum vesania, quam cum ad frigidos
V. 5. potus.

porus vas petitur in nubila, cæloque proximæ rupes cavantur, ut bibatur glacie. Secum quisque cogitet, quæ pretia horum audiat, quas vehi trahique moles videat: sed & quam sine his multorum fuerit beator vita, ad quamque multorum necesse sit necesse ista facere, imo verius pati mortaleis; quos ad usus, quasve ad voluptates alias, nisi ut inter maculas lapidum jaceant: ceu verò non tenebris noctium dimidiæ parti vitæ cujusque gaudia hæc auferentibus. Ingens ista reputantem subit etiam antiquitatis rubor: extant Censoriæ leges, glandia in cœnis, gliresque, & alia dictu minora apponi vetantes: marmora invehi, & maria hujus rei causa transiri, quæ vetaret, lex nulla lata est.

CAP. II. *Quis primus marmor in publicis operibus ostenderit.*

Dicat fortassis aliquis: non enim invehebantur; id quidem falso. Trecentas LX columnas M. Scauri Ædilitate ad scenam theatri temporarii, & vix uno mense futuri in usu, viderunt portari silentio legum. Sed publicis nimirum indulgentes voluptatibus; id ipsum cur? aut qua magis via irrepunt vitia, quam publica? Enimvero non alio modo in privatos usus illa venere, ebora, aurum, gemmæ: aut quid omnino Diis relinquimus? Verum esto, indulserint publicis voluptatibus, etiamne tacuerunt maximas earum, atque adeo duodequadragenum pedum, Lucullei marmoris in atrio Scauri collocari? Nec clam illud occulteque factum est: fatisdari sibi damni infecti egit redemptor cloacarum, cum in Palatium extraherentur. Non ergo in tam malo exemplo moribus cavere utilius fuerat, quam tacere tantas moles in privatam domum trahi præter fictilia Deorum fastigia?

CAP. III. *Quis primus peregrino marmore columnas habuerit Romæ.*

Nec potest videri Scaurus rudi & hujus mali improvidæ civitati obrepfisse quodam vitæ rudimento : jam enim L. Crassum Oratorem illum, qui primus peregrini marmoris columnas habuit in eodem Palatio, Hymettias tamen nec plures sex aut longiores duodenum pedum; M. Brutus in jurgiis ob id Venerem Palatinam appellaverat. Nimirum ista omisere, moribus victis, frustra que interdicta quæ vetuerant cernentes, nullas potius, quam irritas, esse leges maluerunt. Qui nos sequentur, meliores non esse probabunt : quis enim tantarum hodie columnarum atrium habet ? Sed prius, quam de marmoribus dicamus, hominum in iis præferenda dicemus pretia : anteigitur artifices percensebimus.

CAP. IV. *Qui primum laudati in marmore scalpendo, & quibus temporibus.*

Marmore scalpendo primi omnium inclaruerunt ¹ Dipœnus & Scyllis geniti in Creta insula, etiamnum Medis imperantibus, priusque quam Cyrus in Persis regnare inciperet, hoc est, Olympiade circiter L. Ii Sicyonem se contulere, quæ diu fuit officinarum omnium metallorum patria. Deorum quorundam simulacra publice locaverant Sicyonii, quæ prius quam absolverentur, artifices injuriam questu abierunt in Ætolos : protinus Sicyonios fames invasit ac sterilitas, mœrorumque dirus : remedium petentibus Apollo Pythius affuturum respondit, si Dipœnus & Scyllis Deorum simulacra perfecissent : quod magnis mercedibus obsequiisque impetratum est. Fuere autem simulacra ea Apollinis, Dianæ, Herculis, Minervæ, quod è cælo postea tactum est.

CAP. V.

Cum ii essent, jam fuerant in Chio insula Ma-
las sculptor, dein filius ejus Micciades, ac deinde
nepos Anthermus Chius, cujus filii Bupalus &
Anthermus clarissimi in ea scientia fuere, Hippona-
ctis Poëtæ ætate, quem certum est LX Olympi-
adiæ fuisse. Quod si quis horum familiam ad pro-
avum usque retro agat, inveniet artis originem
cum Olympiadum origine cœpisse. Hipponacti
notabilis fœditas vultus erat: quamobrem imagi-
nem ejus lascivia jocorum ii proposuere riden-
tium circulis: quod Hipponax indignatus, ama-
ritudinem carminum distinxit in tantum, ut cre-
datur aliquibus ad laqueum eos compulisse: quod
falsum est: complura enim in finitimis insulis si-
mulacra postea fecere, sicut in Delo, quibus sub-
jecerunt carmen, non vitibus tantum censerî
Chium, sed operibus Anthermi filiorum. Osten-
dunt & Iasii Dianam manibus eorum factam: &
in ipsa Chio narrata est operis eorum Dianæ fa-
cies in sublimi posita, cujus vultum intrantes tri-
stem, exeuntes exhilaratum putant. Romæ signa
eorum sunt in Palatina æde Apollinis in fastigio,
& in omnibus fere quæ Divus Augustus fecit, Pa-
tris quoque eorum & Deli fuere opera, & in
Lesbo insula. Diphœni quidem Ambracia, Ar-
gos, Cleone, operibus refertæ fuere. Omnes au-
tem tantum candido marmore usi sunt è Paro in-
sula, quem lapidem cœpere lychniten appellare,
quoniam ad lucernas in cuniculis cæderetur, ut
autor est Varro, multis postea candidioribus re-
pertis, nuper etiam in Lunensium lapidicinis. Sed
in Pariorum mirabile proditur, gleba lapidis unius
cuneis

cuneis dividendium soluta, imaginem Sileni intus
 extitisse. Non omittendum, hanc artem tanto ve-
 rustiorem fuisse, quam picturam aut statuariam,
 quarum utraq; cum Phidia cœpit LXXXIII Olympiade,
 post annos circiter CCCXXXII. Et ipsum
 Phidiam tradunt scalpsisse marmora. Veneremque
 ejus esse Romæ in Octaviæ operibus, eximiæ pul-
 chritudinis: Alcamenem Atheniensem (quod cer-
 tum est) docuit in primis nobilem, cujus sunt ope-
 ra Athenis complura in ædibus sacris, præclaraque
 Venus extra muros, quæ appellatur Aphrodite *ἐν
 χίπρις*: Huic summam manum ipse Phidias im-
 posuisse dicitur. ² Ejusdem discipulus fuit Agora-
 critus Parius, ei ætate gratus: itaque è suis operi-
 bus pleraque nomini ejus donasse fertur: certa-
 vere autem inter se ambo discipuli in Venere fa-
 cienda: vicitque Alcamenes non opere, sed civi-
 tatis suffragiis, contra peregrinum suo faventis:
 quare Agoracritus ea lege signum suum vendidisse
 traditur, ne Athenis esset, & appellasse Nemesim:
 id positum est Rhamnunte pago Atticæ, quod
 M. Varro omnibus signis prætulit: est & in Ma-
 tris magnæ delubro in eadem civitate Agoracriti
 opus. Phidiam clarissimum esse per omnes gentes,
 quæ Iovis Olympii famam intelligunt, nemo du-
 bitat: sed ut merito laudari sciant etiam qui opera
 ejus non viderunt, proferemus argumenta parva
 & ingenii tantum: neque ad hoc Iovis Olympii
 pulchritudine utemur, non Minervæ Athenis fa-
 ctæ amplitudine, cum sit ea cubitorum XXVI ebo-
 re hæc & auro constet: sed scuto ejus, in quo
 Amazonum prælium cælavit intumescente ambi-
 tu parmæ, ejusdem concava parte Deorum & gi-
 gantum dimicationem, in soleis verò Lapitharum
 & Centauroorum: adeo momenta omnia com-
 pacta

pãcta artis illius fuere. In base autem quod cala-
 tum est, Pandoras genesin appellavit : ibi Dii sunt
 xxx numero nascentes ; Victoria præcipuè mira-
 bili : periti mirantur & serpentem, & sub ipsa cu-
 spide æream sphingem. Hæc sunt obiter dicta de
 artifice nunquam satis laudato , simul ut noscatur
 illam magnificentiam æqualem fuisse & in parvis.
 Praxitelis ætatem inter statuarios diximus , qui
 marmoris gloria superavit etiam semet opera ejus
 sunt Athenis in Ceramico, sed ante omnia, & non
 solum Praxitelis, verum & in toto terrarum Ve-
 nus , quam ut viderent multi, navigaverunt Gni-
 dum. Duas fecerat, simulque vendebat, alteram
 velata specie , quam ob id quidem prætulerunt
 optione, quorum conditio erat, Coi , cum alte-
 ram etiam eodem pretio detulisset, severum id ac
 pudicum arbitantes : rejectam Gnidii emerunt,
 immensa differentia famæ. Voluit eam postea à
 Gnidiiis mercari rex Nicomedes , totum æs civi-
 tatis alienum, quod erat ingens, dissoluturum se
 promittens : omnia perpeti maluere, nec imme-
 rito : illo enim signo Praxiteles nobilitavit Gni-
 dum. Ædicula ejus tota aperitur, ut conspici possit
 undique effigies Dææ, favente ipsa , ut creditur,
 facto : nec minor ex quacunque parte admiratio
 est : ferunt amore captum quendam, cum deli-
 tuisset noctu, simulachro cohæsisse, ejusque cu-
 piditatis esse indicem maculam. Sunt in Gnido &
 alia signa marmorea illustrium artificum, Liber
 pater Bryaxidis, & alter Scopæ, & Minervæ : nec
 majus aliud Veneris Praxitelicæ specimen, quam
 quod inter hæc sola memoratur. Ejusdem est &
 Cupido objectus à Cicerone Verri ; ille propter
 quem Thespiæ visebantur, tunc in Octaviæ scho-
 lis positus. Ejusdem & alter nudus in Pario colo-
 nia

nia Propontidis, par Veneri Gnidia nobilitate & injuria : adamavit enim eum Alchidas Rhodius, atque in eo quoque simile amoris vestigium reliquit. Romæ Praxitelis opera sunt, Flora, Triptolemus, Ceres in hortis Servilianis, boni Eventus & bonæ Fortunæ simulachra in Capitolio : item & Mænades, & quas Thyadas vocant, & Caryatides, & Sileni in Asini Pollionis monumentis, & Apollo & Neptunus. Praxitelis filius Cephissodorus rei & artis hæres fuit: cujus laudatum est Pergami symplegma, signum nobile, digitis corpori verius, quam marmori, impressis. Romæ ejus opera sunt Latona in Palatii delubro : Venus in Asinii Pollionis monumentis : & intra Octaviæ porticus in Iunonis æde Æsculapius ac Diana. Scopæ laus cum his certat : is fecit Venerem & Pothon & Phaethontem, qui Samothraciæ sanctissimis ceremoniis coluntur : item Apollinem Palatinum, Vestam sedentem laudatam in Servilianis hortis, duasque chamæteras circa eam, quarum pares in Asinii monumentis sunt, ubi & Canephorus ejusdem. Sed in maxima dignatione Cn. Domitii delubro in Circo Flaminio Neptunus ipse, & Thetis, atque Achilles, Nereides supra Delphinos & cete & hippocampas sedentes : item tritones, chorusque Phorci & pristes, ac multa alia marina, omnia ejusdem manus, præclarum opus etiam si totius vitæ fuisset. Nunc verò præter supra dicta, quæque nescimus, Mars est etiamnum sedens colosseus ejusdem in templo Bruti Callaici apud Circum eundem ad Labiacanam portam eunti. Præterea Venus in eodem loco nuda Praxitelicam illam Gnidiam antecedens, & quencunq; alium locum nobilitatura. Romæ quidem magnitudo operum eam oblitterat, ac magni officio-

officiorum negotiorumque acervi omnes à contemplatione talium abducunt, quoniam otiosorum & in magno loci silentio apta admiratio talis est. Qua de causa ignoratur artifex ejus quoque Veneris, quam Vespasianus Imperator in operibus Pacis suæ dicavit, antiquorum dignam fama. Par hæsitatio est in templo Apollinis Sossiani, Nioben cum liberis morientem Scopas an Praxiteles fecerit: item Janus pater in suo templo dicatus ab Augusto ex Ægypto advectus, utrius manus sit, jam quidem & auro occultatus. Similiter in Curia Octaviæ quæritur de Cupidine fulmen tenente: id demum affirmatur, Alcibiadem esse principem forma in ea ætate. Multa in eadem schola sine autoribus placent: Satyri quatuor, ex quibus unus Liberum patrem palla velatus humeris præfert: alter Liberum similiter: tertius ploratum infantis cohibet: quartus cratere alterius sitim sedat: duæque Auræ velificantes sua veste. Nec minor quæstio est in Septis, Olympum & Pana Chironemque cum Achille qui fecerint, præsertim cum capitali satisfactione fama judicet dignos. Scopas habuit æmulos eadem ætate Bryaxin & Timotheum: & Leocharem, de quibus simul dicendum est, quoniam pariter cælavere Mausoleum: sepulchrum hoc est ab uxore Artemisia factum Mausolo Carixæ regulo, qui obiit Olympiadis centesimæ anno secundo: opus id ut esset inter septem miracula ii maxime artifices fecere: patet ab Austro & Septentrione sexagenos ternos pedes, brevius à frontibus, toto circuitu pedes quadringentos XI attollitur in altitudinem XXV cubitis: cingitur columnis XXXI: ab oriente cælavit Scopas, à septentrione Bryaxis, à meridie Timotheus, ab occasu Leochares: priusque quam peragerent, regina Arte-

Artemisia, quæ mariti memoriæ id opus extrui
 jusserrat, obiit: non tamen recesserunt, nisi abso-
 luto jam, id gloriæ ipsorum artisque monumen-
 tum judicantes hodiæque certant manus. Accessit
 & quintus artifex: namque supra pteron pyramis
 altitudine inferiorem æquavit, xxiv gradibus in
 metæ cacumen se contrahens: in summo est qua-
 driga marmorea, quam fecit Pythis: hæc adjecta
 cxi pedum altitudine totum opus includit. Ti-
 mothei manu Diana Romæ est in Palatio, Apol-
 linis delubro, cui signo caput reposuit Aulanius
 Evander. In magna admiratione est & Hercules
 Menestrati: & Hecate Ephesi in templo Dianæ
 post ædem, in cujus contemplatione admonent
 ædici parcere oculis, tanta marmoris radiatio est.
 Non postferuntur & Charites in propylæo Athe-
 nienfium, quas Socrates fecit, alius ille quam pi-
 ctor; idem ut aliqui putant: nam Myronis illius,
 qui in ære laudatur, anus ebria est Smyrnæ in pri-
 mis inclyta. Pollio Asinius, ut fuit acris vehemen-
 tiæ, sic quoque spectari monumenta sua voluit:
 in iis sunt Centauri nymphas gerentes Archeftæ,
 Thespiades Cleomenis, Oceanus & Iupiter Ento-
 chi, Hippiades Stephani, Hermerotes Taurisci,
 non cælatoris illius, sed Tralliani: Iupiter hospi-
 talis Pamphili Praxitelis discipuli. Zetus & Am-
 phion ac Dirce & taurus, vinculumque ex eodem
 lapide, Rhodo advefta opera Apollonii & Tau-
 risci. Parentum ii certamen de se fecere: Mene-
 cratem videri professi, sed esse naturalem Arte-
 midorum. Eodem loco Liber pater Eutyichidis
 laudatur: ad Octaviæ verò porticum Appollo Phi-
 lisci Rhodii in delubro suo. Item Latona & Dia-
 na, & Musæ novem, & alter Appollo nudus:
 eum, qui citharam in eodem templo tenet, Ti-
 marchi-

marchides fecit. Intra Octaviae verò porticus in
 aede Iunonis ipsam Deam Dionysius & Polydes:
 aliam Venerem eodem loco Philiscus: cætera si-
 gna Praxiteles. Item Polydes & Dionysius Timar-
 chidis filii Iovem, qui est in proxima aede; fece-
 runt. Pana & Olympum luctantes, eodem loco
 Heliodorus, quod est alterum in terris symplegma
 nobile: Venerem lavantem sese: Dædalum stan-
 tem Polycharmus. Ex honore apparet in magna
 autoritate habitum Lysiae opus, quod in Palatio
 super arcum Divus Augustus honori Octavii pa-
 tris sui dicavit in ædícula columnis adornata: id
 est quadriga currusque, & Apollo ac Diana ex uno
 lapide. In hortis Servilianis reperio laudatos, Ca-
 lamidis Apollinem illius cælatoris, Daëtylidis Py-
 thias, Amphistrati Callisthenem historiarum scri-
 ptorem. Deinde multorum obscuri fama est,
 quorundam claritati in operibus eximiis obstante
 numero artificum, quoniam nec unus occupat
 gloriam, nec plures pariter nuncupari possunt, si-
 cut in Laocoonte, qui est in Titi Imperatoris do-
 mo, opus omnibus & picturæ & statuariæ artis
 præferendum: ex uno lapide eum & liberos dra-
 conumque mirabiles nexus, de consilii sententia
 fecere summi artifices Agesander & Polydorus &
 Athenodorus Rhodii. Similiter Palatinas domos
 Cæsarum replevere probatissimis signis Craterus
 cum Pythodoro, Polydesces cum Hermolao, Py-
 thodorus alius cū Artemone, & singularis Aphro-
 disius Trallianus. Agrippæ Pantheum decoravit
 Diogenes Atheniensis: & Caryatides in columnis
 templi ejus probantur inter pauca operum: sicut
 in fastigio posita signa, sed propter altitudinem
 loci minus celebrata. Inhonorus est, nec in tem-
 plo ullo Hercules, ad quem Pœni omnibus annis
 humana

humana sacrificaverunt victima, humi stans, ante
aditum porticus ad nationes: sitæ fuere & The-
spiades ad ædem Felicitatis, quarum unam adama-
vit eques Romanus Iunius Pisciculus, ut tradit
Varro: admiratur & Pasiteles, qui & quinque
volumina scripsit nobilium operum in toto orbe,
Natus hic in Græciæ Italiæ ora, & civitate Ro-
mana donatus cum iis oppidis, Iovem fecit ebur-
neum in Metelli æde, qua campus petitur. Accidit
ei, cum in navalibus, ubi feræ Africanæ erant, per
caveam intuens leonem cælarer, ut ex alia cavea
panthera erumperet, non levi periculo diligentis-
simi artificis: fecisse opera complura dicitur: sed
quæ fecerit, nominatim non refertur. Arcesilaum
quoque magnificat Varro, cuius se marmoream
habuisse leonem tradit, aligerosque ludentes cum
ea Cupidines, quorum alii religatam tenerent, ali-
i è cornu cogerent bibere, alii calcearent soccis,
omnes ex uno lapide. Idem & à Coponio xiv na-
tiones, quæ sunt circa Pompeii, factas autor est.
Invenio & Canachum laudatum inter statuarios,
fecisse marmorea: nec Sauron atque Battachum
obliterari convenit, qui fecere templa Octaviæ
porticibus inclusa, natione ipsi Lacones: quidam
& opibus præpotentes fuisse eos putant, ac sua
impensa construxisse, inscriptionem sperantes:
qua negata, hoc tamen alio loco & modo usur-
passe: sunt certe etiamnum in columnarum spiris
inscalpta, nominum eorum argumento, rana at-
que lacerta. In Iovis æde extitisse picturam, cul-
tusque reliquos omnes scæmineis argumentis con-
stat: etenim facta Iunonis æde cum inferrentur
signa, permutasse geruli traduntur: & id religione
custoditum, velut ipsis Diis sedem ita partitis:
ergo & in Iunonis æde cultus est, qui Iovis esse
debit.

debut. Sunt & in parvis marmoreis famam consecuti, Myrmecides, cuius quadrigam cum agitatore cooperuit alis musca: & Callicrates, cuius formicarum pedes atque alia membra pervidere non est.

CAP. VI. *Quando primum marmorum in
edificiis usus, & quis primus Roma crusta-
verit parietes, & quibus atatibus qua-
que marmora in usum venerint, &
quis primus marmora secue-
rit, & ratio secandi:
de harena.*

Hæc sint dicta de marmorum sculptoribus, summaque claritate artificum: quo in tractatu subit mentem non fuisse tum auctoritatem maculoso marmori: fecere è Thasio, Cycladum insularum, æque è Lesbio: lividius hoc paulo: versicolores quidem maculas, & in totum marmorum apparatus Menander etiam diligentissimus luxuriæ interpretes, primus & raro attigit. Columnis demum utebantur in templis, nec lautitiæ causa (nondum enim ista intelligebantur) sed quia firmiores aliter statui non poterant. Sic est inchoatum Athenis templum Iovis Olympii, ex quo Sylla Capitolinis ædibus advexerat columnas. Fuit tamen inter lapidem atque marmor differentia jam & apud Homerum: dicit enim Paridis os marmoreo saxo percussum: sed hætenus, regias quoque domos cum laudatissime præter æs, aurum, electrum, argentum, ebore tantum adornans. Primum (ut arbitror) versicolores istas maculas Chiorum lapidicinæ ostenderunt, cum extruerent muros, faceto in id M. Ciceronis sale: omnibus enim ostentabant, ut magnificum: multo, inquit, magis mirarer, si Tiburtino lapide fecissetis. Et Hercules

cules non fuisset picturæ honos ullus, non modo
 tantus, in aliqua marmorum autoritate. Secandi
 marmor in crustas nescio an Cariæ fuerit inven-
 tum: antiquissima, quod equidem inveniam, Ha-
 licarnassi Mausoli domus Proconnesio marmore
 exculta est, lateritiis parietibus: is obiit Olympi-
 dis c. anno 11, urbis Romæ anno ccc 11. Pri-
 mum Romæ parietes crusta marmoris operuisse
 totius domus suæ in Cælio monte Cornelius Ne-
 pos tradidit Mamurram Formiis natum, equitem
 Romanum, præfectum fabrorum C. Cæsaris in
 Gallia. Neque indignatio sit tali autore inventa re:
 hic namque est Mamurra Catulli Veronensis car-
 minibus proscissus, quem, ut res est, domus ipsius
 elarius, quam Catullus, dixit habere, quicquid ha-
 buisset Comata Gallia: nanque adjecit idem Ne-
 pos, eum primum totis ædibus nullam nisi è mar-
 more columnam habuisse, omnes solidas è Cary-
 stio aut Lunensi. Denique M. Lepidus Catuli in
 Consulatu collega, primus omnium limina ex Nu-
 midico marmore in domo posuit magna repre-
 hensione: is fuit Consul anno urbis D c LXVI. Hoc
 primum inveci Numidici marmoris vestigium
 invenio, non in columnis tantum crustisve, ut
 Mamurra Carystium posuit, sed in massa ac vilis-
 simo ligninum usu. Post hunc Lepidum fermè qua-
 driennio L. Lucullus Consul fuit, qui nomen (ut
 apparet ex re) Luculleo marmori dedit, admodum
 delectatus illo, primusque Romam invexit, atrum
 alioqui, cum cætera maculis aut coloribus com-
 mendentur: nascitur autem in Nili insula, solum-
 que penè horum marmorum ab amatore nomen
 accepit. Inter hos primum (ut arbitror) marmo-
 reos parietes habuit scena M. Scauri, non facile
 dixerim sectos, an solidis glebis positos, sicuti est
 hodie

hodie Iovis Tonantis ædes in Capitolio : nondum enim secti marmoris vestigia invenerat Italia. Sed quisquis primum invenit secare, luxuriamq; dividere, importuni ingenii fuit. Harena hoc fit, & ferro videtur fieri, serra in prætenui lineapremente harenas, versandoq; tractu ipso secante. Æthiopica hæc maxime probatur: nam id quoque accessit, ut ad Æthiopas usque peteretur, quod faceret marmora: imo vero etiam in Indos, unde margaritas quoque peti severis moribus indignum erat: hæc proxime laudatur: mollior tamen, quæ Æthiopica: illa nulla scabritie secat: Indica non æque lævigat: sed ea combusta polientes marmora fricare jubentur. Simile & Naxiæ vitium est, & Coptidi, quæ vocatur Ægyptia. Hæc fuere antiquis genera marmoribus secandis: postea reperta est harena nō minus probanda, ex quodam Adriatici maris vado, æstu nudante, observatione non facili. Iam quidem quacunque harena secare è fluviis omnibus fraus artificū ausa est: quod dispendium admodum pauci intelligunt: crassior enim harena laxioribus segmentis terit, & plus erodit marmoris, majusque opus scabrigia polituræ relinquit: ita sectæ attenuantur crustæ. Rursusque Thebaica polituris accommodatur, & quæ sit è poro lapide aut è pumice.

CAP. VII. *De Naxio, & Armenio, & de generibus marmorum.*

Signis è marmore poliendis, gemmisque etiam scalpendis atq; limandis, Naxium diu placuit ante alia: ita vocantur cores in Cypro insula genitæ: vicere postea ex Armenia vectæ. Marmorum genera & colores non attinet dicere in tanta notitia: nec facile est enumerare in tanta multitudine: quo quoque enim loco non suum marmor invenitur:

tur: & tamen celeberrimi generis dicta sunt in ambitu terrarum cum gentibus suis. Non omnia tamen in lapidicinis gignuntur, sed multa & sub terra sparsa. Pretiosissimi quidem generis Lacedæmonium viride, cunctisque hilarius: sic & Augustum, ac deinde Tiberium, in Ægypto Augusti ac Tiberii primum principatu reperta. Differentiaque eorum est ab ophite, cum sit illud serpentium maculis simile, unde & nomen accepit, quod hæc maculas diverso modo colligunt, Augustum undatim crispum in vertices, Tiberium sparsim convoluta canitie. Neque ex ophite columnæ, nisi parvæ admodum, inveniuntur: duo ejus genera, molle candidum, nigricans durum. Dicuntur ambo capitis dolores sedare adalligati, & serpentium ictus: quidam phreneticis ac lethargicis adalligari jubent candicantem: contra serpentes autem à quibusdam laudatur præcipuè ex his, quem tephriam appellant, à colore cineris. Vocatur & Memphites à loco, gemmantis naturæ: hujus usus conteri, & iis, qui urenda sint aut secanda, ex aceto illini: obstupefcit ita corpus, nec sentit cruciatum. Rubet porphyrites in eadem Ægypto: ex eo, candidis intervenientibus punctis, leucostictos vocatur: quantislibet molibus cædendis sufficiunt lapidicinæ: statuas ex eo Cl. Cæsari procurator ejus in urbem ex Ægypto advexit Triarius Pollio, non admodum probata novitate: nemo certe postea imitatus est. Invenit eadem Ægyptus in Æthiopia, quem vocant basalten, ferrei coloris atque duritiæ: unde & nomen ei dedit. Nunquam hic major repertus est, quam in templo Pacis ab Imperatore Vespasiano Augusto dicatus: argumento Nili xvi liberis circa ludentibus, per quos totidem cubiti summi incrementi augentis se amnis intelliguntur.

guntur. Non ab similibus illi narratur in Thebis deubro Serapis, ut putant, Memnonis statua dicatur: quem quotidiano Solis ortu contactum radiis, crepare dicunt. Onychen etiamnum in Arabia montibus, nec usquam aliubi, nasci putavere nostri veteres: Sudines in ³ Germania: potioriis primum vasis inde factis, dein pedibus lectorum sellisque; Cornelius Nepos tradit fuisse magno miraculo, cum P. Lentulus Spinter amphoras ex eo Chiorum magnitudine cadorum ostendisset: post quinquennium deinde triginta duorum pedum longitudine columnas vidisse se. Variatum in hoc lapide postea est: namque pro miraculo insigni, quatuor modicas in theatro suo Cornelius Balbus posuit: nos ampliores triginta vidimus in cœnatione, quam Callistus Cæsaris Claudii libertorum potentia notus sibi ex ædificaverat.

CAP. VIII. De alabastrite, & Lydino,

& Alabandico.

Hunc aliqui lapidem alabastriten vocant, quem cavant ad vasa unguentaria, quoniam optime servare incorrupta dicitur: idem & ustus emplastris convenit. Nascitur circa Thebas Aegyptias, & Damascus Syriæ: hic cæteris candidior: probatissimus vero in Carmania, mox in India: jam quidem & in Syria Asiaque: vilissimus autem & sine ullo nitore in Cappadocia. Probantur quam maxime mellei coloris, in vertice maculosi atque non transludici: vitia in iis corneus color aut candidus, & quicquid simile vitro est. Paulum distare ab eo in unguentorum fide multi existimant Lygdinos in ⁴ Tauro repertos, amplitudine, qua lances craterasque non excedant, antea ex Arabia tantum advehi solitos candoris eximii. Magnus & duobus contrariæ inter se naturæ honos, Coralicico

ralitico in Asia reperto, mensuræ non ultra bina cubita, candore proximo ebori & quadam similitudine: è diverso niger est Alabandicus terræ suæ nomine, quanquam & Miletî nascens, ad purpuram tamen magis aspectu declinante: idemque liquatur igni, ac funditur ad usum vitri. Thebaicus intertinctus aureis guttis, invenitur in Africæ parte Ægypto adscriptæ^s coticulis ad terenda collyria quadam utilitate naturali conveniens. Circa Syenen vero Thebaidis Syenites, quem ante pyrrhocæilon vocabant: trabes ex eo fecere reges quodam certamine obeliscos vocantes, Solis numini sacratos: radiorum ejus argumentum in effigie est, & ita significatur nomine Ægyptio. Primus omnium id instituit Mitres, qui in Solis urbe regnabat, somnio jussus: & hoc ipsum inscriptum est in eo: etenim sculpturæ illæ effigiesque, quas videmus, Ægyptiæ sunt literæ. Postea & alii regum in supra dicta urbe; Sochis quatuor numero quadragenûm octonûm cubitorum longitudine: Ramises autem is, quo regnante Ilium captum est, quadraginta cubitorum: idem digressus inde, ubi fuit Mneuidis regia, posuit alium, longitudine undecenis pedibus, per latera cubitis quatuor.

CAP. IX. De obelisco Thebaico, & Alexandrino,
& de illo qui est in Circo magno.

Opus id fecisse dicuntur xx M hominum. Ipse rex, cum subreçturus esset, verereturque ne machinæ ponderi non sufficerent, quo majus periculum curæ artificum denuntiaret, filium suum adalligavit cacumini, ut salus ejus apud molientes prodesset lapidi. Hac admiratione operis effectum est, ut cum oppidum id expugnaret Cambyses rex, ventumque esset incendio ad crepidines obelisci, extingui ignem juberet molis reverentia, qui urbis

nullam habuerat. Sunt & alii duo, unus à Smarreo positus, alter ab Eraphio sine notis, quadragenûm octonûm cubitorum. Alexandria statuit unum octoginta cubitorum Ptolemæus Philadelphus, quem exciderat Nectabis rex purum: majusque opus fuit in devehendo statuendove multo, quam in excidendo. A Satyro architecto aliqui deVectum tradunt rare: Calixenus à Phœnice, fossâ perducta usque ad jacentem obeliscum è Nilo: navesq; duas in latitudinem parulas, pedalibus ex eodem lapide ad rationem geminati per duplicem mensuram ponderis oneratas, ita ut subirent obeliscum pendentem extremitatibus suis in ripis utrinque: postea egestis laterculis allevatas naves excepiisse onus statutum: excisos autem sex tales in monte eodem, & artificem donatum talentis quinquaginta. Hic autem obeliscus fuit in Arsinoe positus à rege supra dicto, munus amoris in conjugem, eandemque sororem Arsinoem. Inde eum navalibus incommo- dum Maximus quidam præfectus Ægypti transtulit in forum, reciso cacumine, dum vult fastigium addere auratum, quod postea omisit. Et alii duo sunt Alexandria in portu ad Cæsaris templum, quos excidit Mesphees rex quadragenûm binûm cubitorum: super omnia accessit difficultas mari Romam devehendi, spectatis admodum navibus: Divus Augustus priorem quæ ad- vexerat, miraculi gratia Puteolis navalibus perpetuis dicaverat: sed incendio consumpta est: Divus Claudius aliquot per annos asservatam, qua Cæsar importaverat, omnibus quæ unquam in mari visæ sunt, mirabiliorem, turribus Puteolano ex pulvere exædificatis, perductam Ostiam, portus gratia merfit: alia ex hoc cura, navium quæ Tiberi subvehant: quo experimento patuit, non minus

minus aquarum huic amni esse, quam Nilo. Is autem obeliscus, quem Divus Augustus in Circo magno statuit, excisus est à rege Senneserteo, quo regnante Pythagoras in Ægypto fuit, centum vigintiquinque pedum, & dodrantis, præter basim ejusdem lapidis: is vero, qui est in campo Martio, novem pedibus minor, à Sesostride. Inscripti ambo rerum naturæ interpretationem Ægyptiorum opera philosophiæ continent.

CAP. X. *De illo, qui est in campo Martio
pro gnomone.*

Ei, qui est in campo, Divus Augustus addidit mirabilem usum ad deprehendendas solis umbras, dierumque ac noctium magnitudines, strato lapide ad obelisci magnitudinem, cui par fieret umbra⁶ Romę confecto die sexta hora, paulatimque per regulas (quæ sunt ex ære inclusæ) singulis diebus decrederet, ac rursus augesceret, digna cognitu res & ingenio sæcundo. Manlius Mathematicus apici auratam pilam addidit, cujus vertice umbra colligeretur⁷ in semetipsam, alia incrementa jactantem apice, ratione (ut ferunt) à capite hominis intellecta. Hæc observatio triginta jam ferè annis non congruit, siue Solis ipsius dissono cursu, & cæli aliqua ratione mutato, siue universa tellure aliquid à centro suo dimota, ut deprehendi & in aliis locis accipio, siue urbis tremoribus, ibi tantum gnomone intorto, siue inundationibus Tiberis sedimento molis facto: quanquam ad altitudinem impositæ rei, in terram quoque dicantur jacta fundamenta.

CAP. XI. *De tertio obelisco Roma in Vaticano.*

Tertius Romæ in Vaticano, Caii & Neronis principum Circo, ex omnibus unus omnino fractus est in molitione, quem fecerat Sesostridis

filius Nuncoreus. Ejusdem remanet & alius c cubitorum, quem post cæcitatem visu reddito, ex oraculo Soli sacravit.

CAP. XII. De pyramidibus Aegyptiis,
& sphinge.

Dicantur obiter & pyramides in eadem Aegypto, regum pecuniæ otiosa ac stulta ostentatio: quippe cum faciendi eas causa à plerisque tradatur, ne pecuniam successoribus aut æmulis insidiantibus præberent, aut ne plebs esset otiosa. Multa circa hoc vanitas illorum hominum fuit, vestigiaque complurium inchoatarum extant: una est in Arsinoite nomo, duæ in Memphite, non procul labyrintho, de quo & ipso dicemus: totidem ubi fuit Mæridis lacus, hoc est, fossa grandis. Sed Aegyptus inter mira ac memoranda narrat harum cacumina extrema, quæ eminere dicuntur. Reliquæ tres, quæ orbem terrarum implevere fama, sanè conspicuæ undique annavigantibus, sitæ sunt in parte Africæ monte saxeo sterilique inter Memphim oppidum, & quod appellari diximus Delta, à ⁸ Nilo minus quatuor millia passuum, à Memphi sex, vico appposito, quem vocant Busirin, in quo sunt assueti scandere illas. Ante has est sphinx, vel magis miranda, quasi sylvestre numen accolentium: Amasin regem putant in ea conditum, & volunt investam videri: est autem saxo naturali elaborata, & lubrica. Capitis monstri ambitus per frontem centum duos pedes colligit, longitudo pedum c XLIV est, altitudo à ventre ad summum apicem in capite LXII. Sed pyramis amplissima ex Arabicis lapidicinis constat: trecenta LXVI hominum millia annis xx. eam construxisse produntur: tres verò factæ annis LXXIII & mensibus IV. Qui de iis scripserint, sunt

Hero-

Herodotus, Euhemerus, Duris Samius, Aristagoras, Dionysius, Artemidorus, Alexander Polyhistor, Butorides, Antisthenes, Demetrius, Demoteles, Apion: inter omnes eos non constat à quibus factæ sint, iustissimo casu oblitteratis tantæ vanitatis autoribus. Aliqui ex his prodiderunt, in raphanos, & allium ac capas mille octingenta talenta erogata. Amplissima octo jugera obtinet soli, quatuor angulorum paribus intervallis, per octingentos octogintatres pedes singulorum laterum, latitudo à cacumine pedes xxv. Alterius intervalla singula per quatuor angulos pares DCCXXXVII comprehendunt. Tertia minor prædictis, sed multo spectatior, Æthiopis lapidibus assurgit CCC LXIII pedibus inter angulos: vestigia ædificationum nulla extant. Harena latè pura circum, lentis similitudine, qualis in majori parte Africæ. Quæstionum summa est, quam ratione in tantam altitudinem subvecta sint cæmenta: alii enim nitro ac sale adaggeratis cum crescente opere, ac peracto fluminis irrigatione dilutis: alii lateribus è luto factis extructos pontes, peracto opere in privatas domos distributos: Nilum enim non putant rigare potuisse multo humiliorem. In pyramide maxima est intus puteus octoginta sex cubitorum, flumen illo admissum arbitrantur. Mensuram altitudinis earum omniumq; similium deprehendere, invenit Thales Milesius umbram metiendo, qua hora par esse corpori solet. Hæc sunt pyramidum miracula: supremumque illud, ne quis regum opus miretur, minimam ex his, sed laudatissimam, à Rhodope meretricula factam: Æsopi fabularum Philosophi conserva quondam & contubernalis hæc fuit, majore miraculo tantas opes meretricio esse conquisitas quæstu. Magnificatur

& alta turris à rege facta in insula Pharo, portum obtinente Alexandria, quam constitisse octogintis talentis tradunt: magno animo, ne quid omitamus, Ptolemæi regis, quod in ea permiserit Sostriati Gnidii architecti structuræ ipsius nomen inscribi. Vfus ejus, nocturno navium cursui ignes ostendere, ad prænuntianda vada, portusque introitum: sicut jam tales compluribus locis flagrant ut Puteolis ac Ravennæ. Periculum in corrivatione ignium ne sidus existimetur, quoniam è longinquo similis flammaram aspectus est. Hic idem architectus primus omnium pensilem ambulationem Gnidi fecisse traditur.

CAP. XIII. *De labyrinthis, Ægyptio, Lemnio, Italico.*

Dicamus & labyrinthos, vel portentosissimum humani ingenii opus, sed non (ut existimari potest) falsum: durat etiam nunc in Ægypto in Heracleopolite nomo qui primus factus est ante annos, ut tradunt, IIII MDC. à Petesuco rege, sive Tithoe. Quanquam Herodorus totum opus regum esse dicit, novissimaque Psammetichi. Causam faciendi variè interpretantur: Demoteles regiam Motherudis fuisse, Lycias sepulchrum Mæridis, plures Soli sacrum id extructum, quod maxime creditur. Hinc utique sumpsisse Dædalum exemplar ejus labyrinthi, quem fecit in Creta, non est dubium, sed centesimam tantum portionem ejus imitatum, quæ itinerum ambages occursumque ac recursus inexplicabiles continet: non (ut in pavementis puerumve ludicris campestribus videmus) brevi lacinia, millia pass. plura ambulationis continentem, sed crebris foribus inditis ad fallendos occursum, redeundumque in errores eodem: secundus hic fuit ab Ægyptio labyrinthus:

tertius

tertius in Lemno: quartus in Italia. Omnes lapide polito fornicibus tecti: Ægyptius (quod miror equidem) introitu columnisque reliquis è molibus compositis, quas dissolvere ne secula quidem possint, adjuvantibus Heracleopolitis, qui id opus invisum mirè iustificavêre. Positionem operis ejus singulasque partes enarrare non est, cum sit in regionis divisum, atque in præfecturas (quas vocant nomos) sedecim, nominibus earum totidem vastis domibus attributis: præterea templa omnium Ægypti Deorum contineat, superque Nemesis quindecim ædiculis incluserit, pyramides complures quadragenarum ulnarum, senos radice muros obtinentes. Fessi jam eundo perveniunt ad viarum illum inexplicabilem errorem: quin & cœnacula prius excelsa, porticusque ascenduntur nonagenis gradibus omnes: intus columnæ de porphyrite lapide, Deorum simulachra, regum statua, monstrificæ effigies. Quarundam autem domorum talis est situs, ut adaperientibus fores, tonitruum intus terribile existat. Majore autem in parte transitus est per tenebras: aliæque rursus extra murum labyrinthi ædificiorum moles, præteron appellant: inde aliæ perfossis cuniculis subterraneæ domus. Refecit unus omnino pauca ibi Circammon spado Nectabis regis, ante Alexandrum Magnum annis quingentis: id quoque traditur, fulsisse trabibus spinæ oleo incoctæ, dum fornices quadrati lapidis assurgerent. De Ægyptio & Cretico labyrinthis, satis dictum est. Lemnius similis illis, columnis tantum centum quadraginta mirabilior fuit: quarum in officina turbines ita librati pependerunt, ut puero circumagente tornarentur: Architecti illum fecere Zmilus & Rholus, & Theodorus indigena: extantque adhuc reliquiæ ejus, cum Cretici Itali-

cique nulla vestigia extent. Namque & Italicum dici convenit, quem fecit sibi Porſena rex Hetruſiæ ſepulcri cauſa, ſimul ut externorum regum vanitas quoque ab Italis ſuperareretur: ſed cum excedat omnia fabuloſitas, utemur ipſius M. Varronis in expoſitione ejus verbis: Sepultus eſt, inquit, ſub urbe Cluſio, in quo loco monumentum reliquit lapide quadrato: ſingula latera pedum latericenum, alta quinquagenum: inque baſi quadrata intus labyrinthum inextricabilem: quo ſi quis impropereſt ſine glomere lini, exitum invenire nequeat: ſupra id quadratum pyramides ſtant quinque, quatuor in angulis, in medio una, in imo lateæ pedum ſeptuagenum quinum, altæ centum quinquagenum: ita faſtigiatæ, ut in ſummo orbis æneus & petasus unus omnibus ſit impoſitus, ex quo pendeant excepta catenis tintinnabula, quæ vento agitata, longe ſonitus referant, ut Dodonæ olim factum. Supra quem orbem quatuor pyramides inſuper ſingulæ extant altæ pedum centenum: ſupra quas uno ſolo quinque pyramides, quarum altitudinem Varronem puduit adjicere. Fabulæ Hetruſicæ tradunt eandem fuiſſe, quam totius operis: adeo veſana dementia quaſiſſe gloriæ, impendio nulli profuturo; præterea fatigaſſe regni vires, ut tamen laus major artificis eſſet.

CAP. XIV. *De penſili horto & oppido, & templo
Dianæ Ephæſiæ.*

Legitur & penſilis hortus, imo vero totum oppidum Egyptiæ Thebæ, exercitus armatos ſubter educere ſolitis regibus, nullo oppidanorum ſentiente. Etiamnum hoc minus mirum, quam quod flumine medium interfluente: quæ ſi fuiſſent, non dubium eſt Homerum dicturum fuiſſe, cum centum portas ibi prædicaret. ¹⁰ Magnificentia
vera

vera admiratio extat templum Ephesiæ Dianę ducentis viginti annis factum à tota Asia: in solo id palustri fecere, ne terræ motus sentiret, aut hiatus timeret: rursus ne in lubrico atque instabili fundamenta tantæ molis locarentur, calcatis ea substravere carbonibus, dein velleribus lanæ. Univerſo templo longitudo est ccccxxv pedum, latitudo ducentorum viginti, columnæ centum viginti septem à singulis regibus factæ, LX pedum altitudine: ex iis xxxvi cælata, ¹¹ una à Scopa: operi præfuit Chersiphron architectus. Summa miracula, epistylia tantæ molis attolli potuisse: id consecutus est ille ¹² peronibus harena plenis, molli pulvino super capita columnarum exaggerato, paulatim exinaniens imos, ut sensum totum insideret. Difficillime hoc contigit in limine ipso, quod foribus imponebat: etenim ea maxima moles fuit: nec sedit in cubili, anxio artifice, mortis destinatione suprema: traduntque in ea cogitatione festum nocturno tempore in quiete vidisse præsentem Deam, cui templum fiebat, hortantem ut viveret: se composuisse lapidem atque ita postero die apparuit, pondereque ipso correctus videbatur. Cætera ejus operis ornamenta plurium librorum instar obtinent, nihil ad speciem naturæ pertinentia.

CAP. XV. De delubro Cyzici, & lapide fugitivo,

& de Echo septies resonante, & de edificio

sine clavo, & mirabilia edificio-

rum Romæ.

Durat & Cyzici delubrum, in quo filum aureum commissuris omnibus politi lapidis subjecit artifex, eburneum Iovem dicaturus intus, coronante eum marmoreo Apolline: tralucet ergo juncturæ tenuissimis capillamentis, lenique affla-

X §

tu si-

tu simulacra refovente, præter ingenium artificis, ipsa materia, quamvis occulta, in pretio operis intelligitur. Eodem in oppido est lapis, fugitivus appellatus: Argonautæ eo pro anchora usi, ibi reliquerant: hunc è Prytaneo (ita vocatur locus) sæpe profugum fixere plumbo. Eadem in urbe juxta portam quæ Thracia vocatur, turres VII acceptas voces numerosiore percussu multiplicant: nomenque huic miraculo Echo est à Græcis datum: & hoc quidem natura locorum evenit, & plerunque convallium: ibi casu accidit: Olympiæ autem arte, mirabili modo, in porticu quam ob id heptaphonon appellant, quoniam septies eadem vox redditur. Cyzici & buleuterion vocant ædificium amplum, sine ferreo clavo, ita disposita contiguatione, ut eximantur trabes sine fulguris, ac reponantur: quod item Romæ in ponte Sublicio religiosum est, posteaquam Coclite Horatio defendente ægre revulsus est. Verum & ad urbis nostræ miracula transire conveniat nongentorumque annorum dociles scrutari vires, & sic quoque terrarum orbem victum ostendere: quod accidisse toties pene, quot referuntur miracula, apparebit: universitate verò acervata, & in quendam unum cumulum conjecta, non alia magnitudo exurget, quam si mundus alius quidam in uno loco narretur. Nam ut Circum maximum à Cæsare Dictatore extructum longitudine stadiorum trium, latitudine unius, sed cum ædificiis jugerum quaternum, ad sedem cclx millium, inter magna opera dicamus, nonne inter magnifica basilicam Pauli columnis è Phrygibus mirabilem, forumque Divi Augusti, & templum Pacis Vespasiani Imperatoris Augusti, pulcherrima operum, quæ unquam: Pantheon Iovi Vltori ab Agrip-

Agrippa factum, cum theatrum ante texerit Romæ Valerius Ostiensis architectus ludis Libonis? Pyramides regum miramur opera, cum solum tantum foro extruendo H-s millies Cæsar Dictator emerit: & si quidem impensæ movent captos avaritia animos, P. Clodius, quem Milo occidit sestertium centies & quadragies octies domo empta habitaverit: quod equidem non secus, ac regum insaniam, miror: itaque & ipsum Milonem sestertium septingenties aris alieni debuisse, inter prodigia animi humani duco. Sed tunc senes aggeris vastum spatium, & substructiones insanas Capitoli mirabantur: præterea cloacas, operum omnium dictu maximum, suffossis montibus, atque (ur paulo ante retulimus) urbe pensili, subterque navigata. A. M. Agrippa in Ædilitate post Consulatum, per meatus corrivati VII amnes, cursuq; præcipiti torrentium modo rapere atque auferre omnia coacti, insuper mole imbrum concitati, vada ac latera quatiunt: aliquando Tiberis retrò infusi recipiunt fluctus: pugnantque diversi aquarum impetus intus: & tamen obnixa firmitas resistit: trahuntur moles internæ tantæ, non succumbentibus causis operis: pulsant ruinæ sponte præcipientes, aut impactæ incendiis: quatitur solum terræmotibus: durant tamen à Tarquinio Prisco annis I o c c c prope inexpugnabiles: non omittendo memorabili exemplo, velleo magis, quoniam celeberrimis rerum conditoribus omisum est: cum id opus Tarquinius Priscus plebis manibus faceret, essetque labor incertum longior an periculosior, passim conscita nece, Quiritibus tædium fugientibus, novum & inexcogitatum antea posteaque remedium invenit ille rex, ut omnium ita defunctorum figeret crucibus corpora spe-

ra spectanda civibus, simul & feris volucribusque laceranda: quamobrem pudor Ro. nominis proprius, qui sæpe res perditas servavit in præliis, tunc quoque subvenit: sed illo tempore impoluit, tum erubescens cum puderet vivos, tanquam puditurum esset extinctos. Amplitudinem cavis eam fecisse proditur, ut vehem scæni large onustam transmitteret. Parva sunt cuncta, quæ diximus, & omnia uni comparanda miraculo. Antequam nova attingam, M. Lepido, Q. Catulo Consulibus, ut constat inter diligentissimos autores, domus pulchrior non fuit Romæ, quam Lepidi ipsius: at hercule intra annos xxxv eadem centesimum locum non obtinuit. Computet in hac æstimatione, qui volet, marmorum molem, opera pictorum, impendia regalia, & cum pulcherrima laudatissimaque certantes centum domos, posteaque eas ab innumerabilibus aliis in hunc diem victas. Profecto incendia puniunt luxum: nec tamen effici potest, ut mores aliquid ipso homine mortalius intelligant. Sed eas omnes duæ domus vicerunt: bis vidimus urbem totam cingi domibus principum, Caii & Neronis, & hujus quidem (ne quid deesset) aurea. Nimirum sic habitarunt illi, qui hoc imperium fecere, tantas ad vincendas gentes triumphosque referendos ab aratro aut foco exeuntes, quorum agri quoque minorem modum obtinuerunt, quam cellaria istorum. Subit vero cogitatio, quota portio harum fuerint aræ illæ, quas invictis Imperatoribus decernebant publice ad exædificandas domos: summusque illarum honos erat, sicut in L. Valerio Publicola, qui primus Consul fuit cum L. Bruto, post tot merita, & fratre ejus, qui bis in eodem magistratu Sabinos devicerat, adjici decreto, ut domus eorum

eorum fores extra aperirentur, & janua in publicum rejiceretur: hoc erat clarissimum in sine inter triumphales quoque domos. Non patiemur duos Cajos, vel duos Neronos ne hac quidem gloria famæ frui: docebimusque etiam insaniam eorum victam privatis operibus M. Scauri, cujus nescio an Ædilitas maxime prostraverit mores civiles, majusque sit Syllæ malum, tanta privigni potentia, quam proscripcio tot millium. Hic fecit in Ædilitate sua opus maximum omnium, quæ unquam fuere humana manu facta, non temporaria mora, verum etiam æternitatis destinatione: Theatrum hoc fuit: scena ei triplex in altitudinem cccclx columnarum, in ea civitate quæ sex Hy-mettias non tulerat sine probro civis amplissimi: ima pars scenæ è marmore fuit, media è vitro, inaudito etiam postea genere luxuriæ: summæ tabulis inauratis columnæ, ut diximus: imæ duode-quagenum pedum: signa ærea inter columnas, ut indicavimus, fuerunt tria millia numero: cavea ipsa cepit hominum lxxx millia, cum Pompeii amphiteatri, toties multiplicata urbe, tantoque majore populo, sufficiat large xl millium. Sed & reliquus apparatus tantus Attalica veste, tabulis pictis, cæteroque choragio fuit, ut in Tusculanam villam reportatis quæ superfuerant quotidiani usus deliciis, incensa villa ab iratis servis, concremaretur ad h-s millies. Aufert animum, & à destinato itinere digredi cogit contemplatio tam prodigiæ mentis, aliamque connecti majorem insaniam è ligno: C. Curio, qui bello civili in Cæsarianis par-tibus obiit, funebri patris munere, cum opibus apparatuque non posset superare Scaurum, (unde enim illi vitricus Sylla, & Metella mater proscrip-tionum sectrix? unde M. Scaurus pater, toties prin-

princeps civitatis, & Marianis sodalitiis rapinarum provincialium sinus?) cum jam ne ipse quidem Scaurus comparari sibi posset, quando hoc certe incendii illius præmium habuit, convectis ex orbe terrarum rebus, ut nemo postea par esset insanæ illi. Ingenio ergo utendum fuit: operæ pretium est scire quid invenerit, & gaudere moribus nostris, ac nostro modo nos vocare majores. Theatra duo juxta fecit amplissima è ligno, cardinum singulorum versatili suspensa libramento: in quibus utrisque antemeridiano ludorum spectaculo edito inter sese avertis, ne invicem obstreperent scenæ, & repente circumactis ut contra starent, postremo jam die, descendentibus tabulis, & cornibus inter se coeuntibus, faciebat amphitheatrum, & gladiatorum spectacula edebat, ¹³ ipsum magis auctoratum populum Romanum circumferens. Quid enim miretur quisque in hoc primum? inventorem, an inventum? artificem, an autorem? ausum aliquem hoc excogitare, an suscipere? parere, an jubere? Super omnia erit populi furor, sedere ausi tam infida instabilique sede: en hic est ille terrarum victor, & totius domitor orbis, qui gentes & regna diribet, jura externis mittit, Deorum quædam immortalium generi humano portio, in machina pendens, & ad periculum suum plaudens. Quæ vilitas animarum ista! aut quæ querela de Cannis! quantum mali potuit accidere! Hauriri urbes terræ hiatibus, publicus mortalium dolor est: ecce populus Romanus universus, velut duobus navigiis impositus, binis cardinibus sustinetur, & seipsum depugnantem spectat, periturus momento aliquo luxatis machinis: & per hoc quæritur Tribunitiis concionibus gratia, ut pensiles tribus faceret: qualis hic

hic in rostris? quid non ausurus apud eos, quibus hoc persuaferit? Vera nanque consentibus populus Romanus funebri munere ad tumulum patris ejus depugnavit universus. Variavit hanc suam magnificentiam fessis turbatisque cardinibus, & amphitheatri forma custodita, novissimo die duabus per medium scenis athletas edidit, raptisque è contratio repente pulpitis eodem die victores è gladiatoribus suis produxit: nec fuit rex Curio aut gentium Imperator, non opibus insignis, ut qui nihil in censu habuerit præter discordiam principum. Sed dicantur vera æstimatione invicta miracula, quæ Q. Marcius Rex fecit: is jussus à Senatu aquarum, Appiæ, Anienis, Tepulæ, ductus reficere, novam à nomine suo appellatam cuniculis per montes actis intra Præturæ suæ tempus adduxit. Agrippa verò in Ædilitate sua, adjecta Virgine aqua, cæteris corrivatis atque emendatis, lacus septingentos fecit: præterea salientes centumquinque: castella centum triginta, complura etiam cultu magnifica: operibus iis signa trecenta ærea aut marmorea imposuit, columnas ex marmore quadringentas, eaque omnia annuo spatio. Adjicit ipse in Ædilitatis suæ commemoratione, & ludos undesexaginta diebus factos, & gratuita præbita balinea centumseptuaginta, quæ nunc Romæ ad infinitum auxere numerum. Vicit antecedentes aquarum ductus novissimum impendium operis inchoati à C. Cæsare, & peracti à Claudio: quippe à lapide quadragesimo ad eam excelsitatem, ut in omnes urbis montes levarentur, influxere Curtius atque Cæruleus fontes: erogatum in id opus ¹⁴sestertium ter millies. Quod si quis diligentius æstimaverit aquarum abundantiam in publico, balneis, piscinis, domibus, euripis, hortis, suburbanis,

banis, villis, spatioque advenientis extructos arcus, montes perfoſſos, conualles æquatas, fatebitur nihil magis mirandum fuiſſe in toto orbe terrarum. Ejuſdem Claudii inter maxime memoranda equidem duxerim, quamvis deſtitutum ſucceſſoris odio, montem perfoſſum ad lacum Fucinum emittendum, inenarrabili proſecto impendio, & operarum multitudine per tot annos: cum aut corrivatio aquarum, qua terrenus mons erat, egereretur in vertice machinis, aut filex caderetur, omniaque intus in tenebris fierent, quæ neque concipi animo, niſi ab iis qui videre, neque humano ſermone enarrari poſſunt. Nam portus Oſtienſis opus prætereo: item vias inter montes exciſas: mare Tyrrhenum à Lutrino molibus ſecluſum: tot pontes tantis impendiis factos. Et inter plurima alia Italiæ miracula, ipſa marmora in lapicidinis creſcere autor eſt Papyrius Fabianus, naturæ rerum peritiſſimus: exemptores quoque affirmant compleri ſponte illa montium hulcera: quæ ſi vera ſunt, ſpes eſt nunquam deſuturam luxuriam.

CAP. XVI. *De magnetis generibus,
& medicinis.*

A marmoribus digredienti ad reliquorum lapidum inſignes naturas, quis dubitet in primis magnetem occurrere? quid enim mirabilius? aut quæ in parte naturæ major ¹⁵ improbitas? Dederat vocem ſaxis, ut diximus, reſpondentem homini, imo vero & obloquentem: quid lapidis rigore pigrius? ecce ſenſus manusque tribuit illi: quid ferri duritia pugnacius? ſed cedit & patitur mores: trahitur nanque à magnete lapide, domitrixque illa rerum omnium materia ad inane neſcio quid currit: atque ut propius venit, aſſiſtit,
tene-

teneturque, & complexu hæret. Sideritum ob hoc alio nomine appellant, quidam Heracleon: Magnes appellatus est ab inventore (ut autor est Nicander) in Ida repertus: nanque & passim invenitur, ut in Hispania quoque. Invenisse autem fertur, clavis crepidarum & baculi cuspidē hærentibus, cum armenta pasceret. Quinque genera magnetis Sotacus demonstrat: Æthiopicum; è Magnesia Macedoniae contermina Bœbeida lacum perentibus dextra: tertium in Echio Bœotiae: quartum circa Alexandriam Troadem: quintum in Magnesia Asiae. Differentia prima, mas sit an foemina: proxima in colore: nam qui in Macedonia & Magnesia reperiuntur, rufi nigrique sunt: Bœotius verò rufi coloris plus habet, quam nigri: is qui in Troade invenitur, niger est & foeminei sexus, ideoque sine viribus: deterrimus autem in Magnesia Asiae, candidus, neque attrahens ferrum, similisque pumici. Compertum tanto meliores esse, quanto sunt magis cærulei: Æthiopico laus summa datur, pondusque argento rependitur. Invenitur hic in Æthiopiae Zimiri: ita vocatur regio harenosa: ibi & hæmatites magnes sanguinei coloris, sanguinemque reddens si teratur, sed & crocum: in attrahendo ferro non eadem quæ magneti, hæmatitæ natura. Æthiopici argumentum est, quod magnetem quoque alium ad se trahit. Omnes autem ii oculorum medicamentis prosunt ad suam quisque portionem: maximeque epiphoras sistunt: sanant & adusta cremati tritique. Alius rursus in eadem Æthiopia non procul mons gignit lapidem theameden, qui ferrum omne abigit, respuitque: de utraque natura sæpius diximus.

CAP. XVII. *De lapidibus qui cito absumunt corpora in se condita, & de his qui diu servant, & de Assio lapide, & medicinu ejus.*

Lapidem è Scyro insula integrum fluctuare tradunt, eundem comminutum mergi. In Assio Troadis sarcophagus lapis fissili vena scinditur: corpora defunctorum condita in eo, absumi constat intra **XL** diem, exceptis dentibus: Mutianus specula quoque & strigiles & vestes & calciamenta illata omnia lapidea fieri, autor est. Ejus generis & in Lycia saxa sunt, & in Oriente, quæ viventibus quoque adalligata, erodunt corpora. Mitior est autem servandis corporibus, nec absumendis chernites, ebori simillimus, in quo Darium conditum ferunt: Parioque similis candore & durtia, minus tamen ponderosus, qui porus vocatur. Theophrastus autor est & translucidos lapides in Ægypto inveniri, quos ophitæ similes ait: quod fortassis tunc fuerit, quoniam & ii desinunt, & novi reperiuntur. Assius gustu salsus podagras lenit, pedibus, in vase ex eo cavato inditis: præterea omnia crurum vitia in iis lapicidinis sanantur, cum in metallis omnibus crura vitientur: ejusdem lapidis flos appellatur, in farinam mollis, ad quædam perinde efficax: est autem similis pumici rufo: admistus aeri Cyprio mammarum vitia emendat: pici autem resinæve, strumas & panos discutit. Prodest & phthificis linctu, cum melle; vetera hulcera ad cicatricem perducit: excrescentia erodit: & ad bestiarum morsus utilis: repugnantia curationi, ac suppurata siccat: fit & cataplasma ex eo podagris, misto fabæ lomento.

CAP. XVIII.

CAP. XVIII. *De ebore fossili, & lapidibus ossis,
& palmatis, & aliorum generibus.*

Idem Theophrastus & Mutianus, esse aliquos lapides qui pariant, credunt. Theophrastus autor est & ebur fossile candido & nigro colore inveniri, & ossa è terra nasci, inveniri que lapides ossleos. Palmati circa Mundam in Hispania, ubi Cæsar Dictator Pompeium vicit, reperiuntur, idque quoties fregis. Sunt & nigri, quorum autoritas venit in marmora, sicut Tænarius. Varro nigros ex Africa firmiores esse tradit, quam in Italia: è diverso albos tornis duriores, quam Parios. Idem Lunensem filicem serra secari, at Tusculanum dissilire igni: Sabinum fuscum addito oleo etiam lucere: item molas versatiles Volturnis inventas, aliquas & sponte motas invenimus in prodigiis: nusquam hic utilior, quam in Italia, gignitur, lapisque, non saxum, est: in quibusdam verò provinciis omnino non invenitur. Sunt quidam in eo genere molliores, qui & cote lævigantur, ut procul intuentibus ophitæ videri possint: neque est alius firmior: quando & lapidis natura, ut lignum, similiter imbres solesque aut hyemes non patitur, in aliis atque aliis generibus. Sunt qui & Lunam non tolerant, & qui vetustate rubiginem trahant, coloremve candidum oleo mutant.

CAP. XIX. *De ¹⁶ curatio vel pyrite, & medicinis
ejus, & ostracite, de amianto lapide & medicinis
ejus, & melitite lapide & viribus ejus, de
gagate lapide & medicinis ejus, de
spongiis, de Phrygio lapide &
natura ejus.*

Molarem quidam pyriten vocant, quoniam sit plurimus ignis illi: sed est alius etiamnum pyrites similitudine æris: in Cypro eum reperiri volunt,
& in

& in metallis, quæ sunt circa Acarnaniam, unum argenteo colore, alterum aureo. Coquuntur varie: ab aliis iterum tertioque in melle, donec consumatur liquor: ab aliis pruna prius, dein melle, & postea lavantur, ut æs: ususque eorum in medicina excalfacere, siccare, discutere, humorem extenuare, & duritias nimias mollire: utuntur & crudis tufisque ad strumas atque furunculos. Pyritarum etiamnum aliqui genus unum faciunt, plurimum habens ignis, quos vivos appellamus, & ii ponderosissimi sunt: hi exploratoribus castrorum maxime necessarii, qui clavo vel altero lapide percussi, scintillas edunt: quæ exceptæ sulphuratis aut fungis aridis vel foliis, dicto celerius ignem præbent. Ostracitæ similitudinem testæ habent: usus eorum pro pumice ad lævigandam cutem: poti sanguinem sistunt, & illiti cum melle hulcera doloresque mammarum sanant. Amiantus alumini similis, nihil igni deperdit: hic beneficiis resistit omnibus, privatim Magorum. Gæoden ex argumento appellant, quoniam amplexus est terram, oculorum medicamentis utilissimum: item mammarum ac testium vitiis. Melitites lapis succum remittit dulcem mellitumque tufus: & ceræ mistus eruptionibus pituitæ maculisq; corporis medetur, & faucium exulcerationi: epinyctidas tollit, & vulvarum dolores impositus velleri. Gagates lapis nomen habet loci & amnis Gagis Lyciæ: ajunt & in Leucola expelli mari, atq; infra XII stadia colligi: niger est, planus, pumicosus, non multum à ligno differens, levis, fragilis: odore, si teratur, gravis: fidilia ex eo inscripta non delentur: cum uritur, odorem sulphureum reddit: mirumque, accenditur aqua, oleo restinguitur: fugat serpentes ita, recreatque vulvæ strangulationes: deprehendit

prehendit fonticum morbum & virginitatem suffusus : idem ex vino decoctus, dentibus medetur, strumisq; ceræ permixtus. Hoc dicuntur uti Magi in ea, quam vocant axinomantiam, & peruri negant, si eventurum sit, quod aliquis optet. Spongiæ lapides inveniuntur in spongiis, & sunt nativi : quidam eos tecolithos vocant, quoniam vesicæ medentur, calculos rumpunt in vino poti. Phrygius lapis gentis nomen habet : est autem gleba pumicosa : uritur antè vino perfusus, flaturque foliis, donec rufescat, ac rursus dulci vino extinguitur, & hoc trinis vicibus, tingendis vestibus tantum utilis.

CAP. XX. *De hæmatite, & quinque generibus ejus, & schisto.*

Schistos & hæmatites cognationem habent. Hæmatites invenitur in metallis : ustus minii colorem imitatur : uritur, ut Phrygius, sed non restringitur vino : ¹⁷ adulteratur schisto. Hæmatiten discernunt venæ rubentes : & friabilis est natura : oculis cruore suffusis mirè convenit : sistit profluvium mulierum potus : bibunt eum & qui sanguinem rejecerunt, cum succo Punici mali : & in vesicæ vitiis efficax : bibitur & vino contra serpentium ictus. Infirmior ad omnia hæc eadem est, quem schiston appellant : sed in iis commodior croco similis, peculiarius splendet : proficit oculorum lacrymis in lacte muliebri : procidentresque oculos præclare cohibet : hæc est sententia eorum, qui nuperrime scripsere : sed Sotacus è vetustissimis autoribus quinq; genera hæmatitarum tradit, præter magnetem : principatum dat ex iis Æthiopico, oculorum medicamentis utilissimo, & iis quæ pancresta appellant : item ambustis : alterum androdamanta dicit vocari, colore nigro,
pondere

pondere ac duritia insignē, & inde nomen traxisse, præcipueque in Africa repertum: trahere autem in se argentum, æs, ferrum: experimentum ejus esse in cote ex lapide basanite: reddere enim succum sanguineum, & esse ad jocinoris vitia præcipui remedii. Tertium genus Arabici facit, simili duritie, vix reddentis succum ad cotem aquariam, aliquando croco similem. Quarti generis elatiten vocari, quandiu crudus sit: coctum vero milititen, utilem ambustis, ad omnia utiliore rubrica. Quinti generis schiston, hæmorrhoidas reprimentem: in totum autem hæmatitas omnes tritos in oleo trium drachmarum pondere à jejunis sumendos, ad vitia sanguinis. Idem autor, schiston alterius generis, quam hæmatiten, tradit, quem vocat anthraciten: nasci in Africa nigrum, attritum aquariis cotibus reddere ab ea parte, quæ fuerit ab radice, nigrum colorem, ab altera croci: ipsum utilem esse oculorum medicamentis.

CAP. XXI. De quatuor generibus aëtitis, & calama, & Samio, & Arabo, & pumicibus.

Aëtitis lapides ex argumento nominis magnam famam habent: reperiuntur in nidis aquilarum, sicuti in decimo volumine diximus: ajunt binos inveniri, marem & sæminam: nec sine iis parere, quas diximus, aquilas, & ideo binos tantum. Genera eorum quatuor: in Africa nascentem pusillum ac mollem, intra se & velut in alvo habentem argillam suavem, candidam, ipsum friabilem, quem sæminei sexus putant: marem autem, qui in Arabia nascitur, durum, gallæ similem, aut subrutilum, in alvo habentem durum lapidem. Tertius in Cypro invenitur, colore illis in Africa nascentibus similis, amplior tamen atque dilatatus: cæteris enim globosa facies: habet in alvo renam

renam jucundam & lapillos, ipse tam mollis, ut etiam digitis frietur. Quarti generis Taphiusus appellatur, nascens juxta¹³ Leucadem in Taphiusa, qui locus est dextra navigantibus ex hac ad Leucadem: invenitur in fluminibus candidus & rotundus: huic est in alvo lapis, qui vocatur¹⁹ callimus, nec quicquam tenerius. Et ite omnes gravidis adalligati mulieribus vel quadrupedibus in pelliculis sacrificatorum animalium continent partus, non nisi parturiant removendi: alioqui vulvæ excidunt: sed nisi parturientibus auferantur, omnino non pariunt. Est & lapis Samius in eadem insula, ubi terram laudavimus, poliendo auro utilis: utilis & in medicina oculorum hulceribus cum lacte, quo supra dictum est modo, contra veteres lacrymationes: prodest & contra vitia stomachi potus: vertigines sedat: mentes commotas restituit: quidam & morbis comitialibus utiliter dari putant, & ad urinæ difficultates: ac opis etiam miscetur. Probatur gravitate & candore: vulvas & partus contineri adalligato eo tradunt. Arabicus lapis ebori similis, dentrificiis accommodatur crematus: privatim hæmorrhoidas sanat cum lanugine linteorum, linteolis insuper impositis. Non prætermittenda est & pumicum natura: appellantur quidem ita & erosa saxa, in ædificiis quæ musea vocant, dependentia, ad imaginem specus arte reddendam: sed & ii pumices, qui sunt in usu corporum lævigandorum fœminis, jam quidem & viris, atque (ut ait Catullus) libris laudatissimi sunt in Melo, Scyro, & Æoliis insulis. Probatio in candore minimoque pondere, & ut quam maxime spongiosi aridique sint, ac teri faciles, nec harenosi in fricando. Vis eorum in medicina, extenuare, siccare, urina ustione, ita ut torreantur carbone

bone puto, ac toties vino restinguantur albo: lavantur deinde, ut cadmia, & siccari conduntur, quam minime uliginoso loco: usus farinæ ejus oculorum maxime medicamentis: hulcera purgatorum leniter, expletque cicatrices & emendat. Quidam tertia unctione refrigeratos potius, quam restinctos, terere malunt ex vino: adduntur etiam ad malagmata, capitorum verendorumque hulceribus: utilissima fiunt ex his dentifricia. Theophrastus autor est, potiores in certamine bibendi præsumere farinam ejus, sed nisi immenso potu impleantur periclitari: tantamque refrigerandi naturam esse, ut musta fervere desinant pumice addito.

CAP. XXII. De lapidibus mortariorum medicinalium, & mollibus lapidibus, & speculari lapide & silicibus, & phengite, & cotibus, & reliquis ad structuram lapidibus, igni & tempestatibus resistentibus.

Autoribus curæ fuere lapides mortariorum quoque, nec medicinalium tantum, aut ad pigmenta pertinentium: 2^o Ephesiumq; lapidem in iis prætulere cæteris, mox & Thebaicum, quem pyrrhopœcilon appellavimus: aliqui psaronium vocant: tertium ex chalazio chrysitē: Medici autem & basaniten. Hic enim lapis nihil ex sese remittit: ii autem lapides, qui succum reddunt, oculorum medicamentis utiles existimantur: ideoque Æthiopici maxime ad ea probantur. Tænarium vero lapidem & Pœnicum, & hæmatiten iis medicamentis prodesse tradunt, quæ ex croco componantur: ex alio Tænario, qui niger est, & ex Pario lapide, non æque medicis utilem: potius ex alabastrite Ægyptio, vel ex ophite albo: est enim hoc genus ophitis, ex quo vasa & etiam cados faciunt.

ciunt. In Siphno lapis est, qui cavatur, tornatur-
que in vasa coquendis cibis utilia, vel ad esculen-
torum usus, quod in Comensi Italiæ lapide viridi
accidere scimus: sed in Siphnio singulare, quod
excalsactus oleo nigrescit durefcitque, natura mol-
lissimus: tanta qualitatum differentia est: nam
mollitiæ & trans Alpes præcipua sunt exempla: in
Belgica provincia candidum lapidem serra, qua li-
gnum, faciliusque etiam, secant ad tegularum &
imbricum vicem: vel si libeat, ad quæ vocant pa-
vonacea tegendi genera: & hi quidem sectiles
sunt. Specularis vero (quoniam & hic lapis nomen
obinet) faciliore multo natura finditur in quas-
libet tennes crustas: Hispania hunc olim citerior
tantum dabat, nec tota, sed intra centum millia
passuum circa Segobricam urbem: jam & Cypros,
& Cappadocia, & Sicilia, & nuper inventum Afri-
ca: postferendos omnes tamen Hispaniæ, & Cap-
padociæ mollissimis & amplissimæ magnitudinis,
sed obscuris. Sunt & in Bononiensi Italiæ parte
breves, maculosi, complexu silicis alligati, quo-
rum tamen appareat natura similis eis, qui in Hi-
spania puteis effodiuntur profunda altitudine. Nec
non & saxo inclusus sub terra invenitur, extrahi-
turque, aut exciditur: sed majori parte fossili na-
tura, absolutus segmenti modo, nunquam adhuc
quinque pedum longitudine amplior: humorem
hunc terræ quidam autumant crysalli modo gla-
ciari: & in lapidem concrefcere manifesto appa-
ret, quod cum feræ decidere in puteos tales, &
medullæ ex ossibus earum in eandem lapidis na-
turam post unam hyemem figurantur. Invenitur
& niger aliquando: sed candido natura mira, cum
sit mollitia nota, perpetiendi Solis rigorisque: nec
senescit, si modo injuria absit, cum hoc etiam in

cæmentis multorum generum accidat. Invenêre & alium usum in tamentis quoque, Circum maximum ludis Circensibus sternendi, ut sit in commendatione candor. Nerone principe in Cappadocia repertus est lapis duritia marmoris, candidus atque translucens, etiam qua parte fulvæ inciderant venæ, ex argumento phengites appellatus. Hoc construxerat ædem Fortunæ, quam Seiam appellant, à Servio rege sacratam, aurea domo complexus. Quare etiam foribus ²¹ opertis interdiu claritas ibi diurna erat, haud alio quam specularium modo, tanquam inclusa luce, non transmissa. In Arabia quoque esse lapidem vitri modo translucidum, quo utuntur pro specularibus, Iuba autor est. Nunc ad operarios lapides transisse conveniat, primumq; cotes ferro acuen-do: multa earum genera: Creticæ diu maximam laudem habuere: secundam Laconicæ ex Taygeto monte, utræque oleo indigentes: inter aquarias Naxiæ laus maxima fuit, mox Armeniacæ, de quibus diximus: ex oleo & aqua Ciliciæ pol-lent, ex aqua Arsinoeticæ. Repertæ sunt & in Italia aqua trahentes aciem acerrimo affectu: necnon & trans Alpes, quas passernices vocant. Quarta ratio est saliva hominis proficientium, in constrinarum officinis, inutilis fragili molli-tia: Flamminitanæ ex Hispania citeriore in eo genere præcipuæ. Reliqua multitudo lapidum in totum ædificiis inutilis est mortalitate molli-tiæ: quædam tamen loca non alium habent, sicut Carthago in Africa: exercetur halitu maris, frica-tur vento, & verberatur imbri: sed cura tumentur picando parietes, quoniam & testorii calce rodi-tur: sciteque dictum est, ad tecta eos pice, ad vi-num calce uti, quoniam sic musta condiunt. Alia
mollicitia

mollitia circa Romam Fidenati & Albano : in Liguria quoque, Umbria, & Venetia, albus lapis dentata serra secatur : hi tractabiles in opere, laborem quoque tolerant, sub tecto duntaxat : aspergine & gelu pruinis que rumpuntur in testas : nec contra humores & auram maris robusti. Tiburtini ad reliqua fortes, vapore diffiliunt. Nigri silices optimi : quibusdam in locis & rubentes : nonnufquam vero & albi, sicut in Tarquiniensi Anicianis lapicidinis circa lacum Volfinien sem : & in Statonienfi sunt, quibus ne ignis quidem nocet : iidem & in monumenta scalpti, contra vetustatem quoque incorrupti permanent : ex iis formæ fiunt, in quibus æra funduntur. Est & viridis lapis, vehementer igni resistens, sed nusquam copiosus : & ubi invenitur, lapis, non saxum est. E reliquis pallidus, in cæmento raro utilis : globosus, contra injurias fortis, sed ad structuram infidelis, nisi multa ²² suffrenatione devinctus : nec certior fluvialis, semper veluti madens. Remedium est in lapide dubio, æstate eum eximere, nec ante biennium eum inferere tecto, domitum tempestatibus : quæ ex eo læsa fuerint, in subterraneâ structura aptantur utilius : quæ restiterint, tutum est vel cælo committere. Græci è lapide duro ac silice æquato construunt veluti lateritios parietes : cum ita fecerint, isodomon vocant genus structuræ : at cum inæquali crassitudine structa sunt, pseudisodomon : tertium est emplecton, tantummodo frontibus politis : reliqua fortuito collocant. Alternas coagmentationes fieri, ut commissuras antecedentium medii lapides obtineant, necessarium est in medio quoque pariete, si res patitur : si minus, utique à lateribus, & medios parietes sarcire fractis cæmentis. Dictyotheron vocant reticulatam

structuram, quam frequentissime Romæ struunt, rimis opportunam. Structuram ad normam & libellam fieri, & ad perpendicularum respondere oportet.

CAP. XXIII. De cisternis & calce, & harena generibus, & mixtura calcis & harena, & vitii stinctura, & testoriis, & columnis.

Et cisternas harenæ puræ & asperæ quinq; partibus, calcis quam vehementissimæ duabus constructui convenit, fragmentis silicis non excedentibus libras: ita ferratis vestibus calcari solum, parietesq; similiter: utilius geminas esse, ut in priore vitia considant aquæ, atque per colum in proximam transeat maxime pura aqua. Calcem è vario lapide Cato Censorius improbat: ex albo melior, quam ex duro, & structuræ utilior: quæ ex fistuloso, testoriis: ad utrumque damnatur ex silice. Utilior eadem ex effosso lapide quam ex ripis fluminum collecto: utilior è molari, quia est quædam pinguior natura ejus: mirum, aliquid, postquam arserit accendi aquis. Harenæ tria genera: fossitia, cui quarta pars calcis addi debet: fluvitali aut marinæ tertia: si & testæ tussæ tertia pars addatur, melior materia erit. Ab Apennino ad Padum non invenitur fossitia, nec trans maria. Ruinarum urbis ea maxime causa, quod furto calcis sine ferrumine suo cimenta componuntur. Intrita quoq; quo vetustior, eo melior. In antiquis ædium legibus invenitur; ne recentiore trima uteretur redemptor: ideo nulla testoria eorum rimæ scodavere: testoriumque nisi ter harenato, & bis marmorato inductum est, non satis splendoris habet. Vliginosa, & ubi salfugo viciat, testaceo sublini utilius. In Græcia testoriis etiam harenatura quod inducitur sunt, prius in mortario ligneis vestibus

vestibus subigunt. Experimentum marmorati est in subigendo, donec rutro non cohæreat: contra in albario opere, ut macerata calx ceu glutinum hæreat: sed macerari non nisi à gleba oportet. In Elide ædes est Minervæ, in qua frater Phidiæ Pannæus tectorium induxit lacte & croco subactum, ut ferunt: ideoque si teratur in ea hodieque saliva pollice, odorem croci saporemque reddere traditur. Columellæ in æde densius positæ, crassiores videntur. Genera earum quatuor: quæ sextam partem altitudinis in crassitudine ima habent, Doricæ vocantur: quæ nonam, Ionicæ: quæ septimam, Tuscanicæ: Corinthiis eadem ratio, quæ Ionicis: differentia, quoniam capitulis Corinthiarum eadem est altitudo, quæ colligitur crassitudine ima: ideoque graciliores videntur: Ionici enim capituli altitudo tertia pars est crassitudinis. Antiqua ratio erat columnarum altitudinis, tertia pars latitudinum delubri. In Ephesiæ Dianæ æde, de qua prius fuit sermo, primum columnis spiræ subditæ, & capitella addita: placuitque altitudinis octava pars in crassitudine, & ut spiræ haberent crassitudinis dimidium, septimæque partes detraherentur summarum crassitudini. Præter has sunt, quæ vocantur Atticæ columnæ, quaternis angulis, pari laterum intervallo.

CAP. XXIV. De medicinis calcis, & malthæ,
& gypso.

Calcis & in medicina magnus usus: eligitur recens, nec aspersa aquis: urit, discutit, extrahit, incipientesque serpere hulcerum impetus coërcet: aceto & rosaceo temperata perducit ad cicatricem: luxatis quoque cum adipe suillo aut liquida resina ex melle medetur: eadem compositione & strumis. Maltha è calce fit recenti: gleba vino re-

stinguitur: mox tunditur cum adipe suillo & ficu, duplici linimento: quæ res omnium tenacissima, & duritiam lapidis antecedens, quod malthatur, oleo perfricatur ante. Cognata calci res gypsum est: plura ejus genera: nam & è lapide coquitur, ut in Syria ac Thuriis: & è terra foditur, ut in Cypro ac Perrhæbis: è summa tellure & Tymphaicum est: qui coquitur lapis, non dissimilis alabastritæ esse debet, aut marmoroso: in Syria durissimos ad id eligunt, coquantque fimo bubulo, ut celerius urantur: omnium autem optimum fieri compertum est è lapide speculari, squamamve talem habente. Gypso madido statim utendum est, quoniam celerrime coit, ac siccatur: tamen rursus tundi & in farinam resolvi patitur. Vñs gypsi in albariis, sigillis ædificiorum & coronis gratissimus. Exemplum illustre C. Procleium Augusti Cæsaris familiaritate subnixum in maximo stomachi dolore gypso poto, conscivisse sibi mortem.

C A P. XXV. *De pavimentis & quando primum Romæ, & subdialibus pavimentis, & Græcanicis, & quando primum camera.*

Pavimenta originem apud Græcos habent elaborata arte, picturæ ratione, donec lithostrota expulere eam. Celeberrimus fuit in hoc genere Sosus, qui Pergami²³ statuit quem vocant asaroton œcon, quoniam purgamenta cœnæ in pavimento, quæque everri solent, veluti relicta fecerat parvis²⁴ testulis tinctisque in varios colores: mirabilis ibi columba bibens, & aquam umbra capitis infuscans: apricantur aliæ scabentes sese in cantuari labro. Pavimenta credo primum facta, quæ nunc revocamus, barbarica, atque subregulanea, in Italia fistucis pavita: hoc certe ex nomine ipso intelligi potest, Romæ scalpturatum in Iovis Capitolini

tolini æde primum factum est post tertium Punicum bellum initum : frequentata vero pavimenta ante Cimbricum magna gratia animorum , indicio est Lucillianus ille versus :

Arte pavimenta, atq; emblemata vermiculata.

Subdialia Græci invenere , talibus domos contingentes ; facilem tractu tepente , sed fallax , ubicunque imbres gelant : necessarium binas per diversum coassationes substerni , capita earum præfigi ne torqueantur , & ruderi novo tertiam partem testæ addi : deinde rudus , in quo duæ quintæ calcis misceantur , pedali crassitudine fistucari : tunc nucleo crasso sex digitos induci & ex tessera grandi non minus alta duos digitos strui : fastigium vero servari in pedes denos sesquuncem , ac diligenter cote despumare , quernisq; axibus contabulare : quæ torquentur , inutilia putant : imo & silice aut palea substerni melius esse , quo minor vis calcis perveniat : necessarium & globosum lapidem subjici. Similiter fiunt spicata testacea. Non negligendum est etiamnum unum genus Græcanicum : solo festucato injicitur rudus aut testaceum pavementum : dein spisse calcatis carbonibus inducitur , sabulo calce ac favilla mistis : materia crassitudine semipedali ad regulam & libellam exigitur , & est forma terrena : si vero cote depositum est , nigri pavimenti visum obtinet . Lithostrota cœptavere jam sub Sylla parvulis certè crustis , extat hodieque , quod in Fortunæ delubro Præneste fecit : pulsa deinde ex humo pavimenta ; in cameras transiere , è vitro : novitium & hoc inventum . Agrippa certè in thermis , quas Romæ fecit , ²⁵ figlinum opus encausto pinxit : in reliquis , albaria adornavit : non dubie vitreas facturus cameras , si prius inventum id fuisset , aut à

parietibus scenæ, ut diximus, Scauri pervenisset in
cameras. Quamobrem & vitri natura indicanda est.

CAP. XXVI. *De origine vitri, & ratione fa-
ciendi, & de Obsidiano vitro, & gene-
ribus multiformibus vitri.*

Pars est Syriæ, quæ Phœnice vocatur, finitima
Iudææ, intra montis Carmeli radices paludem ha-
bens, quæ vocatur Cendevia: ex ea creditur nasci
Belus amnis quinque mill. pass. spatio in mare per-
fluens juxta Ptolemaidem coloniam: lentus hic
currit, insalubri potu, sed ceremoniis sacer, limo-
sus vado, profundus non nisi refuso mari harenas
faretur: fluctibus enim volutæ nitescent, detritis
sordibus: nunc & à marino creduntur astringi
morsu, non prius utiles. Quingenorum est pas-
suum non amplius litoris spatium, idque tantum
multa per secula gignendo fuit vitro: fama est,
appulsa nave mercatorum nitri, cum sparsi per li-
tus epulas pararent, nec esset cortinis attollendis
lapidum occasio, glebas nitri, è nave subdidisse:
quibus accensis permixta harena litoris, translu-
centes nobilis liquoris fluxisse rivos, & hanc fuisse
originem vitri. Mox, ut est astuta & ingeniosa so-
lertia, non fuit contenta nitrum miscuisse: coëptus
addi & magnes lapis: quoniam in se liquorem vi-
tri quoque, ut ferrum, trahere creditur: simili
modo & calculi splendentes multifariam coëpti
uri: deinde conchæ, & fossiles harenæ: Autores
sunt, in India è crystallo fracta fieri, & ob id nul-
lum comparari Indico. Lenibus autem aridisque
lignis coquitur, addito Cyprio ac nitro, maxime
Ophirio: continuis fornacibus, ut æs liquatur,
massæque fiunt colore pingui nigricantes: acies
tanta est quacunque, ut citra ullum sensum ad ossa
consecer, quicquid ²⁶ afflaverit corporis: ex massis
rursus

rursus funditur in officinis, tingiturque: & aliud flatu figuratur, aliud torno teritur, aliud argenti modo cælatur; Sidone quondam iis officinis nobili: siquidem etiam specula excogitaverat. Hæc fuit antiqua ratio vitri: jam verò & in Vulturno mari Italiæ arena alba nascens, sex M. pass. litore inter Cumas atque Lucrinum, quæ mollissima est, pila molaque teritur: dein miscetur tribus partibus nitri pondere vel mensura, ac liquata in alias fornaces transfunditur: ibi fit massa, quæ vocatur hammonitrum: atque hæc recoquitur, & fit vitrum purum, ac massa vitri candidi: jam vero & per Gallias Hispaniasque simili modo harenæ temperantur. Ferunt Tiberio principe excogitatum vitri temperamentum, ut flexibile esset: & totam officinam artificis ejus abolitam, ne æris, argenti, auri, metallis, pretia detraherentur: eaque fama crebrior diu, quam certior, fuit. Sed quid refert, Neronis principatu reperta vitri arte quæ modicos calices duos, quos appellabant pterotos, H. S. sex millibus venderet. In genere vitri & Obsidiana numerantur, ad similitudinem lapidis, quem in Æthiopia invenit Obsidius, nigerrimi coloris, aliquando & translucidi, crassiore visu, atque in speculis parietum pro imagine umbras reddente: gemmas multi ex eo faciunt: vidimusque & solidas imagines Divi Augusti, capti materia hujus crassitudinis: dicavitque ipse pro miraculo in templo Concordiæ Obsidianos quatuor elephantos. Remisit & Tiberius Cæsar Helipolitarum ceremoniis repertam ibi in hæreditate ejus qui præfuerat Ægypto, Obsidianam imaginem Menelai: ex quo apparet antiquior materiæ origo, nunc vitri similitudine interpolata. Xenocrates Obsidianum lapidem in India, & in Samnio Italiæ, & ad Ocea-

num in Hispania nasci tradit: fit & ²⁷ tincturæ genere Obsidianum, ad escaria vasa, & totum rubens vitrum atque non translucens, hæmatinon appellatum: fit & album & murrhinum, aut hyacinthos sapphirosque imitatum, & omnibus aliis coloribus: nec est alia nunc materia sequacior, aut etiam picturæ accommodatior. Maximus tamen honos in candido, translucenti quam proxima crystalli similitudine: usus verò ad potandum argenti metalli & auri pepulit. Est autem caloris impatiens, ni præcedat frigidus liquor; cum addita aqua, vitreæ pilæ, Sole adverso, in tantum excalescant, ut vestes exurant. Fragmenta teporata agglutinantur tantum, rursus affundi non queunt, præterquam abrupta sibi met: veluti cum calculi fiunt, quos quidam abaculos appellant, aliquos etiam pluribus modis versicolores. Vitrum sulphuri concoctum ferruminatur in lapidem. At peractis omnibus, quæ constant ingenio, artem natura faciente, succurrit mirari, nihil penè non igni perfici:

CAP. XXVII. *Ignium miracula, & medicina, & prodigia.*

Ignis accipit harenas, ex quibus alibi vitrum, alibi argentum, alibi minium, alibi plumbi genera, alibi pigmenta, alibi medicamenta fundit: igne lapides in æs solvuntur, igne ferrum gignitur, ac domatur, igne cremato lapide cæmenta in rectis ligantur. Alia sæpius uri prodest: eademque materia aliud gignit primis ignibus, aliud secundis, aliud tertiis: quando ipse carbo vires habere incipit restinctus, atque interiisse creditus, majoris fit virtutis. Immensa & improba rerum naturæ portio: & in qua dubium sit plura absumat, an pariat. Est & ipsis ignibus medica vis: pestilentia, quæ

LIBER XXXVI.

515

quæ Solis obſcuratione contrahitur, ignis ſuffi-
tum multiformiter auxiliari certum eſt: Empedo-
cles & Hippocrates id monſtravere diverſis lo-
cis. Ad convulſa viſcera, aut contuſa, ut M. Varro
autor eſt: iſſis enim verbis ejus utar: Lix cinis eſt,
inquit, foci: inde enim cinis lixivus potus mede-
tur: ut licet videre gladiatores cum deluſerint, hac
juvari potione. Quin & carbunculum genus mor-
bi, quo duos Conſulares nuper abſumptos indica-
vimus, querneus carbo tritus cum melle ſanat:
adeo in rebus damnatis quoq; ac jam nullis, ſunt
aliqua remedia, ut in carbone ²⁸ ecce & cinere.
Non præteribo & unum foci exemplum, Roma-
nis literis clarum: Tarquinio Priſco regnante tra-
dunt repente in foco ejus apparuiſſe genitale è ci-
nere maſculini ſexus, eamque quæ infederat ibi,
Tanaquilis reginæ ancillam Ocriſiam captivam,
conſurrexiſſe gravidam: ita Servium Tullum na-
tum, qui regno ſucceſſit: inde & in regia cubanti
puero caput ariſſe viſum, creditumque Laris fa-
miliaris filium: ob id compitalia & ludos Laribus
primum inſtituiſſe.

LIBER XXXVII.

Proœmium.

Nihil inſtituto operi deſit, gemmæ ſu-
perſunt, & in arctum coacta rerum na-
turæ majeſtas, multis nulla ſui parte mi-
rabilior: tantum tribuunt varietati, co-
loribus, materiæ, decori, violari etiam ſignis gem-
mas nefas ducentes. Aliquas vero extra pretia ulla,
taxationemque humanarum opum arbitran-
tes, ut plerisque ad ſummam abſolutamq; rerum natu-
ræ contemplationem ſatis ſit una aliqua gemma.

Quæ

Quæ fuerit origo gemmarum, & quibus initiis in tantum admiratio hæc exarserit, diximus quadantenus in mentione auri anulorumque. Fabulæ primordium à rupe Caucaſea tradunt: Promethei vinculorum interpretatione fatali: primumq; faxi hujus fragmentum inſuſum ferro ac digito circumdatum, ¹ anulum, & hoc gemmam.

CAP. I. *De gemma Polycratis tyranni, & Pyrrhi regis, & qui ſculptores optimi, & nobilitates artificum, & quis primus dactylothecam Romæ habuit.*

His initiis cœpit autoritas, in tantum amorem elata, ut Polycrati Samio ſevero inſularum ac litotum tyranno, felicitatis ſuæ, quam nimiam fatebatur etiam ipſe, ſatis piamenti in unius gemmæ voluntario damno videretur, ſi cum fortunæ volubilitate paria faceret: planeque ab invidia ejus abunde ſe redimi putaret, ſi hoc unum doluiſſet: aſſiduo ergo gaudio laſſus, provectus navigio in altum, anulum merſit: at illum piſcis eximia magnitudine Regi natus, eſcæ vice raptum, ut faceret oſtentum, in culinam domini rurfus Fortunæ inſidiantis manu reddidit. Sardonychem eam gemmam fuiſſe conſtat: oſtenduntque Romæ, ſi credimus, in Concordiæ delubro, cornu aureo Auguſtæ dono inſuſam, & noviſſimum prope locum tot prælatis obtinentem. Poſt hunc anulum regia fama eſt gemmæ Pyrrhi illius, qui adverſus Romanos bellum geſſit: nanque habuiſſe traditur Achaten, in qua novem Muſæ & Apollo citharam tenens ſpectarentur, non arte, ſed ſponte naturæ ita diſcurrentibus maculis, ut Muſis quoque ſingulis ſua redderentur inſignia. Nec deinde alia, quæ tradatur, magnopere gemmarum claritas extat apud autores; præterquam Iſimeniam choraulēm,

lem, multis fulgentibusque uti solitum, comitante fabula vanitatem ejus, indicato in Cypro sex aureis denariis smaragdo, in quo fuerat sculpta Amymone, jussisse numerari: & cum duo relati essent, imminuto pretio, malè me Hercules curatum, dixisse: multum enim detractum gemmæ dignitati. Hic videtur instituisse, ut omnes musicæ artis hac quoque ostentatione censerentur, veluti Dionysodorus æqualis ejus & æmulus, ut sic quoque par videretur. Tertius, qui eodem tempore fuit inter musicos, Nicomachus, multas gemmas habuisse traditur, sed nulla pericia electas: sorte quadam his exemplis initio voluminis oblati adversus istos, qui sibi hanc ostentationem arrogant, ut palam sit eos tibicinum gloria tumere. Polycratis gemma, quæ demonstratur, illibata intactaque est: Ismenia ætate multos post annos, apparet scalpi, etiam smaragdos solitos: confirmat hanc eandem opinionem edictum Alaxandri Magni, quo vetuit in gemma se ab alio scalpi, quam à Pyrgotele, non dubiè clarissimo artis ejus. Post eum Apollonides & Cronius in gloria fuere, quique Divi Augusti imaginem similem expressit, quæ postea principes signabant, Dioscorides. Sylla Dictator traditione Iugurthæ semper signavit. Est apud autores, & Intercatiensem illum, cujus patrem Scipio Æmilianus ex provocatione interfecerat, pugnae ejus effigie signasse: vulgato Stilonis Præconini sale; quidnam fuisse facturum eum, si Scipio à patre ejus interemptus esset. Divus Augustus inter initia sphinge signavit: duas in matris anulis jam indiscretæ similitudinis invenerat: altera per bella civilia, absente eo, amici signavere epistolas & edicta, quæ ratio temporum nomine ejus reddi postulabat, non infaceto lepore accipientium,

pientium, ænigmata afferre eam sphingem. Quintiam Meccenatis rana, per collationem pecuniarum, in magno terrore erat: Augustus postea ad evitanda convicia sphingis, Alexandri Magni imagine signavit. Gemmas plures, quod peregrino appellant nomine dactyliothecam, primus omnium habuit Romæ privignus Syllæ Scaurus: diuque nulla alia fuit, donec Pompejus Magnus eam quæ Mithridatis regis fuerat, inter dona in Capitolio dicaret, ut M. Varro alique ejusdem ætatis autores confirmant, multum prælatam Scauri. Hoc exemplo Cæsar Dictator sex dactyliothecas in æde Veneris Genetricis consecravit: Marcellus Octavia genitus in Palatina Apollinis æde unam. Victoria tamen illa Pompeii primum ad margaritas gemmasque mores inclinavit: sicut L. Scipionis & Cn. Manlii ad cælatum argentum, & vestes Attalicas & triclinia ærata: sicut L. Mummi, ad Corinthia & tabulas pictas:

CAP. II. De gemmis translatis in triumpho Pompeii, & natura crystalli, & medicinis, & luxuria circa ea, & quando primum inventa murrhina, & luxuria circa ea, & natura murrhinorum, & quæ mentiti sunt autores de succino.

Id uti planius noscatur, verba ex ipsis Pompeii triumphorum actis subijciam: ergo tertio triumpho, quem de piratis, Asia, Ponto, gentibusque & regibus in septimo operis hujus volumine indicatis, M. Pisone, M. Messala consulibus, pridie Calend. Octob. die natalis sui egit, transtulit alveum cum tesseriis lusorium è gemmis duabus latum pedes tres, longum pedes quatuor: (& ne quis de ea re dubitet, nulla gemmarum magnitudine hodie prope ad hanc amplitudinē accedente,

in

in eo fuit Luna aurea pondo xxx.) lectos triclini-
 ares tres: vasa ex auro & gemmis abacorum no-
 vem: signa aurea tria, Minervæ, Martis, & Apol-
 linis: coronas ex margaritis triginta tres: montem
 aureum quadratum cum cervis & leonibus, & po-
 mis omnis generis, circumdata vite aurea: museum
 ex margaritis, in cuius fastigio horologium erat;
 imago Cn. Pompeii è margaritis: illa regio hono-
 re grata, illius probi oris venerandiq; per cunctas
 gentes, illa, inquam, ex margaritis, severitate
 victa, & vetiore luxuriæ triumpho? Quam pro-
 fecto inter illos viros durasset cognomen Magni,
 si prima victoria sic triumphassent? & margaritis,
 Magne, tam prodiga re, & fœminis reperta, quam
 gerere te fas non sit, hinc fieri tuos vultus? sic te
 pretiosum videri? Nonne illa similior tui est ima-
 go, quam Pyrenæi jugis imposuisti? Grave profecto
 fœdumque probum erat, ni verius iræ Deorum
 ostentum credi oporteret: clareq; intelligi posset,
 jam tum illud caput Orientis opibus sine reliquo
 corpore ostentatum. Cætera triumphi ejusdem
 quam virilia. Reipubl. datum mille talentum, le-
 gatis & quæstoribus, qui oras maris defendissent.
 H. s. bina millia, commilitibus singulis quinquaginta.
 Tolerabiliore tamen fecit causam Caii prin-
 cipis, qui super omnia muliebria socculos indue-
 bat è margaritis: & Neronis principis, qui sceptræ,
 & personas, & cubicula viatoria unionibus con-
 struebat: quinimo etiam jus videmur perdidisse
 corripiendi gemmata potoria, & varia supellectilis
 genera, anulos transeuntes: quæ enim non luxuria
 innocentior existimari possit? eadem victoria pri-
 mum in urbem murthina induxit: primusq; Pom-
 pejus sex pocula ex eo triumpho Capitolino Iovi
 dicavit: quæ protinus ad hominû usum transiere,
 abacis

abacis etiam escariisq; vasis inde expetitis: excre-
scitque indies ejus rei luxus, murrhino octoginta
sestertiis empto, capaci plane ad sextarios tres ca-
lice: potavit ex eo ante hos annos Consularis ob
amorem obroso ejus margine, ut tamen injuria
illa pretium augeret: neque est hodie murrhini al-
terius præstantior indicatura. Idem in reliquis ge-
neris ejus quantum voraverit, licet existimare ex
multitudine, quæ tanta fuit, ut auferente libris ejus
Nerone Domitio, theatrum peculiare trans Tibe-
rim, hortis exposita occuparent: quod à populo
impleri canéte se, dum Pompejano præludit, etiam
Neroni satis erat: qui vidit tunc annumerari unius
scyphi fracta membra, quæ in dolorem credo seculi
invidiamque fortunæ, tanquam Alexandri Magni
corpus in cōditorio fervari, ut ostentarentur, pla-
cebat. T. Petronius Consularis moriturus, invidia
Neronis principis, ut mensam ejus exhæredaret,
trullâ murrhinam trecentis sestertiis emptam fre-
git: sed Nero, ut par erat principem, vicit omnes,
trecentis sestertiis capidem unam parando: memo-
randa res, tanti Imperatorem patremq; patriæ bi-
bisse. Oriens murrhina mittit: inveniuntur enim
ibi in pluribus locis, nec insignibus, maxime Par-
thici regni: præcipue tamen in Carmania: humo-
rem putant sub terra calore densari: amplitudine
nusquam parvos excedunt abacos crassitudine ra-
rò, quanta dictum est vasi potorio. Splendor his
sine viribus, nitorq; verius, quam splendor: sed in
pretio varietas colorum, subinde circumagentibus
se maculis in purpuram candoremque, & tertium
ex utroq; ignescentem, velut per transitum coloris
purpura rubescente, aut lacte candescente. Sunt
qui maxime in iis laudent extremitates, & quos-
dam colorum repercussus, quales in cœlesti arcu
spectan-

spectantur: his maculæ pingues placent: translu-
cere quicquam aut pallere vitium est: item sales
verrucæq; non eminentes, sed ut in corpore etiam
plerunque sessiles: aliqua & in odore commenda-
tio est. Contraria huic causa crySTALLUM facit, gelu
vehementiore concreto: non aliubi certè reperi-
tur, quam ubi maxime hybernæ nives rigent: gla-
ciemq; esse certum est: unde & nomen Græci de-
dêre. Oriens & hanc mittit, sed Indicæ nulla præ-
fertur: nascitur & in Asia, vilissima circa Alaban-
da & Ortosiam, finitimisque montibus, item in
Cypro: sed laudata in Europæ Alpium jugis: Iuba
autor est, & in quadam insula Rubri maris ante
Arabiam sita nasci, quæ Neron vocetur: & in ea,
quæ juxta gemmam topazion ferat, cubitalemque
effossâ à Pythagora Ptolemæi regis præfecto.
Cornelius Bocchus & in Lusitania nasci perquam
mirandi ponderis, ² immensis jugis depressis ad
libramentum aquæ puteis. Mirum & quod Xeno-
crates tradit Ephesius, aratro in Asia & Cypro ex-
citari: non enim inveniri in terreno, nec nisi inter
cautes creditû fuerat. Similius vero est, quod idem
Xenocrates tradit, torrentibus sæpe deportari: Su-
dines vero negat nisi ad Meridiem spectantibus lo-
cis nasci: quod certum est: non enim reperitur in
aquosis, quanquam in regione prægelida, vel si ad
vada usque glaciuntur amnes. Cælesti humore par-
vaque nive id fieri necesse est: ideo caloris impa-
tiens, nisi in frigido potu, abdicatur. Quare sexan-
gulis nascatur lateribus, non facile ratio inveniri
potest, eo magis quod neque mucronibus eadem
species est, & ita absolutus est laterum lævor, ut
nulla id arte possit æquari. Magnitudo amplissima
adhuc visa nobis erat, quam in Capitolio Livia Au-
gusta dicaverat, librarum ³ circiter quinquaginta:
idem

idem Xenocrates autor est, vas amphorale visum, & aliqui ex India crySTALLUM sextariorum quatuor. Nos liquido affirmare possumus, in cautibus Alpium nasci, atq; adeo inviis, ut plerunq; fune pendentes eam extrahant: peritis signa & indicia nota sunt. Infestantur plurimis vitis, scabro ferrugine maculosa nube, occulta aliquando vomica, præduro fragilique centro & sale appellato. Est & rufa aliquibus rubigo: aliis capillamentum rimæ simile: hoc artifices cælatura occultant: quæ vero sine vitio sunt, puras esse malunt, acenteta appellantes, nec spumei coloris sed lympidæ aquæ: postremo autoritas in pondere est. Invenio Medicos, quæ sunt urenda corporum, non aliter utilius id fieri putare, quam crySTALLINA PILA adversis posita Solis radiis. Alius hic furor, H-S C L M trullam unam nō ante multos annos mercatam à matrefamilias, nec divite. Idem Nero amissarum rerum nuntio accepto, duos calices crySTALLINOS in suprema ira fregit illisos: hæc fuit ratio seculum suum punientis, ne quis alius ex his biberet: fragmenta sarciri nullo modo queunt. Mirè ad similitudinem accessere vitrea, sed prodigii modo, ut suum pretium auxerint crySTALLI, non diminuerint. Proximum locum in deliciis, fæminarum tamen adhuc tantum, succina obtinent; eandemq; omnia hæc, quam gemmæ, auctoritatem, sanè majorem aliquibus de causis crySTALLINA & murrhina, frigidi porus utraque. In succinis causam ne deliciæ quidem adhuc excogitarunt: occasio est vanitas Græcorum diligentia: legentes modo æque perpetiantur me de ortu eorum, (cum hoc quoq; intersit vitæ, scire posteros) quicquid illi prodidere mirandum. Phaëthontis fulmine icti sorores fletu mutatas in arbores populos, lachrymis electrum omnibus annis fundere juxta

juxta Eridanum amnem quem Padum vocamus : & electrum appellatum, quoniam Sol vocitatus sit Elector, plurimi Poëtæ dixere primique, ut arbitror, Æschylus Philoxenus, Nicander, Euripides, Satyrus: quod esse falsum, Italiæ testimonio patet. Diligentiores eorum, Electridas insulas in mari Adriatico esse dixerunt, ad quas dilaberetur Padus : qua appellatione nullas unquam ibi fuisse, certum est: nec vero ullas ibi appositas esse, in quas quicquam cursu Padi devehi possit. Nam quod Æschylus in Iberia, hoc est in Hispania, Eridanum esse dixit, eundemq; appellari Rhodanum; Euripides rursus & Apollonius in Adriatico litore confluere Rhodanum & Padum, faciliorem veniam facit ignorati succini, in tanta orbis ignorantia. Modestiores sed æque falsum prodidere, in extremis Adriatici sinus rupibus inviis arbores stare, quæ Canis ortu hoc effunderent gummi: Theophrastus in Liguria effodi dixit: 4 Phaëthontem in Æthiopia Hammonis obiisse: ob id delubrum ibi esse atque oraculum, electrumque gigni. Philemon fossile esse, & in Scythia erui duobus locis: candidum atq; cerei coloris quod vocaretur electrum: in alio loco fulvum, quod appellaretur sualternicū. Demonstratus lyncurion id vocat, & fieri ex urina lyncum bestiarum, è maribus fulvum & igneam, è fœminis languidius atque candidum: alii dixerunt langurium, & esse in Italia bestias langurias: Zenothemis langas vocat easdem, & circa Padum iis vitam affirmat. Sudines arborem quæ gignat in Liguria: in eadem sententia & Metrodorus fuit: Sotacus credidit in Britannia arboribus effluere, quas electridas vocavit. Pytheas Guttonibus Germaniæ genti accoli æstuarium Oceani Mentonomon nomine, spatio stadiorum sex millium; ab hoc diei navi-

navigatione insulam abesse Abalum: illo vere flustibus advehi, & esse concreti maris purgamentū: incolas pro ligno ad ignem uni eo, proximisque Teutonibus vendere: huic & Timæus credidit, sed insulam Baltiam vocavit. Philemon negavit flammam ab electro reddi: Niceas Solis radiorum succum intelligi voluit: hos circa occasum credit vehementiores in terram actos, pinguem sudorē in ea parte Oceani relinquere, deinde aestibus in Germanorum litora ejici: & in Ægypto nasci simili modo, & vocari Sacal: item in India, gratiusque thure esse Indis: in Syria quoque fœminas verticillos inde facere & vocare harpaga, quia folia & paleas vestiumque fimbrias rapiat. Theophrastus Oceano id exastuante ad Pyrenæi promontorium ejici: quod & Xenocrates credidit, qui de iis nuperime scripsit. Vivit adhuc Afarubas qui tradidit juxta Atlanticum mare esse lacum Cephisida, quem Mauri vocant electrum: hunc Sole excofactum ē limo dare electrum fluitans: Menesias Africæ locum Sicyonē appellat, & Crathin amnem in Oceanum effluentem ē lacu, in quo aves, quas meleagridas & penelopas vocat, vivere: ibi nasci ratione eadem qua supra dictū est de electride lacu. Theomenes dicit, juxta Syrtim magnam hortum Hesperidum esse, ex quo in stagnum cadat, colligi vero à virginibus Hesperidum. Ctesias Indis flumen esse Hypobarū, quo vocabulo significetur omnia vasa ferre bona: fluere à Septentrione in exortivum Oceanum juxta montē sylvestrem arboribus electrum ferentibus: arbores eas aphytaoras vocari, qua appellatione significetur prædulcis suavitas. Mithridates in Germaniæ litoribus esse insulam, vocarique eam Oserictam, cedri genere sylvosam: inde defluere in petras. Xenocrates non succinum tantum

tantum in Italia, verum etiam thieum vocari, à Scythiis verò factium, quoniam & ibi nascatur: alios putare in Numidia gigni. Super omnes est Sophocles Tragicus Poëta, quod equidem miror tanta gravitate cothurni, & præterea vitæ fama, alias principe loco genitus Athenis, rebus gestis, exercitu ducto: hic ultra Indiam fieri dixit è lacrymis Meleagridum avium Meleagrum deflentium. Quod & credidisse eum, vel sperasse aliis persuaderi posse, quis non miretur? quamve pueritiam tam imperitam posse reperiri, quæ avium ploratus annuos credat, lacrymasve tam grandes, avesque è Græcia, ubi Meleager periit, ploratum esse in Indos? Quid ergo? non multa æque fabulosa produnt Poëtæ? Sed hoc ea in re, quæ quotidie invehatur atque abundet, & hoc mendacium coarguat, serio quenkam dixisse, summa hominum contemptio est, & intoleranda mendaciorum impunitas.

CAP. III. De ortu & medicinis & generibus & luxuria succinorum, & lyncutio, & medicina.

Certum est gigni in insulis Septentrionalis Oceani, & à Germanis appellari glessum: itaque & à nostris unam insularum ob id Glessariam appellatam, Germanico Cæsare ibi classibus rem gerente, Austraviam à barbaris dictam. ⁵ Nascitur autem defluente medulla pinei generis arboribus, ut gummi in cerasis, resina pineis: erumpit humoris abundantia: densatur rigore vel tepore ⁶autumnali. Cum intumescens æstus rapuit ex insulis, certè in litora expellitur, ita volubile, ut pendere videatur atque confidere in vado: quod arboris succum esse prisca nostri credidere, ob id succinum appellant. Pineæ autem arboris esse indicio est pineus in attritu odor, & quod accensum tedæ modo ac nidore

nidore flagret. Affertur à Germanis in Pannoniam maximè provinciam: inde Veneti primum, quos Græci Henetos vocant, rei famam fecere, proximi Pannoniæ, id accipientes circa mare Adriaticum. Pado verò annexæ fabulæ videtur causa, hodieque transpadanarum agrestibus fœminis, monilium vice succina gestantibus, maximè decoris gratia, sed & medicinæ: quando tonsillis creditur resistere, & faucium vitiis, vario genere aquarum juxta illas infestante guttura ac vicinas ⁷ carnes, ^{De} c ferè ^M pass. à Carnuto Panoniæ abest litus id Germaniæ, ex quo invehitur, percognitum nuper: vidit enim eques Romanus, missus ad id comparandum à Juliano curante gladiatorum munus Neronis principis, qui hæc commercia & litora peragravit, tanta copia inuenta, ut retia arcendis feris podium protegentia succinis notarentur, arma verò & libitina totusq; unius diei apparatus esset è succino. Maximum pondus is glebæ attulit XIII librarum: nasci & in India certum est: Archelaus, qui regnavit in Cappadocia, illinc cortice inherente tradit advehi rude, polirique adipe suis lactentis incoctum: liquidum primum destillare, argumentum sunt quædam intus translucientia, ut formicæ aut culices, lacertæque, quas adhæsisse musteo non est dubium, & inclusas indurescenti. Genera ejus plura: candida odoris præstantissimi: sed nec his, nec cereis pretium: fulvis major autoritas: ex iis etiamnum amplior translucentibus, præterquam si nimio ardore flagrent: imaginemq; igneam inesse non ignem, placet: summa laus Falernis, vini colore dictis, molli fulgore perspicuis: sunt & in quibus decocti mellis lenitas placeat. Verum hoc quoque notum fieri oportet, quocunque libeat, tingi, hœdorum sævo & anchusæ radice: quippe etiam

etiam conchylio inficiuntur. Cæterum attritu digitorum accepta caloris anima trahunt in se paleas ac folia arida, ac philyras, ut magnes lapis ferrum. Ramenta quoque ejus in oleo addita flagrant dilucidius diutiusque, quam⁸ lini medulla. Taxatio in deliciis tanta, ut hominis quamvis parva effigies, vivorum hominum vigentiumque pretia superet, prorsus ut castigatio una non sit satis. In Corinthiis æs placet auto argentoq; misto, in cæ-latis ars & ingenia: Murrhinorum & crystallinorum diximus gratiam: uniones, quod capite circumferuntur, gemmæ digitis: in omnibus denique aliis vitiis ostentatio aut usus placet: in succinis deliciarum tantum conscientia. Domitius Nero in cæteris vitæ suæ portentis, capillos quoq; conjugis suæ Poppeæ in hoc nomen adoptaverat, quodam etiam carmine succina appellando. Et quoniam nullis vitiis defunt pretiosa nomina, ex eo tertius quidam hic colos cœpit expeti à matronis. Vfus tamen succinorum invenitur aliquis in medicina: sed non ob hoc fœminis placent: infantibus adalligari amuleti ratione prodest. Callistratus & cui-cunq; ætati contra lymphationes prodesse tradit, & urinæ difficultatibus potum, adalligatumque: hic & differentiam novam attulit appellando chrysele&trum, quasi coloris aurei, & matutino gratissimo aspectu, rapacissimum ignium, & si juxta fuerint, celerrime ardescens. Hoc collo adalligatum, mederi febribus & morbis: tritum cum melle ac rosaceo aurium vitiis: & si cum melle Attico conteratur, oculorum quoq; obscuritatibus: stomachi etiam vitiis vel per se farina ejus sumpta, vel cum mastiche ex aqua pota. Succina etiam gemmis, quæ sunt translucidæ, adulterandis magnū habent locū, maximè amethystis, cum omni, ut diximus, colore

colore tingantur. De lyncurio proxime dici cogit autorum pertinacia: quippe etiam si non electrum id esset, lyncurium tamen gemmam esse contendunt: fieri autem ex urina quidem lyncis, sed egestam terra protinus bestia operiente eam, quoniam inuideat hominum usui. Esse autem, qualem in igneis succinis, colorem, scalpique: nec folia tantum aut stramenta ad se rapere, sed æris etiam ac ferri laminas, quod⁹ Diocles quidem & Theophrastus credidit. Ego falsum id totum arbitror, nec visam in aëre nostro gemmam ullam ea appellatione, & quod de medicina simul proditur, calculos vesicæ eo potius elidi, & morbo regio occurrere, si ex vino bibatur, aut si portetur etiam. Nunc gemmarum confessa genera dicemus, à laudatissimis orbi: nec vero id solum agemus, sed ad maiorem utilitatem vitæ obiter coarguetur Magorum infanda vanitas, quando illi vel plurima prodidere de gemmis, medicinæ ex his species blando prodigio transgressi.

CAP. IV. *De adamantis generibus & medicinis, & margaritis.*

Maximum in rebus humanis, non solum inter gemmas, pretium habet Adamas, diu non nisi regibus & iis admodum paucis cognitus, ¹⁰ unus modo in metallis repertus, perquam raro comes auri nec nisi in auro nasci videbatur. Veteres eum in Æthiopum tantum metallis inveniri existimare, inter delubrum Mercurii atque insulam Meroen, dixeruntque non ampliorem cucumis semine, aut colore dissimilem inveniri. Nunc genera ejus sex noscuntur: Indici, non in auro nascentis, sed quadam crystalli cognatione: siquidem & colore translucido non differt, & laterum sexangulo lavore turbinatus in mucronem, aut duabus contrariis

trariis partibus, quo magis miremur, ut si duo
 turbines latissimis suis partibus jungantur: magni-
 tudine vero etiam avellanæ nuclei. Similis est huic
 quidem Arabicus, minor tantum, similiter & na-
 scens: cæteris pallor ¹¹ gentis, & in auro non nisi
 excellentissimo natalis. Incudibus hi deprehendun-
 tur, ita respuentes ictum, ut ferrum utrinque dis-
 sultet incudesque etiam ipsæ dissiliant: quippe du-
 ritia inenarrabilis est, simulque ignium victrix na-
 tura, & nunquam incallescens: unde & nomen in-
 domita vis Græca interpretatione accepit: unum
 ex iis vocant ¹² cenchron, quod est milii magni-
 tudine: alterum Macedonicum in Philippico auro
 repertum: & hic est cucumis semini par. Post hos
 Cyprius vocatur in Cypro repertus, vergens in
 æreum colorem, sed in medicina, ut dicemus, ef-
 ficacissimus. Post hunc est siderites ferrei splendo-
 ris, pondere ante cæteros, sed natura dissimilis:
 nam & ictibus frangitur, & alio adamante perfo-
 rari potest: quod & Cyprio evenit: breviterque,
 ut degeneres, nominis tantum autoritatem ha-
 bent. Idque, quod totis voluminibus his docere
 & mandare conati sumus, de discordia rerum
 concordiaque, quam antipathiam ac sympathiam
 appellavere Græci, non aliter clarius intelligi po-
 test: siquidem illa invicta vis duarum violentissi-
 mæ naturæ rerum ferri ignisque contemprix, hir-
 cino rumpitur sanguine, nec aliter quam recenti
 calidoque macerata, & sic quoque multis ictibus,
 tunc etiam, præterquam eximias, incudes, mal-
 leosq; ferreos frangens. Cujus hoc ingenio inven-
 tum? quove casu repertum? aut quæ fuit con-
 jectura experiendi rem immensi secreti, & in fœdis-
 simo animalium? Numinum profecto muneris ta-
 lis inventio omnis est: nec quærenda in ulla parte

naturæ ratio, sed voluntas. Et cum feliciter rumpere contingit, in tam parvas frangitur crustas, ut cerni vix possint: expetuntur à scalptoribus, ferroque includuntur, nullam non duritiam ex facili cavantes. Adamas dissidet cum magnete lapide in tantum, ut juxta positus ferrum non patiatur abstrahi: aut si admotus magnes apprehenderit, rapiat, atque auferat. Adamas & venena irrita facit, & lymphationes abigit, metusque vanos expellit à mente: & ob id quidam eum ¹³ anachiten vocavere. Metrodorus Scepsius, in eadem Germania & Baltia insula nasci, in qua & succinum, quod equidem legerim, solus dicit: & præfert Arabicis: quod falsum esse quis dubitet? Proximum apud nos Indicis Arabicisque margaritis prærium est, de quibus in nono diximus volumine inter res marinas.

: C A P. V. *De smaragdi generibus, & gemmis viridibus & translucentis.*

Tertia autoritas Smaragdis perhibetur pluribus de causis: nullius coloris aspectus jucundior est: nam herbas quoque virentes frondesque avidè spectamus; Smaragdos vero tanto libentius, quoniam nihil omnino viridius compararum illis viret; præterea soli gemmarum contuitu oculos implent nec fatiant: quin & ab intentione alia obscurata, aspectu smaragdi recreatur acies: scalpentibusq; gemmas non alia gratior oculorum refectio est: ita viridi lenitate lassitudinem mulcent. Præterea longinquo amplificantur visu, insipientes circa se repercussum aera, non Sole mutati, non umbra, non lucernis, semperque sensim radiantes, & visum admittentes, ad crassitudinem sui facilitate translucenta: quod etiam in aquis ¹⁴ non fit. Iidem plerumque & concavi, ut visum colligant: quapropter

pter decreto hominum iis parçitur scalpi vetitis :
quanquam Scythicorum Ægyptiorumque duritia
tanta est , ut nequeant vulnerari. Quorum verò
corpus extensum est, eadem, qua specula ratione,
supini imagines rerum reddunt : Nero princeps
gladiatorum pugnas spectabat smaragdo. Genera
eorum reddunt : nobilissimi Scythici , ab ea gente
in qua reperiuntur appellati : nullis major austeri-
tas, nec minus vitii : & quantum smaragdi à gem-
mis distant , tantum Scythici à cæteris smaragdis.
Proximam laudem habent , sicut & sedem , Ba-
ctriani , quos in commissuris saxorum colligere
dicuntur Etesii flantibus : tunc enim tellurem in-
ter nitent, quia iis ventis maxime harenæ moventur :
sed hos minores multo Scythicis esse tradunt.
Tertium locum Ægyptii habent, qui eruuntur cir-
ca Copton oppidum Thebaidis in collibus & cau-
tibus : reliqua genera in metallis ætariis inveniun-
tur : quapropter principatum ex iis Cyprii obti-
nent : dosque eorum est in colore nec liquido nec
diluto , verum ex humido pingui , quaque perspi-
ciatur , imitante translucidum mare : pariterque
translucet & nitet , hoc est , colorem expellit , &
aciem recipit. Ferunt in ea insula tumulo reguli
Hermiæ juxta cetarias marmoreo leoni fuisse in-
ditos oculos ex smaragdis , ita radiantibus etiam
in gurgité, ut territi instrumenta refugerent thyn-
ni, diu mirantibus novitatem piscatoribus, donec
mutavere oculis gemmas. Sed & vitia demonstrari
oportet in tam proclivi erratu : sunt quidem om-
nium eadem , quædam tamen nationum peculia-
ria, sicut in homine. Ergo Cyprii variè glauci, ma-
gisque ac minus in eodem smaragdo aliis partibus
tenorem illum Scythicæ austeritatis non semper
custodiunt: ad hoc quibusdam intercurrit umbra,

furdusque fit colos : qui improbatum , etiam dilu-
 tior. Hinc genera distinguuntur : sunt aliqui ob-
 scuri, quos vocant cæcos : alii densi, nec è liquido
 translucidi : quidam varia nubecula improbatum :
 aliud est hoc quam umbra, de qua diximus : nu-
 becula enim albicantis est vitium, cum viridis non
 pertransit aspectus, sed aut intus occurrit, aut ex-
 cipit in fine visum candor : hæc coloris vitia : illa
 corporis ; capillamentum, sal, plumbago. Ab iis
 Æthiopici laudantur à Copto dierum trium itine-
 re, ut auctor est Iuba, acriter virides sed non facile
 puri aut concolores. Democritus in hoc genere
 ponit Hermineos & Persicos : illos extumescences
 pinguiter : Persicos verò non translucidos, sed ju-
 cundi tenoris, visum implere, quem non admit-
 tant, felium pantherarumque oculis similes : nan-
 que & illos radiare nec perspicere eosdem in sole he-
 betari, umbris, refulgere, & longius, quam care-
 ros, nitere. Omnium horum etiamnum vitium,
 quod fellis colorem ¹⁵ aut aëris habet : in Sole di-
 lucidi, quidem ac liquidi, sed non virides. Hæc
 vitia & Atticis maxime sentiuntur, in argentariis
 metallis repertis, in loco qui Thoricos vocatur
 semper ¹⁶ minus pingues, & è longinquo specio-
 siores ; frequens & iis plumbago, hoc est, ut in
 Sole plumbei videantur : illud peculiare, quod qui-
 dam ex iis senescunt, paulatim viriditate evanida,
 & Sole læduntur. Post hos Medici plurimum viri-
 ditatis habent, interdum & è sapphiro : ii sunt flu-
 ctuosi, ac rerum imagines complexi, ut verbi gra-
 tia papaverum aut avium, pinnarumque vel catu-
 lorum aut similium : qui non omnino & virides
 nascuntur, vino & oleo meliores fiunt : neque est
 aliorum magnitudo amplior. ¹⁷ Carchedonii ne-
 scio an in totum exoluerint, postquam metalla
 æris

æris ibi defecerunt: & semper tamen vilissimi fue-
re minimique: iidem fragiles, sed colore incerti,
& virentium in caudis pavonum columbarumq;
collo plumis similes, ad inclinationem magis aut
minus lucidi, venosi quidem squamosique. Pec-
liare erat in his vitium sarcion appellatum: hoc est
quædam gemmæ caro. Mons juxta¹⁸ Carchedo-
nem, in quo legebantur, smaragdites vocatus est.
Iuba est autor, smaragdum quem cholon vocant,
in Arabia ædificiorum ornamentis includi & lapi-
dem, quem alabastriten Ægyptii vocant: complu-
res vero è proximis Laconicos in Taygeto monte
erui Medicis similes, & alios in Sicilia. Insuper
smaragdis & quæ vocatur Tanos, è Persis veniens
gemma, ingrate viridis, atque intus sordida: item
chalcosmaragdos è Cypro, turbida æreis venis.
Theophrastus tradit in Ægyptiorum commenta-
riis reperiri, regi eorum à rege Babylonio missum
smaragdum munere iv cubitorum longitudine,
& trium latitudine: & fuisse apud eos in Iovis de-
lubro obeliscum è iv smaragdis xl cubitorum lon-
gitudine, latitudine verò in parte quatuor, in parte
duorum: se autem scribente, esse in Tyro Hercu-
lis templo stantem pilam è smaragdo, nisi potius
pseudosmaragdus sit: nam & hoc genus reperi-
ri, & in Cypro inventum ex dimidia parte sma-
ragdum, ex dimidia jaspidem, nondum humore
in totum transfigurato. Apion cognominatus Pli-
stonices, paulo ante scriptum reliquit, esse etiam
nunc in labyrintho Ægypti colossæum Serapin è
smaragdo novem cubitorum. Eandem multis na-
turam aut certe similem habere Berylli videntur,
in India originem habentes, raro alibi reperti: po-
liuntur omnes sexangula figura artificum ingeniis,
quoniam hebescent, ni color surdus percussu

angulorū excitetur: aliter enim politī nō habent fulgorem eundem. Probatissimi sunt ex iis, qui viriditatem puri maris imitantur: proximi, qui vocantur chrysoberylli, & sunt paulo pallidiores, sed in aureum colorem exeunte fulgore: vicinum genus huic est pallidius, & à quibusdam proprii generis existimatur, vocaturque chrysoprasus: quarto loco numerantur hyacinthizontes: quinto quos aëroides vocant: post eos autem cerini: ac deinde oleagini, hoc est, colore olei: postremi crystallis fere similes: hi capillamenta habent, sordescque, alioquin evanidi, quæ sunt omnium vitia. Indi miræ gaudent longitudine eorum, solosque gemmarum esse prædicant, qui carere auro malint: ob id perforatos elephantorum setis religant: & alios convenit non oportere perforari, quorum sit absoluta bonitas, ¹⁹ umbilicis statim ex auro capita comprehendentibus: ideo cylindros ex iis facere malunt, quam gemmas, quoniam est summa commendatio in longitudine. Quidam & angulosos putant statim nasci, & perforatos gratiores fieri medulla candoris exempta, additoque auro, percussa aut omnino castigata, causa perspicuitatis, crassitudine. Vitia præter jam dicta eadem fere, quæ in smaragdis, & pterygia. In nostro orbe aliquando circa Pontum inveniri putantur. Indi & alias quidem gemmas ²⁰ crystallo invento adulterare reppererunt, sed præcipuè beryllos.

CAP. VI. De opali generibus, & vitiis, & experimentis, & variis gemmis.

Minimum, iidemque plurimum ab iis differunt opali, smaragdis tantum cedentes. India sola & horum est mater. Atque ideo eis pretiosissimam gloriam compositores gemmarum & maxime inenarrabilem difficultatem dederunt: est enim in

his carbunculi tenuior ignis, est amethysti fulgens
 purpura, est smaragdi virens mare, & cuncta pa-
 riter incredibili mistura lucentia: alii summo ful-
 goris argumento colores pigmentorum æquaverunt:
 alii sulphuris ardentem flammam, aut etiam ignis
 oleo accensi: magnitudo nucem avellanam æquat,
 insigni apud nos historia: siquidem extat hodieq;
 hujus generis gemma, propter quam ab Antonio
 proscriptus Nonius Senator est, filius Strumę No-
 nii ejus, quem Catullus poëta in sella curuli visum
 indigne tulit avusq; Servilii Noniani, quem Con-
 sulem vidimus: illeque proscriptus fugiens, hunc
 è fortunis suis omnibus anulum abstulit secum,
 quem certum est sestertiis viginti millibus æstima-
 tum. Sed mira Antonii feritas atque luxuria, pro-
 pter gemmam proscribentis: nec minor Nonii
 contumacia, proscriptionem suam amantis, cum
 etiam ferè abrosas partes corporis relinquant, pro-
 pter quas se periclitari sciant. Vitia opali, si color
 in florem herbę, quę vocatur heliotropium, exeat,
 aut crysallum, aut grandinem: si sal interveniat
 aut scabritia, aut puncta oculis ocurrentia; nul-
 losque magis India similitudine indiscreta vitro
 adulterat: experimentum in Sole tantum: falsis
 enim contra radios libratis digito ac pollice, unus
 atque idem translucet colos in se consumptus: veri
 fulgor subinde variat, & plus huc illucque spargit,
 & fulgor lucis in digitos funditur. Hanc gemmam
 propter eximiam gratiam plerique appellavere pæ-
 derota: sunt & qui privatum genus ejus faciunt,
 fangenonque ab Indis vocari dicunt: traduntur
 nasci & in Ægypto & in Arabia, & vilissimi in
 Ponto: item in Galatia ac Thaso & Cypro: quip-
 pe opali gratiam habet: sed mollius nitet, raro non
 scaber: summa coloris ex ²¹ aëre & purpura con-
 stat:

stat: viriditas smaragdi deest: constatque melior
 ille color, cuius fulgor vini colore fuscatur, quam
 qui diluitur aqua. Hactenus de principatu conve-
 nit, mulierum maxime senatusconsulto: minus
 certa sunt, de quibus & viri iudicant: singulorum
 enim libido singulis pretia facit, & præcipuè re-
 gum. Claudius Cæsar smaragdos induebat & sar-
 donychas. Primus autem Romanorum sardon-
 yche usus est prior Africanus, ut tradit Demostra-
 tus, & inde Romanis hanc gemmam fuisse cele-
 berrimam: quamobrem proximum ei dabimus
 locum. Sardonyches olim, ut ex nomine ipso ap-
 parer, intelligebantur candore in Sarda, hoc est,
 velut carnibus ungue hominis imposito, & utro-
 que translucido: talesque esse Indicas tradunt,
 Ismenias, Demonstratus, Zenothemis, Sotacus: hi
 quidē duo reliquas omnes, quæ non transluceant,
 cæcas atque pellantes, quæ nunc nomen abstulere. Nul-
 lo Sardarum vestigio Arabicæ sunt, cœperuntque
 pluribus hæ gemmæ coloribus intelligi, radice ni-
 gra, aut cæruleum imitante, & ²² unguem: cre-
 ditum enim candido pingi, nec sine quadam spe
 purpuræ candore in minium transeunte: has In-
 dis non habitas in honore Zenothemis scribit: tan-
 tæ alias magnitudinis, ut inde capulos fastitarent:
 etenim constat ibi torrentibus detegi: & placuisse
 in nostro orbe initio, quoniam solæ prope gem-
 marum scalptra, ceram non auferrent. Persuasi-
 mus deinde & Indis, ut ipsi quoque iis gauderent:
 utiturque perforatis, utique vulgus, tantum in
 collo: & hoc est nunc Indicarum argumentum.
 Arabicæ excellunt candore circuli prælucido atque
 non gracili, neque in recessu gemmæ aut in defe-
 ctu renitente, sed in ipsis umbonibus nitente, præ-
 terea substrato nigerrimi coloris: & hoc in Indicis
 cereum

cereum aut corneum invenitur, etiam circuli albi: quædam in iis cælestis arcus, ²³ anhelatio est: superficies verò locustarum maris crustis rubentior. Iam melleæ aut sæculentæ (hoc enim nomen est vitio) improbantur, & si zona alba fundat se, non colligat: simili modo, si ex alio colore in se admittat aliquid enormiter: nihil enim in sua sede alieno interpellari placet. Sunt & Armeniacæ, cætera probandæ, sed pallida zona. Exponenda est & onychis ipsius natura, propter nominis societatem: hoc in gemmam transfuit ex lapide Carmanix. Sudines dicit in gemma esse candorem unguis^s humani similitudine: item chrysolithi colorem & sardæ & jaspidis. Zenothemis Indicam onychem plures habere varietates, igneam, nigram, corneam, cingentibus candidis ²⁴ venis oculi modo, intervenientibus quarundam oculis obliquis venis. Sotacus & Arabicam onychem tradit: sed eam à cæteris distare, quod Indica igniculos habeat, albis cingentibus zonis singulis pluribusve, aliter quam in sardoniche Indica: illic enim momentum esse, hic circulum: Arabicas onychas nigras inveniri candidis zonis. Satyrus carnosas esse Indicas, parte carbunculi, parte chrysolithi & amethysti, totumque id genus abdicat: veram autem onychem plurimas variasq; cum lacteis zonis habere venas omnium in transitu colore inenarrabili, & in unum redeunte concentum suavitate grata. Nec Sardæ natura differenda est, dividuæ ex eodem nomine: obiterque ardentium gemmarum indicanda.

CAP. VII. De generibus carbunculorum, & vitis, & experimentis, & gemmis ardentibus.

Principatum habent carbunculi, à similitudine ignium appellati, cum ipsi non sentiant ignes, ob

id à quibusdam apyroti vocati. Horum genera, Indici & Garamantici, quos & Carchedonios vocare, propter opulentiam Carthaginis magnæ: adjiciunt Æthiopicos & Alabandicos, in Orthosia caute nascentes, sed qui perficiantur Alabandis. Præterea in omni genere masculi appellantur acriores, at fœminæ, languidius refulgentes. In masculis quoque observant liquidioris alios flammæ, nigrioris alios, & quosdam lucidius, ac magis cæteris in Sole flagrant: optimos verò amethystizontas, hoc est, quorum extremus igniculus in amethysti violam exeat: proximos illis, quos vocant ²⁵ syrtitas pinnato fulgore radiantes: inveniri autem ubicunque, maxime Solis percussu. Satyrus Indicos non esse claros dicit, at plerunque sordidos ac semper fulgoris retorridi: Æthiopicos pingues, lucemque non emittentes, sed convulso igne flagrare. Callistratus fulgorem carbunculi debere candidum esse positi, extremo visu nubilantem: si attollatur, exardescentem: ob id à plerisque hunc carbunculum candidum vocari: qui languidius ac lividius ex Indicis lucent, lithizontas appellari: Carchedonios multo minores esse: Indicos etiam in sextarii unius mensuram cavari. Archelaus Carchedonios nigrioris aspectus esse, sed igne, vel Sole, & inclinatione acrius, quam cæteros excitari: eosdem umbrante recto purpureos videri, sub cælo flammeos, contra radios Solis & scintillare, ceras signantibus his liquefcere, quamvis in opaco. Multi Indicos Carchedoniis candidiores esse, & è diverso inclinatione hebetari scripsere: etiamnum in Carchedoniis maribus stellas intus ardere, fœminas fulgorem universum fundere extra se: Alabandicos cæteris nigriores esse scabrosque. Nascuntur & in Thracia coloris ejusdem,

dem, ignem minime sentientes. Theophrastus auctor est, & in Orchomeno Arcadiæ inveniri, & in Chio: illos nigriores, è quibus & specula fieri: esse & Trœzenios varios intervenientibus maculis albis: item Corinthios ²⁶ ex pallidiore candidos: Massilia quoque importari Bocchus & Olyssipone scripsit magno labore ob argillam Sole adustis sal-
tibus. Nec est aliud difficilius, quam discernere hæc genera: tanta est in eis occasio artis: subditis per quæ translucere cogantur. Ajunt ab Æthiopibus hebetiores in aceto maceratos quatuordecim diebus nitescere, totidem mensibus durante fulgore. Adulterantur vitro simillime, sed core deprehenduntur, sicut aliæ gemmæ factitiæ: mollior enim materia & fragilis: & centrosa scobe deprehenduntur & pondere, quod minus est vitreis: aliquando & pustulis argenti modo relucetibus. Est & anthracitis appellata, in Thesprotia fossilis, carbonibus similis: falsum arbitror, quod & in Liguria nasci tradiderunt, nisi forte tunc nascebatur. Esse in iis & præcinctæ candida vena traduntur: harum igneus color, ut superiorum est: peculiare quidem, quod jactatæ in ignem velut intermortuæ extinguuntur: contra aquis perfusæ exardescunt. Cognata est huic Sandalstros, quam aliqui Garamantiten vocant: nascitur in India loco ejusdem nominis: gignitur & in Arabia ad meridiem versa. Commendatio summa, quod velut in translucido stellantes intus fulgent aureæ guttæ, semper in corpore, nunquam in cute: accedit religio narrata à siderum cognatione ab inspectoribus, quoniam fere stellarum Hyadum & numero & dispositione stellantur, ob id Chaldæis in ceremoniis habitæ: & hic mares austeritas distinguit, quodam vigore apposita tingens: indicæ quidem etiam hebetare
visus

visus dicuntur: blandior fœminis flamma, alliciens
magis, quam accendens. Sunt qui præferant Ara-
bicas Indicis, fumidæque chrysolitho illas similes
dicunt. Ismenias verò negat poliri sandastros pro-
pter teneritatem, & ob id in magno errore sunt,
qui sandareson vocant: inter omnes constat, quan-
tum numero stellarum accedat, tantum & pretio
accedere. Affert errorem aliquando similitudo no-
minis, sandaser, quod Nicanor sandaserion voca-
vit, alii sandaseron: quidam verò hanc sandastron,
illam sandareson, in India nascentem illam quo-
que, & loci nomen custodientem: mali colore,
aut olei viridis, omnibus improbatam. Ex eodem
genere ardentium lychnitis appellata à ²⁷ lucerna-
rum accensarum præcipua gratia. Nascitur circa
Orthosiam, totaque Caria ac vicinis locis, sed pro-
batissima in Indis, quam quidam remissiores car-
bunculum esse dixerunt: secunda bonitate similis
est Ionis appellata à prælatis floribus. Et alias in-
venio differentias: unam quæ purpura radiet, al-
teram quæ cocco, à Sole excalfactas, aut digito-
rum attritu, paleas & chartarum fila ad se rapere:
hoc idem & Carchedonius facere dicitur, quan-
quam multo vilior prædictis. Nascitur apud Nasa-
monas in montibus, ut incolæ putant, imbre di-
vino: invenitur ad percussum Lunæ, maxime
plenæ: Carthaginem quondam deportabatur. Ar-
chelaus & in Ægypto circa Thebas nasci tradidit,
fragiles, venosas, morienti carboni similes: potio-
ria vasa & ex hoc lapide & ex lychnite factitata in-
venio. Omnia autem hæc genera sculpturæ contu-
maciter resistunt, partemque ceræ in signo tenent:
è diverso ad hæc sarda utilissima, quæ nomen cum
sardonyche communicavit: ipsa gemma vulgaris,
& primum ²⁸ Sardibus reperta, sed laudatissima
circa

circa Babyloniam, cum lapidicinæ quædam aperirentur, hærens in saxi corde. Hocque modo metallum apud Persas defecisse traditur: sed inveniuntur compluribus aliis locis, sicut in Paro & Assio: in India trium generû: rubrum, & quod demum vocant à pinguedine, tertium quod argenteis bracteis sublinitur: Indicæ perlucet: crassiores sunt Arabicæ: inveniuntur & circa Ægyptum, quæ bractea aurea sublinuntur: & in his autem mares excitatius fulgent, fœminæ pinguiore sunt, & crassius nitent. Nec fuit alia gemma apud antiquos usu frequentior: hac certe apud Menandrum & Philemonem fabulæ superbiunt: nec ullæ translucentium tardius suffuso humore hebetantur, oleoque magis, quam alio liquore: damnantur ex iis melleæ, & validius testaceæ.

CAP. VIII. *De generibus topazii, & callaide, & de gemmis viridibus non translucentibus.*

Egregia etiamnum Topazio gloria est, suo ²⁹ virienti genere, & cum reperta est, prælatæ omnibus. Id accidit in Arabiæ insula, quæ Chitis vocatur: in qua Troglodytæ prædones, cum diutius fame & tempestate pressi, herbas radicesque effoderent, eruerunt topazion: hæc Archelai sententia est. Iuba topazion insulam in Rubro mari à continente stadiis ccc abesse tradit, nebulosam & ideo quæsitam sæpe navigantibus, ex ea causa nomen accepisse: Topazin enim Troglodytarum lingua significationem habere querendi. Ex hac primum importatam Berenicę reginæ, quæ fuit mater sequentis Ptolemæi, à Philemone præfecto regis, ac mire placuisse, & inde factam statuam Arsinoæ Ptolemæi Philadelphi uxori quatuor cubitorum, sacram in delubro, quod aureum cognominabatur. Recentissimi autores & circa Thebaidis Alabastrum

strum oppidum nasci dicunt: duo ejus genera faciunt, praesoidem atque chrysopteron similem chrysoprasio: ejus enim tora similitudo ad porri succum dirigitur: est autem amplissima gemmarum: eadem sola nobilium limam sentit: ceteræ Naxiis cotibus poliuntur: hæc & usu atteritur. Comitatur eam similitudine propior, quam autoritate, callais, è viridi pallens: nascitur post averfa Indiæ apud incolas Caucaſi montis ³⁰ Phicaros ac Asdastas amplitudine conspicua, sed fistulosa ac sordium plena: syncerior multo præstantiorque in Carmania: utrobique autem rupibus inuis & gelidis, oculi figura extuberans, leviterque adhærens, nec ut agnata petris, sed ut apposita: quapropter scandere ad eam pigritia pedum equestres populos tædet, simul & periculum terret: ergo fundis è longinquo incessunt, & cum toto musco excutiant. Hoc vestigal, hocque gestamen divites in cervice gratissimum norunt: hic census, hæc gloria à pueritia dejectorum numerum prædicantium: in quo varia fortuna; quidam ictu primo cœpere præclaras, multi insectando nullas. Et venatus quidem callais talis: sectura formantur, alias fragiles: optimus color smaragdi: ut tamen apparet, ex alieno est quod placeant: inclusæ decorantur auro, aurumque nullæ magis decent: quæ sunt earum pulchriores, oleo unguento, & mero colorem deperdunt: viliores constantius repræsentant: neque est imitabilior alia mendacio vitri. Sunt qui in Arabia inveniri eas dicant in nidis avium, quas melancoryphos vocant. Viridantium & alia plura sunt genera: vilioris est turbæ Prasius: cujus alterum genus sanguineis punctis obhorret: tertium virgulis tribus distinctum est candidis: præfertur his chrysoprasius, porri succum & ipsa referens, sed

sed hæc paulum declinans à topazio in aurū: huic
& amplitudo ea est, ut cymbia etiam ex ea fiant:
cylindri quidem celerrime: India & has generat,
& Nilion, fulgore hebeti ac brevi, & cum intuea-
re, fallaci: Sudines dicit & in Syvero Atticæ flu-
mine nasci: est autem color fumidæ topazii, aut
aliquando melleæ: Iuba in Æthiopia gigni tradit,
in litoribus amnis, quem Nilum vocamus, & inde
nomen trahere. Non translucet molochites spissius
virens, à colore malvæ nomine accepto, reddendis
laudata signis, & infantium custodia quadam
innato contra pericula ipsorum medicamine. Vi-
ret, & sæpe translucet Iaspis, etiam si victa à mul-
tis, antiquitatis tamen gloriam retinens: plurimæ
ferunt eam gentes; smaragdo similem Indi: Cy-
pros duram glaucoque pingui: Persæ aëri similem:
ob id vocatur aërizusa: talis & Caspia est: cæru-
lea, circa Thermodoontem amnem: in Phrygia
purpurea: in Cappadocia ex purpura cærulea, at-
que non refulgens: Amisos Indicæ similem mittit,
Chalcedon turbidam. Sed minus refert nationes,
quam bonitates, distinguere. Optima ergo, quæ
purpuræ quicquam habet: secunda, quæ rosæ:
tertia, quæ smaragdi: singulis autem Græci no-
mina ex argumento dedere. Quarta apud eos vo-
catur Borea, cælo autumnali matutino similis: &
hæc erit illa, quæ vocatur aërizusa: similis est &
Sardæ; imitata & violas. Non minus multæ spe-
cies reliquæ, sed omnes in vitio cæruleæ aut cry-
stallo similes, aut ³² myxis: item terebinthizusa,
improprio (ut arbitror) cognomine, velut à mul-
tis ejusdem generis composita gemmis. Quam-
obrem præstantiores funda clauduntur, id est pa-
tentes, nec præterquam margines auro amplecten-
te. Vitium est & brevis in iis nitor, & longe splen-
dens,

dens, & sal, & omnia, quæ in cæteris. Et vitro adulterantur, quod manifestum fit, cum extra fulgorem spargunt, atque non in se continent: nec diversæ, quas sphragidas vocant, publico harum gemmarum dominio iis tantum dato, quoniam optime signent.

C A P. IX. *De jaspidium generibus.*

Totus verò Oriens pro amuletis traditur gestare eam, quæ ex iis smaragdo similis est: & transversa linea alba media præcingitur, & grammantias vocatur: quæ pluribus, polygrammos. Libet obiter vanitatem Magicam hic quoque coarguere, quoniam hanc concionantibus utilem esse prodiderunt. Est & onychipuncta, quæ jasponyx vocatur, & nubem complexa, & nives imitata: hæc stellata rutilis punctis est, & sali Megarico similis: & veluti fumo infecta, quæ capnias vocatur. Magnitudinem jaspidis undecim unciarum vidimus, formatamq; inde effigiem Neronis thoracatam. Reddetur & per se Cyanos, ³² accommodato paulo ante jaspidis nomine, colore cæruleo: optima Scythica, dein Cypria, postremo Ægyptia. Adulteratur maxime tinctura, idque in gloria regis Ægyptii ascribitur, qui primus eam tinxit. Dividitur autem & hæc in mares foeminasque: inest ei aliquando & aureus pulvis, non qualis in sapphiris. Sapphirus enim & aureis punctis collucet: cæuleæ & sapphiri, raroque cum purpura: optimæ apud Medos, nusquam tamen perlucidæ: præterea inutiles scalpurae intervenientibus crystallinis centris: quæ sunt ex iis cyanei coloris, mares existimantur. Alius ex hoc ordo purpureis dabitur, & ab illis descendentibus. Principatum amethysti Indicæ tenent: sed in Arabia quoque parte, quæ finitima Syria Petræa vocatur, & in Armenia minore, &
in

in Aegypto, & in Gallia reperiuntur: sordidissimæ autem vilissimæque in Thaso & Cypro. Causam nominis afferunt, quod usque ad vini colorem accedens, prius quam eum degustet, in violam desinat: fulgorque quidam in illa purpuræ non ex toto igneus, sed in vini colorem deficiens. Perlucent autem omnes violaceo colore, sculpturis faciles: Indicæ absolutum felicitis purpuræ colorem habent: ad hancque tingentium officinæ dirigunt vota: fundit autem eum aspectu leniter blandum, neque in oculos, ut carbunculi, vibrat: alterum earum genus descendit ad hyacinthos: hunc colorem Indi sacon vocant, talemque gemmam sacodion: dilutior ex eodem sapinos vocatur: eadem paranites in contermino Arabiæ, gentis nomine: ~~quæ tamen~~ ^{quæ tamen} generis colorem vini habet: quintum ad viciniam crystalli descendit: ~~alibi~~ ^{alibi} ~~ante~~ ^{ante} pupuræ dejectu: hoc & minime probatur, quando præcellens debet esse in suspectu velut ex carbunculo refulgens quidam in purpura leviter roseus nitor. Tales aliqui malunt pæderotas vocari, alii anterotas, multi Veneris gemmam, quod maxime videtur decere & specie & colore extremo gemmæ. Magorum vanitas resistere ebrietati eas promittit, & inde appellatas: præterea si Lunæ nomen ac Solis scribatur in iis, atque ita suspendantur è collo capillis cynocephali vel plumis hirundinis, resistere beneficiis: jam verò quoquo modo adesse reges adituris: grandinem quoque avertere, ac similia; & locustas, precatione addita, quam demonstrant: nam è smaragdis quoque similia promissere, si aquilæ scalperentur, aut scarabæi: quæ quidem scripsisse eos non sine contemptu & irrisu generis humani arbitror. Multum ab ea distat Hyacinthos, tamen è vicino descendens: differentia hæc quod
ille

lum, viridis suo modo aër, simulque purpura, & quidam vini aureus nitor, semper extremus in visu, sed purpura coronatus madere singulis videtur his, & pariter omnibus. Nec gemmarum ulla est liquidior, ³⁶ capiti jucunda, suavis & oculis: laudatissima est in Indis, apud quos argenon vocatur: proxima apud Ægyptios, ubi senites: tertia in Arabia, verum scabra: mollius radiat Pontica & Asiatica: ipsa verò molliores sunt, Galatica & Thracia & Cypria. Vitium earum languor, aut alienis turbari coloribus, & quæ cæterarum. Proxima candicantium est Asteria, principatum habens proprietate naturæ, quod inclusam lucem pupillæ modo quandam continet, ac transfundit cum inclinatione, velut intus ambulantiem ex alio atque alio loco reddens, eademque contraria Soli regerens candicantes radios, unde nomen invenit, difficilis ad cælandum: Indicæ præfertur in Carmania nata. Similiter candida est, quæ vocatur Astrios, crystallo propinquans, in India nascens, & in Pallenès litoribus: intus à centro ceu stella lucet fulgore Lunæ plenæ: quidam causam nominis reddunt, quod Astris opposita fulgorem rapiat ac regerat: optimam in Carmania gigni, nullamque minus obnoxiam vitio: Cerauniam enim vocari, quæ sit deterior: pessimam lucernarum lumini similem. Celebrant & Astroiten, mirasque laudes ejus in Magicis artibus Zoroastrem cecinisse, quidam diligentius de ea produnt. Astrebolon Sudines dicit oculis piscium similem esse, & radiare candido, ut Solem. Est inter candidas & quæ Ceraunia vocatur, fulgorem siderum rapiens, ipsa crystallina, splendoris cærulei, in Carmania nascens: albam esse Zenothemis fatetur, sed habere intus stellam concursantem: fieri & hebetes Cerau-

Ceraunias, quas nitro & aceto per aliquot dies maceratas concipere stellam eam, quæ post totidem menses relanguescat. Sotacus & alia duo genera fecit Cerauniæ, nigras rubentesque, ac similes eas esse securibus: per illas, quæ nigrae sunt & rotundæ, urbes expugnari & classes, easque betulos vocari: quæ verò longæ sunt, Ceraunias. Faciunt & aliam raram admodum, & Parthorum Magis quæsitam, quoniam non aliubi inveniatur, quam in loco fulmine ictō. Proximum Cerauniæ nomen apud eos habet, quæ appellatur Iris: effoditur in quadam insula Rubri maris, quæ distat à Berenice urbe sexaginta millia passuum cætera sui parte crystallus: itaque quidam radicem crystalli esse dixerunt: vocatur ex argumento Iris: nam sub tecto percussa Sole, species & colores arqus cælestis in proximos parietes ejaculatur, subinde mutans, magnaue varietate admirationem sui augens: sexangulam esse, ut crystallum, constat: sed esse aliquas scabris lateribus & angulis inæqualibus dicunt, in Sole aperto projectas, radios in se cadentes discutere: aliquas verò ante se projecto nitore adjacentia illustrare. Colores verò non nisi ex opaco reddunt, nec ut ipsæ habeant, sed ut repercussu parietum elidant: optimaque, quæ maximos arqus facit simillimosque cælestibus. Est & alia Iris ceræ similis, prædura: quam Horus crematam tusamque ad ichneumonum morsus remedio esse nasci autem in Perside tradit. Similis est aspectu, sed non ejusdem effectus, quæ vocatur Zeros, alba nigraque macula in transversum distinguente crystallum. Expositis per genera colorum principalium gemmis, reliquas literarum ordine explicabimus.

CAP. XI De quibusdam gemmis per
alphabeti ordinem.

Achates in magna fuit autoritate, nunc in nulla est : reperta primum in Sicilia juxta flumen ejusdem nominis, postea plurimis locis, excedens amplitudine, numerosa varietatibus diversis mutantibus cognomina ejus. Vocatur enim ³⁷ phassachates, sardachates, hæmachates, leucachates, dendrachates, velut arbuscula insignis : ³⁸ antachates, cum uritur, myrrham redolens, coralloachates, guttis aureis sapphiri modo distincta, qualis copiosissima in Creta, sacra appellata : putant eam contra ataneorum & scorpionum ictus prodesse : quod in Siculis utique crediderim, quoniam primum ejus provinciæ afflatu scorpionum pestis extinguitur : & in India inventæ contra eadem pollent & aliis magnis miraculis : reddunt enim species fluminum, nemorum & jumentorum, etiam esseda & stacula & equorum ornamenta. Medici coticulas inde faciunt : spectasse etiam prodest oculis : sitim quoque sedant in os additæ : Phrygiæ viridia non habent : Thebis Ægyptiis repertæ carent rubentibus venis & albis : & hæ quoque contra scorpiones validæ : eadem autoritas & Cypriis est : sunt qui maxime probent vitream perspicuitatem in his. Reperiuntur & in Thracia & circa Oetam, & in Parnasso, & in Lesbo ac Messene, similes ³⁹ limitum floribus, & in Rhodo. Aliæ apud Magos differentia : leoninæ pelli similes, potentiam habere contra scorpiones dicuntur : in Persis verò suffitu earum tempestates averti, & præterea flumina sisti : argumentum esse, si in ferventes cortinas additæ refrigerent : sed ut profint, leoninis jubis alligandas : nam hyænæ pelli similem abominantur, discordialem domibus : eam verò,
quæ

quæ unius coloris sit, invictam athletic esse: argumentum ejus, quod in olla plena olei cocta cum pigmentis, & intra duas horas subservefacta, unum colorem ex omnibus facit minii. Acopis nitro similis est, pumicosa, aureis guttis stellata: cum hac oleum subservefactum perunctis lassitudinem (si credimus) solvit. Alabastrites nascitur in Alabastro Ægypti, & in Syriæ Damasco, candore interstincto variis coloribus: hæc cremata cum fossili sale ac trita, gravitates oris & dentium extenuare dicitur. Alecatorias vocant in ventriculis galinaceorum inventas, crystallina specie, magnitudine fabæ: quibus Milonem Crotoniensem usum in certaminibus, invictum fuisse videri volunt. Andromas argenti nitorem habet, ut adamas, quadrata, semperque tessellis similis: Magi putant nomen impositum ab eo, quod impetus hominum, & iracundias domet: eadem sit, an alia, argyrodamas, autores non explicant. Antipathes nigra non translucet: experimentum ejus si coquatur in lacte: facit enim hoc myrrhæ simile immissa: eamque contra effascinationes auxiliari Magi volunt. Arabica ebori simillima est, & hoc videretur, nisi abnueret duritia: putant contra dolores nervorum prodesse habentibus. Aromatites & ipsa in Arabia traditur gigni, sed & in Ægypto circa 4^o Pyras, ubique lapidosa, & myrrhæ coloris & odoris, ob hoc reginis frequentata. Asbestos in Arcadiæ montibus nascitur, coloris ferrei. Aspilatem Democritus in Arabia gigni tradit, ignei coloris: eam oportere cameli pilo splenetis alligari, inveniri que in nido Arabicarum alitum: & aliam eodem nomine ibi in Leucopetra nasci argentei coloris, radiantem, contra lymphatum habendam. Atizoem in India & in Perside ac Ida monte

monte nasci tradit, argenteo nitore fulgentem, magnitudine trium digitorum, ad lenticulæ figuram, odoris jucundi, necessariam Magis regem constituentibus. Augites non multis alia videtur esse, quam quæ callais. Amphitane alio nomine appellatur chrysocolla, in Indiæ parte, ubi formicæ eruunt aurum, in qua invenitur auro similis quadrata figura: affirmaturque natura ejus, quæ magnetis, nisi quod trahere quoque aurum traditur. Aphrodisiace ex candida rufa est. Asyctos septenis diebus calorem tenet excalfacta igni, nigra ac ponderosa, distinguuntibus eam venis rubentibus: putant prodesse contra frigora. Ægyptillam Iacchus intelligit, per album fardā nigraque vena transeunte: vulgus autem in nigra radice cæruleam facit. Balanitæ genera duo habent, subvirides, & Corinthii æris similitudine: illa Copto, hæc ex Troglodytica veniens, medias secante flammea vena. Coptos & Batrachitas mittit: unam ranae similem colore: alteram ebori: tertiam rubentem è nigro. Baptes, mollis alioquin, odore excellit. Beli oculus albicans pupillam pingit nigram, è medio aureo fulgore lucentem: hæc propter suam speciem sacratissimo Assyriorum Deo dicatur: aliam autem quam Belum vocant, in Asbelis nasci Democritus tradit, nucis juglandis magnitudine vitrea specie. Baroptenus sive baroptis nigra, sanguineis & albis nodis alligata dicitur, velut portentosa. Botrytes alia nigra est, alia pampinea, incipiente uvæ similis: Zoroastres crinibus mulierum similiorem Bosthrychiten vocat. Bucardia bubulo cordi similis Babylone tantum nascitur. Brontia capitibus testudinum similis, & cum tonitruis cadens, (ut putant,) fulmine icta restinguit, si credimus: Bolæ nimbo inveniuntur, glebæ similitudine. Cadmitis eadem

eadem esset, quam Ostracitin vocant nisi quod hanc cæruleæ interdum cingunt bullæ. Callais saphirum imitatur, candidior, & littoroso mari similis. Capnites quibusdam videtur suum genus habere, plurimis spiris fumida, ut suo loco diximus: in Cappadocia & in Phrygia nascitur, ebori similis. Callainas ferunt plures conjunctos semper inveniri. Catochites Corsicæ lapis est, cæteris major, mirabilis si vera traduntur, impositam manum veluti gummi retinens. Catopyrites in Cappadocia provenit. Cepites, sive cepocapites, candida est, venarum nodis coeuntibus, candore imaginem regerens. Ceramites, testæ colorem habet. Cinædiæ inveniuntur in cerebro piscis ejusdem nominis, candidæ & oblongæ, eventuque mirandæ, si modo est fides præfigere eas habitum maris nubilo colore aut tranquillitate. Cerites cæræ similis est: Circos pyris: Corsoides canitici hominis: Coralloachates corallo aureis guttis distinctæ: Corallis minio: gignitur in India & Syene. Craterites inter chrysolithum & electrum colorem habet, præduræ naturæ. Crocallis cerasum repræsentat. ⁴¹ Cissites circa Copton nascitur candida, & videtur intus habere partum, qui sentiatur etiam strepitu. Chalcophonos nigra est, sed illisa æris tinnitum reddit, tragædis, ut suadent, gestanda. Chelidoniæ duorum sunt generum, hirundinum colore, & altera parte purpureæ nigris interpellantibus maculis. Chelonia oculus est Indicæ testudinis, vel portentosissima Magorum mendaciis: melle enim colluto ore impositam linguæ, futurorum divinationem præstare promittunt: quintadecima Luna & silente, tota die: decrescente verò ante Solis ortum, cæteris diebus à prima in sextam horam. Sunt & chelonitides

testu-

testudinum similes, ex quibus ad tempestates sedandas multa vaticinantur: ea verò, quæ sit aureis guttis, cum scarabæo dejecta in aquam ferventem, tempestates averti. Chlorites herbacei coloris est, quam dicunt Magi inveniri in motacillæ avis ventre, congenitam ei: ferroque includi jubent, ad quædam prodigiosa moris sui. Choaspites à flumine dicta est, viridis, fulgoris aurei. Chrysolampis in Æthiopia nascitur, pallidi coloris die, noctu ignei. Chrysophis aurum videtur esse. Cepionides in Æolidis Ararne, nunc pago, quondam oppido, nascuntur, multis coloribus translucens, alias vitreæ, alias crystallinæ, alias jaspideæ: sed & sordidis tantus est nitor, ut imagines reddant, ceu specula. Daphniam Zoroastres morbis comitialibus demonstrat. Diadochus beryllo similis est. Diphris duplex, candida ac nigra, mas ac scœmina, genitale utriusque sexus distinguente linea. Dionysias nigra ac duramistis rubentibus maculis: ex aqua trita saporem vini facit, & ebrietati resistere putatur. Draconites sive dracontia è cerebro fit draconum, sed nisi viventibus abscisso nunquam gemmescit, invidia animalis mori se sentientis: igitur dormientibus amputant. Soracus qui visam eam gemmam sibi apud regem scripsit, bigis vehi quærentes tradit, & viso dracone spargere somnifica medicamenta, atque ita præcidere: esse autem candore translucido, nec postea poliri, aut artem admittere. Encardia cognominatur & cardisce: una, in qua nigra effigies cordis eminet: altera, eodem nomine viridi colore, cordis speciem repræsentat: tertia nigrum cor ostendit, reliqua sui parte candida. Enorchis candida est, divisaque fragmentis testium effigiem repræsentat. Exhe-

benum Zoroastres speciosam & candidam tradit, qua aurifices aurum poliunt. Eristalis cum sit candida, ad inclinationes rubescere videtur. Erotolos eadem ampicome & hieromnemone, à Democrito laudatur in argumentis divinationum. Eumeces in Bactris nascitur, filici similis, & capiti supposita visa nocturna oraculi modo reddit. Eumetren Beli gemmam, sanctissimi Deorum sibi, Assyrii appellant, porracei coloris, superstitionibus gratam. Eupetalos quatuor colores habet, caruleum, igneum, minii, mali. ⁴² Eureos nucleo olivæ similis est, striata concharum modo, non adeo candida. Eurotias situ videtur operire nigritiam. Eusebes ex eo lapide est, ex quo traditur Tyri in Herculis templo facta sedes, ex qua ⁴³ Dii facile surgebant. Epimelas fit, cum in candida gemma superne nigricat colos. Galaxiam aliqui galactiten vocant, similem proxime dictis, sed intercurrentibus sanguineis aut candidis venis. Galactites ex vino colore lactis est. eandem dicunt leucam, & leucographiam appellant, & synnephiten, tritam lactis succo ac sapore notabilem: in educatione nutricibus lactis fecunditatem, infantium quoque alligata collo salivam facere dicitur, in ore autem liquefcere: eandem memoriam adimere dicunt: mittit eam & Achelous amnis: sunt qui smaragdum albis venis circumligatum galactiten vocent. Galaicos argyrodamanti similis est, paulo sordidior: inveniuntur autem binæ vel ternæ. Gasidanem Medi mittunt, coloris orobini, veluti floribus sparsam: nascitur & in Arbelis: hæc quoque gemma concipere dicitur, & intra se partum fateri concussa, concipere autem trimestri spatio. Glossopetra linguæ similis humanæ in terra non nascitur, sed deficiente

ciente Luna cælo decidere, & lenocinanti necessaria creditur: quod ne credamus, promissi quoque vanitas facit: ventos enim ea comprimiarrant. Gorgonia nihil aliud est, quam corallium: nominis causa, quod in duritiam lapidis mutatur, ⁴⁴emollit maria; fulminibus & typhoni resistere affirmant. Genianen eadem vanitate inimicorum pœnas efficere promittunt. Heliotropium nascitur in Æthiopia, Africa, Cypro, porracei coloris, sanguineis venis distincta: causa nominis, quoniam dejecta in vas aquæ, fulgorem Solis accedentem, percussu sanguineo mutat, maxime Æthiopica: eadem extra aquam speculi modo Solem accipit, deprehenditque defectus, subeuntem Lunam ostendens. Magorum impudentiæ vel manifestissimum in hac quoque exemplum est, quoniam admista herba heliotropio, quibusdam quoque additis precationibus, gerentem conspici negent. Hephæstites quoque speculi naturam habet in reddendis imaginibus, quanquam rutila: experimentum est, si ferventem aquam addita statim refrigeret, aut si in Sole addita aridam materiam accendat: nascitur in Coryco. Horminodes, ex argumento viriditatis in candida gemma vel nigra, & aliquando pallida, ambiente circulo aurei coloris, appellatur. Hexecontalithos in parva magnitudine multicolor, hoc sibi nomen adoptavit: reperitur in Troglodytica regione. Hieracites alternat tota, milvinis nigricans veluti plumis. Hammities ovīs piscium similis est, & alia velut nitro composita, prædura alioquin. Hammonis cornu inter sacratissimas Æthiopiæ gemmas, aureo colore, arietini cornus effigiem reddens promittitur prædivina somnia repræsentare. Hormesion inter graussimas aspicitur, ex igneo colore

lore radians auro, portante secum in extremitatibus candidam lucem. Hyæniæ ex oculis hyæniæ, & ob id in vase inveniri dicuntur: & si credimus, linguæ hominis subditæ futura prædicere. Hæmatites in Æthiopia quidem principalis, sed & in Arabia & Africa invenitur sanguineo colore, non omittenda promissis ad coarguendas barbarorum insidias: Zacharias Babylonius in his libris quos scripsit ad regem Mithridatem, humana gemmis⁴⁵ attribuit fata: has non contentus oculorum & jocinorum medicina decorasse, à rege etiam aliquid petituris dedit, & litibus judiciisque interposuit: in præliis etiam eas salutes pronuntiavit. Est & alia ejusdem generis, quæ vocatur henui ab Indis, xanthos appellata Græcis, è fulvo candicans. Idæi dactyli in Cræta, fætreo colore pollicem humanum expriment: Ictérias aliti lurido similis, ideo existimatur salubris contra regios morbos: est & alia eodem nomine lividior: tertia folio viridi similis, latior prioribus, pene sine pondere, venis luridis: quartum genus in eodem colore nigris venis descendentibus. Iovis gemma candida est, non ponderosa, tenera. Indica gentium suarum habet nomen, subrufo colore, in attritu sudorem purpureum emanat: alia eodem nomine candida, pulvereo aspectu. Ion apud Indos violacea est, sed raro futuro colore lucet. Lepidotes squamas piscium variiis coloribus imitatur. Lesbias Lesbii patriæ nomen habens, invenitur & in India. Leucophthalmos rutila alias, oculi speciem candidam nigramque continet. Leucopetalos candorem nivis ex aureo distinguit. Libanochros thuris similitudinem ostendit, sed succum mellis: Limoniates eadem videtur, quæ smaragdus. Delipare hoc tan-

tum traditur, suffita ea omnes bestias evocari. Lysimachus Rhodio marmori similis est aureis venis: politur ex matmore, amplitudine in angustias coeunte, ut inutilia exterantur. Leucochrysos fit chrysolitho interalbicante. Mennonia qualis sit, non traditur. Medea nigra est, à Medea illa fabulosa inventa: habet venas aurei coloris: sudorem reddit croci, saporem autem vini. Meconites papavera exprimit. Mitrax à Persis accepta est & Rubri maris montibus multicolor, contra Solem variè refulgens. Meroetes porracea lacte sudat. Morion Indica, quæ nigerrimo colore transluet, vocatur pramnion: in qua miscetur & carbunculi colos, Alexandrinum: ubi fardæ, Cyprium: nascitur & in Tyro & in Galatia: Xenocrates & sub Alpibus nasci tradit: hæ sunt gemmæ, quæ ad ectypas sculpturas aptantur. Myrrhites myrrhæ colorem habet, faciemque minimæ gemmæ, unguenti odorem, attrita etiam nardi. Myrmecias nigra habet eminentias similes verrucis. Myrsinites melleum colorem habet, myrri odorem. Mesoleucos est, mediam gemmam candida distinguente linea: Mesomelas, nigra vena quemlibet colorem secante per medium. Nasamonites est sanguinea, nigris venis. Nebrites Libero patri sacra, nomen traxit à nebridum ejus similitudine: sunt & aliæ nigrae generis ejusdem. Nympharena urbis & gentis Persicæ nomen habet, similis hippopotami dentibus. Orca barbari nominis, è nigro fulvoque ac viridi & candido placet. Ombria, quam aliqui notiam vocant, sicut ceraunia & brontia cadere cum imbribus & fulminibus dicitur, eundemque effectum habere, quem brontia, narratur: præterea in aras addita ea, traditur libamenta

non amburi. Orites globosa specie, à quibusdam & siderites vocatur, ignem non sentiens. Ostracias sive ostracites est testacea durior: altera achatæ similis, nisi quod achates politura pinguescit: duriori tanta inest vis, ut aliæ gemmæ scalpantur fragmentis ejus. Ostraciti ostrea nomen & similitudinem dedere. Ophicardelon Barbari vocant, nigrum colorem binis lineis albis includentibus. De Obsidiano lapide diximus superiore libro: inveniuntur & gemmæ eodem nomine ac colore, non solum in Æthiopia Indiaque, sed etiam in Samnio, ut aliqui putant, & in litoribus Hispaniensis Oceani. Panchrus fere ex omnibus coloribus constat. Pangonius non longior digito, ne crystallus videatur, numero plurium angulorum caveretur. Paneros qualis sit, à Metrodoro non dicitur: sed carmen Timaridis reginæ in eadem dicatum Veneri non inelegans ponit, ex quo intelligitur additam ei fecunditatem: quidam hanc pansébastion vocant. Ponticarum plura sunt genera: est stellata nunc sanguineis, nunc ⁴⁶ attris guttis, quæ inter sacras habetur: alia pro stellis ejusdem coloris lineas habet, alia montium convalliumque effigies. Phloginos, quem & chryfiten vocant, ostreæ Atticæ assimilata invenitur in Ægypto. Phœnicites ex balani similitudine appellatur: Phycites algæ. Perileucos, filo ab ora gemmæ ad radicem usque candido descendente. Præantides, quas quidam gemonidas vocant, prægnantes fieri & parere dicuntur, mederique parturientibus: nam tales in Macedonia juxta monumentum Tiresiæ inveniuntur, specie aquæ glaciata. Solis gemma candida est, & ad speciem sideris in orbem fulgentes spargit radios. Sagdam Chaldæi adhærescentem navibus inveniunt, præ-

fini

fini coloris. Samothracia insula ejusdem nominis gemmam dat nigram, ac sine pondere, ligno similem. Sauriten in ventre viridis lacerti harundine dissecti tradunt inveniri. Sarcites bubulas carnes præsentat. Selenites ex candido transluet melleo fulgore, imaginem Lunæ continens, redditque eam in dies singulos crescentis minuentisque numero: nascique putatur in Arabia. Siderites ferro similis, litigio illata discordias facit: quæque nascitur in Æthiopia Sideropœcilos ex ea fit variantibus guttis. Spongites spongiæ nomen repræsentat. Synodontites è cerebro piscium est, qui synodontes vocantur. Syrtitæ in litore Syrtium, jam quidem & in Lucania inveniuntur è melleo colore croco refulgentes: intus autem stellas continent languidas. Syringites stipulæ internodio similis, perpetua fistula cavatur. Trichrus ex Africa nigra est, sed tres succos reddit, à radice nigrum, medio sanguineum, summo candidum. Telirrhizos cinerei coloris aut rufi, candidis radicibus spectatur. Telicardios colore cordis, Persas, apud quos gignitur, magnopere delectat, maculamq; appellant. Thracia trium generum est, viridis, aut pallidior, tertia sanguineis guttis. Thephritis novæ Lunæ speciem habet curvatæ in cornua, quamvis cinerei coloris. Tecolithos oleæ nucleo similis videtur: neque est ei gemmæ honos, sed lingentium calculos frangit pellitque. Veneris crines, nigerri mi nitoris, continent in se speciem rufi crinis. Veientana Italica gemma est, Veiis reperta, nigram materiam distinguente limite albo. Zanthem in Media nasci Democritus tradit, electri colore, & si quis terat in vino palmeo & croco, ceræ modo lentescere, odore magnæ suavitatis.

47 Zmilaces in Euphrate nascitur, Proconnesio marmori similis, medio colore glauco. Zoronios in Indo flumine nascitur: Magorum gemma esse narratur: neque aliud amplius de ea.

CAP. XI. *De gemmis, quæ à membris hominum cognominantur, & quæ ab animalibus, & de iis, quæ à cæteris rebus.*

Est etiamnum alia distinctio, quam equidem fecerim, subinde variata expositione. Siquidem à membris corporis habent nomina, Hepatites à jecinore, Stearites singulorum animalium adipe numerosa. Adadunephros, ejusdem oculus, dicitur Deus, & hic colitur Syris. Triophthalmos cum onyche nascitur, tres hominis oculos simul exprimens. Ab animalibus cognominantur, carcinias marini cancri colore, echites viperæ, scorpi-tes scorpionis aut colore aut effigie, scarites scari piscis, triglites nulli, ægophthalmos caprino oculo: 48 item alia suillo, & à gruibus colore geranites, hieracites accipitris. Ætites à colore aquilæ candicante cauda. Myrmecites innatam repentis formicæ effigiem habet, scarabæorum cantharias. Lycophthalmos quatuor est colorum ex rutilo, sanguineo: in medio nigrum candido cingitur, ut luporum oculi, illis per omnia similis. Taos pavoni est similis; item aspidi, quam vocari chelidoniam invenio. Arenarum similitudo est in hammoctryso, velut auro harenis misto. Cenchrites milii granis velut sparsis. Dryites è truncis arborum: hæc & ligni modo ardet. Cissites in candido collucet ederæ foliis, quæ totam tenent. Narcissites venis etiam ederæ distincta. Cyamea nigra est, sed fracta ex se fabæ similitudinem parit. Pyren ab olivæ nucleo dicta est: huic aliquando inesse piscium spinæ videntur. Chalazias grandinum & colorem

lorem & figuram habet, adamantinæ duritiæ: narrant etiam in ignem additæ manere suum frigus. Pyrites nigra quidem, sed attritu digitos adurit. Polyzonos nigra multis zonis candicat. Astrapiæ in candido aut cyaneo discurrent è medio fulminis radii. In 49 Phlegontide intus ardere quædam videtur flamma quæ non exeat. In Anthraciti scintillæ discurrere aliquando videntur. Enhydros semper rotunditatis absolutæ, in candore est levis, sed ad motum fluctuat intus in ea veluti in ovis liquor. Polytrix in viridi capillatur, sed defluvia comarum facere dicitur. Sunt & à leonis pelle & pantheræ nominatæ, leontios, pardalios. Colos appellavit chrysolithum aureus, chrysoprasum herbaceus, melleus melichrota: quamvis plura ejus genera sint. Melichloros est geminus, parte flavus, parte melleus: Crocian croci: Polia canitiem quandam 50 sprati indicat: eandem duriorrem, nigra Spartopolios. Rhodites à rosa est. Melites mali coloris, Chalcites æris, Sicites fici. Ratio nominum non est in Borsycite, in nigro ramosa, candidis aut sanguineis frondibus: nec Gemite, velut in petra candidis manibus inter se complexis. 51 Ananchitide in hydromantia dicunt evocari imagines deorum: Synochitide umbras inferorum evocatas teneri: Dendritide alba defossa sub arbore, quæ cædatur, securis aciem non hebetari. Et sunt multo plures, magisque monstrificæ, quibus Barbari dedere nomina, confessi lapides esse. Nobis satis erit in his coarguisse diu mendacia.

CAP. XII. De gemmis nascentibus & factitiis, & figuris gemmarum.

Gemmæ nascuntur & repente novæ ac sine nominibus: ut Lampfaci in metallis aurariis una inventa,

venta, quæ propter pulchritudinem Alexandro regi missa fuit, ut auctor est Theophrastus. Cochli-
des quoque nunc vulgarissimæ, fiunt verius, quam nascuntur: in Arabia repertis ingentibus glebis, melle excoqui tradunt septenis diebus noctibus-
que sine intermissione: ita omni terreno vitioso-
que decussio purgatam puramq; glebam artificum ingenio variè distribui in venas, ductusque macularum quam maxime vendibili ratione sectan-
tium: quondamque tantæ magnitudinis fecere, ut equis regum in Oriente frontalia atque pro phale-
ris pensilia facerent. Et alias omnes gemmæ mellis decoctu nitescunt, præcipue Corsici, in omni alio usu acriora abhorrentes. Quæ variæ sunt, & ad novitatem accedere calliditate ingeniorum contigit, ut nomen usitatum non habeant, physes appellant, velut ipsius naturæ admirationem in iis venditantes, cum finis nominum non sit, quæ persequi non equidem cogito, innumera ex Græca vanitate conficta. Indicatis nobilibus gemmis; etiam plebeiis rarorum generum, dicto dignas distinxisse satis erat: illud vero meminisse conveniet, incrementibus variè maculis ac verrucis, linearumque interveniente multiplici ductu & colore, mutari sæpius nomina in eadem plerunque materia. Nunc communiter ad omnium gemmarum observationes pertinentia dicemus, opiniones secuti autorum: cavæ aut extuberantes viliores videntur æqualibus: figura oblonga maximè probatur, deinde quæ vocatur lenticula, postea clypeidos & rotunda: angulosus minima gratia. Veras à falsis discernendi magna difficultas: quippe cum inventum sit, ex veris gemmis in alterius generis falsas traducere. Sardonyches è cerauniis glutinantur gemmis, ita ut deprehendi ars non possit,

possit, aliunde nigro, aliunde candido, aliunde minio sumptis, omnibus in suo genere probatissimis. Quinimo etiam extant commentarii autorum, quos non equidem demonstrarim, quibus modis ex crystallo tingantur smaragdi, aliæque translucentes, sardonix è sarda, item ceteræ ex aliis: neque est ulla fraus vitæ lucrosior.

CAP. XIII. *De ratione probandarum gemmarum.*

Nos contra rationem deprehendendi falsas demonstrabimus, (quando etiam luxuriam adversus fraudes muniri decet) præter illa, quæ in principalibus quibusque generibus privatim diximus. Translucentes matutino probari censeant: aut si necesse est, in quartam horam, postea vetant. Experimenta pluribus modis constant: primum pondere, si graviore sentiantur: post hæc corpore; factitiis pustulæ in profundo apparent, scabritia in cute, in capillamento fulgoris inconstantia, & prius quam ad oculos perveniat desinens nitor. Decussi fragmenti paulum, quod in lamina ferrea teratur, efficacissimum experimento, excusant mangones gemmarum: recusant similiter & limæ probationem. Obsidianæ fragmenta veras gemmas non scarificant: factitiæ scarificationis candiantiam fugiunt. Tantaque differentia est, ut aliæ ferro scalpi non possint, aliæ non nisi retuso, verum omnes adamante. Plurimum vero in his rebrarum proficit fervor. Gemmiferi amnes sunt Acesines & Ganges: terrarum autem omnium maximè India. Et jam peractis omnibus naturæ operibus, discrimen quoddam rerum ipsarum atque terrarum facere conveniat: ergo in toto orbe & quacunque cæli convexitas vergit, pulcherrima est omnium, rebusque merito principatum natura

564 C. PLINII SECUNDI LIB. XXXVII.
turæ obtinens, Italia, rectrix parensque mundi al-
tera, viris, foeminis, ducibus, militibus, servitiis,
artium præstantia, ingeniorum claritatibus, jam
situ ac salubritate cæli atque temperie, accessu
cunctorum gentium facili, litoribus portuosus, be-
nigno ventorum afflatu, (etenim contingit ⁵² re-
currentis positio in partem utilissimam, & inter
ortus occasusque mediam) aquarum copia, ne-
morum salubritate, montium articulis, ferorum
animalium innocentia, soli fertilitate, pabuli uber-
tate. Quicquid est, quo carere vita non debeat,
nusquam est præstantius: fruges, vinum, olea,
vellera, lina, vestes, juvenci: ne equos quidem in
trigariis præferri ullos vernaculis animadverto.
Metallis auri, argenti, æris, ferri, quamdiu libuit
exercere, nullis cessit: & iis nunc in se gravida
pro omni dote varios succos, & frugum pomor-
umque sapores fundit. Ab ea, exceptis Indiæ fa-
bulosis, proxime quidem duxerim Hispaniam,
quacunque ambitur mari.

*C. Plinii Naturalis Historia Libri XXXVII,
& ultimi Finis.*

V A R I A Æ



VARIÆ LECTIONES,
OBSERVATIONESQUE
Doctiss. Virorum

IN

PLINII Tomum tertium,

L I B. XXV.

- ¹ M. S. *unam.*
- ² Cujac. *usi.*
- ³ M. S. *conscita.*
- ⁴ Vet. *ex eo cogitur ut & ferula.*
- ⁵ M. S. *alios.*
- ⁶ al. *Hermiam* vel *Hermion.* Cl. Sal. *Tencriam & Hermionem.* é. v. c.
- ⁷ Dioscor. *Asplenon.*
- ⁸ Fortè. *convoluta radice, fibrata.*
- ⁹ Dioscor. *Ecstomon.*
- ¹⁰ Vet. *somnum discutiunt.*
- ¹¹ M. S. *Stomaticis.*
- ¹² Diosc. *Limnaum.*
- ¹³ Vet. *aureum.*
- ¹⁴ M. S. *spettetur si foliis.* Cl. Sal. *specie thyrse, fol.*
secundum quem & sequentia correxi, quum
ante legeretur: *incisa conto subditur exci-*
pulus ventriculo hædino.
- ¹⁵ M. S. *calchan.*
- ¹⁶ Cl. Sal. *prædulcem alias, utilissimamque ad ea*
qua asthmata vocant, e M. S.
- ¹⁷ M. S.

- 17 M. S. *Carinata*.
- 18 M. S. *Echion*, infra Arcion vocat perfolatam.
- 19 Cl. Sal. *Polytrix diffat à Callitriche*.
- 20 M. S. Chiff. *Calcalla*.
- 21 Chiff. *Sparganion*.
- 22 Chiff. *Acorum*.
- 23 Vet. *aqualibus*. Diosc. *sine caulibus*.
- 24 Vet. *efficaciusque est quam Elleborum*.
- 25 Vet. *ut coxendicis acetabulum*.
- 26 Cl. Sal. *quæ majoris Aizoi; M. iridis*.
- 27 Vet. *pappoden*.

L I B. XXVI.

- 1 Vet. *verum*. Cels. præfat. lib. 5.
- 2 Vet. *commeatumum*.
- 3 M. S. *arcion*.
- 4 Vet. *polemonium*.
- 5 ita Cl. Sal. pro, *roscida lanugine*.
- 6 Vet. *ciet sed melius, sistit*.
- 7 Cl. Sal. *heluaceus*.
- 8 M. S. *cum melle & exiguo*.
- 9 Vet. *nec floret nec semen fert*.
- 10 M. S. *penele*. Dalc. *pene olea*. Diosc. *olea*.
- 11 Vet. *carnem forte medullam*.
- 12 Chiff. *corisson*. Sal. *corifson*.
- 13 Chiff. *caros*. Sal. *caron*.
- 14 Chiff. *callitrix*.
- 15 Vet. *eversam*.
- 16 Chiff. *Cremnon*.
- 17 Vet. *magis adeo si bibatur*.
- 18 Dal. *Crataegonon*. Cl. Sal. *Cratægon*.
- 19 M. S. *cubitorum in pedibus*. Vet. *digitorum in pedibus*. Chiff. *digitorum in depedibus rimis*.

- 20 Cl. Sal. *myrin* aut *myrida*.
 21 Chiff. *Betonica*.
 22 Chiff. *Caros*.
 23 M. *uberum tumoribus*.
 24 Vet. & *tela omnia infixa*.
 25 Dalemc. delendum putat, *Cyclaminos vero*:
 Chiff. *Clymenus vero*.
 26 ita M. S. non autem, *efferentia*.
 27 Vet. *fistit*.
 28 Dalecamp. *revocat*.
 29 Vet. *mados*.
 30 Dal. alii commodius legunt *Siculo oleri*; nem-
 pe *betæ nascenti*.

L I B. XXVII.

- 1 Cl. Sal. *en digitum! ortum fabula, &c.*
 2 M. S. *Histria* vel *Istria*.
 3 Vet. *Crista galli*.
 4 M. S. *vola*. Vet. *Varos & cutis vitia*. Diosc.
 nova vitia cutis, &c.
 5 *absinthii*, quod erat in editis, delevimus uti
 sensum pervertens, & reposuimus post *de-*
 cocti.
 6 ita M. S. & Vet. non *opio* ut editum fuit: quan-
 quam & M. S. habent *adipe*.
 7 M. S. *Calsa*. Dal. *Calix*.
 8 Vet. *Ciet*. quod probat Dalemc.
 9 Vet. *magis* & ita Dioscor.
 10 Vet. *panno*.
 11 Cl. Sal. *inea*.
 12 M. S. *rapadion* vel *raphodion*.
 13 Diosc. *Seridis*.
 14 al. *Faunos*.

15 Vet.

¹⁵ Vet. *circa caulem stolones.*

¹⁶ Vet. *Sinapi uti & Dioscor.*

L I B. XXVIII.

¹ Cl. Sal. *impetriti, alia depulsois, alia commendationis.*

² Turn. *annulum ponere.*

³ M. S. *dicis causa: quod viri docti probant.*

⁴ al. *tumido.* Cl. Sal. *humido.*

⁵ Turn. & alii viri docti *Paro.*

⁶ ita restituimus è Vet. pro *simplicibus.*

⁷ addidi, *ajunt* è Vet.

⁸ al. *particulis.*

⁹ Vet. *Solium.*

¹⁰ Vet. addit. *capitis* ut in Indice. Sternutamenta capitis gravedinem levant.

¹¹ Vet. *manu.* Dalemc. forte, *muta nares.* item Vet. & *oculos* pro *osculo.* Sed nihil mutandum videtur, siquidem Plin. lib. 36. c. 4. idem repetit, inquiring: gravedinem invenio finiri si quis nares murinas osculetur. Vbi tamen alii legunt *mulinas*; atque hic etiam legi posset, *mula* pro *muris.*

¹² Vet. *opio* quod Chiffi. probat.

¹³ Cl. Sal. *cadantur* vel *tundantur.*

¹⁴ Vet. *macula,*

¹⁵ Vet. *melle.*

¹⁶ Dioscor. *inutiliores.*

¹⁷ Dioscor. *vetus.*

¹⁸ M. S. *mala.* Chiffi.

¹⁹ Vet. *deteclam.*

²⁰ ita mutavimus è Vet. cum editum esset *butyrum.*

²¹ Vet. *carpineo.* Sed potest tolerari lectio, si *fastigino*

gino ad cinerem, caprino ad sebum referatur.

- 21 Vet. capto.
- 23 Chiff. cartetarrhenico. Vet. charta armeniaca.
- 24 Vet. sine lumine. Ch. ex aqua sublimis.
- 25 Lips. quoque setrigarium. Cl. Sal. Strigario approbari vellet. in M. est, quoque Strigaria.
- 26 Vet. cum pila.
- 27 leg. aut cum hyoscyami semine.
- 28 Ch. luporum.

LIB. XXIX.

- 1 Vet. novarum principium. al. initium; Ch. & talium utique, tam sterili gratia, tantaque difficultate in promendo.
- 2 Vet. a Creonte.
- 3 Vet. parentes, al. partes.
- 4 Ch. per fidem ista monstrante?
- 5 Lips. ea cingi. Cujac. accingi.
- 6 Vet. pulvere. Ch. cinere.
- 7 Gelen. cum allii spicis quatuor.
- 8 M. S. praeconere; unde corrigunt, futura praecinere.
- 9 Dal. mica: al. mamma. M. S. mina.
- 10 Vet. aefypo. quod rectum puto.

LIB. XXX.

- 1 al. successit.
- 2 Chiff. mulinas: verum supra lib. 28. cap. 6. plane idem dixit Plin. si quis muris nares osculo attingat. quanquam & ibi lectio variet.
- 3 Chiff. proscissoque vivo.

4 Vet.

- 4 Vet. *ventre*.
 5 ita M. S. in editis erat *vitici*.
 6 Ch. *lorici*. Vet. *laxi*.
 7 Vet. *exemplis*. Chiff. è pluribus.
 8 Vet. *quo cibum capiat*.
 9 al. *simplici*. Dalemc. *hybleo*.
 10 al. *leporis*.
 11 Vet. *exeat*.
 12 Ch. *fecerit, inhibet*.
 13 Ch. *subjugum*.

L I B. XXXI.

- 1 Vet. *in pyrrha flumen quod Ambrysus vocatur*. al. *ad pyrasum flumen quod amprhy-sus voc*.
 2 Dal. *Chropas* vel *Chropfos*. M. S. *Chicros*.
 3 Cl. Sal. *dio* vel *dico*.
 4 Chiff. *Sorbentem*: Cl. Sal. *forpta*.
 5 M. S. *Salmacidas*.
 6 Vet. *qua manu pendeant depositis in humum*.
 Cujac. & *haustam, vasis ne manu pendeant depositis*.
 7 M. *detorquentibus*.
 8 Dalemc. *cerebro icto*: è Galen. sub finem 6 Meth.
 9 Plin. lib. 32. cap. 5. *aut elape, dipsadeve percussis*.
 10 Vet. *addit. marina*.
 11 M. S. *res quod magis probaverim*.
 12 Vet. *Canities in vasis summo est*: locus obscurus, aliquid videtur deesse post *media vero pars*: nam sequentia ita puto legenda: *Humidior, ut diximus, Floris natura, aspera, &c.* dixit enim id paulo antè; & immerito à Dalem-

Dalemc. reprehenditur Plinius tanquam obliuioſus.

- ²³ Dal. *abdicatum*.
- ²⁴ Vet. *æſſyo* & ſic paſſim in ſeqq.
- ²⁵ Vet. *Chytis*.
- ¹⁶ Vet. *operimentorum id pro fermento. Ch. acer-
vorum fermento.*
- ¹⁷ Vet. *helicas. al. cochlacas.*
- ¹⁸ al. *aphronitri.*
- ¹⁹ Vet. *haufſa.*

LIB. XXXII.

- ¹ Dalemc. *minitari*.
- ² Vet. *Scylla dulces ac Leptin.*
- ³ *Parſimonia* Scal. in Feſtum: verbo pollucere.
*ni pollucerent, parſimonia commentus,
uti, &c.*
- ⁴ Vet. *aolias.*
- ⁵ Vet. *viliffimum.* quod magis probo.
- ⁶ Ch. *ter annis.* Vet. *per annum.*
- ⁷ Ch. *helope.*
- ⁸ Dalemc. *Adulitis.*
- ⁹ Vet. *Soranus.*
- ¹⁰ Vet. *ab oculis quos in ſuperiori capite.*
- ¹¹ Chif. *tetani.*
- ¹² M. & Dal. *Bacchi.*
- ¹³ Vet. *exuſta,* & ita Galen.
- ¹⁴ Vet. *corycia al. cochlidia:* Plinius infra cap.
*x i, colycia ſive corophia concharum ge-
nera, &c.*
- ¹⁵ Ch. *manarum.*
- ¹⁶ Ch. *albo.*
- ¹⁷ Vet. *capite:* ſic emendat & Rondelet.
- ¹⁸ Vet. *odoriſ.*
- ¹⁹ ita

- ¹⁹ ita Vet. cum antea legeretur *sugentia ora*,
malè, ut patet ex iis quæ sequuntur.
- ²⁰ Ch. *oleo*.
- ²¹ Vet. *Oesypo*; quod non convenit huic loco.
- ²² Chiff. *quadraginta quatuor*.
- ²³ Vet. *boca, batia*.
- ²⁴ Chiff. *Rhomborum*.
- ²⁵ Vet. *Sexitanus*.
- ²⁶ Plin. supra cap. VII. *quæ vocant Græci colycia*
alii corythia, muricum generis sunt.
- ²⁷ al. *tritoni similis*, neque redit in mare neque ve-
tustate fit melior.
- ²⁸ al. *sepia*.
- ²⁹ M. *veneria*. Turn. lib. 17. c. 22.
- ³⁰ Dal. *Box piger*.

L I B. XXXIII.

- ¹ Vet. *quis dein futurus sit finis*. M. *futura, si finis*
non est seculis, &c.
- ² Cujac. *auri sacra fames*.
- ³ Vet. *quas*.
- ⁴ Ch. *ccc quatuor*.
- ⁵ Cujac. *uti ferreo consueverint*.
- ⁶ Vet. *bullaque divas puerorum forma convenit*;
al. *beneque alias divitum pueror. id fortuna*
convenit.
- ⁷ Chiff. *Timaus*.
- ⁸ Budæus. *minutissimè Nero ad LV nummos*.
- ⁹ Vet. *hastis*.
- ¹⁰ al. *pondo D CCMXXVI*.
- ¹¹ Vet. *ligni*.
- ¹² Cl. Sal. *micans amplexu*.
- ¹³ Vet. *latera sequuntur, fossam in ambitu du-*
centes.

¹⁴ M. Tur-

- 14 M. *Turbasim*. Vet. *Ladron*.
 15 Agric. *Stereotida & pneomenen*. Cl. Sal. *Cerchirida & pegnymenen*.
 16 al. *avellanarum*.
 17 al. *myrteo*.
 18 Vet. *exsculptis*.
 19 Vet. *regesta*.
 20 Al. *miscetur ara*. M. *miscetur ara*.
 21 Vet. *opimi*. M. *opimum*.

LIB. XXXIV.

- 1 M. *Achaia*.
 2 Vet. *Trullas*.
 3 M. *gentes*.
 4 Vet. *proflatum*; forte *statu metus erat opus frangi*.
 5 Vet. *Zenodotus*.
 6 M. *artis*; si *serves aris* subintellige *fundendi ut paulo ante*.
 7 Vet. *humanum*.
 8 Cujac. *hujusce diei* Plutarch. in Marco *τὸν τὸν & ἡμέρας οὐκ εἰς*, idem, *diei sunt seminuda unde & laudata sunt*.
 9 Vet. *propinquis*.
 10 Cl. Salm. è *vestigiis*. M. S. *sic ex eo quod dependet ut lanceola*, Lonchoton *appellant*.
 11 Vet. *vetitum*.
 12 Vet. *stringenda oculorum acie*. Cl. Sal. *à stringendo apte vocabulo ex Isidoro*.
 13 Vet. *Timocrates*. Cl. Sal. *Dinohares*.
 14 Cujac. *addit. confirmantque, si minus albo nigri quam satis sit misceatur, arrodi ab eo argentum*.

15 Cujac.

²⁵ Cujac. *Et Arrevicum. in Indice est, Arre-*
nicum.

L I B. XXXV.

¹ Vet. *nec opes montium in cubiculis delitescentes.*

² Vet. *tractata.*

³ Cl. Salm. *minio proxima est hac; & ita legi*
postulant sequentia; hac minium subli-
nunt, &c.

⁴ M. *sex libris.*

⁵ M. S. *xvi denarii.*

⁶ Cujac. *Spuma quæ adulteratur. Indicum tin-*
gunt stercore columbino, aut Cretam seli-
nusiam vel aluminariam nitro inficiunt.
Cl. Salm. *tingunt stercore: &, vitro pro*
ultra.

⁷ al. *vilitate aut vilitas.*

⁸ M. *dum paret.*

⁹ M. & Dalemc. *Palamedes dux fasce gladium*
condens.

¹⁰ Dalemc. *circumductioni.*

¹¹ Budæus legit *x sex millibus.*

¹² Eras. *tañtum quod & alii viri docti probant.*

¹³ Cl. Salm. *Scammata.*

¹⁴ Cujac. *immanitate precii.*

¹⁵ Vet. *uno.*

¹⁶ Vet. *tingere.*

¹⁷ Baif. *Sympullis.*

¹⁸ M. S. *solis.*

¹⁹ M. *mixti.*

²⁰ Cujac. & alii, *concione.*

²¹ Vet. *commentibus.*

²² hodie vocant *Tapiado* & tabulas ejusmodi
Tapias.

²³ Cujac.

- 23 Cujac. & oleo pondere impari cum myrtino
oleo.
- 24 Cl. Sal. gleboſo, bolitin vocant.
- 25 Vet. Inertioris.
- 26 al. Pnigitis & ita Dioſcorid.
- 27 Vet. & as Cyprium. Dalemcamp. alumen Cy-
prium.
- 28 Vet. offunditur fortè offenditur.
- 29 M. manilium.

L I B. XXXVI.

- 1 Cujac. Dipælus & Scyllus.
- 2 Cujac. diſcipuli fuerant Agoracr.
- 3 Cl. Sal. Carmania.
- 4 Cl. Sal. Paro.
- 5 Cl. Sal. tudiculis.
- 6 Cl. Sal. Bruma.
- 7 Cl. Sal. ipſa, alias enormiter jaculante apice.
- 8 Cujac. Nilo tenuis.
- 9 Cujac. ad vitandum periculum ne continuatione
ignium ſidus.
- 10 M. græcia magniſcentiæ.
- 11 Cl. Sal. uno à Scopa.
- 12 Dalemc. Eronibus ſive Heronibus. Cl. Sal. aro-
nibus.
- 13 M. ipſum magiſtratum & populum. Vet. ipſum
nugis autoratum.
- 14 Bud. è Vet. ſeſtertiũ quingenties quinquagies
quinquies.
- 15 Vet. poteſtas.
- 16 Cujac. Coralio : & initio cap. Coralium lapi-
dem pyriten.
- 17 Cl. Sal. adulteratum Schiſto Hamatiten.
- 18 Cl. Sal. Leucadiam, ubi mons eſt Taphuſa,
qui

qui locatus est dextra navigantibus Lencadem.

¹⁹ Cl. Sal. Callainus à colore.

²⁰ M. S. Ethesium.

²¹ ita Cl. Sal. pro *apertis*: exigente sensu; idem delet *haud*.

²² Vet. *suffarcinatione*.

²³ al. *stravit*.

²⁴ Cl. Salm. *tesserulus*.

²⁵ Cl. Salm. *Signinum*.

²⁶ Vet. *attigerit*.

²⁷ Cl. Salm. *tinctura ex genere obsidiani*.

²⁸ Vet. *fece*.

LIB. XXXVII.

¹ M. *hoc fuisse annulum & hoc gemmam. fortè; & illud gemmam.*

² Cl. Salm. *in Lunensibus*.

³ Cl. Sal. *centum*.

⁴ Chiff. *Chares vtro Phaëtonem*.

⁵ Cl. Salm. *nascitur autem defluens è medulla in pinei generis arboribus, ut gummi in cerasis & prunis. Erupti, &c.*

⁶ Cl. Salm. *aut mari cum, &c.*

⁷ Cl. Sal. *Carnas*.

⁸ Cl. Salm. *pini medulla*.

⁹ Cl. Salm. *Diocli quidem & Theoph.*

¹⁰ Chiff. *ita appellabatur auri nodus in metallis*.

¹¹ al. *ingens*.

¹² Cl. Sal. *centron*.

¹³ M. S. *eunaciten*. Cl. Salm. *Ananciten*.

¹⁴ M. *nos juvat*.

¹⁵ Cl. Salm. *aut acris olei. puto legendum aut aris.*

¹⁶ Cl.

- ¹⁶ Cl. Salm. *cominus*.
¹⁷ Cl. Salm. *Chalcedonii*: & postea, *Chalcedo-*
nem.
¹⁸ M. *Chalcedonem*.
¹⁹ Cl. Salm. *umbones tantum ex auro comprehen-*
dentibus.
²⁰ Cl. Salm. *crystallum tingendo*.
²¹ ita M. S. non *are*.
²² Cl. Salm. & *ungue increto, candido pingui*.
²³ Vet. *amulatio*.
²⁴ Cl. Salm. *zonis*.
²⁵ M. *Sycitas*. Fux. *Citites*. Cl. Salm. *autitas in-*
nato fulg.
²⁶ M. & *pallidiores & candid.* Cl. Salm. *sed pal-*
lidiores & candidiores: & paulo post: *eruz*
magno labore ob argillam soli adusti soli-
bus.
²⁷ Vet. *lucern. accensus tum*.
²⁸ Cl. Salm. *Sardis tum hic tum postea*. & *ibi-*
dem: *hærens in saxo, cordis modo; hoc,*
&c.
²⁹ al. *nitenti*.
³⁰ Cl. Salm. *sacas & daas*. fortè *Tocharos*.
³¹ Claud. Sal. *muccis*.
³² Cl. Salm. *accommodata gratia è paulo ante*
nominato colore caruleo: malim: *damnato*:
nam caruleum colorem in Iaspide paulo
ante damnavit.
³³ Cl. Salm. *Tibarane*.
³⁴ Vet. *à veris visu discerni non possunt*.
³⁵ Cl. Salm. *Xanthion*.
³⁶ Salm. *captis jucunda suavitate oculis*.
³⁷ Cl. Salm. *Iaspachates*.
³⁸ Cl. Salm. *Stactachates*.
³⁹ Vet. *palmitum*.

- 40 Cl. Salm. *Philas.*
 41 Cl. Salm. *Cyites.*
 42 Vet. *Epicoros.* al. *epicoros.* al. *epichloros.*
 43 Vet. *difficile.*
 44 Cl. Sal. *è molli marina.*
 45 M. S. *attribuens facta.*
 46 Fur. *auratis.*
 47 Fur. *Smilampus.* Cl. Salm. *Smilanthus.*
 48 Dalemic. *Hyopthalmos* *Suillo.*
 49 Cl. Salm. *Phlogisida.*
 50 M. Sarm. *naucis.*
 51 Cl. Sal. *magogide in necuomania.*
 52 V. *excurrentis.* al. *procurrentis.*

EPILO-

NOTIS adhuc modum breviter absolutis, duo hic tantum attingemus, de quibus viri docti inter se dissentiunt: primò quæ fuerit Plinii patria: de qua Nobiliss. vir Iosephus Scaliger in Animadversionibus in Eusebium ita iudicavit.

Plinius Cæcilianus cujus extant Epistolæ & divinus panegyricus, fuit Novocomensis. Quod sequitur, & *Historicus insignis*, manifesta hallucinatio est Hieronymi, duos Plinius unum facientis; quod & fecit author vitæ Plinii, quæ Suetonio perperam attribuitur, quum sit sequioris ævi, plusquam quatuor seculis post Suetonii obitum scripta. Is infimi subsellii scriptor ex duobus Pliniis unum conflavit & illi patriam attribuit novum Comum. Onufrius Panuinus Plinium majorem asserit Veronæ nostræ, rectè: sed quod ex veteri inscriptione, parum prudenter. Nam multorum multæ inscriptiones extant in aliis urbibus, quæ ipsorum patriæ non erant. Præterea C. Plinii multi fuerunt quorum inscriptiones extant in aliis urbibus, præterquam Veronæ. Sed qui Plinium ignorat Veronensem fuisse; is castrense verbum *conterraneus* quid sit, ignorat. Conterranei dicuntur qui eidem matrici urbi attribuantur, ut Sirmio priscorum Scaligerorum secessus, unde domo Catullus erat, accensebatur Veronæ. Propterea Plinius Veronensis & Catullus Sirmionensis conterranei sunt.

Scripsere de hac controversia multi alii, & nuper copiose Paulus Cigalinus Novocomensis; maneat sane hæc lis sub iudice, non enim est tanti: altera vero paulo majoris momenti videtur, quia

manifestam Plinii accusationem aut excusationem continet: quæritur enim, utrum Plinius ex Dioscoride plurima in suum opus transtulerit, nulla illius (ut palam est) facta vel minima usquam mentione? Fuere multi viri docti qui sentirent rem ita se habere; aliis vero hoc absurdum atque inhumanum videtur de Plinio suspicari. Qui utrumq; authorem diligenter legerit & utriusque descriptiones (in re Herbaria) accurate inter se contrulerit, id quidem deprehendet, quamplurimas ita inter se convenire ut ovum ovo similis esse non possit, veruntamen & alias offendet quæ toto cælo differunt, multas item in quibus alteruter plura aut pauciora dixerit: unde necessario consequi opinantur, aut Plinium à Dioscoride, aut hunc contra ab illo plurima fuisse mutuatum: quare qui Plinio patrocinantur in hac causa, multis argumentis conantur probare Dioscoridem Plinio posteriorem fuisse ætate; aut saltem æqualem, ita ut Plinius scripta illius videre non potuerit: Quibus utique lubens assentior, licet non existimem tanto molimine etiam hic opus esse: sed potius credendum, quod æquissimum existimo, tam Plinium quam Dioscoridem ab aliis authoribus accepisse maximam partem, quæ utrique in publicum ediderunt: idque interdum ab uno eodemque scriptore quum consentiunt in re ipsa & pene singulis verbis; (nam & hoc aliquando observare est) à diversis verò quum dissentiunt. Plinius autem multa quoque addidit de suo, præsertim observata in Italia. Atque hoc iudicium confidimus moderatis ingeniis probatum iri, præsertim ubi ad animum revocaverint, quam religiosus fuerit Plinius in suum cuiq; tribuendo, & quanta cura non modo inter tractandum authorû nomina

nomina sæpe expreſſerit , ſed quoq; poſt ſingulos
 libros prolixè authorum ſuorum nomina deſcri-
 pſerit: & quod eſt rei caput, quam penitus impro-
 baverit & acerrime invehatur in Plagiorum illam
 impudentem audaciam, quos nihil pudet aliorum
 laboribus non modo uti, nulla ipſorum facta men-
 tione; ſed & abuti cum authorum inſectatione; ita
 nimirum ſe furta ſua regere commodè poſſe ſpe-
 rantes . Plurima nihilominus argumenta à viris
 doctis fuerunt prodita, prolixè autem à Cigalino
 digeſta, quibus probari videtur Dioſcoridem æta-
 te Plinio poſtერიorem fuiſſe, quæ hic aſcribere
 minime neceſſarium exiſtimavi, conſulant autho-
 res ipſos, quibus aut curioſius iſta cognoscere li-
 bet, aut quibus tantum otii eſt: nobis ſatis eſt, ſi
 hoc modo obtineamus, non ſemper in Herbarum
 deſcriptionibus Plinium è Dioſcoride corrigend-
 um eſſe aut caſtigandum, ut multi viri docti
 antehac fecerunt; ſed nonnumquam & Dioſcori-
 dem è Plinio; interdum & neutrum poſſe defendi:
 plurimæque etiam apud Plinium reperiri, quæ fru-
 ſtra apud Dioſcoridem requiras. Similis quoque
 ratio eſt & aliorum authorum ex quibus Plinium
 multa tranſtuliffe palam eſt, neque ipſe diſſimulat.
 Nam & hic inter viros doctos controvertitur,
 utrius authoris codex depravatus ſit cenſendus;
 exempli cauſa Theophraſti an Plinii. Iudicium
 ſuum unicuique relinquo, mihi ſic videtur: male
 operam ſuam locare qui potius de authoritate di-
 centium litigant, quam de rei veritate; aut nimis
 anxie in authores inquirunt, cum de re ipſa jam
 ſatis conſtat: peſſime autem qui ætatem omnem
 conſumunt in locis antiquorum ſcriptorum reſti-
 tuendis, conciliandisque. Plurimum temporis ta-
 libus quæſtionibus ultro citroq; agitandis à multis

misere perditur; & cum animi incaluerit etiam injurgia descenditur, quibus omnis lepos & jucunditas literarum corrumpitur, atque literatorum nomen apud alios male audit, à plurimis quoque ob hanc causam contemnitur. Quanto autem utilius facturi essent si aut unam aliquam naturæ partem penitissime excolerent, & antiquorum recte inventis adderent quæ fecundissima ingenia posterioribus, hisce seculis nobis pepererunt & quæ ipsi suapte industria observarunt: aut (si cuiquam tantum otii atque industriæ est,) totius naturæ historiam nobis denuo adornarent: plurimum sane literatorum universitas est debitura illi viro, qui hoc ritè & compendio aliquando perfecturus est.



I N D E X
IN TOMVM TERTIVM

A.

A bsinthii species varia. 95. usus. 96.	mistura. 392, 393.
Seriphium. 97, 315	Scoria aris. 395.
Achates gemm. 549	Squama. ibid.
Achates pyrrhi Regis. 516	Ethiopia herba. 88
Achilleos herba. 14	Aëtites lapis. 253, 502.
Acipenser piscis. 326	Erugo varia. 397
Aconiton herba. 86, 87	Agaricon Aristolochia.
Acopis gemma. 550	vires. 52, 63
Acoros herba. 41, 84	Agaricus. 29
Acron Agrigentinus medicus. 187	Ageraton herba. 88
Aëtea herba. 95	Agoge in metallis. 347
Adamantis natura & genera. 528, 529	Alabandicus lapis. 481
Adipis usus. 152	Alabastrites. 480, 550
Agilops herba. 38	Albicrarense metallum in Gallia. 348
Aëizoi gen. & vires. 41, 57	Alcea herba. 90
Es signatū. 340. Quomodo in auretur. 344.	Alectorias gemma. 550
Eris metalla & cetera historia. 369. & seq. Differentia &	Alectorolophos herba. 34
	Alex quid. 281
	Alisma herba. 33
	Alypon cauliculus. 90
	Aloë. 88. usus. 89
	Alopeciarum remedia. 35
	Alfina herba. 90
	BB 4
	Alie-

I N D E X.

<i>Altercum herba.</i>	12	<i>Antipathes gemma.</i>	550
<i>Ali herba descr.</i>	94	<i>Antirrhinon herb.</i>	34
<i>Alvi vitiorum medicina.</i>	56, 169	<i>Antonius Castor.</i>	5.
<i>Aluum purgantia.</i>	59	<i>Antonius Musa medicus.</i>	187, 250
<i>Aluminis species & natura.</i>	460	<i>Anulare pigmentum.</i>	426
<i>Alutatio quid sit.</i>	345	<i>Apilascudis.</i>	345
<i>Ambrosia herba.</i>	91	<i>Aparine herb.</i>	92
<i>Ambusta quomodo sumentur.</i>	76	<i>Apelles pictor.</i>	433
<i>Amethystus gemma.</i>	544	<i>Aper qua medic. confertur.</i>	156
<i>Amiantus lapis.</i>	500	<i>Aphace herb.</i>	94
<i>Ampelos agria herb.</i>	95	<i>Aphronitrum.</i>	286. usus varius. 287
<i>Amphitane gemma.</i>	551	<i>Apios ischas seu raphanos agria.</i>	63
<i>Anagallis herba.</i>	37, 38	<i>Apion grammaticus.</i>	226
<i>Anagyros herba.</i>	92	<i>Apollinaris herba.</i>	12
<i>Anates pontica.</i>	5	<i>Apollodorus pictor.</i>	429
<i>Anaxilaus.</i>	40	<i>Apua pisciculus.</i>	281.
<i>Andrachne agria.</i>	42	<i>Aquarum differentia.</i>	259.
<i>Androdamas gemma.</i>	550	<i>& effectus.</i>	269, 261.
<i>Androsace herba.</i>	90	<i>salubritas vel insalubritas.</i>	265. iudicium de his. 267. nota. 269.
<i>Androsamon herba.</i>	91	<i>subito nascentium & deficientium exempla.</i>	270. mutatio. 271.
<i>Anguilla.</i>	295	<i>ratio aqua ducenda.</i>	272. medicata. 273.
<i>Anguinum ovum.</i>	199	<i>aqua quomodo & salis dulces fiant.</i>	275. marina usus. 273
<i>Animalium mira vis.</i>	185		
<i>Annulorum consideratio.</i>	330, 331. ferrei. 336		
<i>Anonis herb.</i>	92		
<i>Anonymos herba.</i>	ibid.		
<i>Anthemum herb.</i>	66		
<i>Anthyllion herb.</i>	65		

Aqua-

I N D E X.

<i>Aquarum ductus Roma.</i>	495	<i>Asclepion.</i>	11
<i>Arabica gemma.</i>	550	<i>Ascyron & ascyroides.</i>	94
<i>Arabicus lapis.</i>	503	<i>Asininum lac.</i>	151, 158.
<i>Archagathus medicus.</i>	189	<i>alia ex eo animali medicina.</i>	ibid.
<i>Arcios herba.</i>	29	<i>Asyctos gemma.</i>	551
<i>Arction herba.</i>	93	<i>Asplenon herb.</i>	93
<i>Argemone seu inguinaria.</i>	67	<i>Asius lapis.</i>	498
<i>Argemonia herba.</i>	28.	<i>Aster samia species.</i>	462
<i>vires.</i>	64	<i>Aster herba.</i>	93
<i>Argenti calatura nobiles.</i>	366, 367	<i>Asteria gemma.</i>	547
<i>Argentum quando Roma signatum.</i>	340.	<i>Astragulus herb.</i>	157
<i>varius usus.</i>	342. ejus natura.	<i>Astrios gemma.</i>	547
<i>352. Egyptium.</i>	360. vasa ex argento varia.	<i>Astroites gemma.</i>	ibid.
	362	<i>Atramenti species.</i>	424
<i>Argentum vivum.</i>	353	<i>Aurata piscis.</i>	301
<i>Aristides Thebanus pistor.</i>	438	<i>Aurium tinnitus.</i>	124.
<i>Aristogiton medicus.</i>	92	<i>vitiis qua medeantur.</i>	161
<i>Aristolochia herba.</i>	27.	<i>Auri consideratio.</i>	332.
	80, 82	<i>natura.</i>	343. quomodo inveniatur.
<i>Aristonidas artifex.</i>	403		345, 346.
<i>Aromatites gemma.</i>	550		347, 348. usus in medicina.
<i>Arsenici species.</i>	413		349
<i>Artemisia herba.</i>	21, 65	<i>Auripigmentum.</i>	348
<i>Asbestos gemma.</i>	550	<i>Axungia usus.</i>	152
<i>Ascyron herba.</i>	94		
<i>Asclepias herba.</i>	93		
<i>Asclepiades medicus.</i>	48		

B.

<i>Alanites gemma.</i>	551
<i>Ballote herba.</i>	98
<i>Banchus vel bacchus piscis.</i>	315
<i>Basaltes.</i>	479.
<i>BB 5</i>	<i>Basa-</i>

<i>Basanites lapis.</i>	504	C.
<i>Basiliscus.</i>	202	
<i>Batis hortensis.</i>	65	C <i>Acalia seu Leontice.</i>
<i>Batrachites gemma.</i>	551	35
<i>Bechion herba.</i>	52	<i>Cachla.</i> 23
<i>Beli oculus gemma.</i>	551	<i>Cadmites gemma.</i> 552
<i>Bellis, ejus usus.</i>	52	<i>Cadmia natura & usus.</i>
<i>Beryllus gemma.</i>	533	393
<i>Bialcon.</i>	184	<i>Caruleum pigmentum.</i>
<i>Bituminis natura.</i>	458.	368
<i>usus.</i>	459	<i>Calculorum remedia.</i> 64.
<i>Bythus Dyrrhachinus.</i>	139	172
		<i>Calculor. vesica remed.</i>
<i>Blattaria herba.</i>	30	171, 237
<i>Blatta usus.</i>	220.	<i>Calcis consideratio.</i> 508
<i>genera.</i>	ibid.	<i>Calidi fontes.</i> 273
<i>Blechnon filicis spec.</i>	103	<i>Calla herba.</i> 39
<i>Botrys herba.</i>	21, 98	<i>Callais gemma.</i> 542
<i>Botryon medicamentum.</i>	130.	<i>Callimachus statuarius.</i>
		392
<i>Botrytes gemma.</i>	551	<i>Callionymus piscis.</i> 307
<i>Brabila herba.</i>	98	<i>Callitrix herba.</i> 35
<i>Bryon marina herba.</i>	ib.	<i>Camelus quæ conferat</i>
	317	<i>medicina.</i> 141
<i>Britannica herba vires.</i>	9	<i>Canaria herba.</i> 29
<i>Bryon herba.</i>	98	<i>Cancris fluviales.</i> 304.
<i>Brontia gemma.</i>	551	322. <i>marini.</i> 305
<i>Bubonium herba.</i>	93	<i>Candelabrorum historia.</i>
<i>Bucardia gemma.</i>	551	371
<i>Buglossos herba.</i>	23	<i>Cantabrica herba.</i> 24
<i>Bupleuron herba.</i>	98	<i>Cantharides.</i> 209, 205
<i>Euprestis animal.</i>	229	<i>Canum in medicina usus</i>
<i>Eupthalmos herba.</i>	23	200
<i>Butyri qualitates & usus</i>	152. item 169, 170	<i>Capilli defluuium quo-</i>
		<i>modo curetur.</i> 159
		<i>Capi-</i>

INDEX.

Capitis huiusmodi remedia.	159	Chamerops herba.	56
Caprinum lac. 151. caprarum fœmus & alia.	156, 157	Charmis medicus.	188
Capnites gemma.	552	Chelidonia herba.	25
Capnos, pes gallinac.	40, 52	Chelidonia gemma.	552
Carbunculi gemma.	538. seq.	Chelonia gemma.	ibid.
Carbunculus morbus.	46. remed.	Chelonitis gemma.	553
Carchedonius gemma.	540	Chetis insula.	541
Caseorum usus.	151	Chernites lapis.	498
Castores & Castoreum.	297, 322	Chia terra.	462
Catagrapha obliqua imagines.	428	Chiorum lapicidina.	476
Catanance herba.	98	Chironion.	11, 19
Caucos herba.	52	Chlorites gemma.	553
Centaurea herba quæ & Chironion.	19	Chryseletri gemma.	546
Centaurion. 11. lepton.	20	Chrysippus medicus.	187
Centauris triorchis.	ibid.	Chrysolitus gemma.	546
Ceraunia gemma.	547	Chrysoberillus.	534
Cerussa usus.	412	Chrysocolla.	350
Cervus quæ conferat medicina.	155, 156	Chrysolachanon herb.	100
Cetus ingens.	293	Chrysoprasus.	534, 542
Chalastriticum nitrum.	284	Chrysopteros gemma.	541
Chaloantum.	399	Cyanos gemma.	544
Chalcitis lapis.	369, 398	Cyclamini vires.	31.
Chamepelorides.	326	species.	ibid.
		Cicuta herba.	39
		Cimolia terra.	463
		Cinnabaris usus.	357
		Cynoglossos herba.	23
		Cynorrhodi facultas.	8
		Cynosorchis herba.	100
		Circæa herba.	99
		Circaum māddragora.	38
		Cirsion cauliculus.	99
		Cyzici delubrum.	489.
		alia opera mirabilia.	490, 540

Clavi

I N D E X.

Clavi ped. quomodo tol- lantur. 174	Crinas Masiliensis med. 188
Cleophrantus medicus. 48	Crithinos. 65
Clymenos herba. 20	Cryſtalli natura. 521
Clinice medicina. 187	Crithmi uſus. 65, 83
Cocanicus Sal. 277	Crocodilion herba. 100
Coccum gnidium. 101	Crocodili uſus in medic. 145
Cochlearum uſus. 232, 253, 255.	Cucubalus herba. 100
Cochlides gemma. 562	Curalii hiſtoria. 296
Coloſtra & coloſtrati pueri. 149	Curionis Theatra. 494
Colorum differentia. 421	Cutis vitia quibus ſanen- tur. 164
Coloſi vari. 379	
Colycia vel corythia. 311	D.
Coluber in aqua vivens. 303	Dactyliotheca. 518
Comagene herba. 200	Damaſonium aliſ- ma. 33
Comitialis morbi reme- dia. 73. item 175. 243.	Damaſonium aliſhea. 51
Conſerva herba. 101	Damocrates medicus. 24
Conſiligo herba. 24, 55	Dauci genera. 39
Coracinus piſcis. 304	Decuria Romanorum. 336
Corrugii in metallis. 347	Democriti ſcripta. 223
Coryledon parvula her- ba. 41	Denarius ex auro. 339
Corchoron anagalli. 37	Dentium remedia. 42. 163
Corinthium aſ. 371	Diſtamnus herba. 126
Coris hyperici ſemen. 74	Digitellus herba. 41
Coryledon herba. 41	Dinocrates architectus. 405
Cotum natura. 506	Diocles caryſtius medi- cus. 48
Crataegonon herba. 99	Diotimus Thebanus. 139
Creta ſpecies. 463	Diphry-
Crethmos agrios. 40, 68	

INDEX.

<i>Diphrygès avis.</i>	402	<i>Enorchis gemma.</i>	553
<i>Dipoenus marmorisculptor.</i>	467	<i>Ephemerum herb.</i>	44
<i>Dipsacis herba.</i>	101	<i>Epimenidion herb.</i>	102
<i>Dysenteria remedia.</i>	56, 169, 235	<i>Epipactis herba.</i>	ibid.
<i>Divites homines.</i>	361	<i>Epithymon herb.</i>	59
<i>Dodecatheos herba.</i>	11	<i>Equeſter ordo Roma.</i>	337
<i>Doryceium.</i>	305	<i>Equisetum herba.</i>	77
<i>Dorycnium.</i>	158	<i>Eraſiſtratus medic.</i>	187
<i>Draconites gemma.</i>	553	<i>Eretbria terra.</i>	423, 462
<i>Dryopteris herb.</i>	101	<i>Erigeron Senecio herba.</i>	43, 65
<i>Dryophonos herb.</i>	102	<i>Eumeter gemma.</i>	554
		<i>Eupetalos gemma.</i>	ibid.
		<i>Euphorbium herba.</i>	22

E.

E <i>Buli vires.</i>	32. uſus 65
<i>Ebur foſſile.</i>	499
<i>Echineus piſcis.</i>	291
<i>Echias herba.</i>	29
<i>Elatine herb.</i>	102
<i>Electri conſideratio.</i>	348
<i>Elephanti lacuſta.</i>	326
<i>Elephantiaſis morb.</i>	47
<i>Elephantus qua medic. præſtet.</i>	140
<i>Ellebori ſpecies.</i>	115
<i>Elleborine herba.</i>	102
<i>Empetros herb.</i>	102
<i>Empirice medicina.</i>	187
<i>Encardia gemma.</i>	553
<i>Encauſtica pictura.</i>	444
<i>Enhydriſ coluber.</i>	311
<i>Enneaphyllon herb.</i>	102

F.

F <i>Ebrium remedia.</i>	73, 176
<i>Fellis animalium uſus.</i>	155
<i>Feneſtella obitus.</i>	364
<i>Ferri natura & uſus.</i>	403. temperatura. 405. medicina. 406
<i>Filicis genera.</i>	102
<i>Fiſtula denaria, quina- ria, octonaria.</i>	272
<i>Floſ ſalis.</i>	279. nitri 288
<i>Fontium varietates & miracula.</i>	9, 260, 261, 262
<i>Formacœi parietes.</i>	456
<i>Fucus mariniſ.</i>	70
<i>Fulviana herba.</i>	66
<i>Gaodes</i>	

I N D E X.

G.

Gæodes lapis. 500
 Gagates lapis. ibid.
 Galactites gemma. 554
 Galedragon herb. 105
 Galena quid. 352, 408
 Galeopsis herba. 103
 Garon è scembro. 281.
 usus in medicina. 282
 Gemma Polycratis. § 16.
 Pyrrhi. ibid. Pompeii
 triumpho inuenta. § 18
 Gemmarum origo. § 16.
 sculptores nobiles. § 17,
 § 18
 Gentiana herba. 21. usus.
 79
 Geranion herba. 71
 Geum herba. 52
 Glaucion herb. 104
 Glaux herba. ibid.
 Glycyfide herb. ibid.
 Gliris pollis detracta. 219
 Glossopetra. 555
 Glutinum præstans. 178
 Gnaphalion herb. 105
 Gryllus. 220
 Gromphena avis. 257.

H.

Hamatites lapis. § 61
 556
 Halcyonium. 312

Halus herb. gallis. 55
 Hammites lapis. 555
 Hammonis cornu. ibid.
 Harena varia. 478. lit-
 torum. 276
 Helcysma scoria argenti.
 354
 Hellebori genera. 15. usus.
 17, 18.
 Hemionion herba. 15
 Heraclion. 11
 Herinacei. 213. caro.
 237
 Hermupoa herba. 13
 Herophylus medicus. 48.
 187
 Herpes animal. 250
 Hyacinthus gemma. 546
 Hydrargyrum. 359
 Hydromeli. 275
 Hydropis remedia. 177
 Hiberis herba. 25
 Hicesius medicus. 92
 Hyena qua medicina ed-
 ferat. 141. & seqq.
 Hieracites gemma. 555
 Hierobotane verbenaca.
 29
 Hyosiris herb. 106
 Hypericon herb. 66
 Hypocoon herb. 106
 Hippice herba. 24
 Hippocampus. 307
 Hippoglossa herb. 106
 Hipponax poeta. 468
 Hippo-

INDEX.

<i>Hippophaë</i> herb.	106	<i>Iris gemma.</i>	548
<i>Hypocistis</i> herb.	58	<i>Ischamon</i> herba.	24
<i>Hypocratis</i> laus.	48	<i>Ischiadicorum</i> remedia.	
<i>Hippopotamus.</i>	148	67	
<i>Hippuris</i> herba.	78	<i>Isopyros</i> herba.	106.
<i>Hirudinæ</i> sanguisuga.			
<i>us.</i>	320	L.	

Hyssopi vires. 35. alii.
52, 55, 59

<i>Holcus herba.</i>	105	L	486. <i>Creta, Lemni,</i>
<i>Holoſteon herb.</i>	106		487. <i>Italia.</i> 488
<i>Horminos agrios.</i>	68		<i>Labrum venerem herb.</i>
<i>Hulcerum remedia.</i>	79,		44
179.			<i>Lacerta ſepa. 211. viri-</i>

I.

I <i>Aspidis genera.</i>	543.	<i>136. alia lactis differ-</i>	
544		<i>rentia.</i>	149
<i>Iasponyx.</i>	ibid.	<i>Lacus varii mirabiles.</i>	
<i>Iatrapice.</i>	187	263	
<i>Ichtyocolla piscis & glu-</i>		<i>Lada herba. Ladanum.</i>	
<i>ten. 308. usus.</i>	311	57	
<i>Icterus avis.</i>	244, 245	<i>Lagopus herba.</i>	58
<i>Idea herba.</i>	106	<i>Lamina.</i>	272
<i>Idei dactyli.</i>	556	<i>Lana usus in medic.</i>	193.
<i>Ignis usus & miracula.</i>		<i>succida.</i>	194
514, 515		<i>Lapides varii. 498. offei.</i>	
<i>Incantationes vana. 121.</i>		<i>499. in gallinaceis.</i>	
122, 123		1238	
<i>Indici species & adulte-</i>		<i>Lappago herb.</i>	70
<i>ria.</i>	425	<i>Lateres varii.</i>	456
<i>Inguinaria herba.</i>	67	<i>Lathyrus herb.</i>	107
<i>Intestinorum vitii me-</i>		<i>Leimonium herba.</i>	30
<i>dentia.</i>	171	<i>Lemnia terra.</i>	422
		<i>Leone</i>	

INDEX.

Leones pisces. 327
Leontopetalos herb. 107
Leontopodion herb. 58
Lepus marinus. 293
*Leuci & mesoleucon her-
ba.* 108
Leucographos herb. ibid.
Lycophthalmos gem. 560
Libadion. 20
Liberti potentes. 464
Libramenium. 272
*Lychnites marmor pa-
rium.* 468
Lichen herba. 51
Lichenes novus morb. 45.
remedia. 165. 228
Lychnites gemma. 540
Lycopsis herb. 107
Lydius lapis. 359
Lienis medela. 64. 168
Lygdinus lapis. 480
Limeum gall. herb. 108
Lynces. 149
Lyncurium. 528
Lingulaca herb. 35
Linozostu herba. 13
Lysimachia herba. 21
Lysippus statuarius. 384
Lithospermum herb. 107
*Lytra vermiculus in lin-
gua canis.* 210
Lix & lixivium. 515
Lonchitis herba. 36
*Lumborum dolorib. qua
medeantur.* 167

M.

Magica artis consi-
deratio. 221. spe-
cies varia. 225
*Magnetis natura & ge-
nera.* 496
Mandragora. circeium.
38
Marcia aqua Roma.
268
Marcion Smyrneus. 128
Marina aqua usus. 275.
274
*Marmoris species : pa-
rium.* 468. *atrum.*
477. *viride Lacede-
monum.* 479. *men-
phites. ibid. porphyri-
tes. basaltos. ibid.*
*Marsi domitores serpen-
tum.* 6
Medicina consideratio.
186
Medion herba. 109
Meges auctor. 309
*Melanpodion Hellebori
spec.* 15
Melanpraston herb. 98
Melinum. 423
Melitai canes. 432
Melittites lapis. 500
Menstrua feminar. 138.
moventia. 180
Men-

I N D E X.

Mentagramorb. 46
Mercurialis herba. 13
Myaces. 314
Myagros herb. 109
Millefolia. 14
Millepeda vermis. 219
Milvage piscis. 294
Minium. 356
Myacum historia. 314
Myiodes Deus. 212
Myosotis herb. 109
Mysca. 314
Misii. 399
Mithridates Rex. 4
Mithridation herba. 19
Mituli grandes. 293. *natura.* 314
Moly herba. 11
Molybdena herba. 40
Molybdena fossil. 411
Molochites gemm. 543
Molon herba. 53
Morion gemma. 557
Moser. 224
Mularum ungula. 258
Muranarum natura. 294
Muria. 281
Murices. 311
Murrhina vasa. 519.
 520
Muscerda. 212
Mustelarum duo genera. 201.

N.

N *Atrix herba.* 109
Naxium quid sit. 478
Nigina herb. 109
Nilion gemma. 543
Nymphaea herba. 22. *heraclea vires.* 68
Nitraria insignes. 285
Nitri genera & confectura. 284. *usus.* 285.
spuma. *ibid.*
Nitrosus lacus. 284
Novacula piscis. 294.

O.

O *Beliscus Thebaicus.* 48. *alii in Aegypto.* 482. *qui Roma.* 483
Obsidianus lapis. 514
Ochra. 423
Ochus & Oxus fluvii. 277
Oculus herba. 41
Oculorum vitiiis qua medeantur. 37
Oculorum remedia. 160
Odinolyon piscis. 292
Odontitis herb. 109. 110
Oesypi qualitates & usus. 194. 195. 243. 247
Olympia Thebana. 180.
 182

Olus

I N D E X.

<i>Olus marinum.</i>	313	<i>Ovorum qualitates & usus.</i>	196, 197, 217
<i>Ombria.</i>	557	<i>Oxis herb.</i>	110.
<i>Onyx marmor.</i>	480.		
<i>ma.</i>	537		
<i>Onopadon herb.</i>	110		
<i>Onosma herb.</i>	ibid.		
<i>Opalus gemma.</i>	534		
<i>Ophilius.</i>	118		
<i>Ophiogenes in Cypro.</i>	126		
<i>Ophion animal.</i>	156, 257		
<i>Ophites lapis.</i>	479, 505		
<i>Opisthotoni remedia.</i>	166		
<i>Opocarpithū venen.</i>	158		
<i>Orchis herba.</i>	68		
<i>Ovis hulcerum remedia.</i>	45		
<i>Oromenus India mons.</i>	277		
<i>Orpheus de herbis scripti.</i>	6		
<i>Ortragoriscus piscis.</i>	295		
<i>Ostryis herb.</i>	110		
<i>Ostifragi unum intestinum.</i>	237		
<i>Osthanes magus.</i>	223.		
<i>Osthanes secundus.</i>	224		
<i>Ostracita lapides.</i>	500, 558		
<i>Ostrearum consideratio.</i>	305. usus in victu & medicina.		306
<i>Otis avis.</i>	254		
<i>Othonne herba.</i>	110		
<i>Ovidii Halienticōn lib.</i>	294, 327		
		<i>P.</i>	
		<i>Pæderos gemma.</i>	535.
		<i>alia.</i>	546
		<i>Paonia seminis vires.</i>	82.
		<i>paonia glycyfide.</i>	104
		<i>Palacra & palactrana.</i>	347
		<i>Panace herba.</i>	11
		<i>Pancration herb.</i>	112
		<i>Panorum remedia.</i>	173
		<i>Paratonium.</i>	351
		<i>Pastiles.</i>	475
		<i>Pastinaca piscis.</i>	297
		<i>Pectines varii.</i>	316
		<i>Pelamides.</i>	326
		<i>Pelecinum herb.</i>	113
		<i>Penicilli spongiar. species.</i>	288
		<i>Peplos herb.</i>	112
		<i>Pericarpum bulbi genus.</i>	34
		<i>Periclymenos herb.</i>	112
		<i>Peristereos herba.</i>	34
		<i>Perna concha.</i>	328
		<i>Pernionū remedia.</i>	174, 241
		<i>Persolata herb.</i>	31
		<i>Personata herba.</i>	29
		<i>Pencedanum.</i>	32
		<i>Petronius Diodotus.</i>	30
		<i>Pha-</i>	

I N D E X.

<i>Phalangites herba.</i>	113	408. <i>plumbum al-</i>	
<i>Thalangiorm species.</i>		<i>bum.</i>	409. <i>medicina.</i>
205, 206, 207		<i>ibid.</i>	& 410
<i>Thalaris herba.</i>	113	<i>Podagra morbi medela.</i>	
<i>Pharicon.</i>	158	69. 173, 240	
<i>Phasgamon.</i>	36	<i>Polea fimus asini.</i>	168
<i>Phellandrium herb.</i>	114	<i>Polemonia herba.</i>	19. 63
<i>Phycos thalassion.</i>	70	<i>Polyanthemum herba.</i>	
<i>Thidias sculptor.</i>	469	110	
<i>Thyllon herb.</i>	114	<i>Polycnemon herba.</i>	81
<i>Phlomon verbasum.</i>	32	<i>Polygonon herb.</i>	110
<i>Phrygius lapis.</i>	501	<i>Polygala herb.</i>	113
<i>Phrynus rana.</i>	303	<i>Polygnotus pictor.</i>	428
<i>Phrynon herb.</i>	33	<i>Polypodion herba.</i>	59
<i>Phyriasis remed.</i>	36, 79	<i>Polyrhison herb.</i>	114
<i>Tycnocomon herb.</i>	59	<i>Polythricis vires.</i>	33
<i>Pictores antiqui cele-</i>		<i>Pompholyx.</i>	400
<i>bres.</i>	423. & seq.	<i>Porcus piscis.</i>	295
<i>Pictura honos.</i>	413. va-	<i>Porriginis remedia.</i>	35
<i>ria species.</i>	417. en-	<i>Potamogeton herb.</i>	58
<i>caustica.</i>	444	<i>Poterion herb.</i>	113
<i>Pignitis terra.</i>	462	<i>Pracordia exta.</i>	232
<i>Pyramides Egypti.</i>	484	<i>Pracordiorum doloris re-</i>	
<i>Tyrita varii.</i>	499	<i>med.</i>	232
<i>Pisces amari, salsi.</i>	295	<i>Prasius gemma.</i>	542
<i>Piscium mira ingenia.</i>		<i>Traxiteles statuarus.</i>	
294		386, 470	
<i>Pistolochia herba.</i>	27	<i>Prodicus medicus.</i>	187
<i>Pythagoras scripsit de her-</i>		<i>Proserpinaca herba.</i>	114
<i>barum effectu.</i>	6	<i>Protogenes pictor.</i>	439.
<i>Plantago herba.</i>	23, 34,	440	
63, 73		<i>Pseagma aris.</i>	402
<i>Plastics historia.</i>	451	<i>Pseudosphece vespa.</i>	245
<i>Plumbi natura & histo-</i>		<i>Psimmythium cerussa.</i>	
<i>ria.</i>	407. <i>nigri origo</i>	412	

Psyllion

Pssillion herb. 36

Pterygia vitia gemmarum. 534

Pulegium herba. 67

Pulmonum vitium medentia. 232

Pumicum natura. 503

Purpurissum. 425

Tutcolanus pulvis. 455.

Q.

Q Vinquefolium herba. 30, 52, 59.

R.

R Adicula qua lane lavantur. 16

Rana calamites. 320

Ranarum in medicina usus. 309, 310

Ranunculus batrachion. 44

Regii morbi medela. 175, 176, 244

Remora piscis. 292

Reseda herba. 115

Rhomara radix. 114

Roma opera mirabilia. 490, cloaca. 491, privatorum domus. 492.

Theatra Curionis. 494

Rubeta rana. 303

Rubrica species. 422.

S.

S Acodios gemma. 545

Salamandra. 204

Saliaria unde dicta. 280

Sali genera, confectura & medicina. 276.

Hammoniac. 277. fossil. ibid. marinus. 278.

natura & medicina. 282

Saliva humana usus. 137

Salpe obsetrix. 323

Sallustius Dionysius. 310

Salsugo seu Salsilago. 280

Salvia bechion. 53

Samia terra. 462

Samius lapis. 503

Sandaracha. 423

Sandaistros gemma. 539

Sandyx. 424

Sangenos gemma. 535

Sanguinem sistentia. 179, 249

Sanguis quomodo sistitur. 78

Sanguisuga. 320

Sapphyrus gemma. 544

Sarcion vitium gemma. 533

Sarda gemma. 537, 538, 541

Sardo-

I N D E X.

<i>Sardonix gemma.</i>	536	<i>Synopsis color.</i>	421
<i>Satyrus vires.</i>	68, 69	<i>Syropicon samia genus.</i>	
<i>Scabiei remedia.</i>	180		462
<i>Scalptores marmorum</i>		<i>Smaragdi natura.</i>	530
<i>illustres.</i>	467	<i>Smyrnion herb.</i>	115
<i>Scammonium.</i>	60	<i>Solanum gracum Stry-</i>	
<i>Scarabaos colunt Aegy-</i>		<i>chnos.</i>	115
<i>prii.</i>	246	<i>Solpuga aut Salpuga.</i>	
<i>Scarus pisci.</i>	294		209
<i>Sceletrbe morbus.</i>	9	<i>Sory optimum.</i>	398
<i>Schistos lapis.</i>	502	<i>Sornatius.</i>	307
<i>Scyllis marmorum scul-</i>		<i>Sortilegia varia.</i>	127.
<i>ptor.</i>	467		134
<i>Scinci in medicina usus.</i>		<i>Specularis lapis.</i>	505
148		<i>Speculorū varietas.</i>	360
<i>Scyricū Silis genus.</i>	367	<i>Spendosmaragdus.</i>	533
<i>Scythia herba.</i>	24	<i>Spendosphece vespa.</i>	245
<i>Scolecia genus aruginis.</i>		<i>Spodon.</i>	401
397		<i>Spongiarum natura &</i>	
<i>Scopa regia.</i>	14	<i>usus.</i>	288, 289
<i>Scordotus seu scordotion</i>		<i>Spuma argenti.</i>	354. sa-
<i>herba.</i>	19, 56	<i>lis.</i>	280. vitri. 285
<i>Scordion usus.</i>	66	<i>Squama aris.</i>	395
<i>Scoria argenti.</i>	354. aris.	<i>Squatina piscis.</i>	317
395. plumbi.	411	<i>Stannum quid.</i>	408
<i>Scorpionum qualitates.</i>		<i>Statuarii celebres.</i>	378
208		<i>Statua antiquorū.</i>	374.
<i>Sedum magnum.</i>	41		382, 383
<i>Senecio herba.</i>	43	<i>Stellio colotes.</i>	208. usus
<i>Serpentium senectus.</i>	219	<i>in medicina.</i>	243
<i>Sidentis herba.</i>	14	<i>Sternutamentis salutar.</i>	
<i>Sideritis herba vis.</i>	78	124. eorum remedia.	
<i>Syenites lapis.</i>	481		133
<i>Silus consideratio.</i>	367	<i>Q. Stertinius medicus.</i>	
<i>Symphutumpetrum.</i>	94		188

INDEX.

<i>Stribium.</i> 353	<i>Testudines terrestres &</i>
<i>Stimmi quid.</i> ibid.	<i>marina.</i> 299. <i>genus</i>
<i>Stomacace morbus.</i> 8	<i>palustre.</i> 300
<i>Stomachi affectibus qua</i>	<i>Tenurion herba.</i> 15, 63
<i>medeantur.</i> 167	<i>Thalassomeli.</i> 275
<i>Strumarum remedia,</i>	<i>Thaliectrum herb.</i> 117
<i>51, 230</i>	<i>Thebaicus lapis.</i> 481
<i>Struthiocamelin. seuum.</i>	<i>Thelyphonon herb.</i> 33
210	<i>Themison medicus.</i> 23.
<i>Succini natura & alia.</i>	187
523, 524, 525, 526	<i>Therionarca herba.</i> 31
<i>Sulphuris natura.</i> 457	<i>Thessalus medicus.</i> 188
<i>Superstitiones varia an-</i>	<i>Thlaspi herba.</i> 117
<i>tiqua.</i> 124, 125, 127.	<i>Tisficrates statuarius.</i> 386
128	<i>Tithymalus herba.</i> 61,
	62, 63
T.	<i>Topazium gemma.</i> 541
	<i>Torpedo.</i> 292
T <i>Apbosyria Aegypti.</i>	<i>Tragonis sive Tragion</i>
97	<i>herba.</i> 117
<i>Talentum varium.</i> 342	<i>Tragopogon herba.</i> 118
<i>Talpas maxime miran-</i>	<i>Trichomanes herba.</i> 116
<i>tur magi.</i> 226	<i>Tripolium herba.</i> 55
<i>Tauri scarabei.</i> 231	<i>Tryxalis animal.</i> 233
<i>Telephon herb.</i> 116	<i>Trossulus eques.</i> 338
<i>Telyphonon herba.</i> 33	
<i>Templum Dianæ Ephe-</i>	V.
<i>sia.</i> 489. <i>Cyzici delu-</i>	V <i>Aricum remed.</i> 174
<i>brum.</i> ibid.	<i>C. Valgius.</i> 4
<i>Tenesmos.</i> 171. <i>reme-</i>	<i>Vestius Valens med.</i> 188
<i>dia.</i> 57	<i>Veneri contraria.</i> 68
<i>Tentyri populi.</i> 126	<i>Veneri propitia.</i> ibid.
<i>Terra varietates.</i> 455	<i>Verbasco vires.</i> 32. <i>usus</i>
<i>Testium vitiis meden-</i>	52
<i>tia.</i> 172	

Verbe-

INDEX.

<i>Verbenaca herba.</i> 29, 52, 66, 73	<i>Vulva affectibus meden-</i> <i>tia.</i> 82, 83, 181
<i>Verrucarum remedia.</i> 175	<i>Vulva colluta.</i> 182
<i>Vettonica herba.</i> 24, 33, 54, 56, 59, 72	X.
<i>Vibones.</i> 9	X <i>Anthus historiarum</i> <i>author.</i> 7
<i>Vipera usus.</i> 203, 215	<i>Xenocrates scripsit de pi-</i> <i>aura.</i> 431
<i>Vitri origo & natura.</i> 512. <i>vasa.</i> 522	<i>Xiphias piscis.</i> 295
<i>Ulex frutex.</i> 347	<i>Xiphion.</i> 36
<i>Umbrica Creta.</i> 463	<i>Xystion gemma.</i> 546
<i>Uranoscopus piscis.</i> 307	Z.
<i>Urina usus in medicina.</i> 135.	Z <i>Eros gemma.</i> 548
<i>Auguria.</i> <i>ibid.</i>	<i>Zeuxis & Parasii cer-</i> <i>tamen.</i> 430
<i>Uva morbi remedia.</i> 229	

FINIS.



Handwritten text, likely bleed-through from the reverse side of the page. The text is arranged in several lines and is mostly illegible due to fading and the age of the paper.

